

Q. CURTII RUFII  
DE  
GESTIS  
ALEXANDRI MAGNI

REGIS MACEDONUM

LIBRI QUI SUPERSUNT OCTO.

RECOGNOVIT

HENRICUS EDUARDUS FOSS.

EF



LIPSIAE

SUMPTIBUS ET TYPIS B. G. TEUBNERI

MDCCCLXXIII.

## PRAEFATIO.

De critica in emendando Curtio exercenda quae mea sit sententia, satis a me in epistola ad Iulium Mützellium data, Altenburgi a. 1845 edita, declaratum arbitror. Quam vero aliis praescripsi viam, eandem apparet etiam mihi in edendo opere Curtiano fuisse ingrediendam. Ex quo autem epistolam illam scripsi, nova Zumptii editio prodit, et Florentinae bibliothecae copiae per viginti annos pressae tandem cum viris doctis communicatae sunt. Quarum accuratiore cognitione tantum abest ut de ea, in qua olim fui, deiectus sim sententia, ut firmiter etiam in eadem perstem.

Itaque codices Leidensem, Vossianum I, Bernensem A, Florentinos A et B, qui optimi solent vocari, quantum quidem tum per ipsorum rationem, tum per dicendi genus Curtii licebat, secutus sum. Etenim Curtii oratio, quamquam limata, venusta, subtilis atque adeo more illius aetatis distincta interdum est poëticis verbis, propius tamen accedit ad communem puri sermonis consuetudinem, aequè remota illa a laeta ubertate Ciceronis, atque ab austera Taciti brevitate. Multae igitur codicum vel omnium vel optimorum lectiones, quae apud Tacitum ferri possent, apud Curtium reiiciendae sunt atque emendandae. Codices autem Curtiani omnes, ne uno quidem excepto, corruptissimi sunt. In iis, qui optimi et sunt et habentur, quos supra nominavi, melior profecto est quam in ceteris plerumque collocatio verborum. Multa illi praeterea continent integra et incorrupta, quae in deterioribus vel omnibus vel plerisque foedata sunt mendis. Contra in verborum terminationibus tam vitiosi et corrupti omnes sunt, ut non liceat nimiae audaciae eum arguere, qui in hoc genere tantum sibi sumat, ut levi extremae syllabae litteraeve mutatione inducat, quod vel Curtii orationi accommodatius vel alia de causa melius sit lectione codicum. Omnes deinde uno eoque foedissimo occupantur vitio: plurimas habent lacunas. Tam frequentes tamque magnae illae in optimis codicibus sunt, ut, qui solos illos sequi vellet Curtiani libri editor, reiectis aliorum lectionibus, risu dignissimus esset. Itaque quam semel deteriorum librorum lectiones innumerabilibus locis recipi debeant, et, nisi monstrum libri procreare velimus, carere iis plane non possimus, ne nunc quidem potui mihi persuadere, quae in unis codicibus minus bonis inveniuntur, ea omnia, nisi ad ex-



plendam scriptoris orationem prorsus necessaria sint, tanquam librariorum additamenta esse spernenda. Huius igitur generis lectiones non dubitavi recipere, vulgares potius editiones quam Zumptium, quocum in aliis plerumque consensi, secutus, si vel aequae bonae meliorve adiectio quam omissio videretur esse, vel non nimis exigua esset auctoritas, vel denique nulla de ascriptione per librarium facta oriretur suspicio: quae sane suspicio interdum satis firma et iusta est, ubi librarios apparet, quae legere non possent, coniectando assequi voluisse.

Multa tamen in Curtiano opere inveniuntur, quae, quum ope codicum, quos adhuc novimus, corrigi nequeant, coniectura sunt emendanda. Quoniam vero priores editores codicum lectiones, quae vitiosae viderentur, mutare non dubitaverunt, idem etiam mihi ius datum esse putavi: in quo hanc fere semper servavi legem, ut, nisi aperta essent vitia, coniecturis abstinere. Meae coniecturae partim novae sunt, partim iam in epistola ad Mützellium propositae. Neque tamen omnia, quae olim excogitavi, nunc recepi, sed nonnulla, quae, vel re denuo pensitata vel cognitis Florentinorum codicum lectionibus, falsa esse intelligerem, repudiavi. Praeter Acidalii deinde, Zumptii, Mützellii emendationes Ieepii potissimum, viri ingeniosissimi, multas recepi correctiones, propositas illas in Mützellii libro menstruo gymnasiolorum usibus destinato a. 1848. Vol. I. p. 419—427. et a. 1850. Vol. I. p. 57—65: commentationem eius de Q. Curtii Rufi historiarum fragmentis, Guelferb. a. 1827 editam, comparare mihi quamvis cupienti non contigit. Quas non recepi Ieepii coniecturas, eas certe omnes accurate examinavi neque ullam, nisi gravibus de causis, reieci: quamquam nunc quidem causas illas propter spatii mihi concessi angustias exponere non licet. Multo plures sine dubio recipere potuissem, nisi Ieepius Zumptii auctoritatem secutus multa, quae in optimis codicibus lacunosa sunt, spretis aliorum librorum additamentis, conatus esset mutandis singulis verbis emendare: in quo mihi vir egregius felicissimo suo ingenio non recte usus esse operamque perdidisse videtur.

Iam quum discipulis haec destinata editio sit, neque licuerit mihi adiectis annotationibus scriptoris verba illustrare receptasque defendere lectiones, hac certe praefatione breviter de iis Curtii dictis agam, quae vel mea vel aliorum opera videor mihi correxisse. Sed quoniam brevitate opus est, plerumque nec aliorum opiniones refutabo nec apponam exempla, quibus meam sententiam illustrem: uberius de iisdem rebus programmatae scholasticae, quod anno proximo sum editurus, disseram. Agam nunc autem de iis tantum coniecturis, quae a me primo vel factae sunt vel receptae: quae ab aliis, praesertim a Mützellio, iam receptae sunt, eas non commemorabo. Qui vero de mea opera iudicare velint, eos primum rogaverim, ut, antequam iudicent, penitus cognoverint Curtianorum codicum rationem, deinde, ne una Zumptii editione utantur et confidant, in qua de codicum lectionibus non semper accurate recteque traditur.

Ut primo statim obtutu lectoribus pateat, quae in codicibus sint, quae non sint, quaecumque vel a me vel ab aliis ad explendas lacunas interposita sunt, omnia uncis [ ] inclusi: quae additamenta ubi incertum erat num ipsa Curtii verba repraesentarent, an sententiam tantum necessariam redderent, minoribus litterarum formis exscribenda curavi: denique additamenta e Iustino in Curtii librum translata his signis [ ] a ceteris seiunxi. Ceterum et summam a me interpunctionis rationem habitam et diligentissime omnia exscripta typis esse facile intelligentes harum rerum indices agnoscent.

III, 2 (4), 6. *Hyrcaei egregii, ut inter illas gentes, [equites,] secum milia expleverant, additis equitibus mille Tapuris.* Vulgo *militatura* pro *mille Tapuris*. Recte quidem Zumptius codicum scripturam *additis equitibus* pro vulgato *equis* recepit: sententia vero iam, nisi simul *militatura* mutetur, ineptissima est. Quid enim? ubi tandem gentium extat exercitus, cuius milites, non additis equitibus, militent? Nonne etiam in Darei exercitu Persis, Medis, Barcanis, Armeniis peditibus, quos modo nominavit Curtius, equites additi erant? Siquidem igitur Hyrcani pedites erant, potius, quot additi essent equites, quam fuisse additos tradere scriptor debebat. Si vero, ut Z. statuit, illud certaminis genus significare voluisset Curtius, quo pedites inter equites versabantur, debebat dicere *inmixtis equitibus dimicatura* atque etiam numerum equitum ascribere. Deinde quid sibi vult futurum illud *militatura*, quum iam in exercitu essent Hyrcani et militarent? Scripsi igitur *mille Tapuris*. Qua recepta coniectura post *gentes* simul necesse erat adicere *equites*. Et displicet sane illud *egregii* ad *Hyrcaei* appositum, nisi additamento aliquo significetur, qua re Hyrcani excelluerint. Iam vero iusta verborum collocatio est: similes enim dicendi formulae, atque illa *ut inter illas gentes*, inter adiectivum et substantivum poni solent. IX, 1 (3), 14. *Ad magnam deinde, ut in ea regione, urbem pervenit.* Erant autem et Tapuri et Hyrcani omnes equites et in acie coniuncti. Arrian. III, 8, 4. *Παρθυαλούς καὶ Τρυακίους καὶ Τάπυρους, τοὺς πάντας ἰππέας, Φραγαπέουης ἦγον.* Ibid. III, 11, 4. *ἐπὶ δὲ Τάπυροι καὶ Τρυακίνοι.* Curt. III, 9 (23), 5. *Hyrcaei Medique equites.* Ieepius (p. 57.) coniecit *additis equitibus mille. Tapuri et Derbices* —. In eandem ego quoque incideram coniecturam, sed quum sequantur verba *ex eadem gente*, quae ad *Tapuros et Derbices* referri nequeunt, eam reieci.

III, 2 (5), 17. *mansuetam naturam.* Codd. plerique *suam n.* Flor. C. Bern. A. Leid. *etiam n.* Haec diversitas inde orta est, quod librarii vocem prave et per compendium fortasse scriptam diversa ratione interpretati sunt. Equidem hanc vocem arbitror *mansuetam* fuisse. Prior eius pars, ut saepissime in his codicibus, intercidit: ex ea, quae relicta est, parte *suetam* alii *suam*, alii *etiam* fecerunt. Sic III, 4 (9), 1. prior pars vocis *Ciliciam* excidit: ex reliqua parte *iciam* in Voss. 1. Bern. B. Flor. C. H. factum est *etiam*.

III, 3 (6), 5. *Quidam non ita [laeta] augurabantur.* Vid. epist. ad M. p. 13.

III, 4 (9), 1. [in] *regionem, quae Castra Cyri appellatur, pervenit.* Quamvis Z. putet, neminem ausurum, in contra omnium librorum auctoritatem interponere, ego tamen ausus sum. Saepissime in codd. Curtianis in praepositio omissa est. Nunquam autem Curtius verbum *pervenire*, quo sexcenties utitur, omissa praepositione, cum accusativo nominis, nisi illud proprium est, construit. IV, 7 (29), 2. *in regionem Aegypti, quam nunc Castra Alexandri vocant, pervenit.*

III, 11 (26), 4. *Ianque inmissi in medium Persarum — tuebantur.* Vulgo *ipsi* pro *inmissi*. Mützellius iam in hoc pronomine offendit. Curtius, quum, quid alios iusserit Alexander, modo narra- verit, de illo quidem poterat pronomine *ipse* uti, de Macedonibus supra commemoratis non poterat. Deinde constructio nulla est, quum verba *in medium* neque cum verbo *tuebantur* neque cum participio *circumfusi* coniungi queant: quis vero cum Zumptio orationem addito participio *illati* suppleri posse putaverit? Si, quod ego conieci, *inmissi* scribitur, omnis sublata est difficultas. Sententia enim haec est: qui in medium Persarum ab Alexandro inmissi erant, (erant autem iidem, quos supra Curtius dixit in medium belli discrimen strenue ab eo translato esse,) quamquam undique erant circumfusi, egregie tamen se tuebantur.

III, 11 (27), 15. *Equi pariter equitesque Persarum serie laminarum [obtecti et] ob id graves genus certaminis — aegre moliebantur.* Paulo audacius nunc in emendando h. l. versatus sum et a ratione in epist. p. 14. proposita paulum discessi. Etenim displicet mihi vulgatum *serie laminarum graves*, quum infra demum (IV, 9 (35), 3.) Curtius tegumentum illud equis equitibusque Persarum fuisse tradat. Quis tandem verba illa statim intelligat de tegumento dicta esse? Itaque quae in codd. ante *graves* posita verba sunt *ob id genus*, ea integra retinui, nisi quod *graves et genus*, quae sane similia sunt, locum inter se mutasse statui. Tum lacuna manifesta est, quam verbis *obtecti et* explevi. Haec autem *obtecti et ob id graves* prorsus ad eorum similitudinem dicta sunt exemplorum, quae epist. p. 15. apposui. *Obtecti et* videntur propterea excidisse, quia sequuntur verba *ob id. Agmen in certaminis* mutandum esse docui l. l. p. 15. Ceterum si quis statuat, *genus* ob pravam vocis *graves* interpretationem a librariis male additum esse, et sic scribat: *obtecti et ob id graves certamen — moliebantur*, equidem non repugnem.

III, 11 (27), 15. *Thessali inulti eos occupaverant.* In codd. paene omnibus *inulti* extat. Vulgaris lectio *multos*, quae in Flor. G. reperitur, ex *inulti eos* videtur orta esse: sic igitur scripsi.

III, 11 (28), 23. *qui tamen Dareo tabernaculum exornaverant* Reiecta coniectura in epist. p. 29. proposita, *tamen* pro eo, quod in codd. est, *cum* vel *tum*, scripsi. Saepe *tamen, tum, cum, eum* inter se commutantur. Levis iam in verbis inest reprehensio eorum, qui tam

celeriter oblii veteris domini ad novum transierint: quam reprehensionem aptissimam duco.

III, 12 (32), 24. *et, ut video, dignus es [imperio], qui — superaveris.* Vitiosa vulgaris lectio est: quippe verbis *qui — superaveris* affertur causa, cur dignus aliqua re sit Alexander, res ipsa autem, qua dignus sit, non commemoratur. Neque enim cum Z. intelligi posse *pro cuius salute deos precemur*, manifestum est. Quum vero, verba *et video* cur vitiosa habeantur et mutantur, causa nulla sit, ego potius lacunosam esse orationem statui.

III, 13 (33), 1. \* \* *atque quam praecessisse et Darei satrapam comperisset.* Quum in Flor. A. Leid. Voss. l. Bern. A. *praecessisset* et scriptum sit, et pronomen *is*, quod vulgo additur, in libris mss. non extet, omisso autem eo non Alexandrum, sed Parmenionem sententiae esse subiectum nequeat intelligi, tutius equidem duxi, ita scribere, ut iam Mützellius vidit scribendum esse, et, quum sic manca ab initio oratio sit, apponere signa lacunae. Ceterum Mützellius *praecessisse* in *processisse* mutavit: recte fortasse.

III, 13 (33), 3. — *mitteret cum exigua manu, [cui traderet], quae- cunque rex penes ipsum reliquisset.* Tractavi hunc locum epist. p. 15., sed falsam ibi ingressus sum viam. Multo rectius et prorsus egregie locum expedit Zumptius, quem secutus sum.

III, 13 (35), 17. *Ceterum dii tantae fortunae proditorem, seri ultores, celeriter debita poena persecuti sunt.* Ieepio (p. 422.) obsecutus *seri ultores* scripsi pro eo, quod epist. p. 30. conieci, *seri saepe ultores*, quum illud explicari possit *qui seri solent esse ultores*. Sed quod Ieepius etiam *dii*, quod et vulgares editiones habent et ego retinui, omitti posse dicit, non habet me assentientem. Quis enim, illud nisi addatur, intelligat, seros ultores esse deos? Neque verum est, quod Z. affirmat, in omnibus codd. mss. omitti *dii*, quum neque Snakenburgius a Leid. et Voss. 2. illud abesse tradat neque de aliis libris satis multis res certa sit.

IV, 1 (1), 3. — *quattuor milia, [omnis exercitus] iam regius.* *Tum* —. Epist. p. 17. lacunam sic explevi: *iam regius [exercitus]*. *Tum* —. Quum vero Z. in Flor. DFI tradat ante *iam* relictum spatium esse aliquot vocabulorum, duo ibi verba interposui. Similia additamenta interdum ap. Curt. reperiuntur. VII, 3 (11), 4. *Haud dubie robur omnium virium regis.* cf. III, 9 (23), 2. Ieepius (p. 57.) aliam ingressus viam coniecit *nec tamen segnius tum vel non segnius tamen*. Ego vero hanc mihi praescripsi et, quantum potui, servavi legem, ut, ubi lacunam deprehendisse mihi viderer, si quid ad explendam eam interponerem, verba in codicibus reperta aut paululum tantum aut plane non immutarem. Etenim si quis, neglecta hac lege, eodum verba audacter mutare et alia praeterea interponere vellet, profecto nimis latus tum temeritati pateret campus, et inferri in scriptorem facili negotio possent, quae nunquam ei venerunt in mentem.

IV, 1 (5), 30. *ad hoc oppidum.* Vulgo *ad hoc ipsum, Z. hoc*



*ipsum*. Nemo profecto rationem Zumptii probabit, putantis, hoc ipsum extra ordinem interpositum esse. Epist. p. 38. dixi scribendum esse ad oppidum: arbitrator tamen, ad hoc oppidum propius etiam ad codicum lectionem accedere.

IV, 1 (5), 31. — *eduxit: ac, velut in medio positis fundis hostium, cuncta agebantur*. Egi de h. l. epist. p. 30. Et reliqua quidem ita constitui, ut l. l. constituenda esse dixi: *praedis* tamen (pro *fundis*) minus aptum vidi esse. Quum enim vulgo omnibus post *positis* additum sit, pro eo in optimis codd. *dis* vel *diis*, in Leid. *odis*, in plerisque *cunctis*, in Voss. 2. *terris* invenitur. Nunc igitur *fundis* scripsi, quo Curtium usum esse puto, ne iterum *agris* poneret. Quamquam enim haudquaquam ille, ut ne optimi quidem scriptores Latini, eorundem vocabulorum repetitionem reformidat, interdum tamen ad evitandam eam synonymis utitur. *Locus vero sine aedificio in urbe area, rure autem ager appellatur: idemque ager cum aedificio fundus dicitur*. Digg. lib. L. tit. 16, 211. Iam intelligitur, scriptura *dis* vel *diis* quomodo orta sit: quippe prior pars vocabuli, ut saepissime, excidit. Intelligitur deinde etiam, unde profecta lectio *cunctis* sit: et et *d* enim saepissime, *f* et *c* interdum inter se commutantur. Intelligitur denique, quomodo Vossiani 2. nata scriptura sit *terris*: quippe in codd. Curtianis pro male intellectis verbis haud raro synonyma a librariis posita sunt. V. epist. p. 10. 11.

IV, 3 (13), 12. *triremes tris omnino*. V. epist. p. 31.

IV, 6 (25), 2. *Bactrianorum ducem, prope quam maximo iubet*. Vulgo de Gronovii coniectura *B. praetorem, quam m.* In nonnullis codd. est *ducem, perquam*: in plerisque *ducem*, in nonnullis *Bactrianorum* omittitur. Certum est, *perquam*, quae vulgaris olim lectio fuit, falsum esse. Et ingeniosa quidem Gronovii coniectura illa a Zumptio aliisque recepta, neque tamen veram eam arbitrator: cur enim *ducem* reiiciatur, causam non video. Itaque *per* mutavi in *prope*. Prior huius vocis pars excidit: quod, quum *per* et *pro* simillima sint et in codd. saepissime permutentur, fieri facile potuit. Simili modo IX, 6 (23), 2. verba *corpori invalido* mutilata sunt: omissa est *cor* syllaba, et ex *pori invalido* deinde factum *perinvalido*. Ceterum *prope* h. l. aptissimum, quoniam celeritate sane tunc opus erat.

IV, 6 (27), 19. *largius*. Vulgo *latius*, codd. *longius*. Quum neque, quam late, neque, quam longe sanguis manaverit, referat, posui, quod iam Mützellio in mentem venit, *largius*.

IV, 6 (27), 19. *tepens*. Vulgo *recens*, Z. *stupens*. Nulla profecto explicatione defendi poterit *stupens vulnus*. Non elegantissima modo, sed etiam verissima Acidalii coniectura est, a me recepta, ad quam etiam vulgaris lectio ducit. Probatur illa Ieepio quoque, qui (p. 68.) allatis exemplis Zumptii sententiam refutavit, opinantis, non vulnus, sed sanguinem tepere.

IV, 7 (29), 4. [*ad*] *Cercasoron amne superato*. Codd. *Oron*. Zumptius *Heroon* de Schmiederi con. scripsit. *Heroon* amnem Schmie-

derus et Zumptius putant esse canalem ex Pelusiaco Nili brachio usque ad sinum Arabicum prope Heroopolim deductum, qui postea canalis regius Ptolemaei vel Traiani appellatus est. At in hac lectione ne integrum quidem servatum est *oron*, quod in codd. est: deinde vero quis unquam canalem illum vocavit *Heroon* amnem? Itaque scripsi [*ad*] *Cercasoron*. Nomina propria in codd. Curtianis omnium maxime corrupta et mutilata sunt: fieri igitur etiam in hoc nomine poterat, ut pars prior cum praepositione excideret. *Nilus* autem, ut ait Mela I, 9, 2, *iuxta Cercasorum oppidum triplex esse incipit* h. e. primum dividitur. Iam quum Alexander, ut Arrianus III, 1, 3. narrat, Pelusio Heliopolim atque inde Memphim proficisceretur, verisimile profecto, Mazacem Memphi, quae urbs in sinistra Nili ripa sita erat, Cercasorum contendisse ibique amne superato Alexandro vel Heliopoli adhuc versanti vel inde iam profecto occurrisse. Oppidum illud, a Strabone Cercasura nominatum, ab Herodoto *Κερνάσωρος*, a Mela Cercasoras appellatur. Satis autem constat, Curtium in urbium nominibus praeferre terminationes Graecas.

IV, 7 (32), 29. *Vera et salubri aestimatione fidem oraculi [pensanti] vana profecto responsa, sicut erant, videri potuissent*. Tractavi hunc locum epist. p. 31. Nunc tamen non *exigenti*, sed *pensanti* interposui, quia *exigere* hac examinandi significatione semel tantum, *pensare* saepe ap. Curt. reperitur.

IV, 11 (43), 2. *hoc tertium*. Correxì, quod vulgo scribitur, *tertio*: quippe exemplum adverbii in *o* exeuntis, ita cum pronomine coniuncti, nullum reperitur. Apud Curtium autem in hoc genere audendum aliquid: terminationes enim quum ceterae, tum praesertim illae *o* et *un* saepissime in his codd. permutatae sunt.

IV, 11 (44), 11. *qui nunc vincit*. Vulgo *multi*. V. epist. p. 38.

IV, 11 (44), 19. *ubi igitur me affamini? numne obliti estis? nempe ultra Euphraten sum*. Quae in multis codd. et vett. edit. post *affamini* interponuntur, *nempe obliti estis*, post Modium ab editoribus omissa sunt. Sed quis persuadeat sibi, talia a librariis addi? Mutavi igitur *nempe* in *numne* nihilque iam esse censeo, quod iure in illis verbis reprehendas. Cic. N. D. I, 31, 88. *Quid? deum ipsum numne vidisti?*

IV, 12 (45), 7. *Pedites his plurium gentium non immixtos, sed suae quasque nationis iunxerat copias*. Quum intellexerim, *immixtos* defendi posse, id quidem retinui, pro *quisque* autem sine dubitatione *quasque* scripsi. V. epist. p. 39. Neque enim Zumptii explicatio cuiquam facile probabitur, quum subiectum sententiae et sit et debeat esse *Dareus*.

IV, 13 (50), 28. *post eum Orestae Lyncestaeque sunt [positi]*. *Sunt*, quod vulgo omittitur, Z. e codd. recepit. Nunquam tamen Curtius in describenda acie tempore praesenti utitur, sed aut profecto aut imperfecto. *Positi*, quod adieci, ob sequens *post* facile omitti a librario potuit.

IV, 13 (50), 28. *Huius agmini proximus Amyntas erat: Philippus Balacri Stymphacos regebat, in societatem nuper ascitos*. Vulgo priora

sic scribuntur: *Huius agminis princeps Amyntas erat*, quae rectissime Z. inepta esse dicit. Neque enim princeps puto cum Mützellio ita intelligi posse, ut Amyntam statuamus principem in hoc cornu tenuisse locum: nam a dextro cornu orsus ad laevum Curtius transit: Amyntas igitur ultimum potius, siquidem non alius dux sequebatur, habebat locum. Iam quum Arrianus III, 11, 9. tradat, Amyntae agmen, quamquam propter ducis ipsius absentiam Simmias ei tum praerant, excepisse agmen Polypercontis, scripsi *huius agmini proximus Amyntas erat*. Sequentia vulgo sic scripta sunt: *Phalagus Balacros regebat, in societatem nuper adscitos*. Bern. A. Flor. AB. Leid. Voss. 1. habent *phaligrus baracrieos regebant*, Flor. DFGI. *balacris eos*, Flor. C. *balacre eos*, Flor. E. *balacri eos*. Diodorus XVII, 57. Philippum Balacri in acie excepisse Polypercontem scribit: itaque non possum, quin *Philippus Balacri* recte a Zumptio receptum esse putem. Tum vero *eos*, quod in codd. et edit. extat, pars nominis gentis eius est, quam Philippus regebat: ad eam etiam *ascitos* (Z. *ascitus*) refertur, quod in omnibus libris mss. est. Iam liceat quidem cum Mützellio scribere *Parauaeos*, cuius nominis pars prior propter similitudinem nominis Balacri facile intercidere potuerit: sed quum non constet, Parauaeos in phalange Macedonum fuisse, deinde quum s littera in nonnullis codd. genitivo *Balacri* adiuncta sit, *Stymphaeos* scripsi. Diodorus quidem Polypercontem scribit rexisse Stymphaeos: at Curtius hunc peregrino militi narrat praefuisse, et Polyperconti, ut Diodorus refert, in acie proximus Philippus erat. Quamobrem, sive Diodori sive Curtii dicamus esse errorem, licet sane statuere, Curtium Stymphaeos, quos Polyperconti non adiunxerit, attribuisse Philippo. In acie certe erant. Iam Diodori et Arriani narrationes apte inter se conciliatae sunt. Polyperconti enim proximum Amyntae agmen, huic Philippus Balacri erat. Diodorus Amyntae, Arrianus Philippi omisit mentionem.

IV, 14 (55), 22. *nisi quid in vobis spei, ego — sum*. Vulgo *vobis, ipse ego* scribitur: sic autem prior sententiae pars imperfecta est: requiritur enim genitivus, qui ad *quid* referatur. Apte addideris *opis* vel *spei*. *Opis*, quum *nobis* antecedit, poterat sane excidere: et frequentissima haec dicendi ratio apud Curtium: *aliquid opis est in aliquo*. Non hoc tamen interposui, sed *ipse*, quod otiosum prorsus et male adiectum est, in *spei* mutavi. Neque enim revera se ipsum captivum esse dicit Dareus, sed maiorem tantum sui partem h. e. matrem, filias, filium, in Alexandri esse potestate: quod si voluit dicere, ut voluit, non licebat addere *ipse*.

IV, 15 (57), 17. *trunci quoque et debiles quidam arma tamen non omittebant*. Bern. AB. Flor. CH. Voss. 1. Leid. Voss. 2. *quidem* habent, non eodem tamen omnes loco: Flor. CIG. ed. Mod. *tamen*, sed ne hoc quidem eodem in omnibus loco reperitur. Utrumque, vulgo omissum, ego recepi, ita tamen, ut *quidem* mutarem in *quidam*, quod Zumptio iam videtur placuisse. Neque verisimile est, omnes trunecos et debiles retinuisse arma.

IV, 16 (61), 11. *devios saltus*. Vulgo *diversos*, Z. *divisos*. Ego Ieepii (p. 59.) elegantissimam coniecturam praetuli.

V, 1 (4), 29. *vix sustinendo operi firmum*. Vulgo *sufficiendo*, quod ferri nullo modo potest. Quis enim, quaeso, cum Zumptio unquam dixerit, pontem in locum egesti limi strui vel fieri? Neque *sufficere* significat *substruere*, quae Mützellii est opinio. Mutatio, qua usus sum, admodum exigua est: qua adhibita tam apta sententia tamque aperta est, ut ne verbum quidem adicere opus sit.

V, 1 (6), 45. *trium stipendium mensium*. Omisi nunc, quod epist. p. 32. adiciendum esse dixi, *mercenarius*, quum verba illa putari possint apposita esse ad *ducenos*.

V, 2 (9), 19. *dono se, quae docerent, dare*. Z. *donoque se doceret dare*, vulgo *donoque doceret dare*. Zumptius explicatione horum verborum mihi non satisfacit: sententia enim ieiuna et inanis est. Deinde cur Curtius narravit, purpuram cum his, quae confecerant, traditam esse Sisygambi? Quae debeat esse sententia, Mützellius docuit, sed coniectura eius *donoque, quae docerent, dare* non tota usus sum. Et enim quum *se* in codd. sit, ratus equidem, *que* h. e. *quae* et *se* locum mutasse, scripsi, ut supra posui. *Docerent* est etiam in Bong. 1.

V, 4 (14), 16. [et] *persequentium regem*. Verba *persequentium regem*, quae editoribus male addita visa sunt, quum in codd. omnibus extent, difficile sane est eicere. Quod ego apposui, *et*, facile propter antecedens *exaudisset* excidere potuit. Persequentes regem autem non sunt barbari, sed Macedones regem comitantes. *Persequi* enim hac significatione apud Curt. satis frequens. IV, 1 (5), 27. V, 8 (24), 8. V, 9 (27), 12. IX, 6 (24), 12.

V, 4 (15), 20. *monitos, quia et eques pediti erat mixtus, ut quum pinguissimum esset solum — sensim procederent*. Vulgo *monitos, ut, quia eques p. e. m., qua p. e. s. — s. procederent*. Sed in optimis plurimisque codd. *et ante pedes* appositum, deinde *et quum* vel *et quam* pro *qua* scriptum est. Vulgaris lectio uno Flor. C. nititur. Sententia autem non satis apta: neque enim verisimile est, iussisse Alexandrum equites modo sensim, — ubi pingue esset solum, — modo celeriter procedere. Deinde Curtius, id si volebat exprimere, non *pinguissimum*, sed *pingue* ponere debebat. Rectius verbis *quam pinguissimum esset solum* causam afferri statuimus, cur sensim procedere Alexander equites iusserit. Ergo secutus sum optimos codices, omisi tamen primum *et* (post *monitos*), tertium autem (ante *quum*) mutavi in *ut*.

V, 6 (20), 4. *quae reperiebant*. Vulgo *reperiebantur*, Z. *codices secutus recipiebant*. At displicent argutiae, quas in oppositis sibi verbis recipiendi et capiendi sibi repperisse Z. videtur.

V, 7 (22), 7. *aggerentem igni faces*. *Igni*, in codd. paulo inferius post *aqua* appositum, ab editoribus omissum est. Quo ego transtuli illud, ibi sane aptissime collocatum est. VI, 6 (23), 29. *Ergo aggeri alias arbores iubet et igni dari alimenta*. Post partici



pium autem collocavi, quia Curtius fere semper participiis casus ex iis nexos postponit.

V, 8 (24), 3. *fidelitate*. Vulgo *fide*, codd. *fideliter*. V. epist. p. 40. Quod Z. dicit, *fidelitas* apud Curtium non inveniri, verum quidem est, sed quum alioqui probum locoque aptissimum sit vocabulum, non dubitavi recipere.

V, 9 (26), 1. *supra*. Sic de certissima Acidalii coniectura pro vulgato *saepe* scripsi. Quis tandem sibi persuadeat, Curtium in duobus primis libris deperditis tam levis momenti rem saepe commemorasse, praesertim quum VI, 5 (14), 1. eius iterum mentionem faciat? Ceterum ibi in eiusdem rei hominisque commemoratione *supra* posuit.

V, 10 (27), 10. [*quasi*] *deprecarentur*. V. epist. p. 33.

V, 11 (30), 6. *utinam etiam ceteris*. Vulgo *et in*. Dativum sententia requiri Modius iam et Mützellius viderunt. Illi igitur in eiecerunt, ego *et in* mutavi in *etiam*.

V, 11 (31), 7. *interpretis [ore] relato*. V. epist. p. 34.

V, 11 (31), 8. *in ultimo discrimine et fortunae tuae et vita*. V. epist. p. 40.

V, 11 (31), 10. *Eludant, rideant licet* —. Vulgo *eludant licet*, sed codd. *eludant videlicet*. Z. codices sequitur, fatetur tamen, *videlicet* non apte cum coniunctivo coniungi, sed requiri *licet*. Idem Mützellius et Ieepius rectissime statuunt. Iam facile fuerit, corrigere *eludent*: cum futuro enim *videlicet* recte coniungitur. Neque tamen illud tempus in hac sententiae conformatione locum habere arbitror. Itaque *rideant licet* scripsi. Statuo enim, syllabam *ant* excidisse, deinde ex *ride licet* factum esse *videlicet*. De toto hoc loco Ieepius (p. 60.) disputavit, sed virum doctissimum, qui cetera omnia ingeniose, multa felicissime tractavit, in hoc loco expediendo et explicando miror prorsus a vero aberrasse.

VI, 1 (3), 20. *a quo Lacedaemonii — precati: a rege autem veniam defectionis — impetraverunt*. Tandem hunc locum difficillimum prorsus emendatum esse arbitror. Tractavi eum epist. p. 17 sqq., sed admodum dubitanter *gratae* adiectivum defendi, tum quia illud ipsum non valde placebat, tum propter discrepantiam, quae sic inter Diodori et Curtii narrationes oriretur. Non multo post quam epistolam edidi, vidi, pro *geate*, quod in optimis libris est, ex quo Z. *Tegeatae* fecit, scribendum esse *a rege autem*. Primae enim syllabae *a re* propter antecedentes *at* interciderunt. Etenim in Pal. I. Mer. Ald. *precari* legitur: iam si ita coniunxeris syllabas: *arigeate*, videbis, haec paene iam esse *a rege autem*, siquidem *autem* per compendium scribitur. Tanto certiore hanc coniecturam duco, quia in eandem fere Ieepius (p. 425.) incidit: — *precati a rege veniam — impetraverunt*.

VI, 3 (8), 9. *insequentur*. Heinsii haec coniectura; in codd. optimis *si sequentur* scriptum est.

VI, 6 (21), 10. *quo tandem ore*. Egregia et omnibus numeris

absoluta haec est Ieepii (p. 420.) coniectura. Vulgo *tantae morae pretium*.

VI, 7 (25), 15. *Ioleum*. Quod in codd. est, *Iocum*, non est Graecum nomen. *Ioleus* alia forma est nominis *Iolus* vel *Iollas*.

VI, 9 (32), 2. *spes*. Etiamnum hoc verum puto, praesertim quum sequantur verba *adhuc — posse*. V. epist. p. 41.

VI, 9 (33), 7. *indignatione repressa*. Vulgo *pressa*, codd. *ex-pressa*. *Repressa* aptissimum est: militum enim indignatio iam eruperat et fremitu se ostenderat. *Re* et *ex* interdum in libris mss. permutantur. Sic VII, 5 (23), 29. Flor. EH. Bern. B. *recipiunt* pro *ex-cipiunt*.

VI, 9 (34), 21. [*Id*] *si ipsi admiseritis*. Vulgo *id si ipse admiserit*. In codd. *id* non invenitur: pro *ipse* plerique et optimi libri habent *ipsi*. Vulgatae lectionis sententiam non esse aptam probe sensii Ieepius (p. 61.). Neque enim lamentatur Alexander, sed puniri vult Philotam seque vindicari: neque ille, quasi de Philotae scelere dubitet, *si admiserit* potest dicere, quum admisisse eum maxima asseveratione affirmet. Iam Flor. C. habet *ad miseri*, Iun. Mod. *dimisero*: recte igitur Ieepius coniecit *si ipsi admiseritis*. Hunc secutus sum: retinui tamen etiam, quod Freinshemius adiecit, *id*, quod mihi non modo multo fortius, sed etiam necessarium videtur: *ipsi* enim non est nominativus, sed dativus ad Philotam relatus.

VI, 9 (34), 22. *ipsum*. Sic pro vulgato *ipsi* de Zumptii coniectura scripsi. Alexander enim Parmenionis fastigio suum opponit.

VI, 10 (37), 9. *Diminus sane, si viveret adhuc, ut vellet mihi parere*. V. epist. p. 41.

VI, 10 (39), 28. *Dum consulitur Hammon, dum arcanum et occultum scelus. Iupiter enim* —. V. epist. p. 21.

VII, 1 (4), 29. *Si non, propemodum in tua verba erratum est. Omnes* —. V. epist. p. 23.

VII, 2 (7), 12. — *quam quibus eluderentur, reputans*. Vulgo *eluderet*, Z. de Heinsii coniectura *se tueretur*. Codd. Leid. Voss. I. Bern. A. Flor. EGH. Bern. B. *eluderetur*. Ieepius (p. 62.) veram lectionem vidit esse *eluderentur*.

VII, 2 (10), 36. *Et qui forte taedium laboris per litteras erant questi*. Haec, quae vulgo infra post *exceptae sunt* leguntur, in hunc locum transponenda esse docui epist. p. 45. Vitorum hoc genus rarius in codd. Curtianis est, haudquaquam tamen hoc unum eius est exemplum. Ego vero facilius putavi, transferre verba in eum locum, quo iam aptissime posita sunt, quam cum Mützelio post ea statuere lacunam, quam quomodo expleas nescias, praesertim quum illa ipsa post verba *querentium litterae exceptae sunt* molestissima sint.

VII, 3 (12), 8. *latere puro*. Ego, quid sit *latere primo*, — sic enim vulgo scribitur, — fateor me nescire. Etenim qui fieri possit, ut verba *struant latere primo* significant id, quod Z. significare ea affirmat: fundamentum quoque faciunt ex latere, haud sane intelligo.

Quae ego scripsi, *struunt latere puro*, significant: struunt latere, nulla adhibita materia, cuius illud solum erat sterile. *Purus* adiectivum hanc habere significationem lexica docent. Facillor etiam coniectura fuerit *optimo*: facile enim *o* intercideret et ex *ptimo* fieri potuit *primo*: sententia tamen minus videtur apta esse.

VII, 3 (12), 9. 10. — *accipiunt*. *Ad medium vites et arbores — obtegunt*. Non recepi audacissimam Zumptii coniecturam *admittunt pro accipiunt ad medium*, sed codices et vulgares editiones secutus sum. Vulgo tamen post *medium* interpungitur: ego codices secutus post *accipiunt* posui punctum. Deinde *obtegunt* pro vulgato *obruunt* scripsi. Res satis aperta est. Hieme vites et arbores penitus defossae latent: sed etiam reliqua anni parte tantus terrae rigor est ut prorsus carere tegumento et exponi frigori nequeant, sed ad medium certe obtectae debeant esse. Etiam in nostris regionibus arbores delicatioribus ab hortulanis auctumno et hieme usque ad medium, vites autem atque etiam tenellae aliquot arbores totae stramento obteguntur. Sed haec ipsa de causa, quia sine dubio non terra arbores et vites obruebantur, sed stramento obtegebantur a Parapamisadis, *obtegunt* scripsi.

VII, 3 (13), 17. *nunc in medio*. Vulgo *medium*. Quum sequantur deinceps verba *nunc in ultimo agmine*, quamquam probe scio, *ad erat in medium* Latine dici, tamen, quoniam extremae syllabae vocabulorum in codd. Curtianis tam saepe corruptae sunt, ausus sum corrigere *in medio*.

VII, 4 (16), 9. *periculum* \*\* [*Bessus*] \*\* *poculum* —. *Bessus* inter lacunae signa interposui, ut statim legenti appareat, quae sequantur verba, ad illum referri.

VII, 4 (16), 11. *alias cupiditas*. Acutissime vidit Ieepius (p. 62.), vulgarem lectionem *aliis* mendosam esse. Ad verba *obstat metus* addendum est *alias*, ut respondeant sibi iam *alias — alias — nonnunquam*.

VII, 4 (16), 11. *Expertus es utcumque, quod ipse reppereris* —. Etiam haec emendatio Ieepio (l. l.) debetur. Vulgo audacius correctum — *unumquemque, quod ipse reppererit* —, quum in codd. sit *utrumque* (vel *utramque*) — *reppereris*.

VII, 4 (19), 34. *dux hostilis exercitus* [*Erigyus*]. V. epist. p. 42.

VII, 4 (19), 40. *cui Erigyus spolia barbari caesi*. V. epist. p. 43.

VII, 5 (21), 16. — *quam praeterierant, qui agmen cludebant*. Vera haec lectio est, a Ieepio (p. 426.) reperta. Extat illa in Leid. Voss. 2. Flor. G, nisi quod in illis *ducebant* pro *cludebant* scriptum est. Hoc Ieepius coniectura invenit.

VII, 5 (22), 25. — *sed Alexandro propitios esse, cuius victoriam semper etiam hostes adiuvissent*. Vulgo *esse om.*, et *hostis adiuvisset* scribitur. Sed vulgata lectio Aldi coniectura orta est: in codd. reperitur *propitios insecutos victoriam*. Manifestum iam est, *cuius* nihil esse nisi alteram partem verbi *insecutos*: relinquatur *inse*, quod ego quidem in *esse* mutavi. Etenim recte Bessus Dareo dicit deos non

iniquos fuisse, quia iam mortuus ille erat, Alexandro autem esse propitios, quia etiamtum ille vivebat, neque desierant dii ei favere. Simili modo VII, 5 (24), 37. *Existat ab inferis (Dareus), qui illo supplicio indignus fuit et hoc solatio dignus est. Hostes adiuvissent* scripsi, quia Bern. A. Leid. Voss. 1. Flor. ABEGH. Paris. ABC. *adiuvissent*, Flor. F. *hostes adiuvissent* habent, et pluralis numerus accommodatus rei videtur: neque enim Dareus solus Alexandrum adiuvit, sed multi etiam alii hostes, praesertim Bessus ipse interficiendo Dareo, et Spitamenes capiendo Besso.

VII, 5 (23), 31. *occurrentibus Branchidis*. Vulgo *occurrentibus, Branchidas*. Editoribus, Zumptio certe, satisfactum videtur vulgatae lectionis explicatione a Radero proposita, dicente, milites Alexandri Milesios occurrere ad audiendam regis sententiam. At quomodo tandem milites dici poterant regi occurrere, quocum ipsi in itinere erant? Adicit Zumptius, Alexandrum milites iussisse secum procedere Branchidas h. e. in Branchidarum urbem, quasi ad hanc rem iussu opus esset. Alexandrum cum exercitu procedentem sponte sine dubio milites Milesii sequebantur. Iam quum occurrendi verbum de regibus, principibus, ducibus, urbium incolis Alexandro interdum quidem dimicandi causa, plerumque vero ad conciliandam gratiam veniamque petendam obviam euntibus frequentissimum apud Curtium sit, apparet, etiam h. l. Branchidas regi appropinquanti, ut se dederent, obviam ivisse. Itaque scribendum *Branchidis*, ut est in Voss. 2. B. 1. (*Branchiadis*) utque Modius iam scribi posse vidit. Ceterum *occ. Branchidis* malim pro ablativis abs. quam pro dativis habere et ad *inbe*: *adiicere eos*: cf. VIII, 10 (34), 1. 2.

VII, 5 (24), 42. *Nunc si forsitan — possit, tunc — fuit*. Sic scribendum esse conieci, — vulgo enim *nam si — tamen — fuit* scribitur, — antequam Snakenburgii apparatus criticum inspexi: ex quo cognovi, *nunc* esse in Bong., *tum* autem in optimis Leid. Voss. 1. D., *tam* in Pal. 1. Bong. Iam vero inter *tum* et *tunc* tam exiguum in codd. est discrimen, tamque saepe illa inter se commutantur, ut, si quis *tunc* ponat, ubi in codd. *tum* invenitur, haec vix nominari possit mutatio: *tunc* autem h. l. fortius aptiusque, quam *tum*. Vulgaris lectio non habet aptam explicationem. Nam si *tunc* (sic enim vulgata scriptura a Z. explicatur, nec potest aliter) tam celebris usus sagittandi erat, ut Catenis ars minus admirabilis videri possit, qui tandem factum est, ut tamen miraculum visentibus esset? Curtius vero illi aetati suam opponit. Ipsius aetate propter celebrem sagittandi usum ars excipiendi aves volantes non adeo admirabilis erat, tunc visentibus ingens miraculum.

VII, 6 (26), 12. *super Bosporum colunt*. Codd. et vulg. *super Bosporo incolunt*, Z. *super Bosporon colunt*. Ego, quum *o* et *u*, *in* et *m* saepe in his codd. permutentur, *Bosporum colunt* scripsi, ut VI, 2 (6), 13. VIII, 1 (1), 7.

VII, 7 (29), 4. *Recta deinde regione [ad] Alaanum ultra Istrum iacentem colit*. Vulgo *recta* (Z. *rectam*) *deinde regionem aliam* —:



codd. plerique et optimi *recta deinde regione alium* —. In his *altum* vitiosum est, verissimum autem, quod Merulae editio habet, *alaunum*, modo addatur *ad*: quam lectionem editores non debebant negligere. Alaunus, ut Ptolemaeus III, 5. tradit, mons erat Sarmatiae Europaeae inter Borysthenem et Tanaim situs. Curtius autem VI, 2 (6), 13. *at qui (Scythae), ait, in Europa sunt, a laevo Thraciae latere ad Borysthenem atque inde ad Tanaim, alium amnem, recta plaga attingent.* Iuxta Alaunum montem Scythae Alanni habitabant, qui, ut refert Eustathius ad Dionys. Perieg. p. 146. Bernh., a monte nomen traxerunt, diversi illi ab Alanis in Asia habitantibus. Supra Istrum septentrionem versus habitasse Alaunos illos Scythas, ergo etiam montem iacuisse Alaunum Dionysius Perieg. v. 302. 305. docet.

VII, 7 (31), 25. *Tibi autem, qui scitius, quam potest [ille, interpretaberis], denuntio* —. Codd. optimi *tibi autem, qui* (nonnulli *qui om.*) *sepius, quam potest*: in vulg. edit. *qui sepius om.* Z. *tibi autem quietius, quam potest.* Zumptii haec coniectura deterrima sine dubio est: nam quis, quaeso, quietius quicquam potest denuntiare, quam potest? Neque, quod Ieepius (p. 426.) coniecit, *qui serius, quam potest*, mihi probatur. Nam ut concedam, quod nequit concedi, *indicas* propter sequens *indices* assumi ad *qui serius* posse, ut taceam, non *quam potest*, sed *quam poterat* vel *quam debebas* dicendum fuisse, cur tandem Alexander, quum Aristandrum iam dicat serius indicare, denuntiat ei, ut sibi ipsi indicet? Haecine dicendi ratio unquam probari potuerit? *Sepius* autem, quod in multis codd. est, minime tamen certum: nam in Flor. CEGHI. Bern. B. scriptum est *sepius vel citius*, quod quid significet, scient, qui codd. Curtianos cognoverint. Indicare voluerunt librarii, vocem in codice, quem describebant, male scriptam sibi non prorsus intellectam vel *sepius* vel *citius* sibi videri esse. Quid igitur verisimilius, quam illam vocem fuisse *scitius*? Quod qui intellexerit, ei primum non poterit esse dubium, quin lacuna h. l. sit, deinde sententia ipsa statim erit apertissima. Dixerat Alexander, Erigyium metu suo interprete extorum usum esse, h. e. eum, quum affirmaret, tristia exta fuisse, male ea interpretatum esse. Tum rex ad Aristandrum conversus, tu, inquit, scitius quam Erigyus interpretaberis exta, h. e. tu dices, laeta illa fuisse: id enim dicere vatem vult atque ita ei, quid respondendum sit, satis aperte significat. Iam patebit causa, cur verba ille (h. e. Erigyus), *interpretaberis* interposuerim. Ceterum pro ille licebat etiam interponere *metus*. VIII, 9 (33), 33. *Siderum motus scite spectare dicuntur et futura praedicere.* III, 3 (6), 6. *protinusque Chaldaeos interpretatos, imperium Persarum ad eos transiturum, quorum arma esset imitatus.* Sic nova etiam lux affulgebit loco, quem deinceps tractaturus sum.

VII, 7 (31), 28. *Rex iussum — remisit ad sacra.* In codd. *ad alia*, deinde in plerisque *remisit om.* Z. quidem *remisit* ab omnibus abesse affirmat, sed de nonnullis certe id non est traditum. Ingeniose, ut solet, Ieepius (p. 420.) coniecit *fatalia* (pro *ad alia*), sed dubito

tamen, num Alexandro tam temeraria tribui possit sententia, ut deos dicat fatis destinata sibi concedere. Iam vero *remisit*, quamvis incertae sit auctoritatis, plane necessarium mihi videtur. Num tandem Curtium, quum mox Aristandrum supervenisse et laeta exta renuntiasse tradat, putabimus antea non narrasse, abisse eum vel remissum a rege esse? Deinde autem, nisi adicitur *remisit*, Alexandri ratio et calliditas plane non potest perspicui nec ita, ut decebat, a Curtio delegitur. Vidimus supra, Alexandrum vati suppeditasse, quod ab eo responderi vellet. Is tamen, nimis obstupefactus et attonitus, non statim perspexit voluntatem regis nec ita, ut decebat, respondit. Qua re coactus remittit eum Alexander ad repetenda sacrificia simulque felicitati suae iubet confidere: deos enim concedere sibi h. e. si nova instituerit sacra, deos laeta exta daturus esse. Tum demum vates regis mentem capit moxque supervenit, nuntians, quae volebat Alexander audire. Quae quum ita sint, *ad alia* mutavi in *ad sacra*. Fortasse tamen etiam h. l. lacuna est sic explenda: *ad alia [sacrificia facienda]*.

VII, 8 (34), 17. *iugum boum et aratrum.* Codd. *iugum, boves et aratrum*, vulgo *iugum boum, aratrum*, Z. *boves et om.* *Boum* verum esse et sententia declarat et codicis Flor. G. scriptura *bovem*: et autem omittere non licet, propterea quod *iugum boum et aratrum* ad significandam agriculturam accurate coniuncta sunt unumque efficiunt, cui recte deinceps tria illa: *hasta, sagitta, patera*, sine copula adiciuntur.

VII, 8 (35), 29. *nos religionem in ipsa fide ponimus.* Vix putaverim, *novimus*, quae vulgaris lectio est, ita explicari posse, ut idem fere esse dicatur, quod *colimus*. Itaque, quamquam nemo adhuc in hac voce offendit, facere tamen non potui, quin scriberem *ponimus*.

VII, 9 (37), 14. *Reliquam [agmen sevo] substitit.* Epist. p. 35. lacunam sic explevi: *agmen non*. Nunc non mihi ideo minus aptum videtur, quia Alexander suis modo praecepit, ut, donec lucis aliquid superesset, fugientium tergis inhaerent.

VII, 9 (38), 19. *Elpinicon.* Quum, quod codices exhibent, *Excipinon*, nec sit nec possit esse nomen Graecum, ego, quoniam non putavi, monstrum illud relinquendum esse, nihilque, quod similis esset, repperi, scripsi *Elpinicon*.

VII, 11 (42), 15. *quibus [alii], quam cuneos inter saxa defixerent, gradus subdidere, quis insisterent.* Codd. *subinde* pro *subdidere*, editores etiam *quibus* deleverunt. Codicum et editionum vulgarium et Zumptii scripturas falsas esse, ut alia omittam argumenta, una iam docet adverbii *subinde* collocatio: neque *quibus* tam temere omitti potest. Iam minime credibile est, qui adiectis funium laqueis evaserint, eosdem, quum tamen funes manibus tenerent, simul cuneos inter saxa defixisse, quibus insisterent: immo verisimile, ab aliis eos, ut in nitendo fieri solet, adiutos esse, et, quum pedum fultura egerent nec ipsi facile cuneos infigere possent, alios id fecisse atque ita illorum pedibus gradus subdidisse. Sic coniecturam meam satis defensam arbitror.

VII, 11 (42), 18. *in inviis et asperis*. Vulgo *et in asperis*, quod ineptum.

VIII, 1 (3), 24. *non alia re*. Nihil melius certiusve hac Zumptii coniectura, quam cur ipse non receperit, nescio: *alias*, quod vulgo legitur, et *simulatione* nullo modo opponi sibi possunt. VIII, 13 (45), 14. *nulla re melius quam audacia armati*.

VIII, 4 (15), 15. [*aegre*] *seque et arma sustentans*. *Aegre* desiderari iam vidit Mützellius: ipse tamen non interposuit.

VIII, 5 (19), 19. [*a victis*] *discere*. Interposui *a victis* de coniectura Freinshemii.

VIII, 6 (22), 18. *humanae mentes ingentia concupiscentes devoraverunt*. Plerique codd. *ingentes concupiscentiae*, quae sane nihil sunt: Mützellius ea ita mutavit coniectura, ut ego scripsi. Additamentum non modo bonum, sed etiam necessarium.

VIII, 6 (22), 19. *collaudatis quoque*. Codd. et vulg. *collaudatisque*, Z. *collaudatis*. Rectius, opinor, ego mutavi: *quoque*, ut saepe apud Curtium, est etiam, *adeo*. Alexander eos, qui insidiaturi ipsi tota nocte persisterant, *adeo* collaudavit.

VIII, 7 (25), 15. *parce* [*parentibus et*], *quorum orbas senectutem, suppliciiis ne oneraveris*. Vulgo *parce, quorum orbam senectutem suppliciiis ne oneraveris*. Inepta autem haec scriptura. Nam quum *parce* nihil fere aliud sit, nisi *supplicio ne afficias*, iam haec oritur sententia: *supplicio ne afficias eos, quorum orbam senectutem supplicio ne afficias*. Ieepius (p. 426.) *orbam* in *orbas* mutavit, cetera intacta reliquit: sed *parce, ne — oneraveris* pro *parce onerare*, quae iam ipsa poetica dicendi ratio est, non licet dicere. At felicissime tamen coniecit, *orbas* scribendum esse. Hoc ego retinui, expleta simul lacuna, quam inter *parce* et *quorum*, quae coniungi apte nequeunt, apparet esse. *Parentibus et*, quum *parce* sequatur, propter initium utriusque vocis similitudinem intercederunt. Iam vero acumen in sententia inest et acerbitas truci Hermolai ingenio accommodatissima. Infra, VIII, 8 (28), 18. Alexander haec Hermolai verba respiciens, *At nunc, inquit, mones me, ut vestris parentibus parcam*.

VIII, 8 (26), 2. *tamen non solum ipse* [*audiui, sed etiam, ut vos*] *audiretis, expressi*. H. l. tam aperta lacuna est, ut nemo de ea dubitet. In explenda ea Mützellium potius quam Zumptium secutus sum, quamquam ita *ipsi* in *ipse* mutandum erat. Deinde etiam addidi, quia Curtius illud, ubi verba *non solum, non modo* antecedunt, rarissime omittit, neque sane causa est, cur h. l. id fecisse eum statuamus et tam parci simus verborum.

VIII, 8 (26), 3. *et ferunt a tutoribus pupilli*. Elegantissima haec est Acidalii coniectura et dignissima profecto, quae recipiatur. Vulgo ut legitur. Editores non ausi sunt eam recipere, quia, quomodo codicum scriptura orta esset, non perspexerunt: nunc, accuratius eognita codicum natura, facile est intellectu. Intercidit enim prior verbi pars *fer*, deinde ex *unt* factum est *ut*.

VIII, 8 (29), 20. *horum manibus*. Vulgo *hominibus*. V. epist. p. 44.

VIII, 9 (30), 6. *Uterque rubro mari accipitur. Indus ripas multasque arbores — exsorbet*. Vulgo *utque r. m. a. findens ripas multas arbores — exsorbet*. Sic etiam Z., nisi quod codicum lectionem falsam esse docet dicendi ratio ipsa. Quis enim apte coniungat *mari accipitur et findens ripas et arbores exsorbet*? quasi amnis tum demum ripas findat et arbores exsorbeat, quum mari accipiatur. Licet vero prima verba *uterque — accipitur* ad Gangem et Indum relata tolerari possint, sequentia tamen de uno Indo accipienda esse tum res ipsa docet, tum ex eo apparet, quod sequuntur haec: *Acesines eum auget*. Et Z. quidem *Indum* scripsit, in codd. tamen *eum* est, idque retinendum. Itaque Mützellius *Indus, qui pro uterque* scripsit: quae mihi paulo audacior videtur esse coniectura, quum non valde similes sint litterarum ductus. Haec vero paene primaria in emendando Curtio lex est, ut in coniecturis faciendis quam proxime ad litterarum ductus, qui in codicibus inveniuntur, accedatur: in quibus coniecturis haec non servata lex est, de iis magna plerumque erit dubitatio. Itaque *uterque*, quamquam, quod Curtius de utroque amne narrat, falsum est, tamen servandum. Vitium potius in participio *findens* inest. Etenim quid tandem est illud *findere ripas*? Comparat quidem Mützellius Horatianum *findere tellurem*, at longe id diversum sine dubio: nam terram sive campos profecto amnis perfluens findit, at quomodo ripas? Iam si *findere ripas* statuas esse i. q. *findendo* (*campos*) *efficere ripas*, quo modo Z. ad IV, 12 (45), 3. *dividere cornua* explicavit, primum ego de hac omnino explicatione dubitaverim, deinde, quum ita quidem omnes omnino fluvii ripas findant, nemo profecto credat, id tanquam magnum aliquid et peculiare de celeberrimo flumine Indo Curtium nobis narrare. Itaque *findens* mutavi in *Indus*. Iam etiam *multasque* aptissimum, neque *multas*, ut vulgo, scribere opus est. *Exsorbere ripas* rectissime dicitur et rectius profecto, quam *findere ripas*.

VIII, 9 (30), 8. *Ganges \* decursurum in mare intercepit, magnoque motu amnis uterque colliditur: quippe Ganges — obicit*. Vulgatam lectionem codicum auctoritate defensam et firmatam retinui. Z. de Indo et Acesine hic agi ratus Gangis nomen utroque loco omisit. Mützellius, quum de confluentibus Acesinis et Hydaspis Curtius IX, 4 (15), 9. similia hisce narret, priore loco *Ganges* in *Hydaspen* mutavit, altero omisit. Haec omnia magnae mihi videntur esse audaciae. De mea sententia potius verisimillimum est, de Gange h. l. agi. Nam quum editores recte statuunt, Dyardanem, qui deinceps commemoratur, in Gangem influere, paene necessarium antea Gangis est nomen. Itaque post prius illud *Ganges* apposui lacunae signum: intercidit enim nomen amnis in Gangem influentis. Quis ille fuerit, non possumus scire: fortasse tamen Iomanes fuit, cuius nomen non adeo dissimile est, ut non potuerit post nomen Gangis intercidere.



VIII, 9 (30), 12. *aquilone maxime deurruntur*. Codd. *aquiloni m. decurrunt*, vulgo *aquilones m. deurrunt*. Codicum scripturam non potest artificiosa Zumptii explicatio tueri. Verum sine dubio est deurendi verbum: sed quum singularis numerus *is* — *mitis* sequatur, satis ille codicum auctoritate defensus, scripsi *aquilone* — *deurruntur*. Litterae *e* et *i*, deinde terminationes activi et passivi frequentissime in his codicibus permutantur.

VIII, 9 (30), 13. *Nec cur ibi se natura [inverterit, patescit] causa*. Epist. p. 26. proposui — *natura [inverterit], causa [impressa]*. Nunc melius duxi, unam quam duas statuere lacunas. Iam explicari fortasse potest, unde, quod in nonnullis codd. reperitur, *ingrescit s. nigrescit*, infra illud post *alhatur* locatum, profectum sit. Etenim si excidit *verterit*, ex *inpatescit* fieri sane poterat *ingrescit*. Sic X, 1 (5), 12. ex *invictus quondam*, postquam *victus* excidit, factum est in *quodam* (*quoddam*, *quosdam*).

VIII, 9 (32), 23. *Quum rex semet* —. Codd. aliquot *se ne*, vulgo *sane*, al. *sese* vel *se*. Forma *semet* Curtium delectari recte Z. annotavit.

VIII, 10 (38), 32. *admotas*. Voss. 1. Flor. BG. et a pr. m. Leid. Flor. A. *adiutas*, alii *auditas*, alii *aductas*. Vulgo *adductas*, Mützellius *advectas*. Ego *iu*, quod in codicibus est, *m* esse et *o* excidisse puto. Curtius enim turres semper moveri et admoveri dicit. IV, 6 (26), 9. V, 3 (10), 7. VI, 6 (24), 34. VIII, 2 (9), 26. VIII, 11 (41), 19.

VIII, 11 (41), 24. [*speciem*] *tamen* — *fecit*. Quod Mützellius interponendum esse vidit, *speciem*, recepi quidem, neque tamen ante *fecit*, ut Mützellius, sed ante *tamen* collocavi.

VIII, 12 (41), 2. *per funditores ac sagittarios*. Vulgo *cun funditore ac sagittario*: Z. Iunium secutus *cum* omisit. Quum vero *funditores ac sagittarios* in omnibus codd. sit, in Flor. et Leid. autem praeterea anteponatur *ferre*, non dubitavi hoc mutare in *per*.

VIII, 13 (46), 26. [*Alexander*] *obscuritatem* —. Quum antecedit *terrisset alium*, et Alexander alii opponatur, Z. recte vidit, interponendum esse regis nomen: ipse tamen non interposuit. *At*, quod idem dixit addendum esse, certe necessarium non puto.

IX, 4 (15), 10. *aestu*. Sic de Ieepii (p. 63.) coniectura scripsi. Vulgo *metu*.

IX, 7 (27), 4. *Margianum*. Vulgo *Macerianum*, quod, quum corruptum sit, Zumptius in *Macarianum* mutavit. At Strabo Boxum tradit fuisse Persam, neque verisimile est, Bitonem Graeco usum esse sicario. Deinde de forma nominis dubitare licet: quippe Graece incolae urbis Macariae *Μακαρείς* vel *Μακαρεῖται* appellantur. His de causis *Margianum* scripsi. Margiana regio Asiae est, inter Bactrianam et Hyrcaniam sita.

IX, 7 (29), 19. *Ingens hic militum convenerat multitudo: inter quos qui erant Graeci, Dioxiippo studebant*. Recepi, quod Z. iam intellexit scribendum esse. Vulgo *ingens h. m., inter quos erant Graeci*,

*qui D. s., convenerat multitudo*. Secutus Z. codices est, nisi quod *qui* de coniectura transposuit.

IX, 8 (32), 17. *in regno*. Vulgo *in regnum*, quod h. l. haudquaquam ferri potest: Flor. G. *in regione*. Ceterum aliud fortasse latet vitium, quod tamen ut detegerem et corrigerem nondum mihi contigit.

IX, 9 (34), 1. [*compulit*] — *permittere*. Epist. p. 35. *perpulit* post *permittere* adiiciendum esse dixi, ubi Zumptius *coëgit* collocaverat. Nunc *compulit* commodiore loco media in sententia posui: ibidem codex Theocren. *adegit* habet. *Perpellere* apud alios quidem scriptores eum infinitivo, apud Curtium semper cum *ut* particula constructur. Itaque quamquam constructio illa etiam apud Curtium minime improbari possit, nolui tamen eam in hunc scriptorem inferre.

IX, 9 (35), 12. *Hi contis navigia appellebant et, dum remos aptari prohibebant, consederant*. Vulgo *hi, dum* pro *et, dum*. Vulgaris haec lectio inepta est nec potest intelligi. Docere vult Curtius exemplo nautarum militumque Alexandri, in tumultu festinationem quoque tardam esse. Id tamen priore sententiae parte minimo docetur, quum, quod malum ex eo, quod contis propellerentur navigia, ortum sit, non indicetur. Altera vero pars plane obscura est: neque enim quisquam perspicit, qui factum sit, ut nonnulli remos aptari prohiberent. Itaque *hi* mutavi in *et*. Etenim qui naves contis appellebant, eo ipso remos aptari prohibebant atque ita, quum contis non aequè bene atque remis regi illae possent, sed inhabiles essent, consederant. Iam *hi* — *quidam* — *aliae* sibi respondent: punctum igitur post *consederant* delendum et colon ponendum erat. Ceterum quod in Voss. 2. esse traditur, *propellebant*, magis placet, quam *appellebant*.

IX, 9 (35), 13. *omnes receperant*. Vulgo *non r*. Ineptum illud *non* mirum in modum Z. explicat: quippe totum locum non intellexit. Mützellius *non* omisit, quod, quum interdum illud male additum in codicibus sit, profecto reprehendi nequit. Ego tamen cum Scheffero *non* in *omnes* mutavi, quod sane rei accommodatissimum est. Tribus argumentis vel exemplis Curtius probat, quod docere vult. Alii enim ob festinationem contis, non remis naves propellebant, atque ita factum est, ut considerent: alii enavigare properantes non expectabant, donec satis nautarum adesset: ergo propter hominum paucitatem clauda et inhabilia navigia erant: alii denique omnes, quotquot ruebant, in naves inconsulte recipiebant atque propter nimiam hominum multitudinem celeriter navigare non poterant. Ex his apparet, *inconsulte* non ad *ruentes*, sed ad *receperant* pertinere.

IX, 10 (40), 16. *versa*. Vulgo *versi*. Licet quidem dicere (X, 7 (22), 1.) *in seditionem ac discordiam versa concio*, non puto autem, dici posse *homo in rabiem vertitur*. Quod ego scripsi, *in rabiem desperatione versa*, prorsus more Curtii dictum est. III, 8 (21), 20 *in sollicitudinem versa fiducia* est: VII, 2 (7), 12. V, 3 (12), 20.

*ira in rabiem versa.* IV, 6 (28), 29. IV, 10 (40), 14. IV, 16 (61), 12 VIII, 11 (40), 12. IX, 3 (11), 2. IX, 10 (40), 15.

X, 1 (1), 1. [*adducetes*]. V. epist. p. 36. Non persuadebo mihi, *adducetes* omitti posse, nisi mihi prorsus simile exemplum e bono depromptum auctore afferatur.

X, 1 (5), 42. *contra tantum*. Quum etiam codd. Florentini *tractum* habeant, repudiavi coniecturam epist. p. 27. propositam. Quod nunc excogitavi, ad scripturam codicum prope videtur accedere, si quidem statuimus, syllabam *con* excidisse. *Tantum* apud ipsum Ciceronem pro *adeo* poni constat. Justin. XII, 4, 1. *a Philippo illum patre tantum degenerasse*. Tacit. German. c. 45. *in tantum — degenerant*.

X, 2 (7), 6. 7. *Soli Athenienses non suae modo, sed etiam publicae vindices [libertatis], — assueti*. Prohibere igitur *exules* —. Reiecta coniectura epist. p. 28. proposita, retinui codicum lectionem, nisi quod prima verba ex vulgari ratione scripsi et *ordinem hominum in ordinem omnium* mutavi: commate autem post Athenienses deleto, post *assueti* punctum posui, ut primaria sententia sic conformata sit: *Soli Athenienses vindices (erant vel exiterunt), quia collusionem — aegre ferebant — assueti*.

X, 2 (8), 11. [*cum*] *fide facta professio est*. Non *professi sunt*, ut vulgo scribitur, sed *professio est* in codd. est: Ieepium igitur (p. 62.) secutus *cum* ante *fide* interposui.

X, 3 (11), 5. *quam — prohibiti aditu regis essent*. Vulgo *aditu venissent*. Conieci olim *revenissent*, sed ne hoc quidem, nisi addatur *in castra*, placere potest. Mützellius satis feliciter proposuit *remissi essent*: melior tamen fortasse nova mea coniectura *regis essent*. *Aditus* cum genitivo saepe construitur. Justin. XXI, 6, 5. *per Parmenionem aditu regis obtento*.

X, 5 (18), 29. *ita et iuveni et in tantis admittenda rebus*. Vulgo *ita ut*. Quod ego posui, elegantius et consuetudini Curtii accommodatius est. VI, 11 (42), 15. *utpote et damnatus et inimicis — tormentibus*. IV, 10 (42), 32. *et dominus et iuvenis*. V, 10 (29), 15. *qualem et regem et virum fallerent*. VI, 10 (38), 13. *unde et paricidae et proditori tam alti quies somni?*

X, 6 (19), 5. *vices*. Vulgo *vires*. V. epist. p. 44. Zumptius, ut defendat, quod nequit defendi, Perdiccam statuit ita dignitatem anuli significare, ut Alexandrum dicat eo gazam regiam oclusisse. Praeclara profecto sententia, et Perdicea ipso et occasione, qua eius oratio habita est, dignissima!

X, 7 (22), 5. *Impensa probra, quae obiecerat* —. Vulgo *obiecera* om., codd. *impense*. Nihil quidem melius inveni, quam quod olim conieci, *intendit, sed*: nam quod Ieepius (p. 65.) excogitavit, *impetit, sed*, in Curtium non cadit: tutius tamen nunc duxi, nihil prorsus mutare, nisi quod *impensa* pro *impense* scripsi, atque lacunae signa ante *haud ambigue* collocare. Neque enim in iis, quae adhuc dixit Pithon, insunt probra.

X, 7 (23), 10. *suffragari spei publicae de novo rege paulo ante conceptae robur aetatis: experirentur modo stirpem Philippi et filium ac fratrem regum duorum: sibimetipsis potissimum crederent*. Vulgo *suffragari reipublicae d. n. r. p. a. concepto: robur aetatis experirentur: modo stirpem Philippi, et f. a. f. r. d., sibimetipsis potissimum crederent*. Correxit hunc locum Tellierius, quem Mützellius sequitur: ego tamen *publicae*, quod Mützellius omisit, retinui: deinde Meleagram verbis *sibimetipsis potissimum crederent* non se significare, sed milites ipsos arbitror. Hortatur milites, ut sibi ipsis potius quam principibus credant.

X, 7 (23), 11. *si et nova*. Vulgo *si nova*, codd. *et si nova*.

X, 8 (25), 6. *quam regem adissent, interrogare eum coepit, an Perdiccam comprehendi ipse iussisset*. Vulgo *adisset*. Quod ego scripsi, in Flor. G. invenitur, in quo tamen codice male etiam *coeperunt* scriptum est. Res autem haec erat. Milites indignati, quod Perdiccas ad mortis periculum adductus esset, Meleagram ultum ire decreverant. Meleager vero, qui seditionem providerat, paratus erat ad evitandam militum iram. Itaque quum illi regem adissent, ipse quoque aderat et coram militibus publice interrogavit eum, an Perdiccam comprehendi ipse iussisset: antea autem ei iam suppeditaverat, quod responderet. Ergo Meleagri instinctu rex respondit, se, non Meleagram, iussisse. Sic Meleager periculum effugit.



Q. CURTII RUFII  
DE GESTIS  
ALEXANDRI MAGNI  
REGIS MACEDONUM  
LIBER III.

ARGUMENTUM.

I. Celaenarum urbe et arce recepta, primariam Phrygiae urbem Alexander ingreditur, in qua fatalem Gordii nodum solvit, ac deinde obviam Dareo ire statuit. II. Exercitus Persici lustratio: de quo quum Darei iussu Charidemus Atheniensis verum liberumque protulisset iudicium, capite multatus est. III. Thymodes Pharnabazo, hic Memnoni succedit. Darei somnium eiusque varia interpretatio. Pompae Persarum regum orto sole demum procedentium, tum copiarum Alexandri descriptio. IV. Desertas ab Arsame, Darei praefecto, Ciliciae fauces Alexander opportune occupat. V. Quum in Cydnum flumen abluendi corporis gratia intempestive descendisset, gravissimo morbo corripitur. VI. Mox a fido sapientique medico Philippo pristinae valetudini restituitur. VII. Vegetior factus Dareum aggredi constituit Sisenemque Persam imprudentia delinquentem occidi iubet. VIII. Darei ante pugnam consilia: tum exercitus Persici consternatio, proximae internecionis praesagium. IX. Utriusque aciei descriptio. X. Alexandri oratio ad milites. XI. Pugna ad Issum, in qua centena milia peditum ac decem milia equitum Persarum occumbunt, reliquis fuis fugatisque. XII. Matris et uxoris Darei aliarumque captivarum luctum levat Alexander. XIII. Darei gazam immensam cum ingenti nobilium numero praefectus Damasci Parmenioni tradit.

CAP. I.

1 (1 ed. Zumpt.) Inter haec Alexander, ad conducendum ex Peloponnēso militem Cleandro cum pecunia misso, Lyciae Pamphyliaeque rebus compositis, ad urbem Celaenas exercitum admovit. Media illa tempestate moenia interfluebat Marsyas amnis, fabulo-

A. 333  
ineunte  
a. Chr.  
n. 01.  
111, 3.

sis Graecorum carminibus inclitus. Fons eius ex summo 3  
 montis cacumine excurrans in subiectam petram magno  
 strepitu aquarum cadit: inde diffusus circumiectos rigat  
 campos, liquidus et suas dumtaxat undas trahens. Itaque 4  
 color eius placido mari similis locum poetarum mendacio  
 fecit: quippe traditum est, Nymphas amore amnis retentas  
 in illa rupe considerare. Ceterum quamdiu intra muros fluit, 5  
 nomen suum retinet: at quum extra munimenta se evolvit,  
 maiore vi ac mole agentem undas Lycum appellant.

Alexander quidem urbem destitutam a suis intrat, ar- 6  
 cem vero, in quam confugerant, oppugnare adortus cadu-  
 ceatorem praemisit, qui denuntiaret, ni dederent, ipsos  
 ultima esse passuros. Illi caduceatorem in turrem et situ 7  
 et opere multum editam perductum, quanta esset altitudo,  
 intueri iubent ac nuntiare Alexandro, non eadem ipsum et  
 incolae aestimatione munimenta metiri: se scire, inexplu-  
 gnabiles esse: ad ultimum, pro fide morituros. Ceterum, 8  
 ut circumsideri arcem et omnia sibi in dies artiora vide-  
 runt esse, sexaginta dierum inducias pacti, ut, nisi intra  
 eos auxilium Darëus ipsis misisset, dederent urbem, post-  
 quam nihil inde praesidii mittebatur, ad praestitutam diem  
 permisere se regi.

Superveniunt deinde legati Atheniensium, petentes, 9  
 ut capti apud Granicum amnem redderentur sibi. Ille non  
 hos modo, sed etiam ceteros Graecos restitui suis iussu-  
 rum respondit, finito Persico bello.

(2) Ceterum Darëo imminens, quem nondum Euphrā- 10  
 ten superasse cognoverat, undique omnes copias contra-  
 hit, totis viribus tanti belli discrimen aditurus. Phrygia 11  
 erat, per quam ducebatur exercitus, pluribus vicis quam  
 urbibus frequens. Tunc habebat nobilem quondam Midæ 12  
 regiam: Gordium nomen est urbi, quam Sangarius amnis  
 interfluit, pari intervallo Pontico et Cilicio mari distantem.  
 Inter haec maria angustissimum Asiae spatium esse com- 13  
 perimus, utroque in artas fauces compellente terram. Quae  
 quia continenti adhaeret, sed magna ex parte cingitur flu-  
 ctibus, speciem insulae praebet ac, nisi tenue discrimen  
 obiiceret, quae nunc dividit maria, committeret.

14 Alexander, urbe in ditionem suam redacta, Iovis  
 templum intrat. Vehiculum, quo Gordium, Midæ patrem,  
 vectum esse constabat, aspexit, cultu haud sane a villiori-  
 15 bus vulgarisque usu abhorrens. Notabile erat iugum,  
 astrictum compluribus nodis in semetipsos implicatis et  
 16 celantibus nexus. Incolis deinde affirmantibus, editam  
 esse oraculo sortem, Asiae potiturum, qui inexplicabile  
 vinculum solvisset, cupido incessit animo sortis eius im-  
 17 plendae. Circa regem erat et Phrygum turba et Macedo-  
 num, illa expectatione suspensa, haec sollicita ex temera-  
 ria regis fiducia: quippe serie vinculorum ita astricta, ut,  
 unde nexus inciperet quove se conderet, nec ratione nec  
 visu percipi posset, solvere aggressus iniecerat curam, ne  
 18 in omen verteretur irritum inceptum. Ille nequicquam diu  
 luctatus cum latentibus nodis, *Nihil*, inquit, *interest, quo-*  
*modo solvantur*: gladioque ruptis omnibus loris oraculi  
 sortem vel elusit vel implevit.

19 (3) Quum deinde Darëum, ubicunque esset, occupare  
 statuisset, ut a tergo tuta relinqueret, Amphoterum classi  
 ad oram Hellesponti, copiis autem praefecit Hegelochum,  
 Lesbum et Chium Coumque praesidiis hostium liberatu-  
 20 ros. His talenta ad belli usum quingenta attributa: ad An-  
 tipatrum et eos, qui Graecas urbes tuebantur, sexcenta  
 missa: ex foedere naves sociis imperatae, quae Helle-  
 21 sponto praesiderent. Nondum enim Memnonem vita exces-  
 sisse cognoverat: in quem omnes intenderat curas, satis  
 gnarus, cuncta in expedito fore, si nihil ab eo moveretur.

22 Iamque ad urbem Ancyram ventum erat, ubi numero  
 copiarum inito Paphlagoniam intrat: huic iuncti erant He-  
 nēti, unde quidam Venetos trahere originem credunt.  
 23 Omnis haec regio paruit regi, datisque obsidibus tributum,  
 quod ne Persis quidem tulissent, pendere ne cogerentur,  
 24 impetraverunt. Calas huic regioni praepositus est: ipse,  
 assumptis, qui ex Macedonia nuper advenerant, Cappado-  
 ciam petit.

## CAP. II.

1 (4) At Darëus nuntiata Memnonis morte haud secus,



quam par erat, motus, omissa omni alia spe, statuit ipse decernere: quippe, quae per duces suos acta erant, cuncta damnabat, ratus, pluribus curam, omnibus abfuisse fortunam. Igitur castris ad Babyloniam positis, quo maiore animo capesserent bellum, universas vires in conspectum dedit et, circumdato vallo, quod decem milium armorum multitudinem caperet, Xerxis exemplo numerum copiarum iniit. Orto sole ad noctem agmina, sicut descripta erant, intravere vallum. Inde emissa occupaverant Mesopotamiae campos, equitum peditumque propemodum innumerabilis turba, maiorem, quam pro numero, speciem ferens. Persarum erant centum milia, in quibus eques triginta implebat. Medi decem equitum, quinquaginta milia peditum habebant. Barcanorum equitum duo milia fuere, armati bipennibus levibusque scutis cetrae maxime speciem reddentibus: peditum decem milia pari armatu sequebantur. Armenii quadraginta milia miserant peditum, additis septem milibus equitum. Hyrcani, egregii, ut inter illas gentes, [equites,] sex milia expleverant, additis equitibus mille Tapūris. Derbices quadraginta peditum milia armaverant: pluribus aere aut ferro praefixae hastae, quidam lignum igni duraverant. Hos quoque duo milia equitum ex eadem gente comitata sunt. A Caspio mari octo milium pedester exercitus venerat, ducenti equites. Cum his erant ignobiles aliae gentes: duo milia peditum, equitum duplicem paraverant numerum. His copiis triginta milia Graecorum mercede conducta, egregiae iuventutis, adiecta sunt. Nam Bactrianos et Sogdianos et Indos ceterosque rubri maris accolae, ignota etiam ipsi gentium nomina, festinatio prohibebat acciri. Nec quicquam illi minus quam multitudo militum defuit.

(5) Cuius tum universae aspectu admodum laetus, purpuratis solita vanitate spem eius infantibus, conversus ad Charidēnum Atheniensem belli peritum et ob exilium infestum Alexandro, — quippe Athēnis, iubente eo, fuerat expulsus, — percontari coepit, satisne ei videretur instructus ad obterendum hostem. At ille et suae sortis et regiae superbiae oblitus, *Verum, inquit, et tu forsitan au-*

*dire nolis et ego, nisi nunc dixerō, alias nequicquam confitebor.* Hic tanti apparatus exercitus, haec tot gentium et totius orientis excita sedibus suis moles finitimis potest esse terribilis: nitet purpura auroque, fulget armis et opulentia, quantam qui oculis non subiecere, animis concipere non possunt. Sed Macedonum acies, torva sane et inculta, clypeis hastisque immobiles cuneos et conferta robora virorum legit. Ipsi phalangem vocant, peditum stabile agmen: vir viro, armis arma conserta sunt: ad nutum monentis intenti sequi signa, ordines servare didicerunt. Quod imperatur, omnes exaudiunt: obsistere, circumire, discurrere in cornu, mutare pugnam non duces magis quam milites callent. Ac ne auri argentique studio teneri putes, adhuc illa disciplina paupertate magistra stetit. Fatigatis humus cubile est: cibus, quem occupati parant, satiat: tempora somni artiora quam noctis sunt. Iam Thessali equites et Acarnanes Aetolique, invicta bello manus, fundis, credo, et hastis igne duratis repellentur? Pari robore opus est. In illa terra, quae hos genuit, auxilia quaerenda sunt: argentum istud atque aurum ad conducendum militem mitte. Erat Darēo mite ac tractabile ingenium, nisi mansuetam naturam plerumque fortuna corrumpere. Itaque veritatis impatiens hospitem ac supplicem tunc quum maxime utilia suadentem abstrahi iussit ad capitale supplicium. Ille ne tum quidem libertatis oblitus, *Habeo, inquit, paratum mortis meae ultorem: expetet poenas consilii mei spreto is ipse, contra quem tibi suasi. Tu quidem licentia regni tam subito mutatus documentum eris posteris, homines, quum se permisere fortunae, etiam naturam dediscere.* Haec vociferantem, quibus imperatum erat, iugulant. Sera deinde poenitentia subit regem, ac vera dixisse confessus sepeliri eum iussit.

## CAP. III.

1 (6) Thymōdes erat, Mentōris filius, impiger iuvenis: cui praeceptum est a rege, ut omnes peregrinos milites, in quibus plurimum habebat spei, a Pharnabāzo acciperet, opera eorum usus in bello: ipsi Pharnabāzo tradit imperium, quod antea Memnōni dederat.

Anxium de instantibus curis agitabant etiam per  
 somnum species imminentium rerum, sive illas aegritudo,  
 sive divinatio animi praesagientis accersit. Castra Ale-  
 xandri magno ignis fulgore collucere ei visa sunt, et paulo  
 post Alexander adduci ad ipsum in eo vestis habitu, quo  
 ipse fuisset, equo deinde per Babyloniam vectus subito cum  
 ipso equo oculis esse subductus. Ad haec vates varia  
 interpretatione curam distrinxerant. Alii laetum id regi  
 somnium esse dicebant, quod castra hostium arsissent,  
 quod Alexandrum, deposita regia veste, in Persico et vul-  
 gari habitu perductum esse vidisset. Quidam non ita [laeta]  
 augurabantur: quippe illustria Macedonum castra visa ful-  
 gorem Alexandro portendere: quem regnum Asiae occu-  
 paturum esse haud ambigere, quoniam in eodem habitu  
 Darëus fuisset, quum appellatus est rex. Vetera quoque  
 omina, ut fert sollicitudo, revocaverant: recensebant enim,  
 Darëum in principio imperii vaginam acinacis Persicam  
 iussisse mutari in eam formam, qua Graeci uterentur, pro-  
 tinusque Chaldaeos interpretatos, imperium Persarum ad  
 eos transiturum, quorum arma esset imitatus. Ceterum  
 ipse et vatum responso, quod edebatur in vulgus, et spe-  
 cie, quae per somnum oblata erat, admodum laetus castra  
 ad Euphrâten moveri iubet.

(7) Patrio more Persarum traditum est, orto sole de-  
 mum procedere. Die iam illustri signum e tabernaculo  
 regis bucina dabatur. Super tabernaculum, unde ab om-  
 nibus conspici posset, imago solis crystallo inclusa fulge-  
 bat. Ordo autem agminis erat talis. Ignis, quem ipsi sa-  
 crum et aeternum vocabant, argenteis altaribus praefere-  
 batur. Magi proximi patrium carmen canebant. Magos  
 trecenti et sexaginta quinque iuvenes sequebantur, puni-  
 ceis amiculis velati, diebus totius anni pares numero:  
 quippe Persis quoque in totidem dies descriptus est an-  
 nus. Currum deinde Iovi sacratum albentes vehebant  
 equi: hos eximiae magnitudinis equus, quem Solis appel-  
 labant, sequebatur. Aureae virgae et albae vestes regen-  
 tes equos adornabant. Haud procul erant vehicula decem,  
 multo auro argentoque caelata. Sequebatur haec equita-

13 tus duodecim gentium variis armis et moribus. Proximi  
 14 ibant, quos Persae Immortales vocant, ad decem milia.  
 Cultus opulentiae barbarae non alios magis honestabat:  
 illi aureos torques, illi vestem auro distinctam habebant  
 15 manicatasque tunicas, gemmis etiam adornatas. Exiguo  
 intervallo, quos cognatos regis appellant, decem et quin-  
 16 que milia hominum. Haec vero turba muliebriter prope-  
 modum culta luxu magis quam decoris armis conspicua  
 17 erat. Doryphōroe vocabantur proximum his agmen, so-  
 liti vestem excipere regalem. Hi currum regis anteibant,  
 18 quo ipse eminens vehebatur. Utrumque curus latus deo-  
 rum simulacra ex auro argentoque expressa decorabant:  
 19 distinguebant internitentes gemmae iugum, ex quo emine-  
 bant duo aurea simulacra cubitalia, quorum alterum Nini,  
 alterum Beli gerebat effigiem. Inter haec auream aquilam  
 pinnas extendenti similem sacraverant.

(8) Cultus regis inter omnia luxuria notabatur. Pur-  
 18 pureae tunicae medium album intextum erat: pallam auro  
 distinctam aurei accipitres, velut rostris inter se concur-  
 19 rerent, adornabant: et zona aurea muliebriter cinctus aci-  
 20 nacem suspenderat, cui ex gemma vagina erat. Cidârim  
 Persae vocabant regium capitis insigne: hoc caerulea fa-  
 21 scia albo distincta circumibat. Currum decem milia hasta-  
 22 torum sequebantur: hastas argento exornatas, spicula auro  
 praefixa gestabant. Dextra laevaue regem ducenti ferme  
 nobilissimi propinquorum comitabantur. Horum agmen  
 claudebatur triginta milibus peditum, quos equi regis qua-  
 23 dringenti sequebantur. Intervallo deinde unius stadii ma-  
 trem Darëi Sisygambim currus vehebat, et in alio erat con-  
 iunx. Turba feminarum reginas comitantium equis vecta-  
 24 batur. Quindecim deinde, quas armamaxas appellabant,  
 sequebantur. In his erant liberi regis et qui educabant  
 eos spadonumque grex, haud sane illis gentibus vilis.  
 25 Tum regiae pellices trecentae et sexaginta vehebantur, et  
 ipsae regali cultu ornatae. Post quas pecuniam regis  
 sexcenti muli et trecenti cameli vehebant, praesidio sagit-  
 tiorum prosequente. Propinquorum amicorumque con-  
 iuges huic agmini proximae lixarumque et calorum gre-



ges vehebantur. Ultimi erant cum suis quisque ducibus, qui cogere agmen, leviter armati. Contra si quis aciem Macedonum intueretur, dispar facies erat, equis virisque non auro, non discolori veste, sed ferro atque aere fulgentibus. Agmen et stare paratum et sequi, nec turba nec sarcinis praegrave, intentum ad ducis non signum modo, sed etiam nutum. Et castris locus et exercitui com meatus suppetebant. Ergo Alexandro in acie miles non defuit: Darëus, tantae multitudinis rex, loci, in quo pugnavit, angustiis redactus est ad paucitatem, quam in hoste contempserat.

## CAP. IV.

(9) Interea Alexander, Abistamëne Cappadociae praeposito, Ciliciam petens cum omnibus copiis [in] regionem, quae Castra Cyri appellatur, pervenerat. Stativa illic habuerat Cyrus, quum adversus Croesum in Lydiam duceret. Aberat ea regio quinquaginta stadia ab aditu, quo Ciliciam intramus: Pylas incolae dicunt artissimas fauces, munimenta, quae manu ponimus, naturali situ imitante. Igitur Arsames, qui Ciliciae praeerat, reputans, quid initio belli Memnon suasisset, quondam salubre consilium sero exequi statuit: igni ferroque Ciliciam vastat, ut hosti solitudinem faciat: quicquid usui potest esse, corrumpit, sterile ac nudum solum, quod tueri nequibat, relicturus. Sed longe utilius fuit, angustias aditus, qui Ciliciam aperit, valido occupare praesidio iugumque opportune itineri imminens obtinere, unde inultus subeuntem hostem aut prohibere aut opprimere potuisset: nunc paucis, qui calibus praesiderent, relictis, retro ipse concessit, populator terrae, quam a populationibus vindicare debebat. Ergo, qui relictis erant, proditos se rati ne conspectum quidem hostis sustinere valuerunt, quum vel pauciores locum obtinere potuissent.

(10) Namque perpetuo iugo montis asperi ac praerupti Cilicia includitur: quod quum a mari assurgat, velut sinu quodam flexuque curvatum, rursus altero cornu in diversum litus excurrit. Per hoc dorsum, qua maxime

introrsus mari cedit, asperi tres aditus et perangusti sunt, quorum uno Cilicia intranda est. Campestris eadem, qua vergit ad mare, planitiem eius crebris distinguuntibus rivis: Pyramus et Cydnus incliti amnes fluunt. Cydnus non spatio aquarum, sed liquore memorabilis: quippe leni tractu e fontibus labens puro solo excipitur, nec torrentes incurrunt, qui placide manantis alveum turbent: itaque incorruptus idemque frigidissimus, — quippe multa riparum amoenitate inumbratus, — ubique fontibus suis similis in mare evadit. Multa in ea regione monumenta, vulgata carminibus, vetustas exederat. Monstrabantur urbium sedes, Lyrnessi et Thebes, Typhōnis quoque specus et Corycium nemus, ubi crocum gignitur, ceteraque, in quibus nihil praeter famam duraverat.

(11) Alexander fauces iugi, quae Pylae appellantur, intravit. Contemplatus locorum situm non alias magis dicitur admiratus esse felicitatem suam: obrui potuisse vel saxis confitebatur, si fuissent, qui [in] subeuntes propellerent. Iter vix quaternos capiebat armatos: dorsum montis imminebat viae non angustae modo, sed plerumque praeruptae, crebris oberrantibus rivis, qui ex radicibus montium manant. Thracas tamen leviter armatos praecedere iusserat scrutarique calles, ne occultus hostis in subeuntes erumperet. Sagittariorum quoque manus occupaverat iugum: intentos arcus habebant, moniti, non iter ipsos inire, sed proelium. Hoc modo agmen pervenit ad urbem Tarson, cui tum maxime Persae subiiciebant ignem, ne opulentum oppidum hostis invaderet. At ille, Parmenione ad inhibendum incendium cum expedita manu praemisso, postquam barbaros adventu suorum fugatos esse cognovit, urbem a se conservatam intrat.

## CAP. V.

(12) Mediam Cydnus amnis, de quo paulo ante dictum est, interfluit, et tunc aestas erat, cuius calor non aliam magis quam Ciliciae oram vapore solis accendit, et diei fervidissimum tempus coeperat. Pulvere simul ac sudore perfusum regem invitavit liquor fluminis,

ut calidum adhuc corpus ablueret. Itaque veste deposita, in conspectu agminis, — decorum quoque futurum ratus, si ostendisset suis, levi et parabili cultu corporis se esse contentum, — descendit in flumen. Vixque ingressi subito horrore artus rigere coeperunt: pallor deinde suffusus est, et totum propemodum corpus vitalis calor reliquit. Expiranti similem ministri manu excipiunt nec satis competentem mentis in tabernaculum deferunt. Ingens sollicitudo et paene iam luctus in castris erat. Flentes querebantur, in tanto impetu cursuque rerum omnis aetatis ac memoriae clarissimum regem non in acie saltem, non ab hoste deiectum, sed abluentem aqua corpus ereptum esse et extinctum. Instare Darëum, victorem, antequam vidisset hostem. Sibi easdem terras, quas victoria peragrasset, repetendas: omnia aut ipsos aut hostes populatos: per vastas solitudines, etiamsi nemo insequi velit, euntes fame atque inopia debellari posse. Quem signum daturum fugientibus? quem ausurum Alexandro succedere? Iam ut ad Hellespontum fuga penetrarent, classem, qua transeant, quem praeparaturum? Rursus in ipsum regem misericordia versa, illum florem iuventae, illam vim animi, eundem regem et commilitonem divelli a se et abrumpi immemores sui querebantur.

(13) Inter haec liberius meare spiritus coeperat: allevabat rex oculos et, paulatim redeunte animo, circumstantes amicos agnoverat, laxataque vis morbi ob hoc solum videbatur, quia magnitudinem mali sentiebat. Animi autem aegritudo corpus urgebat: quippe Darëum quinto die in Cilicia fore nuntiabatur. Vincitum ergo se tradi et tantam victoriam eripi sibi ex manibus obscuraque et ignobili morte in tabernaculo extingui se querebatur. Admissisque amicis pariter ac medicis, *In quo me, inquit, articulo rerum mearum fortuna deprehenderit, cernitis. Strepitum hostilium armorum exaudire mihi videor et, qui ultro intuli bellum, iam provocor. Darëus ergo, quum tam superbas litteras scriberet, fortunam meam in consilio habuit: sed nequicquam, si mihi arbitrio meo curari licet. Lenta remedia et segnes medicos non expectant tempora mea: vel mori*

*strenue quam tarde convalescere mihi melius est. Proinde, si quid opis, si quid artis in medicis est, sciant, me non tam mortis, quam belli remedium quaerere.* Ingentem omnibus incusserat curam tam praeceps temeritas eius. Ergo pro se quisque precari coepere, ne festinatione periculum auferet, sed esset in potestate medentium: inexperta remedia haud iniuria ipsis esse suspecta, quum ad perniciem eius etiam a latere ipsius pecunia sollicitaret hostis. Quippe Darëus mille talenta interfectori Alexandri daturum se pronuntiari iusserat. Itaque ne ausurum quidem quemquam arbitrabantur experiri remedium, quod propter novitatem posset esse suspectum.

## CAP. VI.

(14) Erat inter nobiles medicos ex Macedonia regem secutus Philippus, natione Acarnan, fidus admodum regi puero comes et custos salutis datus non ut regem modo, sed etiam ut alumnum eximia caritate diligebat. Is non praeceps se, sed strenuum remedium afferre tantamque vim morbi potionem medicatam levaturum esse promisit. Nulli promissum eius placebat praeter ipsum, cuius periculo pollicebatur. Omnia quippe facilius quam moram perpeti poterat: arma et acies in oculis erant, et victoriam in eo positam esse arbitrabatur, si tantum ante signa stare potuisset, id ipsum, quod post diem tertium medicamentum sumpturus esset (ita enim medicus praedixerat), aegre ferens. Inter haec a Parmeniōne, fidissimo purpuratorum, litteras accipit, quibus ei denuntiabat, ne salutem suam Philippo committeret: mille talentis a Darëo et spe nuptiarum sororis eius esse corruptum. Ingentem animo sollicitudinem litterae incusserant, et quicquid in utramque partem aut metus aut spes subiecerat, secreta aestimatione pensabat. *Bibere perseverem? ut, si venenum datum fuerit, ne immerito quidem, quicquid acciderit, evenisse videatur? Damnem medici fidem? in tabernaculo ergo me opprimi patiar? At satius est, alieno me mori scelere, quam metu nostro.* Diu animo in diversa versato, nulli, quid



scriptum esset, enuntiat epistolamque, sigillo anuli sui impresso, pulvino, cui incumbebat, subiecit.

(15) Inter has cogitationes biduo absumpto, illuxit a 8 medico destinatus dies, et ille cum poculo, in quo medicamentum diluerat, intravit. Quo viso Alexander, levato corpore in cubili, epistolam a Parmeniōne missam sinistra manu tenens accipit poculum et haurit interritus: tum epistolam Philippum legere iubet: nec a vultu legentis movit oculos, ratus, aliquas conscientiae notas in ipso ore posse deprehendere. Ille, epistola perlecta, plus indignationis quam pavoris ostendit: proiectisque amiculo et litteris ante lectum, *Rex, inquit, semper quidem spiritus meus ex te pependit, sed nunc vere, arbitror, sacro et venerabili ore trahitur. Crimen parricidii, quod mihi obiectum est, tua salus diluet. Servatus a me vitam mihi dederis: oro quaesoque, omisso metu, patere medicamentum concipi venis: laxa paulisper animum, quem intempestiva sollicitudine amici sane fideles, sed moleste seduli turbant.* Non securum modo haec 12 vox, sed etiam laetum regem ac plenum bonae spei fecit. Itaque, *Si dii, inquit, Philippe, tibi permisissent, quo modo maxime velles animum experiri meum, alio profecto voluisses, sed certiore, quam expertus es, ne optasses quidem.* Hac 13 epistola accepta, tamen, quod dilueras, bibi: et nunc crede, me non minus pro tua fide quam pro mea salute esse sollicitum. Haec locutus dextram Philippo offert.

(16) Ceterum tanta vis medicamenti fuit, ut, quae secuta sunt, criminationem Parmeniōnis adiuverint. Interclusus spiritus arte meabat. Nec Philippus quicquam inexpertum omisit. Ille fomenta corpori admovit, ille torpentem nunc cibi, nunc vini odore excitavit. Atque ut 15 primum mentis compotem esse sensit, modo matris sororumque, modo tantae victoriae appropinquantis admonere non destitit. Ut vero medicamentum se diffudit in venas, 16 et sensim toto corpore salubritas percipi potuit, primum animus vigorem suum, deinde corpus quoque expectatione maturius recuperavit: quippe post tertium diem, quam in hoc statu fuerat, in conspectum militum venit. Nec avidius 17 ipsum regem quam Philippum intuebatur exercitus: pro

se quisque dextram eius amplexi grates habebant velut praesenti deo. Namque haud facile dictu est, praeter ingentam illi genti erga reges suos venerationem, quantum huius utique, regis vel admirationi dediti fuerint vel caritate flagraverint. Iam primum nihil sine divina ope aggredi videbatur: nam quum praesto esset ubique fortuna, temeritas in gloriam cesserat. Aetas quoque vix tantis matura rebus, sed abunde sufficiens, omnia eius opera honestabat. Et quae leviora haberi solent, plerumque in re militari gratiora vulgo sunt, exercitatio corporis inter ipsos, cultus habitusque paulum a privato abhorrens, militaris 20 vigor: quis ille vel ingenii dotibus vel animi artibus, ut pariter carus ac venerandus esset, effecerat.

## CAP. VII.

(17) At Darēus, nuntio de adversa valetudine eius accepto, celeritate, quantam capere tam grave agmen poterat, ad Euphrāten contendit iunctoque eo pontibus quinque tamen diebus traiecit exercitum, Ciliciam occupare festinans. Iam Alexander, viribus corporis receptis, ad urbem Solos pervenerat: cuius potitus, ducentis talentis multae nomine exactis, arci praesidium militum imposuit. Vota deinde pro salute suscepta per ludum atque otium reddens ostendit, quanta fiducia barbaros sperneret: 4 quippe Aesculapio et Minervae ludos celebravit. Spectanti nuntius laetus affertur Halicarnasso, Persas acie a suis esse superatos, Myndios quoque et Caunios et pleraque 5 tractus eius suae facta ditionis. Igitur edito spectaculo ludicro castrisque motis et Pyrämo amne ponte iuncto, ad urbem Mallon pervenit: inde alteris castris ad oppidum 6 Castabulum. Ibi Parmenio regi occurrit, quem praemiserat ad explorandum iter saltus, per quem ad urbem, Isson 7 nomine, penetrandum erat. Atque ille, angustiis eius occupatis et praesidio modico relicto, Isson quoque desertam a barbaris ceperat. Inde progressus, deturbatis, qui interiora montium obsidebant, praesidiis cuncta firmavit occupatoque itinere, sicut paulo ante dictum est, idem et 8 auctor et nuntius venit. Isson deinde rex copias admovit:

ubi consilio habito, utrumne ultra progrediendum foret, an ibi opperendi essent novi milites, quos ex Macedonia adventare constabat, Parmenio non alium locum proelio aptiorem esse censebat. Quippe illic utriusque regis copias 9 numero futuras pares, quum angustiae multitudinem non caperent: planitiem ipsis camposque esse vitandos, ubi circumiri, ubi ancipiti acie opprimi possent. Timere, ne non virtute hostium, sed lassitudine sua vincerentur. Persas recentes subinde successuros, si laxius stare potuissent. Facile ratio tam salubris consilii accepta est. Itaque 10 inter angustias saltus hostem opperiri statuit.

(18) Erat in exercitu regis Sisēnes Perses: quondam 11 a praetore Aegypti missus ad Philippum donisque et omni honore cultus exilium patria sede mutaverat: secutus deinde in Asiam Alexandrum inter fideles socios habebatur. Huic epistolam Cretensis miles obsignatam anulo, 12 cuius signum haud sane notum erat, tradidit. Nabarzānes, praetor Darēi, miserat eam hortabaturque Sisēnem, ut dignum aliquid nobilitate atque moribus suis ederet: magno id ei apud regem honori fore. Has litteras Sisēnes, utpote 13 innoxius, ad Alexandrum saepe deferre tentavit: sed quum tot curis apparatusque belli regem videret urgeri, aptius subinde tempus expectans suspicionem initi scelesti consilii praebuit. Namque epistola, priusquam ei redde- 14 retur, in manus Alexandri pervenerat, lectamque eam et ignoti anuli sigillo impresso Sisēni dari iusserat ad aestimandam fidem barbari. Qui quia per complures dies non 15 adierat regem, scelesto consilio eam visus est suppressisse et in agmine a Cretensibus haud dubie iussu regis occisus est.

## CAP. VIII.

(19) Iamque Graeci milites, quos Thymōdes a Pharnabāzo acceperat, praecipua spes et propemodum unica, ad Darēum pervenerant. Hi magnopere suadebant, ut retro 2 abiret spatiososque Mesopotamiae campos repeteret: si id consilium damnaret, at ille divideret saltem innumera- biles copias neu sub unum fortunae ietum totas vires regni

3 cadere pateretur. Minus hoc regi quam purpuratis eius displicebat: ancipitem fidem et mercede venalem prodictionem imminere, et dividi non ob aliud copias velle, quam ut ipsi in diversa digressi, si quid commissum esset, tra- 4 derent Alexandro. Nihil tutius fore, quam circumdatos eos exercitu toto obrui telis, documentum non inultae per- 5 fidae futuros. At Darēus, ut erat sanctus ac mitis, se vero tantum facinus negat esse facturum, ut suam secutos fidem, suos milites, iubeat trucidari. Quem deinde amplius nationum exterarum salutem suam crediturum sibi, si tot 6 militum sanguine imbuisset manus? Neminem stolidum consilium capite luere debere. Defuturos enim, qui suaderent, si suasisse periculosum esset. Denique ipsos quotidie ad se advocari in consilium variasque sententias dicere, nec tamen melioris fidei haberi, qui prudentius 7 suaserit. Itaque Graecis nuntiare iubet, ipsum quidem benivolentiae illorum gratias agere, ceterum, si retro ire pergat, haud dubie regnum hostibus traditurum. Fama 8 bella stare et eum, qui recedat, fugere credi. Trahendi vero belli vix ullam esse rationem. Tanta enim multitudini, utique quum iam hiems instaret, in regione vasta et invicem a suis atque hoste vexata non suffectura alimenta. 9 Ne dividi quidem copias posse, servato more maiorum, qui universas vires discrimini bellorum semper obtulerint. 10 Et hercule, terribilem antea regem et absentia sua ad vanam fiduciam elatum, postquam adventare se senserit, cautum pro temerario factum, delituisse inter angustias saltus ritu ignobilium ferarum, quae, strepitu praetereuntium 11 audito, silvarum latebris se occuluerint. Iam etiam valetudinis simulatione frustrari suos milites. Sed non amplius ipsum esse passurum detrectare certamen. In illo specu, in quem pavidi recessissent, oppressurum esse cunctantes. Haec magnificentius iactata, quam verius.

12 (20) Ceterum pecunia omni rerumque pretiosissimis Damascum Syriae cum modico praesidio militum missis, reliquas copias in Ciliciam duxit, insequentibus more patrio agmen coniuge ac matre. Virgines quoque cum 13 parvo filio comitabantur patrem. Forte eadem nocte et



Alexander ad fauces, quibus Syria aditur, et Darēus ad eum locum, quem Amanicas Pylas vocant, pervenit. Nec 14 dubitavere Persae, quin, Isso relicta, quam ceperant, Macedōnes fugerent. Nam etiam saucii quidam et invalidi, qui agmen non poterant persequi, excepti erant. Quos 15 omnes instinctu purpuratorum barbara feritate saevientium, praecisis adustisque manibus, circumduci, ut copias suas noscerent, satisque omnibus spectatis nuntiare, quae vidissent, regi suo iussit. Motis ergo castris, superat Pinā- 16 rum amnem, in tergis, ut credebat, fugientium haesurus.

(21) At illi, quorum amputaverat manus, ad castra Macedōnum penetrant, Darēum, quanto maximo cursu posset, sequi nuntiantes. Vix fides habebatur. Itaque 17 speculatores [in] maritimas regiones praemissos explorare iubet, ipse adesset, an praefectorum aliquis speciem praebuisset universi venientis exercitus. Sed quum specula- 18 tores reverterentur, procul ingens multitudo conspecta est. Ignes deinde totis campis collucere coeperunt, omniaque velut continenti incendio ardere visa, quum incondita multitudo maxime propter iumenta laxius tenderet. Itaque eo 19 ipso loco metari suos castra iusserat, laetus, quod omni expetierat voto, in illis potissimum angustiis discernendum fore. Ceterum, ut solet fieri, quum ultimi discriminis tem- 20 pus adventat, in sollicitudinem versa fiducia est. Illam ipsam fortunam, qua aspirante res tam prospere gesserat, verebatur, — nec iniuria ex his, quae tribuisset sibi, — quamque mutabilis esset reputabat: unam superesse noctem, quae tanti discriminis moraretur eventum. Rursus 21 occurrebat, maiora periculis praemia, et sicut dubium esset, an vinceret, ita illud utique certum esse, honeste et cum magna laude moriturum. Itaque corpora milites 22 curare iussit ac deinde tertia vigilia instructos et armatos esse. Ipse in iugum editi montis ascendit multisque collucentibus facibus patrio more sacrificium diis praesidibus loci fecit. Iamque tertium, sicut praeceptum erat, signum 23 tuba miles acceperat, itineri simul paratus ac proelio: strenueque iussi procedere oriente luce pervenerunt ad angustias, quas occupare decreverant. Darēum triginta 24

inde stadia abesse praemissi indicabant. Tunc consistere agmen iubet armisque ipse sumptis aciem ordinat.

(22) Darēo adventum hostium pavidi agrestes nuntia- verunt, vix credenti, occurrere etiam, quos ut fugientes 25 sequebatur. Ergo non mediocri omnium animos formido [incesserat], — quippe itineri quam proelio aptiores erant, — raptimque arma capiebant. Sed ipsa festinatio discurrentium suosque ad arma vocantium maiorem me- 26 tum incussit. Alii in iugum montis evaserant, ut hostium agmen inde prospicerent, equos plerique frenabant. Discors exercitus nec ad unum intentus imperium vario 27 tumultu cuncta turbaverat. Darēus initio iugum montis cum parte copiarum occupare statuit, et a fronte et a tergo circumiturus hostem, a mari quoque, quo dextrum eius cornu tegebatur, alios obiecturus, ut undique urgeret. 28 Praeter haec viginti milia praemissa cum sagittariorum manu Pinārum amnem, qui duo agmina interfluebat, transire et obicere sese Macedōnum copiis iusserat: si id praestare non possent, retrocedere in montes et occulte 29 circumire ultimos hostium. Ceterum destinata salubriter omni ratione potentior fortuna discussit: quippe alii prae metu imperium exequi non audebant, alii frustra exequen- 30 bantur, quia, ubi partes labant, summa turbatur.

## CAP. IX.

1 (23) Acies autem hoc modo stetit. Nabar- A. 333  
zānes equitatu dextrum cornu tuebatur, additis a. Chr. n.  
funditorum sagittariorumque viginti fere milibus. Ol. 111, 4,  
2 In eodem Thymōdes erat, Graecis peditibus mer- mense Mae-  
cede conductis, triginta milibus, praepositus. Hoc erat haud macterione  
dubie robur exercitus, par Macedonicae phalangi acies. (Novembri.)  
3 In laevo cornu Aristomēdes Thessālus viginti milia barbarorum peditum habebat. In subsidiis pugnacissimas  
4 locaverat gentes. Ipsum regem in eodem cornu dimicaturum tria milia delectorum equitum, assueta corporis custodia, et pedestris acies, quadraginta milia, sequebantur. Hyrcāni deinde Medique equites: his proximi ceterarum gentium, ultra eos dextra laevaue dispositi. Hoc

agmen, sicut dictum est, instructum sex milia iaculatorum funditorumque antecede-  
bant. Quicquid in illis angustiis adiri poterat, impleverant copiae, cornuaque hinc ab iugo, illinc a mari stabant: uxorem matremque regis et alium feminarum gregem in medium agmen acceperant.

(24) Alexander phalangem, qua nihil apud Macedonas validius erat, in fronte constituit. Dextrum cornu Nicānor, Parmeniōnis filius, tuebatur: huic proximi stabant Coenos et Perdiccas et Meleāger et Ptolemaeus et Amyntas, sui quisque agminis duces. In laevo, quod ad mare pertinebat, Cratērus et Parmenio erant, sed Cratērus Parmeniōni parere iussus. Equites ab utroque cornu locati: dextrum Macedones, Thessālis adiunctis, laevum Peloponnesii tuebantur. Ante hanc aciem posuerat funditorum manum, sagittariis admixtis. Thraces quoque et Cretenses ante agmen ibant, et ipsi leviter armati. At his, qui praemissi a Darēo iugum montis insederant, Agriānos opposuit, ex Graecia nuper advectos. Parmeniōni autem praeciperat, ut, quantum posset, agmen ad mare extenderet, quo longius abesset acies montibus, quos occupaverant barbari. At illi neque obstare venientibus nec circumire praetergressos ausi, funditorum maxime aspectu territi, profugerant: eaque res Alexandro tutum agminis latus, quod ne superne incesseretur timuerat, praestitit. Triginta et duo armatorum ordines ibant: neque enim latius extendi aciem patiebantur angustiae. Paulatim deinde laxare se sinus montium et maius spatium aperire coeperant, ita ut non pedes solum pluribus ordinibus incedere, sed etiam lateribus circumfundi posset equitatus.

## CAP. X.

(25) Iam in conspectu, sed extra teli iactum utraque acies erat, quum priores Persae inconditum et trucem sustulere clamorem. Redditur et a Macedonibus, maior exercitus numero, iugis montium vastisque saltibus repercussus: quippe semper circumiecta nemora petraeque, quantamcunque acceperere vocem, multiplicato sono referunt. Alexander ante prima signa ibat, identidem manu

suos inhibens, ne suspensi, acrius ob nimiam festinationem concitato spiritu, capesserent proelium. Quumque agmini obequitaret, varia oratione, ut cuiusque animis aptum erat, milites alloquebatur. Macedones, tot bellorum in Europa victores, ad subigendam Asiam atque ultima orientis non ipsius magis quam suo ductu profecti, inveteratae virtutis admonebantur. Illos, terrarum orbis liberatores emensosque olim Herculis et Libēri patris terminos, non Persis modo, sed etiam omnibus gentibus imposituros iugum: Macedonum provincias Bactra et Indos fore. Minima esse, quae nunc intuerentur: sed omnia victoria aperiri. Non in prae-ruptis petris Illyriorum et Thraciae saxi sterilem laborem fore: spolia totius orientis offerri. Vix gladio futurum opus: totam aciem suo pavore fluctuantem umbrarum posse propelli. Victor ad haec Atheniensium Philippus pater invocabatur, domitaeque nuper Boeotiae et urbis in ea nobilissimae, ad solum dirutae, species repraesentabatur animis. Iam Granicum amnem, iam tot urbes aut expugnatas aut in fidem acceptas omniaque, quae post tergum erant, strata et pedibus ipsorum subiecta memorabat. Quum adierat Graecos, admonebat, ab his gentibus illata Graeciae bella Darēi prius, deinde Xerxis insolentia, aquam ipsos terramque poscentium, ut neque fontium haustum nec solitos cibos relinquerent deditis. Ab his templa ruinis et ignibus esse deleta, urbes eorum expugnatas, foedera divini humanique iuris violata referebat. Illyrios vero et Thracas, rapti vivere assuetos, aciem hostium auro purpuraque fulgentem intueri iubebat, praedam, non arma gestantem. Irent et imbellibus feminis aurum viri eriperent. Aspera montium suorum iuga nudasque calles et perpetuo rigentes gelu ditibus Persarum campis agrisque mutarent.

## CAP. XI.

(26) Iam ad teli iactum pervenerant, quum Persarum equites ferociter in laevum cornu hostium inveci sunt: quippe Darēus equestri proelio decernere optabat, pha-



langem Macedonici exercitus robor esse coniectans. Iamque etiam dextrum Alexandri cornu circumibatur. Quod ubi Macædo conspexit, duabus alis equitum ad iugum montis rassis subsistere, ceteros in medium belli discrimen strenue transfert. Subductis deinde ex acie Thessælis equibus, praefectum eorum occulte circumire tergum suorum iubet Parmenionique coniungi et, quod is imperasset, impigre exequi. Iamque immissi in medium Persarum, undique circumfusi, egregie [se] tuebantur, sed conferti et quasi cohaerentes tela vibrare non poterant: simul erant emissa, in eosdem concurrentia implicabantur, levique et vano ictu pauca in hostem, plura in humum innoxia cadebant. Ergo comminus pugnam coacti conserere gladios impigre stringunt. Tum vero multum sanguinis fusum est: duae quippe acies ita cohaerebant, ut armis arma pulsarent, mucrones in ora dirigerent. Non timido, non ignavo cessare tum licuit: collato pede, quasi singuli inter se dimicarent, in eodem vestigio stabant, donec vincendo locum sibi facerent. Tum demum ergo promovebant gradum, quum hostem prostraverant. At illos novus excipiebat adversarius fatigatos, nec vulnerati, ut alias solent, acie poterant excedere, quum hostis instaret a fronte, a tergo sui urgerent.

(27) Alexander non ducis magis quam militis munia exequabatur, opimum decus caeso rege expetens. Quippe Daræus curru sublimis eminebat, et suis ad se tuendum et hostibus ad incessendum ingens incitamentum. Ergo frater eius Oxâthres, quum Alexandrum instare ei cerneret, equites, quibus praeerat, ante ipsum currum regis obiecit, armis et robore corporis multum super ceteros eminens, animo vero et pietate in paucissimis. Illo utique proelio clarus alios improvide instantes prostravit, alios in fugam avertit. At Macedones, ut circa regem erant, mutua adhortatione firmati cum ipso in equitum agmen irrumpunt. Tum vero similis ruinae strages erat. Circa currum Daræi iacebant nobilissimi duces, ante oculos regis egregia morte defuncti, omnes in ora proni, sicut dimicantes procubuerant, adverso corpore vulneribus acceptis. Inter hos Atizyes et

Rheomithres et Satæces, praetor Aegypti, magnorum exercituum praefecti, noscitantur: circa eos cumulata erat peditum equitumque obscurior turba. Macedonum quoque non quidem multi, sed promptissimi tamen caesi sunt: inter quos Alexandri dextrum femur leviter mucrone perstrictum est. Iamque, qui Daræum vehebant equi, confossi hastis et dolore efferati iugum quatere et regem curru excutere coeperant: quum ille veritus, ne vivus veniret in hostium potestatem, desilit et in equum, qui ad hoc ipsum sequebatur, imponitur, insignibus quoque imperii, ne fugam proderent, indecore abiectis. Tum vero ceteri dissipantur metu et, qua cuique ad fugam patebat via, erumpunt, arma iacentes, quae paulo ante ad tutelam corporum sumpserant: adeo pavor etiam auxilia formidat. Instabat fugientibus eques a Parmenione missus, et forte in illud cornu omnes fuga abstulerat.

At in dextro Persae Thessalos equites vehementer urgebant. Iamque una ala ipso impetu proculcata erat, quum Thessali, strenue circumactis equis dilapsi, rursus in proelium redeunt sparsosque et incompositos victoriae fiducia barbaros ingenti caede prosternunt. Equi pariter equitesque Persarum serie laminarum [obtecti et] ob id graves genus certaminis, quod celeritate maxime constat, aegre moliebantur: quippe in circumagendis equis suis Thessali inulti eos occupaverant.

(28) Hac tam prospera pugna nuntiata, Alexander, non ante ausus persequi barbaros, utrimque iam victor instare fugientibus coepit. Haud amplius regem quam mille equites sequebantur, quum ingens multitudo hostium caderet. Sed quis aut in victoria aut in fuga copias numerat? Agebantur ergo a tam paucis pecorum modo, et idem melus, qui cogebat fugere, fugientes morabatur. At Graeci, qui in Daræi partibus steterant, Amynta duce, (praetor hic Alexandri fuerat, tunc transfuga) abrupti a ceteris, haud sane fugientibus similes evaserant. Barbari longe diversam fugam intenderunt: alii, qua rectum iter in Persidem ducebat, quidam circuitu rupes saltusque montium occultos petivere, pauci castra Daræi.

Sed iam illa quoque victor intraverat, omni quidem<sup>20</sup> opulentia ditia. Ingens auri argentique pondus, non belli, sed luxuriae apparatus, diripuerant milites. Quumque plus raperent, passim strata erant itinera villioribus sarcinis, quas in comparatione meliorum avaritia contempserat. Iamque ad feminas perventum erat, quibus quo cariora<sup>21</sup> ornamenta sunt, violentius detrahebantur: ne corporibus quidem vis ac libido parcebat. Omnia planctu<sup>22</sup> tumultuque, prout cuique fortuna erat, repleverant, nec ulla facies mali deerat, quum per omnes ordines aetatesque victoris crudelitas ac licentia vagaretur. Tunc vero<sup>23</sup> impotentis fortunae species conspici potuit, quum ii, qui tamen Darēo tabernaculum exornaverant, omni luxu et opulentia instructum, eadem illa Alexandro, quasi veteri domino, reservabant. Namque id solum intactum omiserant milites, ita tradito more, ut victorem victi regis tabernaculo exciperent.

(29) Sed omnium oculos animosque in semet averte-<sup>24</sup> rant captivae mater coniunxque Darēi: illa non maiestate solum, sed etiam aetate venerabilis, haec formae pulchritudine, ne illa quidem sorte corruptae. Receperat in sinum filium nondum sextum annum aetatis egressum, in spem tantae fortunae, quantam pater eius paulo ante amiserat, genitum. At in gremio anus aviae iacebant adultae virgi-<sup>25</sup> nes duae, non suo tantum, sed etiam illius maerore confectae. Ingens circa eam nobilium feminarum turba constiterat, laceratis crinibus abscissaque veste, pristini decoris immemores, reginas dominasque veris quondam, tunc alienis nominibus invocantes. Illae suae calamitatis<sup>26</sup> oblitae, in utro cornu Darēus stetisset, quae fortuna discriminis fuisset, requirebant. Negabant, se captas, si viveret rex. Sed illum equos subinde mutantem longius fuga abstulerat.

In acie autem caesa sunt Persarum peditum centum<sup>27</sup> milia, decem equitum. At a parte Alexandri quattuor et quingenti saucii fuere, ex peditibus triginta omnino et duo desiderati sunt, equitum centum quinquaginta interfecti. Tantulo impendio ingens victoria stetit.

## CAP. XII.

1 (30) Rex quidem Darēum persequendo fatigatus, postquam et nox appetebat et consequendi spes non erat, 2 in castra paulo ante a suis capta pervenit. Invitari deinde amicos, quibus maxime assueverat, iussit (quippe summa dumtaxat cutis in femine perstricta non prohibebat inter- 3 esse convivio): quum repente e proximo tabernaculo lugubris clamor barbaro ululatu planctuque permixtus epulantes conterruit. Cohors quoque, quae excubabat ad tabernaculum regis, verita, ne maioris motus principium 4 esset, armare se coeperat. Causa subiti pavoris fuit, quod mater uxorque Darēi cum captivis nobilibus regem, quem interfectum esse credebant, ingenti gemitu eiulatuque de- 5 flebant. Unus namque e captivis spardonibus, qui forte ante ipsarum tabernaculum steterat, amiculum, quod Darēus, sicut paulo ante dictum est, ne cultu proderetur, abiecerat, in manibus eius, qui repertum ferebat, agnovit ratusque, interfecto detractum esse, falsum nuntium mortis eius 6 attulerat. Hoc mulierum errore comperto, Alexander fortunae Darēi et pietati earum illacrimasse fertur. Ac primo Mithrēnem, qui Sardis tradiderat, peritum linguae Persi- 7 cae, ire ad consolandas eas iusserat. Veritus deinde, ne proditor captivarum iram doloremque renovaret, Leonnātum ex purpuratis suis misit, iussum indicare, falso lamentari eas vivum. Ille cum paucis armigeris in tabernaculum, in quo captivae erant, pervenit missumque se a rege nun- 8 tiare iubet. At hi, qui in vestibulo erant, ut armatos conspexere, rati, actum esse de dominis, in tabernaculum currunt, vociferantes, adesse supremam horam missosque, 9 qui occiderent captas. Itaque, ut quae nec prohibere possent nec admittere auderent, nullo responso dato, tacitae 10 opperiebantur victoris arbitrium. Leonnātus, expectato diu, qui se introduceret, postquam nemo procedere audebat, relictis in vestibulo satellitibus, intrat in tabernaculum. Ea ipsa res turbaverat feminas, quod irrupisse non admis- 11 sus videbatur. Itaque mater et coniunx provolutae ad pedes orare coeperunt, ut, priusquam interficerentur, Darēi corpus ipsis patrio more sepelire permitteret: functas



supremo in regem officio impigre sese morituras. Leonnā-12  
tus, et vivere Darēum et ipsas non incolumes modo, sed  
etiam apparatu pristinae fortunae reginas fore. Tum de-  
mum Darēi mater allevari se passa est.

(31) Alexander postero die, cum cura sepultis militi-13  
bus, quorum corpora invenerat, Persarum quoque nobilis-  
simis eundem honorem haberi iubet matricque Darēi per-  
mitti, quos vellet, patrio more sepeliret. Illa paucos arta 14  
propinquitate coniunctos pro habitu praesentis fortunae  
humari iussit, apparatus funerum, quo Persae suprema  
officia celebrarent, invidiosum fore existimans, quum victo-  
res haud pretiose cremarentur.

Iamque, iustis defunctorum corporibus solutis, prae-15  
mittit ad captivas, qui nuntiarent, ipsum venire, inhibita-  
que comitantium turba tabernaculum cum Hephaestiōne  
intrat. Is longe omnium amicorum carissimus erat regi, 16  
cum ipso pariter educatus, secretorum omnium arbiter:  
libertatis quoque in admonendo eo non alius ius habebat:  
quod tamen ita usurpabat, ut magis a rege permissum  
quam vindicatum ab eo videretur: et sicut aetate par erat  
regi, ita corporis habitu praestabat. Ergo reginae illum 17  
esse regem ratae suo more veneratae sunt. Inde ex capti-  
vis spadonibus, quis Alexander esset, monstrantibus, Si-  
sygambis advoluta est pedibus eius, ignorationem nun-  
quam antea visi regis excusans. Quam manu allevans rex,  
*Non errasti, inquit, mater, nam et hic Alexander est.*

(32) Equidem, hac continentia animi si ad ultimum vi-18  
tae perseverare potuisset, feliciorem fuisse crederem, quam  
visus est esse, quum Libēri patris imitaretur triumphum,  
ab Hellesponto usque ad Oceānum omnes gentes victoria  
emensus. Sic vicisset profecto superbiam atque iram, 19  
mala invicta: sic abstinuisset inter epulas caedibus ami-  
corum egregiosque bello viros et tot gentium secum do-  
mitores indicta causa veritus esset occidere. Sed nondum 20  
fortuna se animo eius superfuderat: itaque orientem eam  
moderate et prudenter tulit, ad ultimum magnitudinem eius  
non cepit.

Tunc quidem ita se gessit, ut omnes ante eum reges 21

et continentia et clementia vincerentur. Virgines reginas,  
excellētis formae, tam sancte habuit, quam si eodem, quo  
22 ipse, parentegenitae forent: coniugem eiusdem, quam nulla  
aetatis suae pulchritudine corporis vicit, adeo ipse non  
violavit, ut summam adhibuerit curam, ne quis captivo  
23 corpori illuderet: omnem cultum reddi feminis iussit, nec  
quicquam ex pristinae fortunae magnificentia captivis  
24 praeter fiduciam defuit. Itaque Sisygambis, *Rex, inquit,*  
*mereris, ut ea precemur tibi, quae Darēo nostro quondam*  
*precalatae sumus, et, ut video, dignus es [imperio], qui tantum*  
*regem non felicitate solum, sed etiam aequitate superaveris.*  
25 *Tu quidem matrem me et reginam vocas, sed ego me tuam*  
*famulam esse confiteor. Et praeteritae fortunae fastigium*  
*capio et praesentis iugum pati possum: tua interest, quantum*  
*in nos licuerit, si id potius clementia quam saevitia vis esse*  
26 *testatum.* Rex bonum animum habere eas iussit: Darēi  
filium collo suo admovit, atque nihil ille conspectu tunc  
primum a se visi conterritus cervicem eius manibus am-  
plectitur. Motus ergo rex constantia pueri, Hephaestiōnem  
intuens, *Quam vellem, inquit, Darēus aliquid ex hac indole*  
*hausisset!*

27 (33) Tum tabernaculo egressus, tribus aris in ripa Pi-  
nāri amnis Iovi atque Hercūli Minervaeque sacratis, Syriam  
petit, Damascum, ubi regis gaza erat, Parmeniōne prae-  
misso.

#### CAP. XIII.

1 \*\* atque quum praecessisse et Darēi satrapam compe-  
risset, veritus, ne paucitas suorum sperneretur, accersere  
2 maiorem manum statuit. Sed forte in exploratores ab eo  
praemissos incidit natiōne Mardus, qui ad Parmeniōna per-  
ductus litteras ad Alexandrum a praefecto Damasci missas  
tradit ei: nec dubitare eum, quin omnem regiam supelle-  
3 ctilem cum pecunia traderet, adiecit. Parmenio, asservari  
eo iusso, litteras aperit: in quis erat scriptum, ut mature  
Alexander aliquem ex ducibus suis mitteret cum manu  
exigua, [cui traderet], quaecunque rex penes ipsum reli-  
quisset. Itaque Mardum, datis comitibus, ad proditorem

remit. Ille e manibus custodientium lapsus Damascum  
ante lucem intrat. Turbaverat ea res Parmeniōnis animum 4  
insidias timentis, et ignotum iter sine duce non audebat  
ingredi: felicitati tamen regis sui confusus agrestes, qui  
duces itineris essent, excipi iussit. Quibus celeriter reper-  
tis quarto die ad urbem pervenit, iam metuente praefecto,  
ne sibi fides habita non esset. Igitur, quasi parum muni- 5  
mentis oppidi fidens, ante solis ortum pecuniam regiam  
(gazam Persae vocant) cum pretiosissimis rerum efferri  
iubet, fugam simulans, re vera, ut praedam hosti offerret.

(34) Multa milia virorum feminarumque excedentem 6  
oppido sequebantur, omnibus miserabilis turba praeter  
eum, cuius fidei commissa erat. Quippe quo maior prodit-  
tionis merces foret, obiicere hosti parabat gratiorem omni  
pecunia praedam, nobiles viros, praetorum Darēi coniu-  
ges liberosque, praeter hos Graecarum urbium legatos,  
quos Darēus, velut in arce tutissima, in proditoris reli-  
querat manibus. Gangābas Persae vocant humeris onera 7  
portantes: hi quum [frigus] tolerare non possent, — quippe  
et procella subito nivem effuderat et humus rigeat gelu-  
tum astricta, — vestes, quas cum pecunia portabant, auro  
et purpura insignes induunt, nullo prohibere auso, quum  
fortuna regis etiam humillimis in ipsum licentiam faceret.  
Praebuere ergo Parmeniōni non spernendi agminis spe- 8  
ciem: qui intentiore cura suos quasi ad iustum proelium  
paucis adhortatus equis calcaria iubet subdere et acri im-  
petu in hostem evehi. At illi, qui sub oneribus erant, omis- 9  
sis per metum, capessunt fugam: armati quoque, qui eos  
prosequantur, eodem metu arma iactare ac nota diver-  
ticula petere coeperunt. Praefectus, quasi et ipse conter- 10  
ritus, simulans cuncta pavore compleverat. Iacebant totis  
campis opes regiae, illa pecunia stipendio ingenti militum  
praeparata, ille cultus tot nobilium virorum, tot illustrium  
feminarum, aurea vasa, aurei freni, tabernacula regali  
magnificentia ornata, vehicula quoque a suis destituta, in- 11  
gentis opulentiae plena, facies etiam praedantibus tristis,  
si qua res avaritiam moraretur. Quippe tot annorum in-  
credibili et fidem excedente fortuna cumulata tunc alia

stirpibus lacerata, alia in coenum demersa eruebantur.  
non sufficebant praedantium manus praedae.

12 (35) Iamque etiam ad eos, qui primi fugerant, ventum  
erat: feminae pleraeque parvos trahentes liberos ibant.  
Inter quas fuere tres virgines, Ochi, qui ante Darēum re-  
gnaverat, filiae, olim quidem ex fastigio paterno rerum  
mutatione detractae, sed tum sortem earum crudelius ag-  
13 gravante fortuna. In eodem grege uxor quoque eiusdem  
Ochi fuit Oxathrisque (frater hic erat Darēi) filia et con-  
iunx Artabāzi, principis purpuratorum, [et] filius, cui Ilio-  
14 nēo fuit nomen. Pharnabāzi quoque, cui summum impe-  
rium maritimae orae rex dederat, uxor cum filio excepta  
est, Mentōris filiae tres ac nobilissimi ducis Memnōnis con-  
iunx et filius: — vixque ulla domus purpurati expers fuit  
15 tantae cladis: — Lacedaemonii [quoque] et Athenienses,  
societatis fide violata Persas secuti: Aristogiton et Dropi-  
des et Iphicrātes, inter Athenienses genere famaue longe  
clarissimi: Lacedaemonii Pausippus et Onomastorides cum  
16 Monimo et Callicratide, hi quoque domi nobiles. Summa  
pecuniae signatae fuit talentum duo milia et sexcenta, facti  
argenti pondus quingenta aequabat. Praeterea triginta mi-  
lia hominum cum septem milibus iumentorum dorso onera  
17 portantium capta sunt. Ceterum dii tantae fortunae prodit-  
torem, seri ultores, celeriter debita poena persecuti sunt.  
Namque unus e consciis eius, credo, regis vicem etiam in  
illa sorte reveritus, interfecti proditoris caput ad Darēum  
tulit, opportunum solatium prodito: quippe et ultus ini-  
micum erat et nondum in omnium animis memoriam ma-  
iestatis suae exolevisse cernebat.

---

#### LIBER IV.

---

#### ARGUMENTUM.

- I. Alexander litteris a Dareo superbe scriptis regie respondet. Abdalony-  
num Sidoniis regem praeficit. Amyntas transfuga miro modo a  
Persis ipsis occiditur. Varias variis locis praefectorum Darei clades.  
II. Tyrus urbs, incolis Alexandrum recipere recusantibus, obsidetur.



III. Quae obsidio dubiis belli eventibus admodum nobilitata est. IV. Tandem vi capta funesto vastatur incendio. V. Darei iterata de pace submissiorque legatio ab Alexandro repudiatur: quo facto Graeci eum corona aurea donant: ille per praefectos plerasque Persarum provincias in potestatem suam redigit. VI. Ad bellum dum se accingit Dareus, Alexander Gazam expugnat eiusque praefectum Betim crudeli afficit supplicio. VII. Dein Aegyptum pergit et adit Iovis Hammonis oraculum. VIII. In Aegypto Alexandriam condit, Memphim petit, res Aegypti ordinat. IX. Dareus ad Arbela pervenit eoque invito Alexander Tigrim superat. X. Milites ob lunae defectum turbatos per Aegyptios vates confirmat Alexander. Persas vastatores coniecit in fugam. Darei uxor captiva, moerore confecta, supremum diem obit, unde Alexandri lacrimae. Darei suspiciones luctusque et vota. XI. Pacem tertium quaesitam Dareus non impetrat, immo ad deditionem aut ad bellum ab Alexandro provocatur. XII. Ad proelium dum Persarum se exercitus parat, Macedones terrore velut lymphatico percussi arma alacriter capessunt. XIII. Consilia de nocturno proelio Parmenionis et Polypercontis Alexander damnat somnoque reffectus interrito vultu suos ad pugnam accendit. XIV. Alexandri ad Graecorum, Darei ad Persarum exercitus ante pugnam orationes. XV. Cruenti ad Arbela proelii descriptio. Victor Alexander Dareum victum persequitur. XVI. Parmenio in discrimine constitutus Alexandrum retrahit. Tandem integra victoria potiti Macedones reliquos Persas fuga sibi quaerere salutem cogunt.

## CAP. I.

(1 ed. Zumpt.) Darëus, tanti modo exercitus rex, qui 1 triumphantis magis quam dimicantis more curru sublimis inierat proelium, per loca, quae prope immensis agminibus impleverat, iam inania et ingenti solitudine vasta, fugiebat. Pauci regem sequebantur: nam nec eodem omnes 2 fugam intenderant et, deficientibus equis, cursum eorum, quos rex subinde mutabat, aequare non poterant. Onchas 3 deinde pervenit, ubi exceperere eum Graecorum quattuor milia, [omnis exercitus] iam regius. Tum ad Euphrâten contendit, id demum credens fore ipsius, quod celeritate praecipere potuisset.

At Alexander Parmeniõnem, per quem apud Damas- 4 cum recepta erat praeda, iussum, eam ipsam et captivos diligenti asservare custodia, Syriae, quam Coelen vocant, praefecit. Novum imperium Syri, nondum belli cladibus 5 satis domiti, aspernabantur: sed celeriter subacti obedienter imperata fecerunt. Arâdus quoque insula deditur regi.

6 Maritimam tum oram et pleraque longius etiam a mari recedentia rex eius insulae Strato possidebat: quo in fidem accepto castra movit ad urbem Marâthon.

7 (2) Ibi illi litterae a Darëo redduntur, quibus, ut superbe scriptis, vehementer offensus est. Praecipue eum movit, quod Darëus sibi regis titulum nec eundem Alexandri nomini adscripserat. Postulabat autem magis, quam petebat, ut, accepta pecunia, quantamcunque tota Macedonia caperet, matrem sibi et coniugem liberosque restitueret: de regno aequo, si vellet, Marte contenderet. Si saniora consilia tandem pati potuisset, contentus patrio, cederet alieni imperii finibus: socius amicusque esset. In ea se fidem et dare paratum et accipere.

10 Contra Alexander in hunc maxime modum rescripsit: *Rex Alexander Darëo. Cuius nomen sumpsisti, Darëus Graecos, qui oram Hellespontii tenent, coloniasque Graecorum Ionias omni clade vastavit: cum magno deinde exercitu mare* 11 *traiecit, illato Macedoniae et Graeciae bello. Rursus Xerxes, gentis eiusdem, ad oppugnandos nos cum immanium barbarorum copiis venit: qui navali proelio victus Mardonium tamen reliquit in Graecia, ut absens quoque popularetur* 12 *urbes, agros ureret. Philippum vero, parentem meum, quis ignorat ab his interfectum esse, quos ingentis pecuniae spe sollicitaverant vestri? Impia enim bella suscipitis et, quum habeatis arma, licemini hostium capita: sicut tu proxime talentis mille, tanti exercitus rex, percussorem in me emere voluisti.* 13 *Repello igitur bellum, non infero. Et dii quoque pro meliore stant causa: magnam partem Asiae in ditionem redegi meam, te ipsum acie vici. Quem etsi nihil a me impetrare oportebat, utpote qui ne belli quidem in me iura servaveris, tamen, si veneris supplex, et matrem et coniugem et liberos sine pretio recepturum esse promitto. Et vincere et consulere victis scio.* 14 *Quod si te committere nobis times, dabimus fidem, impune venturum. De cetero, quum mihi scribes, memento, non solum* 15 *regi te, sed etiam tuo scribere. Ad hanc perferendam Therrippus est missus.*

(3) Ipse in Phoenicem descendit et oppidum Byblon traditum recepit. Inde ad Sidõna ventum est, urbem ve-

tustate famaue conditorum inclitam. Regnabat in ea 16  
 Strato, Darēi opibus adiutus: sed quia deditionem magis  
 popularium quam sua sponte fecerat, regno visus in-  
 dignus, Hephaestionique permissum, ut, quem eo fastigio  
 [e] Sidoniis dignissimum arbitraretur, constitueret regem.  
 Erant Hephaestōnis hospites clari inter suos iuvenes: qui, 17  
 facta ipsis potestate regnandi, negaverunt, quemquam  
 patrio more in id fastigium recipi, nisi regia stirpe ortum.  
 Admiratus Hephaestion magnitudinem animi spernentis, 18  
 quod alii per ignes ferrumque peterent, *Vos quidem macti  
 virtute, inquit, estote, qui primi intellexistis, quanto maius  
 esset, regnum fastidire, quam accipere. Ceterum date ali-  
 quem regiae stirpis, qui meminerit, a vobis acceptum habere  
 se regnum.* Atque illi, quum multos imminere tantae spei 19  
 cernerent, singulis amicorum Alexandri ob nimiam regni  
 cupiditatem adulantes, statuunt, neminem esse potio-  
 rem, quam Abdalonymum quendam, longa quidem cognatione  
 stirpi regiae annexum, sed ob inopiam suburbanum hor-  
 tum exigua colentem stipe. Causa ei paupertatis, sicut 20  
 plerisque, probitas erat: intentusque operi diurno strepitum  
 armorum, qui totam Asiam concusserat, non exaudiebat.

(4) Subito deinde, de quibus ante dictum est, cum 21  
 regiae vestis insignibus hortum intrant, quem forte steriles  
 herbas eligens Abdalonymus repurgabat. Tum rege eo sa- 22  
 lutato, alter ex his, *Habitus, inquit, hic vestis, quam cernis  
 in meis manibus, cum isto squalore permulandus tibi est.  
 Ablue corpus illuvie aeternisque sordibus squalidum: cape  
 regis animum et in eam fortunam, qua dignus es, istam con-  
 tinentiam perfer. Et quum in regali solio residebis, vitae ne-  
 cisque omnium civium dominus, cave obliviscaris huius status,  
 in quo accipis regnum, immo hercule, propter quem.* Somnio 23  
 similis res Abdalonymo videbatur: interdum, satisne sani  
 essent, qui tam proterve sibi illuderent, percontabatur.  
 Sed ut cunctanti squalor ablutus est, et iniecta vestis pur-  
 pura auroque distincta, et fides a iurantibus facta, serio  
 iam rex, iisdem comitantibus, in regiam pervenit.

Fama deinde, ut solet, strenue tota urbe discurret: 24  
 aliorum studium, aliorum indignatio eminebat: divitissi-

mus quisque humilitatem inopiamque eius apud amicos  
 25 Alexandri criminabatur. Admitti eum rex protinus iussit  
 diuque contemplatus, *Corporis, inquit, habitus famae gene-  
 ris non repugnat: sed libet scire, inopiam qua patientia tuleris.*  
 Tum ille, *Utinam, inquit, eodem animo regnum pati  
 possim! hae manus suffecere desiderio meo: nihil habenti  
 26 nihil defuit.* Magnae indolis specimen ex hoc sermone Ab-  
 dalonymi cepit. Itaque non Stratōnis modo regiam su-  
 pellectilem attribui ei iussit, sed pleraque etiam ex Per-  
 sica praeda: regionem quoque urbi appositam ditioni eius  
 adiecit.

27 (5) Interea Amyntas, quem ad Persas ab Alexandro  
 transfugisse diximus, cum quattuor milibus Graecorum  
 ipsum ex acie persecutus fuga Tripōlin pervenit. Inde, in  
 navēs militibus impositis, Cyprum transmisit et, quum in  
 illo statu rerum id quemque, quod occupasset, habiturum  
 arbitraretur, velut certo iure possessum, Aegyptum petere  
 decrevit, utrique regi hostis et semper ex ancipiti muta-  
 28 tione temporum pendens. Hortatusque milites ad spem  
 tantae rei docet, Satācem, praetorem Aegypti, cecidisse  
 in acie: Persarum praesidium et sine duce esse et invalid-  
 dum: Aegyptios, semper praetoribus eorum infestos, pro  
 29 sociis ipsos, non pro hostibus aestimatos. Omnia expe-  
 riri necessitas cogebat: quippe quum primas spes fortuna  
 destituit, futura praesentibus videntur esse potiora. Igitur  
 conclamant, duceret, quo videretur. Atque ille utendum  
 animis, dum spe calerent, ratus ad Pelusium ostium pene-  
 30 trat, simulans, a Darēo se esse praemisum. Potitus ergo  
 Pelusii Memphim copias promovit: ad cuius famam Ae-  
 gyptii, vana gens et novandis quam gerendis aptior rebus,  
 ex suis quique vicis urbibusque ad hoc oppidum concur-  
 runt ad delenda praesidia Persarum. Qui territi, tamen  
 31 spem retinendi Aegyptum non omiserunt. Sed eos Amyn-  
 tas proelio superatos in urbem compellit castrisque po-  
 sitis victores ad populandos agros eduxit: ac, velut in  
 32 medio positus fundis hostium, cuncta agebantur. Itaque  
 Mazāces, quamquam infelici proelio suorum animos terri-  
 tos esse cognoverat, tamen palantes et victoriae fiducia



incautos ostentans perpulit, ne dubitarent ex urbe erumpere et res amissas recuperare. Id consilium non ratione prudentius quam eventu felicius fuit: ad unum omnes cum ipso duce occisi sunt. Has poenas Amyntas utrique regi dedit, nihilo magis ei, ad quem transfugerat, fidus, quam illi, quem deseruerat.

(6) Darēi praetores, qui proelio apud Isson super fuerant, cum omni manu, quae fugientes secuta erat, assumpta etiam Cappadocum et Paphlagonum iuventute, Lydiam recuperare tentabant. Antigonus, praetor Alexandri, Lydiae praeerat: qui, quamquam plerosque militum ex praesidiis ad regem dimiserat, tamen, barbaris spreto, in aciem suos eduxit. Eadem illic quoque fortuna partium fuit: tribus proeliis alia atque alia regione commissis Persae funduntur. Eodem tempore classis Macedonum ex Graecia accita Aristomēnen, qui ad Hellesponti oram recuperandam a Darēo erat missus, captis eius aut mersis navibus, superat. A Milesiis deinde Pharnabāzus, praefectus Persicae classis, pecunia exacta et praesidio in urbem Chium introducto, centum navibus Andrum et inde Siphnum petiit. Has quoque insulas praesidiis occupat, pecunia multat.

Magnitudo belli, quod ab opulentissimis Europae Asiaeque regibus in spem totius orbis occupandi gerebatur, Graeciae quoque et Cretae arma commoverat. Agis, Lacedaemoniorum rex, octo milibus Graecorum, qui ex Cilicia profugi domos repetierant, contractis, bellum Antipatro, Macedoniae praefecto, moliebatur. Cretenses has aut illas partes secuti nunc Spartanorum, nunc Macedonum praesidiis occupabantur. Sed leviora inter illos fuere discrimina, unum certamen, ex quo cetera pendebant, in-tuente fortuna.

## CAP. II.

(7) Iam tota Syria, iam Phoenice quoque, excepta Tyro, Macedonum erat, habebatque rex castra in continenti, a qua urbem angustum fretum dirimit. Tyros et magnitudine et claritate ante omnes urbes Syriae Phoeni-

cesque memorabilis facilius societatem Alexandri acceptura videbatur, quam imperium. Coronam igitur auream donum legati afferebant commeatusque large et hospitaliter ex oppido advexerant. Ille dona, ut ab amicis, accipi iussit benigneque legatos allocutus Herculi, quem praecipue Tyrii colerent, sacrificare velle se dixit: Macedonum reges credere, ab illo deo ipsos genus ducere: se vero, ut id faceret, etiam oraculo monitum. Legati respondent, esse templum Herculis extra urbem in ea sede, quam Palaetyron ipsi vocent: ibi regem deo sacrum rite facturum. Non tenuit iram Alexander, cuius alioqui potens non erat. Itaque, *Vos quidem, inquit, fiducia loci, quod insulam incolitis, pedestrem hunc exercitum spernitis: sed brevi ostendam, in continenti vos esse. Proinde sciatis licet, aut intraturum me urbem aut oppugnaturum.* Cum hoc responso dimissos monere amici coeperunt, ut regem, quem Syria, quem Phoenice recepisset, ipsi quoque urbem intrare paterentur. At illi loco satis fisi obsidionem ferre decreverant.

(8) Namque urbem a continenti quattuor stadiorum fretum dividit: Africo maxime obiectum crebros ex alto fluctus in litus evolvit. Nec accipiendi operi, quo Macedones continenti insulam iungere parabant, quicquam magis quam ille ventus obstabat. Quippe vix leni et tranquillo mari moles agi possunt: Africus vero prima quaeque congesta, pulsu illiso mari, subruit, nec ulla tam firma moles est, quam non exedant undae, et per nexus operum manantes et, ubi acrior flatus extitit, summi operis fastigio superfusae. Praeter hanc difficultatem haud minor alia erat: muros turresque urbis praealtum mare ambiebat: non tormenta nisi e navibus procul excussa mitti, non scalae moenibus applicari poterant: praeceps in salum murus pedestre interceperat iter: naves nec habebat rex et, si admovisset, pendentes et instabiles missilibus arceri poterant.

10 Inter quae parva dictu res Tyriorum fiduciam accendit. Carthaginiensium legati ad celebrandum sacrum anniversarium more patrio tunc venerant: quippe Carthaginem Tyrii condiderunt, semper parentum loco culti-

Hortari ergo Poeni coeperunt, ut obsidionem forti animo 11  
paterentur: brevi Carthagine auxilia ventura. Namque  
ea tempestate magna ex parte Punicis classibus maria ob-  
sidebantur.

(9) Igitur bello decreto, per muros turresque A. 333 12  
tormenta disponunt, arma iunioribus dividunt, opi- exeunte  
fices, quorum copia urbs abundabat, in officinas a. Chr. n.  
distribuunt. Omnia belli apparatu strepunt: ferreae quo- Ol. III, 4.  
que manus (harpagones vocant), quas operibus hostium  
iniicerent, corvique et alia tuendis urbibus excogitata  
praeparabantur. Sed quum fornacibus ferrum, quod ex- 13  
cudi oportebat, impositum esset, admotisque follibus ignem  
flatu accenderent, sanguinis rivi sub ipsis flammis exti-  
tisse dicuntur: idque omen in Macedonum metum verte-  
runt Tyrii. Apud Macedonas quoque quum forte panem 14  
quidam militum frangerent, manantis sanguinis guttas no-  
taverunt, territoque rege Aristander, peritissimus vatum,  
si extrinsecus cruor fluxisset, Macedonibus id triste futu-  
rum ait: contra, quum ab interiore parte manaverit, urbi,  
quam obsidere destinassent, exitium portendere. Alexan- 15  
der, quum et classem procul haberet et longam obsidionem  
magno sibi ad cetera impedimento videret fore, caducea-  
tores, qui ad pacem eos compellerent, misit: quos Tyrii  
contra ius gentium occisos praecipitaverunt in altum. At-  
que ille suorum tam indigna morte commotus urbem obsi-  
dere statuit.

(10) Sed ante iacienda moles erat, quae continenti 16  
urbem committeret. Ingens ergo animos militum despe-  
ratio incessit, cernentium profundum mare, quod vix di-  
vina ope posset impleri: quae saxa tam vasta, quas tam  
proceras arbores posse reperiri? exhauriendas esse re-  
giones, ut illud spatium exaggeraretur: exaestuaris sem-  
per fretum, quoque artius volutetur inter insulam et con-  
tinentem, hoc acrius furere. At ille haudquaquam rudis 17  
pertractandi militares animos speciem sibi Herculis in  
somno oblatam esse pronuntiat, dextram porrigentis: illo  
duce, illo aperiente, in urbem intrare se visum. Inter haec  
caduceatores interfectos, gentium iura violata referebat:

unam esse urbem, quae cursum victoris morari ausa es-  
18 set. Ducibus deinde negotium datur, ut suos quisque ca-  
stiget, satisque omnibus stimulis opus orsus est. Magna  
vis saxorum ad manum erat, Tyro vetere praebente: ma-  
teries ex Libano monte ratibus et turribus faciendis adve-  
19 hebatur. Iamque a fundo maris in altitudinem modicam  
opus excreverat, nondum tamen aquae fastigium aequa-  
bat, — et quo longius moles agebatur a litore, hoc magis,  
20 quicquid ingerebatur, praealtum absorbebat mare: — quum  
Tyrii, parvis navigiis admotis, per ludibrium exprobra-  
bant, illos armis inclitos dorso, sicut iumenta, onera ge-  
stare: interrogabant etiam, num maior Neptuno Alexander  
esset. Haec ipsa insectatio alacritatem militum accendit.

21 (11) Iamque paulum moles aqua eminebat, et simul  
aggeris latitudo crescebat, urbi admovebatur: quum  
Tyrii, magnitudine molis, cuius incrementum eos antea fe-  
fellerat, conspecta, levibus navigiis nondum commissum  
opus circumire coeperunt, missilibus quoque eos, qui pro  
22 opere stabant, incessere. Multis ergo impune vulneratis,  
quum et remove et appellere scaphas in expedito esset,  
23 ad curam semet ipsos tuendi ab opere converterant. Igi-  
tur rex munientibus coria velaque iussit obtendi, ut extra  
teli iactum essent, duasque turres ex capite molis erexit,  
24 e quibus in subeuntes scaphas tela ingeri possent. Contra  
Tyrii navigia procul a conspectu hostium litori appellunt  
expositisque militibus eos, qui saxa gestabant, obtrun-  
cant. In Libano quoque Arabum agrestes, incomposi-  
tos Macedonas adorti, triginta fere interficiunt, pauciori-  
bus captis.

## CAP. III.

1 Ea res Alexandrum dividere copias coegit: et ne  
segniter assidere uni urbi videretur, operi Perdiccan Cra-  
teronque praefecit, ipse cum expedita manu Arabiam  
peliit.

2 (12) Inter haec Tyrii navem magnitudine eximia, sa-  
xis arenaque a puppi oneratam, ita ut multum prora emi-  
neret, bitumine ac sulphure illitam remis concitaverunt.



et quum magnam vim venti vela quoque concepissent, ce-  
 leriter ad molem successit: tum prora eius accensa, remi-  
 ges desiluere in scaphas, quae ad hoc ipsum praeparatae  
 sequebantur. Navis autem, igne concepto, lalius fundere  
 incendium coepit, quod, priusquam posset occurri, turres  
 et cetera opera in capite molis posita comprehendit. At  
 qui desiluerant in parva navigia, faces et quicquid alendo  
 igni aptum erat in eadem opera ingerunt. Iamque non  
 modo Macedonum turres, sed etiam summa tabulata con-  
 ceperant ignem: quum hi, qui in turribus erant, partim  
 haurirentur incendio, partim, armis omissis, in mare se-  
 met ipsi inmitterent. At Tyrii, qui capere eos quam in-  
 terficere mallent, natantium manus stipitibus saxisque la-  
 cerabant, donec debilitati impune navigiis excipi possent.  
 Nec incendio solum opera consumpta, sed forte eodem  
 die vehementior ventus totum ex profundo mare illisit in  
 molem, crebrisque fluctibus compages operis verberatae  
 se laxavere, saxaque interfluens unda medium opus ru-  
 pit. Prorutis igitur lapidum cumulis, quibus iniecta terra  
 sustinebatur, praeceps in profundum ruit, tantaeque molis  
 vix ulla vestigia invenit Arabia rediens Alexander.

(13) Hic, quod in adversis rebus solet fieri, alius in  
 alium culpam referebant, quum omnes verius de saevitia  
 naris queri possent. Rex novi operis molem orsus in ad-  
 versum ventum non latere, sed recta fronte direxit: ea  
 cetera opera, velut sub ipsa latentia, tuebatur: latitudinem  
 quoque aggeri adiecit, ut turres in medio excitatae pro-  
 cul teli iactu abessent. Totas autem arbores cum ingen-  
 tibus ramis in altum iaciebant, deinde saxis onerabant  
 rursusque cumulo eorum alias arbores iniiciebant: tum  
 humus aggerebatur, superque alia strue saxorum arbo-  
 rumque cumulata velut quodam nexu continens opus iun-  
 xerant.

Nec Tyrii, quicquid ad impediendam molem excogi-  
 tari poterat, segniter exequabantur. Praecipuum auxilium  
 erat, qui procul hostium conspectu subibant aquam oc-  
 cultoque lapsu ad molem usque penetrabant, falcibus pal-  
 mites arborum eminentium ad se trahentes: quae ubi se-

cutae erant, pleraque secum in profundum dabant: tum  
 levatos onere stipites truncosque arborum haud aegre mo-  
 liebantur: deinde totum opus, quod stipitibus fuerat in-  
 nixum, fundamento lapsa, sequebatur.

11 Aegro animi Alexandro nec, perseveraret, an abiret,  
 satis certo classis Cypro advenit eodemque tempore Cle-  
 ander, cum Graecis militibus in Asiam nuper advectus.  
 Centum et nonaginta navium [classem] in duo dividit cor-  
 nua: laevum Phylagoras, rex Cypriorum, cum Cratæro tue-  
 batur, Alexandrum in dextro quinqueremis regia vehebat.

12 Nec Tyrii, quamquam classem habebant, ausi navale inire  
 certamen: triremes tris omnino ante ipsa moenia oppo-  
 suerunt: quibus rex invectus, ipsas demersit.

13 (14) Postera die classe ad moenia admota, undique  
 tormentis et maxime arietum pulsu muros quatit: quos  
 Tyrii raptim obstructis saxis refecerunt, interiorum quo-  
 que murum, ut, si prior fefellisset, illo se tuerentur, undi-

14 que orsi. Sed undique vis mali urgebat: moles intra teli  
 iactum erat, classis moenia circumibat, terrestri simul na-  
 valique clade obruebantur. Quippe binas quadriremes  
 Macedones inter se ita iunxerant, ut prorae cohaerent,  
 puppes intervallo, quantum capere poterant, distarent.

15 Hoc puppium intervallum antennis asseribusque validis  
 deligatis superque eos pontibus stratis, qui militem sus-  
 tenerent, impleverant: sic instructas quadriremes ad urbem  
 agebant: inde missilia in propugnantes ingerebantur tuto,

16 quia proris miles tegebatur. Media nox erat, quum clas-  
 sem, sicuti dictum est, paratam circumire muros iubet:  
 iamque naves urbi undique admovebantur, et Tyrii despe-  
 ratione torpebant: quum subito spissae nubes intendere  
 se coelo, et, quicquid lucis internitebat, effusa caligine

17 extinctum est. Tum inhorrescens mare paulatim levare,  
 deinde, acriore vento concitatum, fluctus eiere et inter se  
 navigia collidere. Iamque scindi coeperunt vincula, qui-

18 bus connexae quadriremes erant, ruere tabulata et cum  
 ingenti fragore in profundum secum milites trahere. Ne-  
 que enim conserta navigia ulla ope in turbido regi pote-  
 rant: miles ministeria nautarum, remex militis officia tur-

babat, et, quod in eiusmodi casu accidit, periti ignaris parebant: quippe gubernatores, alias imperare soliti, tum metu mortis iussa exequabantur. Tandem remis pertinacius everberatum mare veluti eripientibus navigia classicis cessit, appulsaque sunt litori, lacerata pleraque.

(15) Iisdem forte diebus Carthaginiensium legati triginta superveniunt, magis obsessis solatium, quam auxilium: quippe domestico bello Poenos impediri nec de imperio, sed pro salute dimicare nuntiabant. Syracusani tunc Africam urebant et haud procul Carthaginis muris locaverant castra. Non tamen defecere animis Tyrii, quamquam ab ingenti spe destituti erant, sed coniuges liberosque devehendos Carthaginem tradiderunt, fortius, quicquid accideret, laturo, si carissimam sui partem extra sortem communis periculi habuissent. Quumque unus e civibus in concione indicasset, oblatam esse per somnum sibi speciem Apollinis, quem eximia religione colerent, urbem deserentis, molemque a Macedonibus in salo iactam in silvestrem saltum esse mutatam: quamquam auctor levissimus erat, tamen ad deteriora credenda prout metu aurea catena devinxere simulacrum araeque Herculis, cuius numini urbem dicaverant, inseruere vinculum, quasi illo deo Apollinem retenturo. Syracusis id simulacrum devexerant Poeni et in maiore locaverant patria: multisque aliis spoliis urbium a semet captarum non Carthaginem magis quam Tyrum ornaverant. Sacrum quoque, quod equidem diis minime cordi esse crediderim, multis saeculis intermissum repetendi auctores quidam erant, ut ingenuus puer Saturno immolaretur: quod sacrilegium verius quam sacrum Carthaginienses, a conditoribus traditum, usque ad excidium urbis suae fecisse dicuntur. Ac nisi seniores obstitissent, quorum consilio cuncta agebantur, humanitatem dira superstitione vicisset.

(16) Ceterum efficacior omni arte necessitas non usitata modo praesidia, sed quaedam etiam nova admovit. Namque ad implicanda navigia, quae muros subibant, validis asseribus corvos et ferreas manus cum unciis ac falcebus illigaverant. ut, quum tormento asseres promovis-

sent, subito laxatis funibus, iniicerent. Unci quoque et falees ex iisdem asseribus dependentes aut propugnatores aut ipsa navigia lacerabant. Clypeos vero aereos multo igne torrebant, quos repletos fervida arena coenoque decocto e muris subito devolvebant. Nec ulla pestis magis timebatur: quippe ubi loricam corpusque fervens arena penetraverat, nec ulla vi excuti poterat et, quicquid attingerat, perurebat, iacentesque arma, laceratis omnibus, quis protegi poterant, vulneribus inulti patebant: corvi vero et ferreae manus tormento remissae plerosque rapiabant.

## CAP. IV.

(17) His rex fatigatus statuerat, soluta obsidione, Aegyptum petere. Quippe quum Asiam ingenti velocitate percurrisset, circa muros unius urbis haerebat, tot maximarum rerum opportunitate dimissa. Ceterum tam discedere irritum, quam morari pudebat: famam quoque, quam plura quam armis everterat, ratus leviolem fore, si Tyrum quasi testem, se posse vinci, reliquisset. Igitur ne quid inexpertum omitteret, plures naves admoveri iubet delectosque militum imponi. Et forte belua, inusitatae magnitudinis, super ipsos fluctus dorso eminens ad molem, quam Macedones iecerant, ingens corpus applicuit diverberatisque fluctibus allevans semet utrimque conspecta est: deinde a capite molis rursus alto se immersit ac, modo super undas eminens magna sui parte, modo superfusis fluctibus condita, haud procul munimentis urbis emersit. Utrisque laetus fuit beluae aspectus: Macedones iter iaciendo operi monstrasse eam augurabantur, Tyrii, Neptunum, occupati maris vindicem, abripuisse beluam, ac molem brevi profecto ruituram. Laelique omine eo ad epulas dilapsi oneravere se vino, quo graves, orto sole, navigia conscendunt, redimita floribus coronisque: adeo victoriae non omen modo, sed etiam gratulationem praecerant.

(18) Forte rex classem in diversam partem agi iusserat, triginta minoribus navigiis relictis in litore: e qui-



bus Tyrii duobus captis cetera ingenti terruerunt metu, donec, suorum clamore audito, Alexander classem litori, a quo fremitus acciderat, admovit. Prima e Macedonum 7 navibus quinqueremis velocitate inter ceteras eminens occurrit: quam ut conspexere Tyriae, duae ex diverso in latera eius invectae sunt, in quarum alteram quinqueremis eadem concitata, et ipsa rostro iecta est et illam invicem tenuit. Iamque ea, quae non cohaerebat, libero impetu 8 evecta in aliud quinqueremis latus invehebatur: quum opportunitate mira triremis e classe Alexandri in eam ipsam, quae quinqueremi imminebat, tanta vi impulsus est, ut Tyrius gubernator in mare excuteretur e puppi. Plures 9 deinde Macedonum naves superveniunt, et rex quoque aderat: quum Tyrii inhibentes remis aegre evellere navem, quae haerebat, portumque omnia simul navigia repetunt. Confestim rex insecutus portum quidem intrare non potuit, quum procul e muris missilibus summovertetur, naves autem omnes fere aut demersit aut cepit.

(19) Biduo deinde ad quietem dato militibus, iussis 10 que et classem et machinas pariter admovere, ut undique territis instaret, ipse in altissimam turrem ascendit, ingenti animo, periculo maiore. Quippe regio insigni et 11 armis fulgentibus conspicuus unus praecipue telis petebatur. Et digna prorsus spectaculo edidit: multos e muris propugnantes hasta transfixit, quosdam etiam comminus gladio elypeoque impulsos praecipitavit: quippe turris, ex qua dimicabat, muris hostium propemodum cohaerebat. Iamque, crebris arietibus saxorum compage laxata, 12 munimenta defecerant, et classis intraverat portum, et quidam Macedonum in turres hostium desertas evaserant: quum Tyrii, tot simul malis victi, alii supplices in templis confugiunt, alii, foribus aedium obseratis, occupant liberum mortis arbitrium, nonnulli ruunt in hostem, haud inulti tamen perituri, magna pars summa tectorum obtinebat, saxa 13 et quicquid fors in manus dederat ingerentes subeuntibus. Alexander, exceptis, qui in templis confugerant, omnes interfici ignemque tectis iniici iubet. His per praecones pro- 14 nuntiatis, nemo tamen armatus opem a diis petere susti-

nuit: pueri virginesque templa compleverant, viri in vestibulo suarum quisque aedium stabant, parata saevientibus turba. Multis tamen saluti fuere Sidonii, qui intra Macedonum praesidia erant. Hi urbem quidem inter viatores intraverant, sed cognationis cum Tyriis memores (quippe utramque urbem Agenorem condidisse credebant) multos Tyrionum, etiam protegentes, ad sua perduxere navigia: quibus occultati Sidona devecti sunt. Quindecim 16 milia hoc furto subducta saevitiae sunt. Quantumque sanguinis fusum sit, vel ex hoc existimari potest, quod intra munimenta urbis sex milia armatorum trucidata sunt. 17 Triste deinde spectaculum victoribus ira praebuit regis. Duo milia, in quibus occidendi defecerat rabies, crucibus 18 affixi per ingens litoris spatium pependerit. Carthaginiensium legatis pepercit, addita denuntiatione belli, quod praesentium rerum necessitas moraretur.

19 (20) Tyros septimo mense, quam oppugnari A. 332  
medio  
a. Chr. n.  
01. 112. 1.  
mense  
Hecatombaeone. coepta erat, capta est, urbs et vetustate originis et crebra fortunae varietate ad memoriam posteritatis insignis. Condita ab Agenore diu mare, non vicinum modo, sed quodcumque classes eius adierunt, ditionis suae fecit. Et si famae libet credere, haec 20 gens litteras prima aut docuit aut didicit. Coloniae certe eius paene orbe toto diffusae sunt: Carthago in Africa, in Boeotia Thebae, Gades ad Oceanum. Credo, libero commeantes mari saepiusque adeundo ceteris incognitas terras elegisse sedes iuventuti, qua tunc abundabat: sive quia crebris motibus terrae (nam hoc quoque traditur) cultores eius fatigati nova et externa domicilia armis 21 sibimet quaerere cogebantur. Multis ergo casibus defuncta et post excidium renata, nunc tamen, longa pace cuncta refovente, sub tutela Romanae mansuetudinis acquiescit.

## CAP. V.

1 (21) Iisdem ferme diebus Darēi litterae allatae sunt, tandem ut regi scriptae. Petebat, uti filiam suam (Statira erat nomen) nuptiis Alexander sibi adiungeret: dotem fore

omnem regionem inter Hellespontum et Halyn amnem sitam: inde orientem spectantibus terris contentum se fore. Si forte dubitaret, quod offerretur, accipere: nunquam diu eodem vestigio stare fortunam semperque homines, quantumcunque felicitatem habeant, invidiam tamen sentire maiorem. Vereri se, ne avium modo, quas naturalis levitas ageret ad sidera, inani ac puerili mentis affectu efferretur. Nihil difficilius esse, quam in illa aetate tantam capere fortunam. Multas se adhuc reliquias habere nec semper inter angustias posse deprehendi: transeundum esse Alexandro Euphraten Tigrinque et Araxen et Hydaspem, magna munimenta regni sui. Veniendum in campos, ubi paucitate suorum erubescendum sit. Mediam, Hyrcaniam, Bactra et Indos, Oceani accolas, quando aditurum? ne Sogdianos et Arachosios nominem ceterasque gentes ad Caucasum et Tanaim pertinentes. Senescendum fore tantum terrarum vel sine proelio obeunti. Se vero ad ipsum vocare desineret: namque illius exitio se esse venturum. Alexander his, qui litteras attulerant, respondit, Darum sibi aliena promittere et, quod totum amiserit, velle partire. Doti sibi dari Lydiam, Ionas, Aeolidem, Hellespontioram, victoriae suae praemia. Leges autem a victoribus dici, accipi a victis. In utro statu ambo essent, si solus ignoraret, quamprimum Marte decerneret. Se quoque, quum transiret mare, non Ciliciam aut Lydiam, — quippe tanti belli exiguam hanc esse mercedem, — sed Persepolim, caput regni eius, Bactra deinde et Ecbatana ultimique orientis oram imperio suo destinasse. Quocumque ille fugere potuisset, ipsum sequi posse: desineret terrere fluminibus, quem sciret maria transisse.

(22) Reges quidem haec invicem scripserant. Sed Rhodii urbem suam portusque dedebant Alexandro. Ille Ciliciam Socrati tradiderat, Philota regioni circa Tyrum iusso praesidere. Syriam, quae Coele appellatur, Andromacho Parmenio tradiderat, bello, quod supererat, interfuturus. Rex, Hephaestione Phoenices oram classe praetervehi iusso, ad urbem Gazam cum omnibus copiis venit.

- 11 Iisdem fere diebus sollemne erat ludicrum Isthmiorum, quod conventu totius Graeciae celebratur. In eo concilio Graeci, ut sunt temporaria ingenia, decernunt, ut quindecim legarentur ad regem, qui ob res pro salute ac libertate Graeciae gestas coronam auream donum victoriae ferrent. Iidem paulo ante incertae famae captaverant auram, ut, quocumque pendentes animos tulisset fortuna, sequerentur.
- 12
- 13 (23) Ceterum non ipse modo rex obibat urbes adhuc iugum imperii recusantes, sed praetores quoque ipsius, egregii duces, pleraque invaserant. Calas Paphlagoniam, Antigonus Lycaoniam, Balacrus, Hydarne. Darum praetore,
- 14 superato, Miletum cepit: Amphoterus et Hegelochus centum sexaginta navium classe insulas inter Achaiam atque Asiam in ditionem Alexandri redegerunt. Tenedo quoque recepta, Chium, incolis ultro vocantibus, statuerant occupare: sed Pharnabazus, Darum praetor, comprehensis, qui res ad Macedones trahebant, rursus Apollonidi et Athenagorae, suarum partium viris, urbem cum modico praesidio militum tradit. Praefecti Alexandri in obsidione urbis perseverabant, non tam suis viribus, quam ipsorum, qui obsidebantur, voluntate. Nec fefellit opinio. Namque inter Apollonidem et duces militum orta seditio irrumpendi in urbem occasionem dedit, quumque, porta effracta, cohors Macedonum intrasset, oppidani, olim consilio proditionis agitato, aggregant se Amphotero et Hegelochis: Persarumque praesidio caeso Pharnabazus cum Apollonide et Athenagora victi traduntur, duodecim triremes cum suo milite ac remige, praeter eas triginta inanes, et piratici lembi Graecorumque tria milia, a Persis mercede conducta. His in supplementum copiarum suarum distributis piratisque supplicio affectis, captivos remiges adiecere classi suae.
- 15
- 16
- 17
- 18
- 19 (24) Forte Aristonicus, Methymnaeorum tyrannus, cum piraticis navibus, ignarus omnium, quae apud Chium acta erant, prima vigilia ad portus claustra successit interrogatusque a custodibus, quis esset, Aristonicum ad
- 20 Pharnabazum venire respondit. Illi Pharnabazum quidem



iam quiescere et non posse tum adiri, ceterum patere socio atque hospiti portum et postera die Pharnabāzi copiam fore affirmant. Nec dubitavit Aristonīcus primus 21 intrare: secuti sunt ducem piratici lembi, ac dum applicant navigia crepidini portus, obiicitur a vigilibus claustrum, et, qui proximi excubabant, ab iisdem excitantur: nullo ex his auso repugnare, omnibus catenae iniectae sunt, Amphotēro deinde Hegelochoque traduntur. Hinc 22 Macedōnes transiere Mitylēnen, quam Chares Atheniensis nuper occupatam duorum milium Persarum praesidio tenebat: sed quum obsidionem tolerare non posset, urbe tradita, pactus, ut incolumi abire liceret, Imbrum petit. Deditis Macedōnes pepercerunt.

## CAP. VI.

(25) Darēus, desperata pace, quam per litteras legatosque impetrari posse crediderat, ad reparandas vires bellunquē impigre renovandum intendit animum. Duces 2 ergo copiarum Babyloniam convenire, Bessum quoque, Bactrianorum ducem, propere quam maximo posset exercitu coacto, descendere ad se iubet. Sunt autem Bactriāni 3 inter illas gentes promptissimi, horridis ingeniis multumque a Persarum luxu abhorrentibus: siti haud procul Scytharum bellicosissima gente et rapto vivere assueta semper in armis erant. Sed Bessus, suspecta perfidia, haud 4 sane aequo animo in secundo se continens gradu, regem terrebat. Nam quum regnum affectaret, proditio, qua sola id assequi poterat, timebatur.

Ceterum Alexander, quam regionem Darēus petisset, 5 omni cura vestigans, tamen explorare non poterat, more quodam Persarum arcana regum mira celantium fide. Non 6 metus, non spes elicit vocem, qua prodantur occulta. Vetus disciplina regum silentium vitae periculo sanxerat. Lingua gravius castigatur, quam ullum probrum: nec magnam rem magis sustineri posse credunt ab eo, cui tacere grave sit, quod homini facillimum voluerit esse natura.

(26) Ob hanc causam Alexander omnium, quae apud 7

hostem gererentur, ignarus urbem Gazam obsidebat. Praeerat urbi Betis, eximiae in regem suum fidei, modico- 8 que praesidio muros ingentis operis tuebatur. Alexander, aestimato locorum situ, agi cuniculos iussit, facili ac levi humo acceptante occultum opus: quippe multam arenam vicinum mare evomit, nec saxa cotesque, quae in- 9 terpellent specus, obstant. Igitur ab ea parte, quam oppidani conspiciere non possent, opus orsus, ut a sensu eius averteret, turrets muris admoveri iubet. Sed eadem humus movendis inutilis turribus, desidente sabulo, agilitatem rotarum morabatur et tabulata turrium perfringebat, multique vulnerabantur impune, quum idem recipiendis 10 qui admovendis turribus labor eos fatigaret. Ergo receptui signo dato, postero die muros corona circumdari iussit ortoque sole, priusquam admoveret exercitum, opem 11 deū exposcens sacrum patrio more faciebat. Forte praetervolans corvus glebam, quam unguibus ferebat, subito amisit: quae quum regis capiti incidisset, resoluta defluxit, ipsa autem avis in proxima turre consedit. Illita erat turris bitumine ac sulphure, in qua alis haerentibus frustra se allevare conatus a circumstantibus capitur. Digna 12 res visa, de qua vates consuleret: et erat non intactae a superstitione mentis. Ergo Aristander, cui maxima fides habebatur, urbis quidem excidium augurio illo portendi, ceterum periculum esse, ne rex vulnus acciperet: itaque 13 monuit, ne quid eo die inciperet. Ille, quamquam unam urbem sibi, quo minus securus Aegyptum intraret, obstare aegre ferebat, tamen paruit vati signumque receptui dedit.

(27) Hinc animus crevit obsessis, egressique porta recedentibus inferunt signa, cunctationem hostium suam 14 fore occasionem rati. Sed acrius quam constantius proelium inierunt: quippe ut Macedōnum signa circummagi videre, repente sistunt gradum. Iamque ad regem proeliantium clamor pervenerat, quum denuntiati periculi haud sane memor lorica tamen, quam raro induebat, amicis 15 orantibus, sumpsit et ad prima signa pervenit. Quo conspecto Arabs quidam, Darēi miles, maius fortuna sua fa-

cinus ausus, gladium clypeo tegens, quasi transfuga genibus regis advolvitur. Ille assurgere supplicem recipique inter suos iussit. At barbarus, gladio strenue in dextram 16 translato, cervicem appetit regis: qui, exigua corporis declinatione evitato ictu, in vanum manum barbari lapsam amputat gladio, denuntiato in illum diem periculo, ut arbitratur ipse, defunctus. Sed, ut opinor, inevitabile est 17 fatum. Quippe dum inter primores promptius dimicat, sagitta ictus est: quam per lorica adactam, stantem in humero medicus eius Philippus evellit. Plurimus deinde 18 sanguis manare coepit, omnibus territis, quia non, quam alte penetrasset telum, lorica obstante, cognoverant. Ipse, ne oris quidem colore mutato, suppressi sanguinem et vulnus obligari iussit. Diu ante ipsa signa, vel dissimulato 19 vel victo dolore, persisterat: quum suppressus paulo ante sanguis medicamento, quo retentus erat, manare largius coepit, et vulnus, quod tepens adhuc dolorem non moverat, frigente sanguine, intumuit. Linqui deinde animo et 20 submitti genu coepit: quem proximi exceptum in castra receperunt. Et Betis interfectum ratus urbem ovans victoria repetit.

(28) At Alexander, nondum percuro vulnere, aggerem, quo moenium altitudinem aequaret, extruxit pluribusque cuniculis muros subruere iussit. Oppidani ad pristinum 22 fastigium moenium novum extruxere munimentum, sed ne id quidem turres aggeri impositas poterat aequare. Itaque interiora quoque urbis infesta telis erant. Ultima 23 pestis urbis fuit cuniculo subrutus murus, per cuius ruinas hostis intravit. Ducebat ipse rex antesignanos, et dum incautius subit, saxo crus eius affligitur. Innixus tamen telo, 24 nondum prioris vulneris obducta cicatrice, inter primores dimicat, ira quoque accensus, quod duo in obsidione urbis eius vulnera acceperat. Betim, egregia edita pugna 25 multisque vulneribus confectum, deseruerunt sui, nec tamen segnius proelium capescebat, lubricis armis suo pariter atque hostium sanguine. Sed quum undique telis 26 [peteretur, ad postremum, exhaustis viribus, vivus in potestatem hostium pervenit]: quo adducto, insolenti gaudio juvenis

elatus, alias virtutis etiam in hoste mirator, *Non, ut voluisti, inquit, morieris, Beti, sed, quicquid in captivum inveniri potest, passurum esse te cogita.* Ille non interrito modo, sed contumaci quoque vultu intuens regem nullam ad minas 28 eius reddidit vocem. Tum Alexander, *Videtisne obstinatum ad tacendum?* inquit. *Num genu posuit? num supplicem vocem misit? Vincam tamen silentium et, si nihil aliud, certe gemitu interpellabo.* Ira deinde vertit in rabiem, iam tum peregrinos ritus nova subeunte fortuna. Per talos enim spirantis lora traiecta sunt, religatumque ad currum traxere circa urbem equi: gloriante rege, Achillem, a quo genus ipse deduceret, imitatum se esse poena in hostem capienda. 30 Cecidere Persarum Arabumque circa decem milia: nec Macedonibus incruenta victoria fuit. Obsidio certe A. 332 a. Chr. n. aestate. Ol. 112, 1. non tam claritate urbis nobilitata est, quam geminato periculo regis.

Qui Aegyptum adire festinans Amyntan cum decem triremibus in Macedoniam ad inquisitionem novorum militum misit. Namque etiam secundis atterebantur tamen copiae, devictarumque gentium militi minor quam domestico fides habebatur.

## CAP. VII.

1 (29) Aegyptii olim Persarum opibus infensi, — quippe avare et superbe imperitatum sibi esse credebant, — ad spem adventus eius erexerant animos, utpote qui Amyntam quoque transfugam et cum precario imperio venientem laeti recepissent. Igitur ingens multitudo Pelusium, qua intraturus videbatur, convenerat. Atque ille septimo die, postquam a Gaza copias moverat, in regionem Aegypti, quam nunc Castra Alexandri vocant, pervenit. 3 Deinde, pedestribus copiis Pelusium petere iussis, ipse cum expedita delectorum manu Nilo amne vectus est: nec sustinere adventum eius Persae, defectione quoque perterriti. Iamque haud procul Memphi erat: in cuius praesidio Mazaces, praetor Darēi, relictus, [ad] Cercasoron amne superato, octingenta talenta Alexandro omnemque regiam suppellectilem tradidit. A Memphi eodem flumine



vectus ad interiora Aegypti penetrat compositisque rebus ita, ut nihil ex patrio Aegyptiorum more mutaret, adire Iovis Hammōnis oraculum statuit. Iter expeditis quoque et paucis vix tolerabile ingrediendum erat: terra coeloque aquarum penuria est, steriles arenae iacent, quas ubi vapor solis accendit, fervido solo exurente vestigia, intolerabilis aestus existit. Luendumque est non solum cum ardore et siccitate regionis, sed etiam cum tenacissimo sabulo, quod praealtum et vestigio cedens aegre moluntur pedes. Haec Aegyptii vero maiora iactabant. Sed in gens cupido animum stimulabat adeundi Iovem, quem generis sui auctorem, haud contentus mortali fastigio, aut credebatur esse aut credi volebat.

(30) Ergo cum his, quos ducere secum stauerat, secundo amne descendit ad Mareōtin paludem. Eo legati Cyrenensium dona attulere, pacem et ut adiret urbes suas petentes. Ille, donis acceptis amicitiaque coniuncta, destinata exequi pergit. Ac primo quidem et sequenti die tolerabilis labor visus, nondum tam vastis nudisque solitudinibus aditis, iam tamen sterili et emorienti terra. Sed ut aperuere se campi alto obruti sabulo, haud secus quam profundum aequor ingressi terram oculis requirebant. Nulla arbor, nullum culti soli occurrebat vestigium. Aqua etiam defecerat, quam utribus cameli vexerant, et in arido solo ac fervido sabulo nulla erat. Ad hoc sol omnia incenderat, siccaque et adusta erant ora: quum repente, sive illud deorum munus sive casus fuit, obductae coelo nubes condidere solem, ingens aestu fatigatis, etiamsi aqua deficeret, auxilium. Enimvero ut largum quoque imbrem excusserunt procellae, pro se quisque excipere eum, quidam, ob sitim impotentes sui, ore quoque hianti captare coeperunt. Quatriduum per vastas solitudines absumptum est. Iamque haud procul oraculi sede aberant, quum complures corvi agmini occurrunt, modico volatu prima signa antecedentes, et modo humi residebant, quum lentius agmen incederet, modo se pennis levabant antecedentium iterque monstrantium ritu.

(31) Tandem ad sedem consecratam deo ventum est.

Incredibile dictu, inter vastas solitudines sita undique ambientibus ramis, vix in densam umbram cadente sole, conlecta est, multique fontes, dulcibus aquis passim manantibus, alunt silvas. Coeli quoque mira temperies, verno tepori maxime similis, omnes anni partes pari salubritate percurrit. Accolae sedis sunt ab oriente proximi Aethiōpum. In meridiem versam Arābes spectant: Troglodytis cognomen est: horum regio usque ad rubrum mare excurrit. At qua vergit ad occidentem, alii Aethiōpes colunt, quos Scenitas vocant. A septentrione Nasamōnes sunt, gens Syrtica, navigiorum spoliis quaestuosa: quippe obsident litora et aestu destituta navigia notis sibi vadis occupant. Incolae nemoris, quos Hammonios vocant, dispersis tuguriis habitant: medium nemus pro arce habent, triplici muro circumdatum. Prima munitio tyrannorum veterem regiam clausit: in proxima coniuges eorum cum liberis et pellicibus habitant: hic quoque dei oraculum est: ultima munimenta satellitum armigerorumque sedes erant. Est et aliud Hammōnis nemus: in medio habet fontem, quem Solis aquam vocant: sub lucis ortum tepida manat, medio die, cuius vehementissimus est calor, frigida eadem fluit, inclinato in vesperam calescit, media nocte fervida exaestuat: quoque nox propius vergit ad lucem, multum ex nocturno calore decrescit, donec sub ipsum diei ortum asueto tepore languescat. Id, quod pro deo colitur, non eandem effigiem habet, quam vulgo diis artifices accommodaverunt: umbilico maxime similis est habitus, smaragdo et gemmis coagmentatus. Hunc, quum responsum petitur, navigio aurato gestant sacerdotes, multis argenteis pateris ab utroque navigii latere pendentibus: sequuntur matronae virginesque, patrio more inconditum quoddam carmen canentes, quo propitiari Iovem credunt, ut certum edat oraculum.

(32) Ac tum quidem regem propius adeuntem maximus natus sacerdotibus filium appellat, hoc nomen illi parentem Iovem reddere affirmans. Ille se vero et accipere ait et agnoscere, humanae sortis oblitus. Consuluit deinde, an totius orbis imperium fati sibi destinaret pater. Aequae

in adulationem compositus terrarum omnium rectorem fore ostendit. Post haec institit quaerere, an omnes parentis sui interfectores poenas dedissent. Sacerdos parentem eius negat ullius scelere posse violari, Philippi autem omnes interfectores luisse supplicia: adiecit, invictum fore, donec excederet ad deos. Sacrificio deinde facto, dona et sacerdotibus et deo data sunt, permissumque amicis, ut ipsi quoque consulerent Iovem. Nihil amplius quaesierunt, quam, an auctor esset sibi divinis honoribus colendi suum regem. Hoc quoque acceptum fore Iovi vates respondet, ut ipsi victorem regem divino honore colerent. Vera et salubri aestimatione fidem oraculi [pensanti] vana profecto responsa, sicut erant, videri potuissent: sed fortuna, quos uni sibi credere coëgit, magna ex parte avidos gloriae magis quam capaces facit. Iovis igitur filium se non solum appellari passus est, sed etiam iussit rerumque gestarum famam, dum augere vult tali appellatione, corrumpit. Et Macedones assueti quidem regio imperio, sed in maiore libertatis umbra, quam ceterae gentes, immortalitatem affectantem contumacius, quam aut ipsis expediebat aut regi, aversati sunt. Sed haec suo quaeque tempori reserventur: nunc cetera exequi pergam.

## CAP. VIII.

(33) Alexander ab Hammone rediens, ut Mareotin paludem haud procul insula Pharo sitam venit, contemplatus loci naturam primum in ipsa insula statuerat urbem novam condere. Inde, ut apparuit, magnae sedis insulam haud pacem esse, elegit urbi locum, ubi nunc est Alexandria, appellationem trahens ex nomine auctoris. Complexus, quicquid soli est inter paludem ac mare, octoginta stadiorum muris ambitum destinavit et, qui exaedificandae urbi praessent, relictis, Memphim petit. Cupido haud iniuste quidem, ceterum intempestiva incesserat, non interiora modo Aegypti, sed etiam Aethiopiam invisere: Memnonis Tithonique celebrata regia cognoscendae vetustatis avidum trahebat paene extra terminos solis. Sed imminens

grinationi tempora exemerat. Itaque Aegypto praefecit Aeschylum Rhodium et Peucesten Macedonem, quattuor milibus militum in praesidium regionis eius datis: claustra Nili fluminis Polemonem tueri iubet: triginta ad hoc triremes datae. Africae deinde, quae Aegypto iuncta est, praepositus Apollonius: vectigalibus eiusdem Africae Aegyptique Cleomenes. Ex finitimis urbibus commigrare Alexandriam iussis, novam urbem magna multitudine implevit.

Fama est, quum rex urbis futurae muros polenta, ut Macedonum mos est, destinasset, avium greges advolasse et polenta esse pastas: quumque id omen pro tristi a plerisque esset acceptum, respondisse vates, magnam illam urbem advenarum frequentiam culturam multisque eam terris alimenta praebituram.

(34) Regem, quum secundo amne deflueret, assequi cupiens Hector, Parmeniōnis filius, eximio aetatis flore, in paucis Alexandro carus, parvum navigium conscendit, pluribus, quam capere posset, impositis. Itaque mersa navis omnes destituit. Hector diu flumini obluctatus, quum madens vestis et adstricti crepidis pedes natare prohiberent, in ripam tamen semianimis evasit et ut primum fatigatus spiritum laxavit, quem metus et periculum intenderat, nullo adiuvante, (quippe in diversum evaserant alii) exanimatus est. Amissi eius desiderio vehementer afflictus est reperitque corpus magnifico extulit funere.

Oneravit hunc dolorem nuntius mortis Andromachi, quem praefecerat Syriae: vivum Samaritae cremaverant. Ad cuius interitum vindicandum, quanta maxima celeritate potuit, contendit, advenientique sunt traditi tanti sceleris auctores. Andromacho deinde Memnōna substituit, affectisque supplicio, qui praetorem interemerant, tyrannos, inter quos Methymnaeorum Aristonicum et Chrysolāum, popularibus suis tradidit: quos illi ob iniurias tortos necaverunt.

Atheniensium deinde, Rhodiorum et Clitorum legatos audit. Athenienses victoriam gratulabantur et, ut captivi Graecorum suis restituerentur, orabant: Rhodii et Chii de praesidio querebantur. Omnes aequa desiderare visi im-



petrauerunt. Mitylenaeis quoque, ob egregiam in partes fidem, et pecuniam, quam in bellum impenderant, reddidit et magnam regionem finibus adiecit. Cypriorum quoque regibus, qui et a Darëo defecerant ad ipsum et oppugnanti Tyrum miserant classem, pro merito honos habitus est.

Amphotërus deinde, classis praefectus, ad liberandam Cretam missus (namque et Persarum et Spartanorum armis pleraque eius insulae obsidebantur) ante omnia mare a piraticis classibus vindicare iussus: quippe obnoxium erat praedonibus, in bellum utroque rege converso. His compositis, Hercùli Tyrio ex auro crateram cum triginta pateris dicavit: imminensque Darëo iter ad Euphräten pronuntiari iussit.

## CAP. IX.

(35) At Darëus, quum ab Aegypto devertisse in Africam hostem comperisset, dubitaverat, utrumne circa Mesopotamiam subsisteret, an interiora regni sui peteret, haud dubie potentior auctor praesens futurus ultimis gentibus impigre bellum capessendi, quas aegre per praefectos suos moliebatur. Sed ut idoneis auctoribus fama vulgavit, Alexandrum cum omnibus copiis, quamecunque ipse adisset regionem, petiturum: haud ignarus, quam cum strenuo res esset, omnia longin quarum gentium auxilia Babyloniam contrahi iussit. Bactriani Scythaeque et Indi convenerant: nam et ceterarum gentium copiae partibus simul affuerunt. Ceterum, quum dimidio ferme maior esset exercitus, quam in Cilicia fuerat, multis arma deerant: quae summa cura comparabantur. Equitibus equisque tegumenta erant ex ferreis laminis serie inter se connexis: quis antea praeter iacula nihil dederat, scuta gladiique adiciebantur: equorumque domandi greges pedilibus distributi sunt, ut maior pristino esset equitatus: ingensque, ut crediderat, hostium terror ducentae falcatae quadrigae, unicum illarum gentium auxilium, secutae sunt. Ex summo temone hastae praefixae ferro eminebant: utrimque a iugo ternos direxerat gladios: inter radios rotarum plura spicula emi-

nebant in adversum: aliae deinde falces summissae rotarum orbibus haerebant, et aliae in terram demissae, quicquid obvium concitatis equis fuisset, amputaturae.

(36) Hoc modo instructo exercitu ac perarmato, Babylonë copias movit. A parte dextra erat Tigris, nobilis fluvius, laevam tegebat Euphrates, agmen Mesopotamiae campos impleverat. Tigri deinde superato, quum audisset, haud procul abesse hostem, Satropäten, equitum praefectum, cum mille delectis praemisit. Mazaeo praetori sex milia data, quibus hostem transitu amnis arceret: eidem mandatum, ut regionem, quam Alexander esset aditurus, popularetur atque ureret: quippe credebat, inopia debellari posse nihil habentem, nisi quod rapiendo occupasset: ipsi autem commeatus alii terra, alii Tigri amne subvehentur. Iam pervenerat Arbëla vicum, nobilem sua clade facturus. Hic commeatum sarcinarumque maiore parte deposita, Lycum amnem ponte iunxit et per dies quinque, sicut ante Euphräten, traiecit exercitum. Inde octoginta fere stadia progressus ad alterum amnem (Boumëlo nomen est) castra posuit. Opportuna explicandis copiis regio erat, equitabilis et vasta planities. Ne stirpes quidem et brevia virgulta operiunt solum, liberque prospectus oculorum etiam ad ea, quae procul recessere, permittitur. Itaque si qua campi eminebant, iussit aequari totumque fastigium extendi.

(37) Alexandro, qui numerum copiarum eius, quantum procul coniectari poterat, aestimabant, vix fecerunt fidem, tot milibus caesis, maiores copias esse reparatas. Ceterum omnis periculi et maxime multitudinis contemptor undecimis castris ad Euphräten pervenit: quopontibus iuncto equites primos ire, phalangem sequi iubet, Mazaeo, qui ad inhibendum transitum eius cum sex milibus equitum occurrerat, non auso periculum sui facere. Paucis deinde non ad quietem, sed ad reparandos animos diebus datis militi, strenue hostem insequi coepit, metuens, ne interiora regni sui peteret sequendusque esset per loca solitudine atque inopia vasta. Igitur quarto die praeter Ar-

A. 331  
a. Chr. n.  
incipiente  
vere.  
Ol. 112, 1.

A. 331  
a. Chr. n.  
media  
aestate.  
Ol. 112, 2.  
mense  
Hecatombaeone.

bēla penetrat ad Tigrin. Tota regio ultra amnem recenti fumabat incendio: quippe Mazaeus, quaecunque adierat, haud secus quam hostis urebat. Ac primo, caligine, quam 15 fumus effuderat, obscurante lucem, insidiarum metu substitit: deinde, ut speculatores praemissi tuta omnia nuntiaverunt, paucos equitum ad tentandum vadum fluminis praemisit: cuius altitudo primo summa equorum pectora, mox, ut in medium alveum ventum est, cervices quoque aequabat. Nec sane alius ad orientis plagam tam violentus 16 invehitur, multorum torrentium non aquas solum, sed etiam saxa secum trahens. Itaque a celeritate, qua defluit, Tigri nomen est inditum, quia Persica lingua Tigrin sagittam appellant.

(38) Igitur pedes, velut divisus in cornua, circum-17 dato equitatu, levatis super capita armis, haud aegre ad ipsum alveum penetrat. Primus inter pedites rex egressus 18 in ripam vadum militibus manu, quando vox exaudiri non poterat, ostendit. Sed gradum firmare vix poterant, quum modo saxa lubrica vestigium fallerent, modo rapidior unda subduceret. Praecipuus erat labor eorum, qui hume-19 ris onera portabant: quippe quum semetipsos regere non possent, in rapidos gurgites incommodo onere auferebantur, et, dum sua quisque spolia consequi studet, maior inter ipsos quam cum anni orta luctatio est, cumulique sarcinarum passim fluitantes plerosque perculerant. Rex 20 monere, ut satis haberent arma retinere, cetera se redditurum. Sed neque consilium neque imperium accipi poterat: obstrepebat hinc metus, praeter hunc invicem nutantium mutuus clamor. Tandem, qua leniore tractu annis 21 aperit vadum, emergere, nec quicquam praeter paucas sarcinas desideratum est. Deleri potuit exercitus, si quis 22 vincere ausus esset, sed perpetua fortuna regis avertit inde hostem. Sic Granicum, tot milibus equitum peditumque in ulteriore stantibus ripa, superavit, sic angustis in Ciliciae callibus tantam multitudinem hostium: audaciae 23 quoque, qua maxime viguit, ratio minui potest, quia nunquam in discrimen venit, an temere fecisset. Mazaeus, qui, si transeuntibus flumen supervenisset, haud dubie

oppressurus fuit incompósitos, in ripa demum et iam per-24 armatos adequitare coepit. Mille admodum equites praemiseral. Quorum paucitate Alexander explorata, deinde contempta, praefectum Paeonum equitum Aristōna laxatis 25 habenis invehi iussit. Insignis eo die pugna equitum et praecipue Aristōnis fuit: praefectum equitatus Persarum Satropāten directa in gutture hasta transfixit fugientemque per medios hostes consecutus ex equo praecipitavit et obluantem caput gladio dempsit, quod relatum magna cum laude ante regis pedes posuit.

## CAP. X.

1 (39) Biduo ibi rex stativa habuit: in proxi-  
2 mum deinde iter pronuntiari iussit. Sed prima  
fere vigilia luna deficiens primum nitorem sideris  
sui condidit, deinde, sanguinis colore suffuso, lu-  
men omne foedavit, sollicitisque sub ipsum tanti  
discriminis casum ingens religio et ex ea formido  
3 quaedam incussa est. Diis invitis in ultimas terras trahi  
se querebantur: iam nec flumina posse adiri nec sidera  
pristinum servare fulgorem: vastas terras, deserta omnia  
occurrere: in unius hominis iactationem tot milium san-  
guinem impendi: fastidio esse patriam, abdicari Philippum  
4 patrem, coelum vanis cogitationibus petere. Iam prope  
seditionem res erat, quum ad omnia interritus duces prin-  
cipesque militum frequentes adesse praetorio Aegyptios-  
que vates, quos coeli ac siderum peritissimos esse crede-  
5 bat, quid sentirent, expromere iubet. At illi, qui satis  
scirent, temporum orbis implere destinatas vices lunam  
que deficere, quum aut terram subiret, aut sole premere-  
tur, rationem quidem ipsis perceptam non edocent vulgus:  
6 ceterum affirmant, solem Graecorum, lunam esse Persa-  
rum, quotiensque illa deficiat, ruinam stragemque illis  
gentibus portendi: veteraque exempla percensent Persidis  
regum, quos adversis diis pugnasse lunae ostendisset de-  
7 fectio. Nulla res multitudinem efficacius regit, quam su-  
perstitio: alioquin impotens, saeva, mutabilis, ubi vana  
religione capta est, melius vatibus quam ducibus suis

A. 331  
a. Chr. n.  
nocte inter  
20. et 21.  
Septembr.  
intercede-  
dente.  
Ol. 112, 2.



paret. Igitur edita in vulgus Aegyptiorum responsa rursus ad spem et fiduciam erexere torpentes.

(40) Rex impetu animorum utendum ratus secunda 8 vigilia castra movit: dextra Tigrim habebat, a laeva montes, quos Gordyaeos vocant. Hoc ingresso iter speculatores, 9 qui praemissi erant, sub lucis ortum Darëum adventare nuntiaverunt. Instructo igitur milite et composito agmine antecedebat. Sed Persarum moratores erant, mille ferme, 10 qui speciem magni agminis fecerant: quippe ubi explorari vera non possunt, falsa per metum augentur. His cognitis, 11 rex cum paucis suorum assecutus agmen refugientium ad suos, alios cecidit, alios cepit: equitesque praemisit simul speculatum, simul ut ignem, quo barbari cremaverant vicinos, 12 extinguere. Quippe fugientes raptim tectis acervis- 12 que frumenti iniecerant flammam, quae, quum in summo haesissent, ad inferiora nondum penetraverant. Extincto 13 igitur igne, plurimum frumenti repertum est: copia aliarum quoque rerum abundare coeperunt. Ea res ipsa militi ad persequendum hostem animum incendit: quippe urente et populante eo terram, festinandum erat, ne incendio cuncta praeciperet. In rationem ergo necessitas versa est: 14 quippe Mazaeus, qui antea per otium vicinos incenderat, iam fugere contentus pleraque inviolata hosti reliquit. Alexander haud longius centum quinquaginta stadiis Da- 15 rëum a se abesse compererat. Itaque ad satietatem quoque copia commeatum instructus quatrinduo in eodem loco substitit.

Interceptae deinde Darëi litterae sunt, quibus Graeci 16 milites sollicitabantur, ut regem aut interficerent aut proderent: dubitavitque, an eas pro concione recitaret, satis confisus Graecorum quoque erga se benivolentiae ac fidei. Sed Parmenio deterruit, non esse talibus promissis im- 17 buendas aures militum affirmans: patere vel unius insidiis regem: nihil nefas esse avaritiae. Secutus consilii aucto- 18 rem castra movit.

(41) Iter facienti spado e captivis, qui Darëi uxorem comitabantur, deficere eam nuntiat et vix spiritum ducere. 19 Itineris continui labore animique aegritudine fatigata inter

socrus et virginum filiarum manus collapsa erat, deinde et 20 extincta. Id ipsum nuntians alius supervenit. Et rex haud secus, quam si parentis suae mors nuntiata esset, crebros edidit gemitus lacrimisque obortis, quales Darëus profudisset, in tabernaculum, in quo mater erat Darëi, defuncto 21 assidens corpori, venit. Hic vero renovatus est maeror, ut prostratam humi vidit. Recenti malo priorum quoque admonita receperat in gremium adultas virgines, magna quidem mutui doloris solatia, sed quibus ipsa deberet esse 22 solatio. In conspectu erat nepos parvulus, ob id ipsum miserabilis, quod nondum sentiebat calamitatem, ex maxima parte ad ipsum redundantem. Crederes, Alexandrum inter suas necessitudines flere et solatia non adhibere, sed quaerere. Cibo certe abstinuit omnemque honorem funeri patrio Persarum more servavit, dignus hercule, qui nunc quoque tantum et mansuetudinis et continentiae ferat fructum. Semel omnino eam viderat, quo die capta est, nec ut ipsam, sed ut Darëi matrem videret, eximiamque pulchritudinem formae eius non libidinis habuerat incitamentum, sed gloriae.

25 (42) E spadonibus, qui circa reginam erant, Tyriotes inter trepidationem lugentium elapsus per eam portam, quae, quia ab hoste aversa erat, levius custodiebatur, ad Darëi castra pervenit exceptusque a vigilibus in tabernaculum regis perducitur, gemens et veste lacerata. Quem ut conspexit Darëus, multiplex doloris expectatione commotus et, quid potissimum timeret, incertus, *Vultus*, inquit, *tuus nescio quod ingens malum praefert, sed cave miseri hominis auribus parcus: didici esse infelix, et saepe calamitatis solatium est, nosse sortem suam. Num, quod maxime suspicor et loqui timeo, ludibria meorum nuntiaturus es, mihi 27 et, ut credo, ipsis quoque omni tristiora supplicio?* Ad haec Tyriotes, *Istud quidem procul abest*, inquit: *quantuscunque enim reginis honos ab his, qui parent, haberi potest, tuis a victore servatus est, sed uxor tua paulo ante excessit e vita.* 28 Tum vero non gemitus modo, sed etiam eiulatus totis castris exaudiebantur, nec dubitavit Darëus, quin interfecta esset, quia nequisset contumeliam perpeti. Ex-

clamatque amens dolore: *Quod ego tantum nefas commisi, Alexander, quem tuorum propinquorum necavi, ut hanc vicem saevitiae meae redderes? Odisti me, non quidem provocatus: sed finge, iustum intulisse te bellum: cum feminis ergo agere debueras?* Tyriotes affirmare per deos patrios, nihil in eam gravius esse consultum: ingemuisse etiam Alexandrum morti et non parcius flevisse, quam ipse lacrimaret. Ob haec ipsa amanti animus in sollicitudinem suspicio- nemque revolutus est, desiderium captivae profecto a consuetudine stupri ortum esse coniectans. Summotis igitur arbitris, uno dumtaxat Tyriote retento, iam non flens, sed suspirans, *Videsne, inquit, Tyriote, locum mendacio non esse? tormenta iam hic erunt: sed ne expectaveris per deos, si quid tibi tui regis reverentiae est: num, quod et scire expeto et quaerere pudet, ausus est et dominus et iuvenis?* Ille quaestioni corpus offerre, deos testes invocare, caste saneteque habitam esse reginam. Tandem ut fides facta est, vera esse, quae affirmaret spado, capite velato, diu flevit manantibusque adhuc lacrimis, veste ab ore reiecta, ad coelum manus tendens, *Dii patrii, inquit, primum mihi stabilite regnum: deinde, si de me iam transactum est, precor, ne quis potius Asiae rex sit, quam iste tam iustus hostis, tam misericors victor.*

## CAP. XI.

(43) Itaque quamquam, frustra pace bis petita, omnia in bellum consilia converterat, victus tamen continentia hostis ad novas pacis condiciones ferendas decem legatos, cognatorum principes, misit: quos Alexander, consilio advocato, introduci iussit. E quibus maximus natu, *Darëum, inquit, ut pacem a te iam hoc tertium peteret, nulla vis subegit, sed tua iustitia et continentia expressit. Matrem, coniugem, liberos eius, nisi quod sine illo sunt, captos esse non sensit: pudicitiae earum, quae supersunt, curam haud secus quam parens agens reginas appellas, speciem pristinae fortunae retinere pateris. Vultum tuum video, qualis Darëi fuit, quum dimitteremur ab eo: et ille tamen uxorem, tu hostem luges. Iam in acie stares, nisi cura te sepulturae eius*

*moraretur. Ecquid mirum est, si tam ab amico animo pacem petit? quid opus est armis, inter quos odia sublata sunt? Antea imperio tuo finem destinabat Halyn amnem, qui Lydiam terminat. Nunc, quicquid inter Hellespontum et Euphraten est, in dotem filiae offert, quam tibi tradit: Ochum filium, quem habes, pacis et fidei obsidem retine, matrem et duas virgines filias redde: pro tribus corporibus triginta milia talentum auri precatur accipias. Nisi moderationem animi tui notam haberem, non dicerem, hoc esse tempus, quo pacem non dare solum, sed etiam occupare deberes. Respice, quantum post te reliqueris: intueri, quantum petas. Periculosum est praegrave imperium: difficile est enim, continere, quod capere non possis. Videsne, ut navigia, quae modum excedunt, regi nequeant? Nescio, an Darëus ideo tam multa amiserit, quia nimiae opes magnae iacturae locum faciunt. Facilius est, quaedam vincere, quam tueri: quam, hercule, expeditius manus nostrae rapiunt, quam continent! Ipsa mors uxoris Darëi admonere te potest, minus iam misericordiae tuae licere, quam licuit.*

(44) Alexander, legatis excedere tabernaculo iussis, quid placeret, ad consilium refert. Diu nemo, quid sentiret, ausus est dicere, incerta regis voluntate. Tandem Parmenio, antea suasisse, ait, ut captivos apud Damascum redimentibus redderet: ingentem pecuniam potuisse redigi ex his, qui nunc victi virorum sortium occuparent manus. Et nunc magnopere censere, ut unam anum et duas puellas, itinerum agminumque impedimenta, triginta milibus talentum auri permutet. Opimum regnum occupare posse conditione, non bello, nec quemquam alium inter Istrum et Euphraten possedissee terras ingenti spatio intervalloque discretas. Macedoniam quoque potius respiceret, quam Bactra et Indos intueretur. Ingrata oratio regi fuit. Itaque ut finem dicendi fecit, *Et ego, inquit, pecuniam quam gloriam malle, si Parmenion essem. Nunc Alexander de paupertate securus sum et me non mercatorem memini esse, sed regem. Nihil quidem habeo venale, sed fortunam meam utique non vendo: captivos si placet reddi, honestius dono dabimus, quam pretio remitemus.* Introductis deinde



legatis, ad hunc modum respondit: *Nuntiate Darēo, [gratiarum actionem apud hostem supervacaneam esse, et] me, quae fecerim clementer et liberaliter, non amicitiae eius tribuisse, sed naturae meae, [nec adversus calamitates, sed ad-17 versus hostium vires contendere]. Bellum cum captivis et feminis gerere non soleo: armatus sit oportet, quem oderim. Quodsi saltem pacem bona fide peteret, deliberarem forsitan, 18 an darem. Verum enimvero, quum modo milites meos litteris ad proditionem, modo amicos ad perniciem meam pecunia sollicitet, ad internecionem mihi persequendus est, non ut iustus hostis, sed ut percussor veneficus. Conditiones vero 19 pacis, quas offertis, si accepero, victorem eum faciunt. Quae post Euphrāten sunt, liberaliter donat. Ubi igitur me affamini? numne obliti estis? nempe ultra Euphrāten sum. Summum ergo dotis, quam promittit, terminum castra mea trans-eunt. Hinc me depellite, ut sciam, vestrum esse, quod ceditis. Eadem liberalitate dat mihi filiam suam: nempe quam scio 20 alicui servorum eius nupturam. Multum vero mihi praestat, si me Mazaeo generum praeposit! Ite, nuntiate regi vestro, 21 et quae amisit et quae adhuc habet, praemia esse belli: hoc regente utriusque terminos regni, id quemque habiturum, quod proximae lucis assignatura fortuna est, [et me in Asiam 22 non venisse, ut ab aliis [leges] acciperem, sed ut aliis darem. Si secundus et non par mihi vellet haberi, facerem forsitan, quae petit. Ceterum nec mundus duobus solibus potest regi nec duo summa regna, salvo statu terrarum, potest habere. Proinde aut deditionem hodie aut in crastinum bellum paret: 23 nec aliam sibi, quam expertus est, polliceatur fortunam]. Le- 24 gali respondent, quum bellum in animo sit, facere eum simpliciter, quod spe pacis non frustraretur. Ipsos petere, ut quamprimum dimittantur ad regem: eum quoque bellum parare debere. Dimissi nuntiant, adesse certamen.*

## CAP. XII.

(45) Ille quidem confestim Mazaeum cum tribus equi- 1 tum milibus ad itinera, quae hostis petiturus erat, occupanda praemisit. Alexander, corpori uxoris eius iustus 2

persolutis omnique graviore comitatu intra eadem muni-  
3 dit. In duo cornua diviserat peditem, utrique lateri equite  
4 circumdato: impedimenta sequebantur agmen. Praemis-  
sum deinde cum citis equitibus Menīdan iubet explorare,  
ubi Darēus esset. At ille, quum Mazaeus haud procul  
consedisset, non ausus ultra procedere, nihil aliud quam  
fremitem hominum hinnitumque equorum exaudisse nun-  
5 tiat. Mazaeus quoque, conspectis procul exploratoribus,  
in castra se recepit, adventus hostium nuntius. Igitur  
Darēus, qui in patentibus campis decernere optabat, ar-  
6 mari militem iubet aciemque disponit. In laevo cornu  
Bactriāni ibant equites, mille admodum, Dahae totidem, et  
Arachosii Susianique quattuor milia explebant. Hos quin-  
quaginta falcati currus sequebantur. Proximus quadrigis  
erat Bessus cum octo milibus equitum item Bactriānis.  
7 Massagētae duobus milibus agmen eius claudebant. Pe-  
dites his plurium gentium non immixtos, sed suae quas-  
que nationis iunxerat copias. Persas deinde cum Mardis  
8 Sogdianisque Ariobarzānes et Orontobātes ducebant. Illi  
partibus copiarum, summae Orsīnes praecerat, a septem  
Persis oriundus, ad Cyrum quoque, nobilissimum regem,  
9 originem sui referens. Hos aliae gentes, ne sociis qui-  
dem satis notae, sequebantur. Post quas quinquaginta  
quadrigas Phradātes magno Caspiorum agmine antecede-  
bat. Indi ceterique rubri maris accolae, nomina verius  
10 quam auxilia, post currus erant. Claudebatur hoc agmen  
aliis falcatis curribus quinquaginta: quis peregrinum mili-  
tem adiunxerat. Hunc Armenii, quos minores appellant,  
Armenios Babylonii, utrosque Belitae et qui montes Cos-  
11 saeorum incolebant sequebantur. Post hos ibant Gor-  
tūae, gentis quidem Euboicae, Medos quondam secuti, sed  
iam degeneres et patrii moris ignari. Applicuerat his  
Phrygas et Cataōnas. Parthienorum deinde gens, inco-  
lentium terras, quas nunc Parthi Scythia profecti tenent,  
12 claudebant agmen. Haec sinistri cornus acies fuit. Dex-  
trum tenebant natio maioris Armeniae Cadusiique et Cap-  
padōces et Syri ac Medi. His quoque falcati currus quin-

quaginta erant. Summa totius exercitus, equites quadra-  
ginta quinque milia, pedestris acies ducenta milia exple-  
verat. Hoc modo instructi decem stadia procedunt iussi-  
que subsistere armati hostem expectabant.

(46) Alexandri exercitum pavor, cuius causa non  
suberat, invasit: quippe lymphati trepidare coeperunt,  
omnium pectora occulto metu percurrente. Coeli fulgor,  
tempore aestivo ardenti similis internitens, ignis prae-  
buit speciem, flammisque ex Darēi castris splendere, velut  
illati temere praesidiis, credebant. Quodsi percussis Ma-  
zaeus, qui praesidebat itineri, supervenisset, ingens cla-  
des accipi potuit: nunc, dum ille segnis in eo, quem oc-  
cupaverat, tumulo sedet, contentus non lacessi, Alexander,  
cognito pavore exercitus, signum ut consisterent dari, ante  
ipsos arma deponere ac levare corpora iubet, admonens,  
nullam subiti causam esse terroris, hostem procul stare.  
Tandem compotes sui pariter arma et animos recepere:  
nec quicquam ex praesentibus tutius visum est, quam eo-  
dem loco castra munire. Postero die Mazaeus, qui cum  
delectis equitum in edito colle, ex quo Macedōnum pro-  
spiciebantur castra, consederat, sive metu, sive quia spe-  
culari modo iussus erat, ad Darēum rediit. Macedōnes  
eum ipsum collem, quem deseruerat, occupaverunt: nam  
et tutior planitie erat et inde acies hostium, quae in campo  
explicabatur, conspici poterat. Sed caligo, quam circa  
humidi effuderant montes, universam equidem rei faciem  
non abstulit, ceterum agminum discrimina atque ordinem  
prohibuit perspicere. Multitudo inundaverat campos, fremitus-  
que tot milium etiam procul stantium aures impleverat.  
Fluctuari animo rex et modo suum, modo Parmeniōnis  
consilium sera aestimatione perpendere: quippe eo ven-  
tum erat, unde recipi exercitus, nisi victor, sine clade non  
posset. [Movebat etiam eum multitudo hostium, respectu  
paucitatis suae gentis: sed interdum reputabat, quantas  
res cum hac gente gessisset quantosque populos fudis-  
set.] Itaque, [quum spes metum vinceret, periculosius bel-  
lum differre ratus, ne desperatio suis cresceret,] dissimu-  
lato eo, mercenarium equitem ex Paeonia praecedere iubet.

23 Ipse phalangem, sicut antea dictum est, in duo cornua  
extenderat: utrumque cornu equites tegebant. Iamque  
nitidior lux, discussa caligine, aciem hostium ostenderat,  
et Macedōnes sive alacritate sive taedio expectationis in-  
gentem pugnantium more edidere clamorem. Redditus et  
a Persis nemora vallesque circumiectas terribili sono im-  
24 plevrat. Nec iam contineri Macedōnes poterant, quin  
cursu quoque ad hostem contenderent. Melius adhuc ra-  
tus, in eodem tumulo castra munire, vallum iaci iussit:  
strenueque opere perfecto in tabernaculum, ex quo tota  
acies hostium conspiciebatur, secessit.

## CAP. XIII.

1 (47) Tum verō universa futuri discriminis facies in  
oculis erat: armis insignibus equi virique splendebant, et  
omnia intentiore cura praeparari apud hostem sollicitudo  
2 praetorum agmina sua interequitantium ostendebat: ac  
pleraque inania, sicut fremitus hominum, equorum hinnit-  
tus, armorum internitentium fulgor, sollicitam expectatione  
3 mentem turbaverant. Igitur sive dubius animi, sive ut  
suos experiretur, consilium adhibet, quid optimum factu  
4 esset, exquirens. Parmenio, peritissimus inter duces ar-  
tium belli, furto, non proelio opus esse censebat: intem-  
pesta nocte opprimi posse hostes: discordes moribus, lin-  
guis, ad hoc somno et improvise periculo territos, quando  
5 in nocturna trepidatione coituros? At interdiu primum  
terribiles occursuras facies Scytharum Bactrianorumque:  
hirta illis ora et intonsas comas esse, praeterea eximiam  
vastorum magnitudinem corporum. Vanis et inanibus mi-  
6 litem magis quam iustis formidinis causis moveri. De-  
inde tantam multitudinem circumfundi paucioribus posse.  
Non in Ciliciae angustiis et inviis callibus, sed in aperta  
7 et lata planitie dimicare. Omnes fere Parmeniōni assen-  
tiebantur: Polypercon haud dubie in eo consilio positam  
8 victoriam arbitrabatur. Quem intuens rex, — namque  
Parmeniōnem nuper acrius, quam vellet, increpitum rur-  
sus castigare non sustinebat, — *Latruncolorum*, inquit, *et*  
*furum ista sollertia est, quam praecipitis mihi: quippe illo-*



*rum votum unicum est, fallere. Meae vero gloriae semper 9  
aut absentiam Darēi aut angustias locorum aut furtum no-  
ctis obstare non patiar: palam luce aggredi certum est: malo,  
me meae fortunae poeniteat, quam victoriae pudeat. Ad 10  
haec illud quoque accedit: vigiliis agere barbaros et in armis  
stare, ut ne decipi quidem possint, compertum habeo. Ita-  
que ad proelium vos parate. Sic incitatos ad corpora cu-  
randa dimisit.*

(48) Darēus id, quod Parmenio suaserat, hostem fa- 11  
clurum esse coniectans frenatos equos stare magnamque  
exercitus partem in armis esse ac vigiliis intentiore cura  
servari iusserat: ergo ignibus tota eius castra fulgebant.  
Ipse cum ducibus propinquisque agmina in armis stan- 12  
tium circumibat, Solem et Mithren sacrumque et aeternum  
invocans ignem, ut illis dignam veterem gloria maiorumque  
monumentis fortitudinem inspirarent. Et profecto, si qua 13  
divinae opis auguria humana mente concipi possent, deos  
stare secum. Illos nuper Macedōnum animis subitam in-  
cussisse formidinem: adhuc lymphatos ferri agique, arma  
iacientes: expetere praesides Persarum imperii debitas e  
vecordibus poenas. Nec ipsum ducem saniozem esse: 14  
quippe ritu ferarum praedam modo, quam expeteret, in-  
tuentem in perniciem, quae ante praedam posita esset, in-  
currere.

Similis apud Macedōnes quoque sollicitudo erat, no-  
ctemque, velut in eam certamine edicto, metu egerunt.  
Alexander non alias magis territus ad vota et preces Ari- 15  
standrum vocari iubet. Ille in candida veste, verbenas  
manu praefereus, capite velato, praebat preces regi, Io-  
vem Minervamque [et] Victoriā propitiantī. Tunc qui- 16  
dem sacrificio rite perpetrato, reliquum noctis acquietu-  
rus in tabernaculum rediit. Sed nec somnum capere nec  
quietem pati poterat. Modo e iugo montis aciem in dex-  
trum Persarum cornu demittere agitabat, modo recta fronte  
concurrere hosti, interdum haesitare, an potius in laevum  
detorqueret agmen. Tandem gravatum animi anxietate 17  
corpus altior somnus oppressit.

(49) Iamque luce orta duces ad accipiēda imperia

convenerant, insolito circa praetorium silentio attoniti:  
18 quippe alias accersere ipsos et interdum morantes casti-  
gare assueverat: tunc ne ultimo quidem rerum discrimine  
excitatum esse mirabantur et non somno quiescere, sed  
19 pavore marcere credebant. Non tamen quisquam ex cu-  
stodibus corporis intrare tabernaculum audebat: et iam  
tempus instabat, nec miles iniussu ducis aut arma capere  
20 poterat aut in ordines ire. Diu Parmenio cunctatus, cibum  
ut caperent, ipse pronuntiat. Iamque exire necesse erat:  
tunc demum intrat tabernaculum saepiusque nomine com-  
21 pellatum, quum voce non posset, tactu excitavit. *Multa  
lux, inquit, est: instructam aciem hostis admovit: tuus miles  
adhuc inermis expectat imperium. Ubi est vigor ille animi  
22 tui? nempe excitare vigiles soles.* Ad haec Alexander: *Cre-  
disne, me prius somnum capere potuisse, quam exonerarem  
animum sollicitudine, quae quietem morabatur?* signumque  
23 pugnae tuba dari iussit. Et quum in eadem admiratione  
Parmenio perseveraret, quod solutum se curis somnum  
cepisse dixisset, *Minime, inquit, mirum est: ego enim, quum  
Darēus terram ureret, vicos excinderet, alimenta corrumpere-  
24 ret, potens mei non eram: nunc vero quid metuum, quum acie  
decernere paret? Hercule, votum meum implevit. Sed huius  
consilii postea quoque ratio reddetur: vos ite ad copias, qui-  
bus quisque praestet. Ego iam adero et, quid fieri velim, ex-  
25 ponam.* Raro admodum, admonitu magis amicorum quam  
metu discriminis adeundi, thorace uti solebat: tunc quo-  
que munimento corporis sumpto, processit ad milites. Haud  
alias tam alacrem viderant regem: et vultu eius interrito  
certam spem victoriae augurabantur.

26 (50) Atque ille, proruto vallo, exire copias iubet  
aciemque disponit. In dextro cornu locati sunt equites,  
quos agema appellabant. Praeerat his Clitus, cui iunxit  
Philōtae turmas: ceterosque praefectos equitum lateri eius  
27 applicuit. Ultima Meleāgri ala stabat, quam phalanx se-  
quebatur. Post phalangem Argyraspides erant: his Nicā-  
28 nor, Parmeniōnis filius, praeerat. In subsidiis cum manu sua  
Coenos, post eum Orestae Lyncestaeque sunt [positi]: post  
illos Polypereon, dux peregrini militis: huius agmini proxi-

mus Amyntas erat. Philippus Balācri Stymphaeos regebat, in societatem nuper ascitos. Haec dextri cornus facies erat. In laevo Cratērus Peloponnensium equites habebat, 29 Achaeorum et Loerensium et Malieōn turmis sibi adiunctis. Hos Thessāli equites claudebant, Philippo duce. Peditum acies equitatu tegebatur. Frons laevi cornus haec erat. Sed ne circumiri posset a multitudine, ultimum agmen 30 valida manu cinxerat. Cornua quoque subsidiis firmavit. non recta fronte, sed a latere positus, ut, si hostis circumvenire aciem tentasset, parata pugnae forent. Hic Agri- 31 āni erant, quibus Attālus praeerat, adiunctis sagittariis Cretensibus. Ultimos ordines averit a fronte, ut totam aciem orbe muniret. Illyrii hic erant, adiuncto milite mercede conducto. Thracas quoque simul obiecerat leviter armatos. Adeoque aciem versabilem posuit, ut, qui ul- 32 timi stabant, ne circumirentur, verti tamen et in frontem circumagi possent. Itaque non prima, quam latera, non latera munitiora fuere, quam terga.

(51) His ita ordinalis, praecipit, ut, si falcatos currus 33 cum fremitu barbari emitterent, ipsi, laxatis ordinibus, impetum incumbentium silentio exciperent, haud dubius, sine noxa transcururos, si nemo se opponeret: sin autem sine fremitu immisissent, eos ipsi clamore terrent pavidosque equos telis utrimque suffoderent. Qui cornibus prae- 34 erant, extendere ea iussi, ita ut nec circumvenirentur, si artius starent, nec tamen ultimam aciem exinanirent. Im- 35 pedimenta cum captivis, inter quos mater liberique Darēi custodiebantur, haud procul acie in edito colle constituit, modico praesidio relicto. Laevum cornu, sicut alias, Parmeniōni tuendum datum: ipse in dextro stabat.

Nondum ad iactum teli pervenerant, quum Bion qui- 36 dam transfuga, quanto maximo cursu potuerat, ad regem pervenit, nuntians, murices ferreos in terram defodisse Darēum, qua hostem equites emissurum esse credebat, notatumque certo signo locum, ut fraus evitari a suis posset. Asservari transfuga iusso, duces convocat: exposi- 37 toque, quod nuntiatum erat, monet, ut regionem monstratam declinent equitemque periculum edoceant.

38 (52) Ceterum hortantem exercitus exaudire non poterat, usum aurium intercipientem fremitu duorum agminum, sed in conspectu omnium duces et proximum quemque interequans alloquebatur.

## CAP. XIV.

1 Emensis tot terras in spem victoriae, de qua dimicandum foret, hoc unum superesse discrimen. Granicum hic annem Ciliciaeque montes et Syriam Aegyptumque praeventibus raptas, ingentia spei gloriaeque incitamenta, re- 2 ferebat. Reprehensos ex fuga Persas pugnatos, quia fugere non possent. Tertium iam diem metu exsanguis, armis suis oneratis, in eodem vestigio haerere. Nullum desperationis illorum maius indicium esse, quam quod urbes, quod agros suos urerent, quicquid non corrupis- 3 sent, hostium esse confessi. Nomina modo vana gentium ignotarum ne extimescerent. Neque enim ad belli discrimen pertinere, qui ab his Scythae, quive Cadusii appellarentur. Ob id ipsum, quod ignoti essent, ignobiles esse. 4 Nunquam ignorari viros fortes: at imbelles, ex latebris suis erutos, nihil praeter nomina afferre. Macedonas virtute assecutos, ne quis toto orbe locus esset, qui tales vi- 5 ros ignoraret. Intuerentur barbarorum inconditum agmen alium nihil praeter iaculum habere, alium funda saxa librare, paucis iusta arma esse. Itaque illinc plures stare, 6 hinc plures dimicatos. Nec postulare se, ut fortiter capesserent proelium, ni ipse ceteris fortitudinis fuisset exemplum. Se ante prima signa dimicaturum. Spondere pro se tot cicatrices, totidem corporis decora: scire ipsos, unum paene se praedae communis exsortem in illis co- 7 lendis ornandisque usurpare victoriae praemia. Haec se fortibus viris dicere. Si qui dissimiles eorum essent, illa fuisse dicturum: pervenisse eo, unde fugere non possent. Tot terrarum spatia emensis, tot annibus montibusque post tergum obiectis, iter in patriam et penates manu esse 8 faciendum. Sic duces, sic proximi militum instincti sunt.

(53) Darēus in laevo cornu erat, magno suorum agmine, delectis equitum peditumque, stipatus, contempserat-



que paucitatem hostis, vanam aciem esse, extentis cornibus, ratus. Ceterum, sicut curru eminebat, dextra laeva-  
9 que ad circumstantia agmina oculos manusque circumferens, Terrarum, inquit, quas Oceanus hinc aluit, illinc claudit Hellespontus, paulo ante domini, iam non de gloria, sed de salute et, quod saluti praeponitis, de libertate pugnandum est. Hic dies imperium, quo nullum amplius vidit aetas, aut  
10 constituet aut finiet. Apud Granicum minima virium parte cum hoste certavimus: in Cilicia victos Syria poterat excipere: magna munimenta regni Tigris atque Euphrates erant. Ventum est eo, unde pulsus ne fugae quidem locus est. Om-  
11 nia tam diutino bello exhausta post tergum sunt: non incolas suos urbes, non cultores habent terrae. Coniuges quoque et liberi sequuntur hanc aciem, parata hostibus praeda, nisi pro carissimis pignoribus corpora opponimus. Quod mea-  
12 rum fuit partium, exercitum, quem paene immensa planities vix caperet, comparavi: equos, arma distribui: commeatus, ne tantae multitudini deessent, providi: locum, in quo acies explicari posset, elegi. Cetera in vestra potestate sunt: au-  
13 dete modo vincere famamque, infirmissimum adversus fortes viros telum, contemnile.

(54) Temeritas est, quam adhuc pro virtute timuistis: quae ubi primum impetum effudit, velut quaedam animalia, emisso aculeo, torpet. Hi vero campi deprehendere pauci-  
14 tatem, quam Ciliciae montes absconderant. Videtis ordines raros, cornua extenta, mediam aciem vanam et exhaustam: nam ultimi, quos locavit aversos, terga iam praebent. Obteri mehercule equorum unguis possunt, etiamsi nil praeter falcatos currus emisero. Et bello vicerimus, si vicimus proe-  
15 lio: nam ne illis quidem ad fugam locus est: hinc Euphrates, illinc Tigris prohibet inclusos. Et quae antea pro illis erant, 16 in contrarium versa sunt. Nostrum mobile et expeditum agmen est, illud praeda grave. Implicatos ergo spoliis nostris trucidabimus, eademque res et causa erit victoriae et fructus. Quodsi quem e vobis nomen gentis movet, cogitet, 17 Macedonum illic arma esse, non corpora. Multum enim sanguinem invicem hausimus, et semper gravior in paucitate iactura est. Nam Alexander, quantuscunque ignavis et timi-  
18

dis videri potest, unum animal est et, si quid mihi creditis, temerarium et vecors, adhuc nostro pavore quam sua virtute  
19 felicius. Nihil autem potest esse diuturnum, cui non subest ratio. Licet felicitas aspirare videatur, tamen ad ultimum temeritati non sufficit. Praeterea breves et mutabiles vices  
20 rerum sunt, et fortuna nunquam simpliciter indulget. Forsitan ita dii fata ordinaverunt, ut Persarum imperium, quod secundo cursu per ducentos triginta annos ad summum fastigium evexerant, magno motu concuterent magis, quam affligerent admonerentque nos fragilitatis humanae, cuius  
21 nimia in prosperis rebus oblivio est. Modo Graecis ultro bellum inferebamus: nunc in sedibus nostris propulsamus illatum. Iactamur invicem varietate fortunae. Videlicet imperium, quia mutuo affectamus, una gens non capit.

22 (55) Ceterum, etiamsi spes non subesset, necessitas tamen stimulare deberet: ad extrema perventum est. Matrem meam, duas filias, Ochum in spem huius imperii genitum, principes, illam sobolem regiae stirpis, duces vestros, regum instar, victos habet: nisi quid in vobis spei, ego maiore mei parte captivus sum. Eripite viscera mea ex vinculis: restituite mihi pignora, pro quibus ipsi mori non recusatis, paren-  
23 tem, liberos: nam coniugem in illo carcere amisi. Credite, nunc omnes hos tendere ad vos manus, implorare patrios deos, opem vestram, misericordiam, fidem exposcere, ut compedibus, ut servitute, ut precario victu ipsos liberetis. An creditis, aequo animo his servire, quorum reges esse fa-  
24 stidiunt? Video, admoveri hostium aciem: sed quo propius discrimen accedo, hoc minus his, quae dixi, possum esse contentus. Per ego vos deos patrios aeternumque ignem, qui praefertur altaribus, fulgoremque solis intra fines regni mei orientis, per aeternam memoriam Cyri, qui ademptum Medis Lydisque imperium primus in Persidem intulit: vin-  
25 dicite ab ultimo dedecore nomen gentemque Persarum. Itē alacres et spe pleni, ut, quam gloriam accepistis a maioribus vestris, posteris relinquatis. In dextris vestris iam libertatem, opem, spem futuri temporis geritis. Effugit mortem, quisquis contempserit: timidissimum quemque consequitur.  
26 Ipse non patrio more solum, sed etiam ut conspici possim,

*curru vehor nec recuso, quo minus imitemini me, sive fortitudinis exemplum sive ignaviae fuero.*

## CAP. XV.

(56) Interim Alexander, ut et demonstratum A. 331 1  
a transfuga insidiarum locum circumiret et Darēo, a. Chr. n. Kal. Octobr. Ol. 112, 2.  
qui cornu tuebatur, occurreret, agmen obliquum  
incedere iubet. Darēus quoque eodem suum obvertit, 2  
Besso admonito, ut Massagētas equites in laevum Alexan-  
dri cornu [a] latere invehi iuberet. Ipse ante se falcatos 3  
currus habebat, quos signo dato universos in hostem ef-  
fudit. Ruebant laxatis habenis aurigae, quo plures, non-  
dum satis proviso impetu, obtererent. Alios ergo hastae 4  
multum ultra temonem eminentes, alios ab utroque latere  
dimissae falces laceravere. Nec sensim Macedōnes cede-  
bant, sed effusa fuga turbaverant ordines. Mazaeus quo- 5  
que percussis metum incussit, mille equitibus ad diripienda  
hostis impedimenta circumvehi iussis, ratus, captivos quo-  
que, qui simul asservabantur, rupturos vincula, quum suos  
appropinquantibus vidissent. Non fefellerat Parmeniōnem, 6  
qui in laevo erat: propere igitur Polydamanta mittit ad  
regem, qui et periculum ostenderet et, quid fieri iuberet,  
consuleret. Ille, audito Polydamante, *Abi, nuntia*, inquit, 7  
*Parmeniōni, si acie vicerimus, non nostra solum nos recupe-*  
*ratos, sed etiam, quae hostium sunt, occupatos. Proinde* 8  
*non est, quod virium quicquam subducat ex acie, sed, ut me,*  
*ut Philippo patre dignum est, contempto sarcinarum damno,*  
*fortiter dimicet.* Interim barbari impedimenta turbaverant, 9  
caesisque plerisque custodum captivi, vinculis ruptis,  
quicquid obvium erat, quo armari possent, arripiunt et  
aggregati suorum equitibus Macedōnas ancipiti circum-  
ventos malo invadunt: laetique, qui circa Sisygambim 10  
erant, vicisse Darēum, ingenti caede prostratos hostes, ad  
ultimum etiam impedimentis exutos esse nuntiant: quippe  
eandem fortunam ubique esse credebant et victores Per-  
sas ad praedam discurrense. Sisygambis, hortantibus ca- 11  
plivis, ut animum a maerore allevaret, in eodem, quo an-  
tea fuit, perseveravit. Non vox ulla excidit ei, non oris

color vultusve mutatus est: sedit immobilis (credo, prae-  
coci gaudio verita irritare fortunam), adeo ut, quid mallet,  
12 intuentibus eam fuerit incertum. Inter haec Menidas, prae-  
fectus equitum Alexandri, cum paucis turmis opem impe-  
dimentis laturus advenerat, incertum, suone consilio, an re-  
gis imperio: sed non sustinuit Cadusiorum Scytharumque  
impetum: quippe vix tentato certamine refugit ad regem,  
amissorum impedimentorum testis magis, quam vindex.  
13 Iam consilium Alexandri dolor vicerat, et, ne cura recu-  
perandi sua militem a proelio averteret, non immerito ve-  
rebatur. Itaque Arēten, ducem hastatorum (sarissophōros  
vocabant), adversus Scythas mittit.  
14 (57) Inter haec currus, qui circa prima signa turba-  
verant aciem, in phalangem invecti erant. Macedōnes con-  
15 firmatis animis in medium agmen accipiunt. Vallo similis  
acies erat: iunxerant hastas et ab utroque latere temere  
incurrentium ilia suffodiebant. Circumire deinde currus et  
16 propugnatores praecipitare coeperunt: ingens ruina equo-  
rum aurigarumque aciem compleverat. Hi territos regere  
non poterant, qui crebra iactatione cervicem non iugum  
modo excusserant, sed etiam currus everterant: vulnerati  
interfectos trahebant, nec consistere terrii nec progredi  
17 debiles poterant. Paucae tamen evasere quadrigae in ulti-  
mam aciem, iis, quibus inciderunt, miserabili morte con-  
sumptis: quippe amputata virorum membra humi iacebant,  
et quia calidis adhuc vulneribus aberat dolor, trunci quo-  
que et debiles quidam arma tamen non mittebant, donec,  
multo sanguine effuso, exanimati procumberent.  
18 Interim Arētes, Scytharum, qui impedimenta diripie-  
bant, duce occiso, gravius territis instabat. Supervenere  
deinde missi a Darēo Bactriāni pugnaeque vertere fortu-  
nam. Multi ergo Macedōnum primo impetu obtriti sunt,  
19 plures ad Alexandrum refugerunt. Tum Persae, clamore  
sublato, qualem victores solent edere, ferociter in hostem,  
quasi ubique profligatum, incurrerunt. Alexander territos  
castigare, adhortari, proelium, quod iam elanguerat, solus  
accendere, confirmatisque tandem animis ire in hostem  
iubet.



(58) Rarior acies erat in dextro cornu Persarum: 20  
namque inde Bactriāni discesserant ad opprimenda impedi-  
menta. Itaque Alexander laxatos ordines invadit et multa  
caede hostium invehitur. At qui in laevo cornu erant Per- 21  
sae, spe, posse eum includi, agmen suum a tergo dimican-  
tis opponunt: ingensque periculum in medio haerens  
adisset, ni equites Agriāni, calcaribus subditis, circumfusos  
regi barbaros adorti essent aversosque caedendo in se  
obverti coëgissent. Turbata erat utraque acies. Alexander 22  
et a fronte et a tergo hostem habebat: qui averso ei in-  
stabant, ab Agriānis equitibus premebantur, et Bactriāni,  
impedimentis hostium direptis, reversi ordines suos re-  
cuperare non poterant: plura simul abrupta a ceteris ag-  
mina, ubicunque alium alii fors miscuerat, dimicabant.  
Duo reges, iunctis prope agminibus, proelium accenderant. 23  
Plures Persae cadebant: par ferme utrimque numerus vul-  
nerabatur: curru Darēus, Alexander equo vehebatur: 24  
utrumque delecti tuebantur, sui immemores. Quippe  
amisso rege nec volebant salvi esse nec poterant. Ante  
oculos sui quisque regis mortem occumbere ducebat egre-  
gium. Maximum tamen periculum adibant, quos maxime 25  
tuebantur: quippe sibi quisque caesi regis expetebat decus.

(59) Ceterum, sive ludibrium oculorum sive vera spe- 26  
cies fuit, qui circa Alexandrum erant, vidisse se credide-  
runt paululum super caput regis placide volantem aquilam,  
non sono armorum, non gemitu morientium territam:  
diuque circa equum Alexandri pendenti magis quam vol-  
lanti similis apparuit. Certe vates Aristander alba veste 27  
indutus et dextra praeferens lauream militibus in pugnam  
intentis avem monstrabat, haud dubium victoriae auspi-  
cium. Ingens ergo alacritas et fiducia paulo ante territos 28  
accendit ad pugnam, utique postquam auriga Darēi, qui  
ante ipsum sedens equos regebat, hasta transfixus est.  
Nec aut Persae aut Macedōnes dubitavere, quin ipse rex  
esset occisus. Ergo lugubri ululatu et incondito clamore 29  
gemituque totam fore aciem adhuc aequo Marte pugnan-  
tium turbavere cognati Darēi et armigeri: laevumque cornu  
in fugam effusum destituerat currum, quem a dextra parte

30 stipati in medium agmen receperunt. Dicitur acinace stricto  
Darēus dubitasse, an fugae dedecus honesta morte vitaret.  
Sed eminens curru nondum omnem suorum aciem proelio  
31 excedentem destituere erubescerebat: dumque inter spem  
et desperationem haesitat, sensim Persae cedebant et laxa-  
verant ordines. Alexander, mutato equo, — quippe plures  
fatigaverat, — resistentium adversa ora fodiebat, fugien-  
32 tium terga. Iamque non pugna, sed caedes erat, quum  
Darēus quoque currum suum in fugam verit. Haerebat  
in tergis fugientium victor, sed prospectum oculorum nu-  
bes pulveris, quae ad coelum ferebatur, abstulerat: ergo  
haud secus quam in tenebris errabant, ad sonum notae  
33 vocis, ut signum, subinde coëuntes. Exaudiebant tamen  
strepitus habenarum, quibus equi currum vehentes iden-  
tīdem verberabantur: haec sola fugientis vestigia excepta  
sunt.

## CAP. XVI.

1 (60) At in laevo Macedōnum cornu, quod Parmenio,  
sicut ante dictum est, tuebatur, longe alia fortuna utriusque  
partis res gerebatur. Mazaeus cum omni suorum equitatu  
2 vehementer invectus urgebat Macedōnum alas. Iamque  
abundans multitudine aciem circumvehi coeperat, quum  
Parmenio equites nuntiare iubet Alexandro, in quo discrimine  
ipsi essent: ni mature subveniretur, non posse sisti  
3 fugam. Iam multum viae praeceperat rex, imminens fu-  
gientium tergis, quum a Parmenione tristis nuntius venit.  
Refrenare equos iussi, qui sequebantur, agmenque con-  
stitit, frendente Alexandro, eripi sibi victoriam e manibus  
4 et Darēum felicius fugere, quam se sequi. Interim ad Ma-  
zaeum superati regis fama pervenerat. Itaque, quamquam  
validior erat, tamen fortuna partium territus percussis  
languidius instabat. Parmenio ignorabat quidem causam  
sua sponte pugnae remissae, sed occasione vincendi stre-  
5 nue est usus. Thessālos equites ad se vocari iubet. *Ec-  
quid videtis, inquit, istos, qui ferociter modo instabant, pedem  
referre, subito pavore perterritos? Nimirum nobis quoque  
regis nostri fortuna vicit. Omnia Persarum caede strata sunt.*

*Quid cessatis? an ne fugientibus quidem pares estis? Vera* 6  
dicere videbatur, et spes languentes quoque erexerat.  
Subditis calcaribus, prouere in hostem: et illi iam non  
sensim, sed citato gradu recedebant, nec quicquam fugae,  
nisi quod nondum terga verterant, deerat. Parmenio ta- 7  
men ignarus, quatenam in dextro cornu fortuna regis es-  
set, repressit suos: Mazaeus, dato pugnae spatio, non  
recto itinere, sed maiore et ob id tutiore circumitu Tigrin  
superat et Babyloniam cum reliquiis devicti exercitus  
intrat.

(61) Darēus paucis fugae comitibus ad Lycum am- 8  
nem contenderat: quo traiecto dubitavit, an solveret pon-  
tem: quippe hostem iam affore nuntiabatur. Sed tot milia  
suorum, quae nondum ad amnem pervenerant, ponte  
resciso videbat hostis praedam fore. Abeuntem, quum 9  
intactum sineret pontem, dixisse constat, malle se se-  
quentibus iter dare, quam auferre fugientibus. Ipse in-  
gens spatium fuga emensus media fere nocte Arbēla per-  
venit.

Quis tot ludibria fortunae, ducum, agminum caedem 10  
multiplicem, devictorum fugam, clades nunc singulorum,  
nunc universorum aut animo assequi queat aut oratione  
complecti? Propemodum saeculi res in unum illum diem  
pro! fortuna cumulavit. Alii qua brevissimum patebat 11  
iter, alii devios saltus et ignotas sequentibus calles pete-  
bant. Eques pedesque confusi sine duce, armatis inermes,  
integris debiles implicabantur. Deinde, misericordia in 12  
metum versa, qui sequi non poterant, inter mutuos gemitus  
deserebantur. Sitis praecipue fatigatos et saucios per-  
urebat, passimque omnibus rivis prostraverant corpora,  
praeterfluentem aquam hianti ore captantes. Quam quum 13  
avide turbidam hausissent, tendebantur extemplo praecor-  
dia, premente limo: resolutisque et torpentibus membris,  
quum supervenisset hostis, novis vulneribus excitabantur.  
Quidam, occupatis proximis rivis, deverterant longius, ut, 14  
quicquid occulti humoris usquam manaret, exciperent,  
nec ulla adeo avia et sicca lacuna erat, ut vestigantium  
sistim falleret. E proximis vero itineri vicis ululatus senum 15

feminarumque exandiebantur, barbaro ritu Darēum adhuc  
regem clamantium.

16 (62) Alexander, ut supra dictum est, inhibito suorum  
impetu, ad Lycum amnem pervenerat, ubi ingens multi-  
tudo fugientium oneraverat pontem: et plerique, quum  
hostis urgeret, in flumen se praecipitaverant gravesque  
armis et proelio ac fuga defatigati gurgitibus haurieban-  
17 tur. Iamque non pons modo fugientes, sed ne amnis qui-  
dem capiebat agmina sua improvide subinde cumulantes:  
quippe ubi intravit animos pavor, id solum metuunt, quod  
18 primum formidare coeperunt. Alexander, instantibus suis,  
impune abeuntem hostem permetteret sequi, hebetia esse  
tela et manus fatigatas tantoque cursu corpora exhausta  
19 et praeeptis in noctem diei tempus causatus est. Revera  
de laevo cornu, quod adhuc in acie stare credebatur, solli-  
citus reverti ad ferendam opem suis statuit. Iamque signa  
converterat, quum equites a Parmenione missi illius quo-  
20 que partis victoriam nuntiant. Sed nullum eo die maius  
periculum adiit, quam dum copias reducit in castra. Pauci  
eum et incompositi sequebantur, ovantes victoria:—quippe  
omnes hostes aut in fugam effusos aut in acie cecidisse  
21 credebant:—quum repente ex adverso apparuit agmen  
equitum, qui primo inhibere cursum, deinde, Macedonum  
22 paucitate conspecta, turmas in obvios concitaverunt. Ante  
signa rex ibat, dissimulato magis periculo, quam spreto.  
23 Nec defuit ei perpetua in dubiis rebus felicitas: namque  
praefectum equitatus avidum certaminis et ob id ipsum  
incautius in se ruentem hasta transfixit: quo ex equo  
24 lapso proximum ac dein plures eodem telo confodit. In-  
vasere turbatos amici quoque: nec Persae inulti cadebant:  
quippe non universae acies, quam hae tumultuariae manus,  
25 vehementius iniere certamen. Tandem barbari, quum  
obscura luce tutior fuga videretur esse, quam pugna, dis-  
persis agminibus abiire. Rex extraordinario periculo de-  
functus incolumes suos reduxit in castra.

26 (63) Cecidere Persarum, quorum numerum victores  
finire potuerunt, milia XL: Macedonum minus quam CCC  
27 desiderati sunt. Ceterum hanc victoriam rex maiore ex parte



virtuti quam fortunae suae debuit: animo, non, ut antea, loco  
vicit. Nam et aciem peritissime instruxit et promptissime 28  
ipse pugnavit et magno consilio iacturam sarcinarum im-  
pedimentorumque contempsit, quum in ipsa acie summae  
rei videret esse discrimen: dubioque adhuc pugnae eventu  
pro victore se gessit: percussos deinde hostium fudit, fu- 29  
gientes, quod in illo ardore animi vix credi potest, pru-  
dentius quam avidius persecutus est. Nam si, parte exer- 30  
citus adhuc in acie stante, instare cedentibus perseveras-  
set, aut culpa sua victus esset, aut aliena virtute vicisset.  
Iam si multitudinem equitum occurrentium extimuisset,  
victori aut foede fugiendum aut miserabiliter cadendum  
fuit. Ne duces quidem copiarum sua laude fraudandi sunt: 31  
quippe vulnera, quae quisque exceperit, indicia virtutis sunt.  
Hephaestionis brachium hasta ictum est: Perdicca et Coe- 32  
nos et Menidas sagittis prope occisi. Et si vere aestimare 33  
Macedonas, qui tunc erant, volumus, fatebimur, et regem  
talibus ministris et illos tanto rege fuisse dignissimos.

## LIBER V.

## ARGUMENTUM.

I. Dareo Mediae fines ingresso, Arbelis potitur Alexander et Babylone, cuius situs, amplitudo, corrupti mores describuntur. II. Militibus praemia proponit, ut iis otium excuteret. Susa urbem ac regum Persarum thesauros recipit, Sisygambim solatur. III. Uxiorum regione superata, Madatem praefectum ac deditos et captivos tum libertate, tum immunitate donat Persidemque intrare cogitans ab Ariobarzane recedere cogitur. IV. Captivo quodam iter paucis cognitum aperiente, Persarum exercitum, ipso Ariobarzane occiso, delet. V. Ad Persepolim properans captivorum Graecorum IV milia liberat. VI. Opulentissima urbe Persepoli direpta, interiorem Persidis regionem petit ac Mardorum domat gentem. VII. Alexander in convivio a Thaide impulsus Persarum regiam incendit, deinde persequi Dareum statuit. VIII. Darei suos ad pugnam hortantis oratio. IX. Variarum principum sententiarum ac tumultus ob Nabarzanis, qui cum Besso proditionis societatem inierat, consilium. X. Bessi et Nabarzanis de Dareo prodendo aut occidendo nefaria deliberatio, quam miris

artibus occultant. XI. Insidiae proditorum Dareo aperiuntur. Is tamen praesens Graecorum respuit auxilium, paratus perire, si saluum esse sui nollent milites. XII. Bessus Dareum fictis verbis et lacrimis delusum comprehendit aureisque vinctum compedibus in sordido vehiculo ad Alexandrum deducere parat. XIII. Alexander, audito Darei periculo, ad Persarum exercitum contendit. Bessus autem cum reliquis paricidis arma vultumque victoris metuens Dareum multis confossum vulneribus relinquit fugaque sibi consulit. Darei corpus repertum Alexander lacrimis prosequitur et ad Sisygambim sepeliendum mittit.

## CAP. I.

- 1 (1 ed. Zumpt.) Quae interim ductu imperioque Alexan-  
dri vel in Graecia vel in Illyriis ac Thracia gesta sunt, si  
suis quaeque temporibus reddere voluero, interrompen-  
2 dae sunt res Asiae, quas utique ad fugam mortemque Da-  
rei universas in conspectum dari et, sicut inter se cohae-  
rent, ita opere ipso coniungi haud paulo aptius videri  
potest. Igitur ante, quae proelio apud Arbela coniuncta  
sunt, ordiar dicere.
- 3 Daræus media fere nocte Arbela pervenerat, eodem-  
que magnae partis amicorum eius ac militum fugam fortuna  
4 compulerat. Quibus convocatis exponit, haud dubitare se,  
quin Alexander celeberrimas urbes agrosque omni copia  
rerum abundantes petiturus esset: praedam opimam pa-  
5 ratamque ipsum et milites eius spectare. Id suis rebus tali  
in statu saluti fore: quippe se deserta cum expedita manu  
petiturum. Ultima regni sui adhuc intacta esse: inde bello  
6 vires haud aegre reparaturum. Occuparet sane gazam  
avidissima gens et ex longa fame satiaret se auro, mox  
futura praedae sibi: usu didicisse, pretiosam suppellectilem  
pellicesque et spadonum agmina nihil aliud fuisse, quam  
7 onera et impedimenta: eadem trahentem Alexandrum, qui-  
bus rebus antea vicisset, inferiorem fore. Plena omnibus  
desperationis videbatur oratio, quippe Babyloniam, urbem  
opulentissimam, dedi cernentibus: iam Susa, iam cetera  
ornamenta regni causamque belli victorem occupaturum.
- 8 At ille docere pergit, non speciosa dictu, sed usu neces-  
saria in rebus adversis sequenda esse: ferro geri bella,

non auro, viris, non urbium tectis: omnia sequi armatos. sic maiores suos percultos in principio rerum celeriter pristinam reparasse fortunam. Igitur, sive confirmatis 9 eorum animis, sive imperium magis quam consilium sequentibus, Mediae fines ingressus est.

(2) Paulo post Alexandro Arbēla traduntur, regia su- 10 pellectile ditique gaza repleta: quattuor milia talentum fuere, praeterea pretiosae vestes, totius, ut supra dictum est, exercitus opibus in illam sedem congestis. Ingruen- 11 tibus deinde morbis, quos odor cadaverum totis iacentium campis vulgaverat, maturius castra movit. Euntibus a parte laeva Arabia, odorum fertilitate nobilis regio, campestre iter est. Inter Tigrin et Euphrāten iacentia tam 12 uberi et pingui solo sunt, ut a pastu repelli pecora dicantur, ne satietas perimat. Causa fertilitatis est humor, qui ex utroque amne manat, toto fere solo propter venas aquarum resudante. Ipsi amnes ex Armeniae montibus pro- 13 fluunt ac magno deinde aquarum divortio iter, quod coeperunt, percurrunt: duo milia et quingenta stadia emensi sunt, qui amplissimum intervallum circa Armeniae montes notaverunt. Idem quum Mediae et Gordyaeorum terram 14 secare coeperunt, paulatim in artius coeunt et, quo longius manant, hoc angustius inter se spatium terrae relinquunt. Vicini maxime sunt in campis, quos incolae Mesopotamiam 15 appellant: mediam namque ab utroque latere concludunt. Iidem per Babyloniorum fines in rubrum mare irrumpunt. Alexander quartis castris ad Mennin urbem pervenit. Ca- 16 verna ibi est, ex qua fons ingentem bituminis vim effundit, adeo ut satis constet, Babylonios muros ingentis operis huius fontis bitumine interlitos esse.

(3) Ceterum Babyloniam procedenti Alexandro Ma- 17 zaeus, qui ex acie in eam urbem confugerat, cum adultis liberis supplex occurrit, urbem seque dedens. Gratus adventus eius fuit regi: quippe magni operis obsidio futura erat tam munitae urbis. Ad hoc vir illustris et manu 18 promptus famaue etiam proximo proelio celebris et ceteros ad deditionem sui incitaturus exemplo videbatur. Igitur hunc quidem benigne cum liberis excipit: ceterum 19

quadrato agmine, quod ipse ducebat, velut in aciem irent, ingredi suos iubet. Magna pars Babyloniorum constiterat in muris, avida cognoscendi novum regem: plures obviam 20 egressi sunt. Inter quos Bagophānes, arcis et regiae pecuniae custos, ne studio a Mazaeo vinceretur, totum iter floribus coronisque constraverat, argenteis altaribus utroque latere dispositis, quae non tunc modo, sed omnibus 21 odoribus cumulaverat. Dona eum sequebantur greges pecorum equorumque: leones quoque et pardales caveis 22 praeferebantur. Magi deinde suo more carmen canentes, post hos Chaldaei Babyloniorumque non vates modo, sed etiam artifices cum fidibus sui generis ibant: laudes hi regum canere soliti, Chaldaei siderum motus et stas vi- 23 ces temporum ostendere. Equites deinde Babylonii, suo equorumque cultu ad luxuriam magis quam ad magnificentiam exacto, ultimi ibant. Rex armatis stipatus oppidanorum turbam post ultimos pedites ire iussit: ipse cum curru urbem ac deinde regiam intravit. Postero die supellectilem Darēi et omnem pecuniam recognovit.

24 (4) Ceterum ipsius urbis pulchritudo ac vetustas non regis modo, sed etiam omnium oculos in semet haud immerito convertit. Semirāmis eam condiderat, non, ut ple- 25 rique credidere, Belus, cuius regia ostenditur. Murus instructus laterculo coctili, bitumine interlitus, spatium XXX et duorum pedum [in] latitudinem amplectitur: quadrigae 26 inter se occurrentes sine periculo commeari dicuntur. Altitudo muri L cubitorum eminent spatio: turres denis pedibus quam murus altiores sunt. Totius operis ambitus CCCLXV stadia complectitur: singulorum stadiorum structuram singulis diebus perfectam esse memoriae proditum est. Aedificia non sunt admota muris, sed fere spatium 27 iugeri unius absunt. Ac ne totam quidem urbem tectis occupaverunt: per LXXX stadia habitatur, nec omnia continua sunt, credo, quia tutius visum est, pluribus locis spargi. Cetera serunt coluntque, ut, si externa vis ingruat, obses- 28 sis alimenta ex ipsius urbis solo subministrentur. Euphrātes interfluit magnaue molis crepidinibus coercetur. Sed omnium operum magnitudinem circumveniunt cavernae



ingentes, in altitudinem pressae ad accipiendum impetum fluminis, quod, ubi appositae crepidinis fastigium excessit, urbis tecta corripere, nisi essent specus lacusque, qui exciperent. Coctili laterculo structi sunt: totum opus bitumine adstringitur. Pons lapideus flumini impositus iungit urbem. Hic quoque inter mirabilia orientis opera numeratus est: quippe Euphrates altum limum vehit, quo penitus ad fundamenta iacienda egesto vix sustinendo operi firmum reperiunt solum: arenae autem subinde cumulatae et saxis, quis pons sustinetur, annexae morantur amnem, qui retentus acrius, quam si libero cursu mearet, illiditur. (5) Arcem quoque ambitu XX stadia complexam habent. XXX pedes in terram turrium fundamenta demissa sunt, ad LXXX summum munimenti fastigium pervenit. Super arcem, vulgatum Graecorum fabulis miraculum, pensiles horti sunt, summam murorum altitudinem aequantes multarumque arborum umbra et proceritate amoeni. Saxo pilae, quae totum onus sustinent, instructae sunt: super pilas lapide quadrato solum stratum est, patiens terrae, quam altam iniiciunt, et humoris, quo rigant terras: adeoque validas arbores sustinent moles, ut stipites earum VIII cubitorum spatium crassitudine aequent, in L pedum altitudinem emineant, frugiferaeque sint, ut si terra sua alerentur. Et quum vetustas non opera solum manu facta, sed etiam ipsam naturam paulatim exedendo perimat, haec moles, quae tot arborum radicibus premitur tantique nemoris pondere onerata est, inviolata durat: quippe XX [pedes] lati parietes sustinent, undecim pedum intervallo distantes, ut procul visentibus silvae montibus suis imminere videantur. Syriae regem Babylone regnantem hoc opus esse molitum memoriae proditum est, amore coniugis victum, quae desiderio nemorum silvarumque in campestribus locis virum compulit amoenitatem naturae genere huius operis imitari.

(6) Diutius in hac urbe quam usquam constilit rex: nec alius locus disciplinae militari magis nocuit. Nihil urbis eius corruptius moribus, nihil ad irritandas illiciendasque immodicas cupiditates instructius. Liberos coniuges-

que cum hospitibus stupro coire, modo pretium flagitii detur, parentes maritique patiuntur. Convivales ludi tota Perside regibus purpuratisque cordi sunt: Babylonii maxime in vinum et quae ebrietatem sequuntur effusi sunt. 38 Feminarum convivia ineuntium in principio modestus est habitus: dein summa quaeque amacula exuunt paulatimque pudorem profanant: ad ultimum (honus auribus habitus sit) ima corporum velamenta proiciunt. Nec meretricum hoc dedecus est, sed matronarum virginumque, apud quas 39 comitas habetur vulgati corporis vilitas. Inter haec flagitia exercitus ille domitor Asiae per XXXIV dies saginatus ad ea, quae sequebantur, discrimina haud dubie debilius futurus fuit, si hostem habuisset.

Ceterum, quo minus damnum sentiret, identidem in cremento renovabatur. Namque Amyntas Andromeni ab Antipatro Macedonum peditum sex milia adduxit, D praeterea eiusdem generis equites: cum his DC Thracas, adiunctis peditibus suae gentis III milibus quingentis: et ex Peloponnese mercenarius miles ad IV milia advenerat cum 42 CCCLXXX equitibus. Idem Amyntas adduxerat L principum Macedoniae liberos adultos ad custodiam corporis: quippe inter epulas hi sunt regis ministri, iidemque equos ineuntibus proelium admovent venantesque comitantur et vigiliarum vices ante cubiculi fores servant: magnorumque praefectorum et ducum haec incrementa sunt et rudimenta.

43 Igitur rex, arci Babyloniae Agathone praesidere iusso cum DCC Macedonum trecentisque mercede conductis, praetores, qui regioni Babyloniae ac Ciliciae praessent, Menetem et Apollodorum relinquit. Duo milia his militum cum mille talentis data: utrique praeceptum, ut in 44 supplementum milites legerent. Mazaeum transfugam satrapea Babyloniae donat, Bagophanem, qui arcem traderat, se sequi iussit: Armenia Mithrēni, Sardium proditori, 45 data est. Ex pecunia deinde Babyloniae tradita Macedonum equitibus sexcenti denarii tribuli: peregrinus eques quingenos accepit, ducenos pedes, trium stipendium mensium.

## CAP. II.

(7) His ita compositis, in regionem, quae Satrapēne 1 vocatur, pervenit. Fertilis terra, copia rerum et omni com-  
 meatu abundans. Itaque diutius ibi substitit ac, ne desi- 2  
 des otio demitterent animos, iudices dedit praemiaque  
 proposuit de virtute militari certantibus. Novem, qui for- 3  
 tissimi iudicati essent, singulis militum milibus praefuturi  
 erant (chiliarchas vocabant), tunc primum in hunc nume-  
 rum copiis distributis: namque antea quingenariae cohortes  
 fuerant nec fortitudinis praemia cesserant. Ingens mili- 4  
 tum turba convenerat, egregio interfutura certamini, testis  
 eadem cuiusque factorum et de iudicibus latura senten-  
 tiam: quippe verone an falso honos cuique haberetur,  
 ignorari non poterat. Primus omnium virtutis causa dona- 5  
 tus est Atharriās senior, qui omissum apud Halicarnasson  
 a iunioribus proelium unus maxime accenderat: proximus  
 ei Antigēnes visus est: tertium locum Philōtas Augaeus  
 obtinuit: quartus Amyntae datus: post hos Antigōnus et ab  
 eo Lyncestes Amyntas fuit: septimum locum Theodōtus,  
 ultimum obtinuit Hellaniēus. In disciplina quoque militaris 6  
 rei a maioribus [tradita] pleraque summa utilitate mutavit.  
 Nam quum ante equites in suam quisque gentem describe-  
 rentur seorsus a ceteris, exempto nationum discrimine,  
 praefectis, non utique suarum gentium, sed delectis, attri-  
 buit. Tuba, quum castra movere vellet, signum dabat, cu- 7  
 ius sonus plerumque, tumultuantium fremitu exoriente,  
 haud satis exaudiebatur: ergo perticam, quae undique  
 conspici posset, supra praetorium statuit, ex qua signum  
 eminebat, pariter omnibus conspicuum: observabatur ignis  
 noctu, fumus interdiu.

(8) Iamque Susa ei adituro Abulites, regionis eius 8  
 praefectus, sive Darēi iussu, ut Alexandrum praeda reti-  
 neret, sive sua sponte filium obviam misit, traditurum se  
 urbem promittens. Benigne iuvenem excepit rex et eodem 9  
 duce ad Choaspen amnem pervenit, delicatam, ut fama est,  
 vehementem aquam. Hic Abulites cum donis regalis opulen- 10  
 tia occurrit. Dromades cameli inter dona erant, velocita-

tis eximiae, XII elephantum a Darēo ex India acciti, iam non  
 terror, ut speraverat, Macedōnum, sed auxilium, opes victi  
 11 ad victorem transferente fortuna. Ut vero urbem intravit,  
 incredibilem ex thesauris summam pecuniae egressit, L  
 milia talentum argenti non signati forma, sed rudi pon-  
 12 dere. Multi reges tantas opes longa aetate cumulaverant  
 liberis posterisque, ut arbitrabantur, quas una hora in  
 13 externi regis manus intulit. Consedit deinde in regia sella  
 multo excelsiore, quam pro habitu corporis. Itaque quum  
 pedes imum gradum non contingerent, unus ex regiis  
 14 pueris mensam subdidit pedibus. Et quum spadonem,  
 qui Darēi fuerat, ingemiscentem conspexisset rex, causam  
 maestitiae requisivit. Ille indicat, Darēum vesci in ea so-  
 litum seque sacram eius mensam ad ludibrium reciden-  
 15 tem sine lacrimis conspici non posse. Subiit ergo regem  
 verecundia violandi hospitales deos, iamque subduci iu-  
 bebat, quum Philōtas: *Minime vero haec feceris, rex, sed*  
*omen quoque accipe, mensam, ex qua libavit hostis epulas,*  
*tuis pedibus esse subiectam.*

16 (9) Rex Persidis finem aditurus Susa urbem Archelāo  
 et praesidium III milium tradidit: Xenophilo arcis cura  
 mandata est, Macedōnum aetate gravibus praesidere arcis  
 17 custodiae iussis: thesaurorum Callicrati tutela permissa:  
 satrapea regionis Susiānae restituta Abulitae. Matrem  
 18 quoque Darēi et liberos in eadem urbe deponit. Ac forte  
 Macedonicas vestes multamque purpuram dono ex Mace-  
 donia sibi missam cum his, quae confecerant, tradi Sisy-  
 gambi iubet: — omni namque honore eam et filii quoque  
 19 pietate prosequatur: — admonerique iussit, ut, si cordi  
 quoque vestis esset, conficere eam neptes suas assueface-  
 ret: dono se, quae docerent, dare. Ad hanc vocem lacri-  
 mae obortae prodidere animum aspernantis id munus:  
 quippe non aliud magis in contumeliam Persarum feminae  
 20 accipiunt, quam admoveere lanae manus. Nuntiant, qui  
 dona tulerant, tristem esse Sisygambim, dignaque res et  
 excusatione et solatio visa. Ipse ergo pervenit ad eam et,  
*Mater, inquit, hanc vestem, qua indutus sum, sororum non*  
*donum solum, sed etiam opus vides: nostri decipere me mo-*



*res. Cave, obsecro, in contumeliam acceperis ignorationem 21  
meam. Quae tui moris esse cognovi, ut spero, abunde servata  
sunt. Scio, apud vos filio in conspectu matris nefas esse con- 22  
sidere, nisi quum illa permisit: quotiescunque ad te veni, do-  
nec, ut considerem, annueres, restiti. Procumbens venerari  
me saepe voluisti: inhibui. Dulcissimae matri Olympiadi  
nomen debitum tibi reddo.*

## CAP. III.

(10) Mitigato animo eius, rex quartis castris pervenit 1  
ad Tigrim fluvium: Pasitigrim incolae vocant. Oritur in  
montibus Uxiorum et per L stadia silvestribus ripis prae-  
ceps inter saxa devolvitur. Accipiunt deinde eum campi, 2  
quos clementiore alveo praeterit, iam navium patiens. DC  
sunt stadia mollioris soli, per quod leni tractu aquarum  
Persico mari se insinuat. Amne superato, cum IX milibus 3  
peditum et Agriānis sagittariisque [et] Graecorum merce-  
nariorum tribus milibus, additis Thracum [mille], in regio-  
nem Uxiorum pervenit. Finitima Susis est et in primam  
Persidem excurrit, artum inter se et Susiānos aditum re-  
linquens. Madātes erat regionis praefectus, haud sane 4  
temporum homo: quippe ultima pro fide experiri decreve-  
rat. Sed periti locorum Alexandrum docent, occultum iter 5  
esse per calles et aversum ab urbe: si paucos misisset le-  
viter armatos, super capita hostium evasuros. Quum 6  
consilium placuisset, iidem itinerum fuerunt duces. M et  
D mercede conducti et Agriāni fere mille Taurōni prae-  
fecto dati ac post solis occasum iter ingredi iussi. Ipse, 7  
tertia vigilia castris motis, circa lucis ortum superat an-  
gustias caesaque materia cralibus et pluteis faciundis, ut,  
qui turres admoverent, extra teli iactum essent, urbem  
obsidere coepit. Praerupta erant omnia, saxis et cotibus 8  
impedita. Multis ergo vulneribus depulsi, ut quibus non  
cum hoste solum, sed etiam cum loco dimicandum esset,  
subibant tamen, quia rex inter primos constiterat, inter- 9  
rogans, tot urbium victores an erubescerent haerere in  
obsidione castelli exigui et ignobilis, simul admonens,  
iam \* \*.

Inter haec eminus petebatur: quem testudine obiecta mi-  
lites, [ubi], ut inde cederet, percellere nequierant, tue-  
bantur.

- 10 (11) Tandem Tauron super arcem urbis se cum suo  
agmine ostendit: ad cuius conspectum et hostium animi  
11 labare et Macedōnes acrius proelium inire coeperunt. An-  
ceps oppidanos malum urgebat, nec sisti vis hostium po-  
terat. Paucis ad moriendum, pluribus ad fugam animus  
fuit, magna pars in arcem concessit. Inde XXX oratoribus  
missis ad deprecandum, triste responsum a rege redditur,  
12 non esse veniae locum. Itaque suppliciorum quoque metu  
perculsi ad Sisygambim, Darēi matrem, occulto itinere  
ignotoque hostibus mittunt, qui peterent, ut ipsa regem  
mitigaret, haud ignari, parentis eam loco diligi colique.  
Et Madātes sororis eius filiam secum matrimonio iunxerat,  
13 Darēum propinqua cognatione contingens. Diu Sisygam-  
bis supplicum precibus repugnavit, abnuens, deprecatio-  
nem pro illis convenire fortunae, in qua esset: adiecitque,  
metuere sese, ne victoris indulgentiam fatigaret, saepius-  
14 que cogitare, captivam esse se, quam reginam fuisse. Ad  
ultimum victa litteris Alexandrum ita deprecata est, ut id  
ipsum excusaret, quod deprecaretur: petere se, ut illis  
quoque, si minus, sibi ignosceret: pro necessario ac pro-  
pinquo suo, iam non hoste, sed supplice, tantum vitam  
15 precari. Moderationem clementiamque regis, quae tunc  
fuit, vel una haec res possit ostendere: non Madāti modo  
ignovit, sed omnes et deditos et captivos libertate atque  
immunitate donavit, urbem reliquit intactam, agros sine  
tributo colere permisit. A victore Darēo plura mater non  
impetrasset.
- 16 (12) Uxiorum dein gentem subactam Susianorum sa-  
trapae contribuit: divisisque cum Parmeniōne copiis illur  
campestri itinere procedere iubet, ipse cum expedito ag-  
mine iugum montium cepit, quorum perpetuum dorsum  
17 in Persidem excurrit. Omni hac regione vastata, tertio die  
Persidem, quinto angustias, quas illi Susidas pylas vocant,  
intrat. Ariobarzānes has cum XXV milibus peditum oc-  
cupaverat rupes abscissas et undique praeruptas, in qua-

rum cacuminibus extra teli iactum barbari stabant, de industria quieti et paventibus similes, donec in artissimas fauces penetraret agmen. Quod ubi contemptu sui pergere 18 vident, tum vero ingentis magnitudinis saxa per montium prona devolvunt, quae incussa saepius subiacentibus petris maiore vi incidebant nec singulos modo, sed agmina proterebant. Fundis quoque excussi lapides et sagittae 19 undique ingerebantur. Nec id miserrimum fortibus viris erat, sed quod inulti, quod ferarum ritu, velut in fovea deprehensi, caederentur. Ira igitur in rabiem versa, eminentia saxa complexi, ut ad hostem pervenirent, alius alium levantes conabantur ascendere. Ea ipsa multorum simul manibus correpta et convulsa in eos, qui commoverant, recidebant. Nec stare ergo poterant nec niti, ne testudine 21 quidem protegi, quum tantae molis onera propellerent barbari. Regem non dolor modo, sed etiam pudor temere in illas angustias eiecti exercitus angebat. Invictus ante eam 22 diem fuerat, nihil frustra ausus: impune Ciliciae fauces intraverat, mare quoque novum in Pamphyliam iter aperuerat: tunc haesitabat deprehensa felicitas, nec aliud remedium erat, quam reverti, qua venerat. Itaque signo receptui dato, densatis ordinibus scutisque super capita consertis, retro evadere ex angustiis iubet. XXX fuere stadia, quae remensi sunt.

## CAP. IV.

(13) Tum castris undique aperto loco positis, non consultare modo, quid agendum esset, sed vates quoque adhibere coepit a superstitione animi. Sed quid tum praediceret Aristander, cui plurimum credebat ex vatibus, poterat? Itaque damnatis intempestivis sacrificiis, peritos locorum convocari iubet. Per Mediam iter ostendebant tutum apertumque: sed rex deserere milites insepultos erubescerebat, 3 ita tradito more, ut vix ullum militiae tam sollemne esset munus, quam humandi suos. Captivos ergo, quos nuper 4 exceperat, vocari iubet: inter quos erat quidam Graecae Persicaeque linguae peritus, qui frustra eum in Persidem montium dorso exercitum ducere affirmat: silvestres esse

calles, vix singulis pervios: omnia contegi frondibus implexosque arborum ramos silvas committere. Namque Persis ab altero latere perpetuis montium iugis clauditur: quod in longitudinem MDC, in latitudinem CLXX stadia procurrit. Hoc dorsum a Caucaso monte ad rubrum mare pertinet: quaque defecit mons, aliud munimentum, fretum, obiectum 6 est. Planities deinde sub radicibus montium spatiosa procumbit, fertilis terra multisque vicis atque urbibus frequentens. Araxes amnis per hos campos multorum aquas torrentium evolvit in Medum: Medus ad mare ad meridiem versus — minor amnis eo, quem accepit — evehitur, gignendaeque herbae non alius est aptior, quicquid alluit, 8 floribus vestiens. Platani quoque et populi contegant ripas, ita ut procul visentibus continuata videantur montibus nemora riparum. Quippe obumbratus amnis presso in solum alveo dilabatur, imminentque colles, ipsi quoque 9 frondibus laeti, radices eorum humore subeunte. Regio non alia tota Asia salubrior habetur: temperat coelum hinc perpetuum iugum opacum et umbrosum, quod aestus levat, illinc mare adiunctum, quod modico tepore terras fovet.

10 (14) His captivus expositis interrogatus a rege, auditum an oculis comperta haberet, quae diceret, pastorem se fuisse et omnes eas calles percussisse respondit: his 11 captum, semel a Persis in Lycia, iterum ab ipso. Subit animum regis memoria oraculo editae sortis: quippe consulenti responsum erat, ducem in Persidem ferentis viae 12 Lycium civem fore. Igitur promissis, quanta et praesens necessitas exigebat et ipsius fortuna capiebat, oneratum armari iubet Macedonum more et, quod bene verteret, monstrare iter: quamvis arduum et praeceps, evasurum se esse cum paucis, nisi forte crederet, quo ipse pecoris causa isset, Alexandrum pro gloria et perpetua laude ire 13 non posse. Etiam atque etiam docere captivus, quam difficile iter esset, maxime armatis. Tum rex, *Praedem*, inquit, *me accipe, neminem eorum, qui sequuntur, recusaturum* 14 *ire, qua duces*. Cratæro igitur ad custodiam castrorum relicto cum peditibus, quos assueverat, et iis copiis, quas



Meleāger ducebat, et sagittariis equitibus M praecipit, ut castrorum specie manente, plures de industria ignes fieri imperet, quo magis barbari credant, ipsum regem in castris esse. Ceterum, si forte Ariobarzānes cognovisset, 15 per callium anfractus intrare, et ad occupandum iter suum partem copiarum tentasset opponere, Cratērus eum, illato terrore, retineret, ad propius periculum conversurum agmen: sin autem ipse hostem fefellisset et saltum occupas- 16 set, quum trepidantium barbarorum tumultum exaudisset [et] persequentium regem, id ipsum iter, quo pridie pulsi fuerant, ne dubitaret ingredi: quippe vacuum fore, hostibus in semet aversis.

(15) Ipse tertia vigilia, silenti agmine ac ne tuba qui- 17 dem dato signo, pergat ad demonstratum iter callium. Tridui alimenta portare militem iusserat, leviter armatum. Sed praeter invias rupes ac praerupta saxa, vestigium sub- 18 inde fallentia, nix cumulata vento ingredientibus fatigabat: quippe, velut in foveas delati, hauriebantur et, quum a com- militonibus allevarentur, trahebant magis adiuvantes, quam sequebantur. Nox quoque et ignota regio ac dux, incer- 19 tum, an satis fidus, multiplicabant metum: si custodes fefellisset, quasi feras bestias ipsos posse deprehendi: ex unius captivi vel fide vel anima pendere et regis salutem et suam. Tandem venere in iugum. A dextra iter ad ipsum 20 Ariobarzānen erat: hic Philōtam et Coenon cum Amynta et Polyperconte, expeditam habentes manum, relinquit, monitos, quia et eques pediti erat mixtus, ut, quum pin- guissimum esset solum et pabuli fertile, sensim procederent: duces erant itineris de captivis dati. Ipse cum armi- 21 geris et ala, quam agema appellabant, ardua semita, sed longius a stationibus hostium remota, multa cum vexatione processit. Medius erat dies, et fatigatis necessa- 22 ria quies: quippe tantundem itineris supererat, quantum emensi erant, sed minus praecipitis atque ardui. Itaque 23 refectis cibo somnoque militibus, secunda vigilia surgit. Et cetera quidem haud aegre praeterit: ceterum, qua se montium iugum paulatim ad planiora demittit, ingens vorago, concursu cavata torrentium, iter ruperat. Ad hoc 24

arborum rami alius alio implicati et cohaerentes ut perpetuam obiecerant sepem. Desperatio igitur ingens, adeo ut 25 vix lacrimis abstinerent, incesserat. Praecipue obscuritas terrori erat: nam etiamsi qua sidera internitebant, continenti fronde tectae arbores conspicerere prohibebant. Ne aurium quidem usus supererat, silvas quatiente vento, qui concurrentibus ramis maiorem, quam pro flatu, sonum 26 edebat. Tandem expectata lux omnia, quae terribiliora nox fecerat, minuit: circumiri brevi spatio poterat eluvies, et sibi quisque dux itineris coeperat fieri.

27 (16) Evadunt ergo in editum verticem: ex quo hostium statione conspecta strenue armati a tergo se ostendunt nihil tale metuentibus: quorum pauci, qui congregati 28 ausi erant, caesi sunt. Itaque hinc morientium gemitus, hinc ad suos recurrentium miserabilis facies integros quoque, antequam discrimen experirentur, in fugam avertit. 29 Fremitu deinde in castra, quos Cratērus praesidebat, illato, ad occupandas angustias, in quibus pridie haeserant, milites educitur. Simul et Philōtas cum Polyperconte Amyntaque et Coeno diversum iter ingredi iussus alium terro- 31 rem intulit barbaris. Undique ergo Macedōnum armis fulgentibus, ancipiti malo oppressi memorabile tamen proelium edunt. Ut opinor, ignaviam quoque necessitas acuit, 32 et saepe desperatio spei causa est. Nudi complectebantur armatos et ingenti corporum mole secum ad terram de- 33 trahentes ipsorum telis plerosque fodiebant. Ariobarzānes tamen XL ferme equitibus et quinque milibus peditum stipatus per mediam aciem Macedōnum cum multo suorum atque hostium sanguine erupit, Persepōlim urbem, 34 caput regionis, occupare festinans. Sed a custodibus urbis exclusus, consecutis strenue hostibus, cum omnibus fugae comitibus, renovato proelio, cecidit. Cratērus quoque, raptim agmine acto, supervenit.

## CAP. V.

1 (17) Rex eodem loco, quo hostium copias fuderat, castra communit. Quamquam enim undique fugati hostes victoriam concesserant, tamen praealtae praecipitesque

fossae, pluribus locis obiectae, abruperant iter, sensimque et caute progrediendum erat, iam non hostium, sed locorum fraude suspecta. Procedenti ei litterae redduntur a Tiridate, custode pecuniae regiae, indicantes, eos, qui in urbe essent, audito eius adventu, diripere velle thesauros dimissos: properaret occupare: expeditum iter esse, quamquam Araxes amnis interfluat. Nullam virtutem regis istius magis quam celeritatem laudaverim. Relictis pedestribus copiis, tota nocte cum equitibus itineris tanto spatio fatigatis ad Araxen prima luce pervenit. Vici erant in propinquo: quibus dirutis pontem ex materia eorum, subditis saxis, strenue induxit.

Iamque haud procul urbe erant, quum miserabile agmen, inter pauca fortunae exempla memorandum, regi occurrit. Captivi erant Graeci, ad quattuor milia fere, quos Persae vario suppliciorum modo affecerant: alios pedibus, quosdam manibus auribusque amputatis inustisque barbararum litterarum notis in longum sui ludibrium reservaverant: et quum se quoque alienae ditionis esse cernerent, volentes regi occurrere non prohibuerant. Invisitata simulacra, non homines videbantur, nec quicquam in illis praeter vocem poterat agnosci. Plures igitur lacrimas commovere, quam profuderant ipsi: quippe in tam multiplici variaque fortuna singulorum intuentibus similes quidem, sed tamen dispaes poenas, quis maxime miserabilis esset, liquere non poterat. Ut vero Iovem illi tandem, Graeciae ultorem, aperuisse oculos conclamavere, omnes pari supplicio affecti sibi videbantur. Rex, abstersis, quas profuderat, lacrimis, bonum habere animum iubet, visuros urbes suas coniugesque: et castra inde duo ab urbe stadia communit.

(18) Graeci excesserant vallo, deliberaturi, quid potissimum a rege peterent: quumque aliis sedem in Asia rogare, aliis reverti domos placeret, Euctemon Cymaeus ita locutus ad eos fertur: *Ii, qui modo etiam ad opem petendam ex tenebris et carcere procedere erubuimus, ut nunc est, supplicia nostra, quorum nos pudeat magis, an poeniteat, incertum est, ostentare Graeciae velut laetum spectaculum*

11 *cupimus. Atqui optime miseras ferunt, qui abscondunt: nec ulla tam familiaris est infelicibus patria, quam solitudo et status prioris oblivio. Nam qui multum in suorum misericordia ponunt, ignorant, quam celeriter lacrimae inarescant.*  
 12 *Nemo fideliter diligit, quem fastidit: nam et calamitas querula est et superba felicitas. Ita suam quisque fortunam in consilio habet, quum de aliena deliberat. Nisi mutuo essemus miseri, olim alius alii potuissemus esse fastidio: quid mirum est, fortunatos semper parem quaerere? Obsecro vos, olim vlti defuncti quaeramus locum, in quo haec semesa membra obruamus, ubi horribiles cicatrices celet exilium. Grati prorsus coniugibus, quas iuvenes duximus, revertemur! Liberi in flore et aetatis et rerum agnoscent patres ergastuli detri-*  
 14 *menta? Et quota pars nostri tot obire terras potest? Procul Europa in ultima orientis relegati, senes, debiles, maiore membrorum parte multati, tolerabimus scilicet, quae armatos*  
 15 *et victores fatigarunt. Coniuges deinde, quas captis fors et necessitas unicum solatium applicuit, parvosque liberos trahimus nobiscum, an relinquimus? Cum his venientes nemo*  
 16 *agnoscere volet. Relinquemus ergo extemplo praesentia pignora, quum incertum sit, an visuri simus illa, quae petimus? Inter hos latendum est, qui nos miseros nosse coeperunt. Haec Euctemon.*

17 (19) Contra Theaetetus Atheniensis orsus est dicere: Neminem pium habitu corporis suos aestimaturum, utique saevitia hostis, non natura calamitosos. Dignum esse omni malo, qui erubesceret fortuito: tristem enim de mortalitate ferre sententiam et desperare misericordiam, quia ipse alteri denegaturus sit. Deos, quod ipsi nunquam optare ausi forent, offerre patriam, coniuges, liberos et quicquid homines vel vita aestimant vel morte redimunt. Quin illi ex hoc carcere erumperent: alium domi esse coeli haustum, alium lucis aspectum: mores, sacra, linguae commercium etiam a barbaris expeti: quae ingenita ipsi omisuri sint sua sponte, non ob aliud tam calamitosi, quam quod illis carere coacti essent. Se certe rediturum ad penates et in patriam tantoque beneficio regis usurum: si quos contubernii liberorumque, quos servitus coegisset



agnoscere, amor delineret, relinquerent, quibus nihil patria carius esset.

Pauci huius sententiae fuere: ceteros consuetudo natura potior vicit. Consenserunt, petendum esse a rege, ut aliquam ipsis attribueret sedem. Centum ad hoc electi sunt: quos Alexander ratus, quod ipse praestare cogitabat, petituros, *Iumenta*, inquit, *assignari, quae vos veherent, et singulis vestrum milia denarium dari iussi. Quum redieritis in Graeciam, praestabo, ne quis statum suum, si haec calamitas absit, vestro credat esse meliorem.* Illi, obortis lacrimis, terram intuebantur nec aut erigere vultus aut loqui audebant: tandem, rege tristitiae causam exigente, Euctemon similia iis, quae in consilio dixerat, respondit. Atque ille non fortunae solum eorum, sed etiam poenitentiae misertus terna milia denarium singulis dari iussit: denae vestes adiectae sunt, et armenta cum pecoribus ac frumento data, ut coli serique attributus iis ager posset.

## CAP. VI.

(20) Postero die convocatos duces copiarum docet, 1 nullam infestiorum urbem Graecis esse, quam regiam veterum Persidis regum. Hinc illa immensa agmina infusa: hinc Darium prius, dein Xerxem Europae impium intulisse bellum. Excidio illius parentandum esse maioribus. A. 330 a. Chr. n. mense Ianuario. Ol. 112, 2. Iamque barbari, deserto oppido, qua quemque metus agebat, diffugerant: quum rex phalangem nihil cunctatus inducit. Multas urbes refertas opulentia regia partim expugnaverant, partim in fidem acceperant, sed urbis huius divitiae vicere praeterita. In hanc 3 totius Persidis opes congesserant barbari: aurum argentumque cumulatum erat, vestis ingens modus, supellex non ad usum, sed ad ostentationem luxus comparata. Ita 4 que inter ipsos victores ferro dimicabatur: pro hoste erat, qui pretiosorem occupaverat praedam: et quum omnia, quae reperiebant, capere non possent, iam res non occupabantur, sed aestimabantur. Lacerabant regias vestes, 5 ad se quisque partem trahentes: dolabris pretiosae artis vasa caedebant: nihil neque intactum erat neque integrum

ferebatur: abrupta simulacrorum membra, ut quisque avelerat, trahebat. Neque avaritia solum, sed etiam crudelitas in capta urbe grassata est: auro argentoque onusti villia captivorum corpora trucidabant, passimque obvii caedebantur, quos ante pretium sui miserabiles fecerat. Multi ergo hostium manus voluntaria morte occupaverunt, pretiosissima vestium induti e muris semetipsos cum coniugibus ac liberis in praecipitium iacentes. Quidam ignes (quod paulo post facturus hostis videbatur) subiecerant aedibus, 8 ut cum suis vivi cremarentur. Tandem suis rex corporibus et cultu feminarum abstinere iussit. Ingens captivae pecuniae modus traditur, prope ut fidem excedat. Ceterum aut de aliis quoque dubitabimus, aut credemus, in huius urbis gaza fuisse C et XX milia talentum: ad quae vehenda (namque ad usum belli secum portare decreverat) iumenta 10 et camelos a Susis et a Babylone contrahi iussit. Accessere ad hanc pecuniae summam, captis Persagadis, sex milia talentum. Cyrus Persagadum urbem condiderat, quam Alexandro praefectus eius Gobares tradidit.

(21) Rex arcem Persepölis, III milibus Macedonum praesidio relicta, Nicarchiden tueri iubet: Tiridati quoque, qui gazam tradiderat, servatus est honos, quem apud Darium habuerat: magnaue exercitus parte et impedimentis ibi relicta Parmeniona Craterumque praefecit. A. 330 a. Chr. n. vere. Ol. 112, 2. Ipse cum mille equitibus peditumque expedita manu interiorum Persidis regionem sub ipsum Vergiliarum sidus petiit multisque imbribus et prope intolerabili tempestate vexatus procedere tamen, quo intendebat, perseveravit. Ventum erat ad iter perpetuis obsitum nivibus, quas frigoris vis gelu adstrinxerat, locorumque squalor et solitudines inviae fatigatum militem terrebant, humanarum rerum terminos se videre credentem. Omnia vasta atque sine ullo humani cultus vestigio attoniti intuebantur et, antequam lux quoque et coelum ipsos deficerent, reverti iuebant. Rex castigare territos supersedit: ceterum ipse equo desiluit pedesque per nives et concretam glaciem ingredi coepit. Erubuerunt non sequi primum amici, deinde copiarum duces, ad ultimum milites:

primusque rex dolabra glaciem perfringens iter sibi fecit: exemplum regis ceteri imitati sunt. Tandem propemodum 15 invias silvas emensi humani cultus rara vestigia et passim errantes pecorum greges repperere: et incolae, qui sparsis tuguriis habitabant, quum se callibus inviis septos esse credidissent, ut conspexere hostium agmen, interfec- 16 clis, qui comitari fugientes non poterant, devios montes et nivibus obsitos petiverunt. Inde per colloquia captivo- rum paulatim feritate mitigata, tradidere se regi. Nec in deditos gravius consultum.

Vastatis inde agris Persidis vicisque compluribus re- 17 dactis in potestatem, ventum est in Mardorum gentem bellicosam et multum a ceteris Persis cultu vitae abhorrentem. Specus in montibus fodiunt, in quos seque ac coniuges et liberos condunt: pecorum aut ferarum carne vescuntur. Ne feminis quidem pro naturae habitu molliora ingenia 18 sunt: comae prominent hirtae, vestis super genua est, funda vinciunt frontem: hoc et ornamentum capitis et telum est. Sed hanc quoque gentem idem fortunae impetus domuit. Itaque tricesimo die, postquam a Persepöli profectus erat, eodem rediit. Dona deinde amicis ceterisque 20 pro cuiusque merito dedit. Propemodum omnia, quae in ea urbe ceperat, distributa.

## CAP. VII.

(22) Ceterum ingentia animi bona, illam indolem, qua 1 omnes reges antecessit, illam in subeundis periculis constantiam, in rebus moliendis efficiendisque velocitatem, in deditos fidem, in captivos clementiam, in voluptatibus permissis quoque et usitatis temperantiam, haud tolerabili vini cupiditate foedavit. Hoste et aemulo regni reparante 2 tummaxime bellum, nuper subactis, quos vicerat, novumque imperium aspernantibus, de die inibat convivia, quibus feminae intererant, non quidem, quas violari nefas esset, quippe pellices, licentius, quam decebat, cum armato vivere assuetae. Ex his una Thais, et ipsa temulenta, maxi- 3 mam apud omnes Graecos initurum gratiam affirmat, si regiam Persarum iussisset incendi: expectare hoc eos,

4 quorum urbes barbari delessent. Ebrio scorto de tanta re ferenti sententiam unus et alter, et ipsi mero onerati, assentiuntur. Rex quoque avidior fuit, quam patientior: *Quin igitur ulciscimur Graeciam et urbi faces subdimus?* 5 Omnes in caluerant mero: itaque surgunt temulenti ad incendendam urbem, cui armati pepercerant. Primus rex ignem regiae iniecit, tum convivae et ministri pellicesque. Multa cedro aedificata erat regia: quae, celeriter igne 6 concepto, late fudit incendium. Quod ubi exercitus, qui haud procul urbe tendebat, conspexit, fortuitum ratus ad 7 opem ferendam concurrat. Sed ut ad vestibulum regiae ventum est, vident regem ipsum adhuc aggerentem igni faces. Omissa igitur, quam portaverant, aqua, aridam materiem in incendium iacere coeperunt.

8 (23) Hunc exitum habuit regia totius orientis, unde tot gentes antea iura petebant, patria tot regum, unicus quondam Graeciae terror, molita mille navium classem et exercitus, quibus Europa inundata est, contabulato mari molibus perfossisque montibus, in quorum specus fretum 9 immisum est. Ac ne tam longa quidem aetate, quae exiduum eius secuta est, resurrexit. Alias urbes habuere Macedonum reges, quas nunc habent Parthi: huius vestigium non inveniretur, nisi Araxes amnis ostenderet. Haud procul moenibus fluxerat: inde urbem fuisse XX stadiis 10 distantem credunt magis quam sciunt accolae. Pudebat Macedones, tam praeclaram urbem a comissabundo rege deletam esse. Itaque res in serium versa est, et imperaverunt sibi, ut crederent, illo potissimum modo fuisse delendam. Ipsum, ut primum gravatam ebrietate mentem quies reddidit, poenituisse constat et dixisse, maiores poenas Persas Graecis daturus fuisse, si ipsum in solio regiaeque 12 Xerxis conspicere coacti essent. Postero die Lycio, itineris, quo Persidem intraverat, duci, XXX talenta dono dedit.

Hinc in regionem Mediae transiit, ubi supplementum novorum e Cilicia militum occurrit. Peditum erant quinque milia, equites mille: utrisque Platon Athenien- 13 sis praeerat. His copiis auctus Darëum persequi statuit.

A. 330  
mense  
Maio.  
Ol. 112, 2



## CAP. VIII.

(24) Ille iam Eebatāna pervenerat. Caput Mediae urbs 1  
haec: nunc tenent Parthi, eaque aestiva agentibus sedes  
est. Adire deinde Bactra decreverat, sed veritus, ne cele-  
ritate Alexandri occuparetur, consilium iterque mutavit.  
Aberat ab eo Alexander stadia MD: sed iam nullum inter- 2  
vallum adversus velocitatem eius salis longum videbatur.  
Itaque proelio magis quam fugae se praeparabat. XXX 3  
milia peditum sequebantur, in quibus Graecorum erant  
quattuor milia, fidelitate erga regem ad ultimum invicta.  
Funditorum quoque et sagittariorum manus quattuor milia 4  
expleverat: praeter hos III milia et CCC equites erant,  
maxime Bactrianorum. Bessus praeerat, Bactriānae regio-  
nis praefectus. Cum hoc agmine Darēus paulum declina- 5  
vit via militari, iussis praecedere laxis impedimentorum-  
que custodibus. Consilio deinde advocato, *Si cum ignavis, 6*  
*inquit, et pluris qualemcunque vitam honesta morte aesti-*  
*mantibus me fortuna iunxisset, tacerem potius, quam frustra*  
*verba consumerem. Sed maiore, quam vellem, documento et vir-*  
*tutem vestram et fidem expertus magis etiam conniti debeo, ut*  
*dignus talibus amicis sim, quam dubitare, an vestri similes ad-*  
*huc sitis. Ex tot milibus, quae sub imperio fuerunt meo, bis me 8*  
*victum, bis fugientem persecuti estis. Fides vestra et constan-*  
*tia, ut regem me esse credam, facit. Proditores et transfugae 9*  
*in urbibus meis regnant: non hercule, quia tanto honore digni*  
*habentur, sed ut praemiis eorum vestri sollicitentur animi.*  
*Meam fortunam tamen, quam victoris, maluistis sequi, dignis-*  
*simi, quibus, si ego non possim, dii pro me gratiam referant.*  
*Et mehercule, referent. Nulla erit tam surda posteritas, 10*  
*nulla tam ingrata fama, quae non in coelum vos debitis lau-*  
*dibus ferat. (25) Itaque etiamsi consilium fugae, a qua mul-*  
*tum abhorret animus, agitassem, vestra tamen virtute fretus*  
*obviam issem hosti. Quousque enim in regno exulabo et per 11*  
*fines imperii mei fugiam externum et advenam regem, quum*  
*liceat experto belli fortunam aut reparare, quae amisi, aut*  
*honestam morte defungi? Nisi forte salius est, expectare victo-*  
*ris arbitrium et Mazaei et Mithrēnis exemplo precarium ac-*  
*cipere regnum nationis unius, ut iam malit ille gloriae suae*

13 *quam irae obsequi. Nec dii siverint, ut hoc decus mei capitis*  
*aut demere mihi quisquam aut condonare possit, nec hoc im-*  
*perium vivus amittam, idemque erit regni mei, qui spiritus*  
14 *fnis. Si hic animus, si haec lex, nulli non parata libertas est:*  
*nemo e vobis fastidium Macedōnum, nemo vultum superbum*  
*ferre cogetur. Sua cuique dextra aut ultionem tot malorum*  
15 *pariet aut finem. Equidem, quam versabilis fortuna sit, do-*  
*cumentum ipse sum nec immerito mitiores vices eius expecto.*  
*Sed si iusta ac pia bella dii aversantur, fortibus tamen viris*  
16 *licebit honeste mori. Per ego vos decora maiorum, qui totius*  
*orientis regna cum memorabili laude tenuerunt, per illos*  
*viros, quibus stipendium Macedonia quondam tulit, per tot*  
*navium classes in Graeciam missas, per tot tropaea regum*  
*oro et obtestor, ut nobilitate vestra gentisque dignos spiritus*  
17 *capiatis, ut eadem constantia animorum, qua praeterita tole-*  
*rastis, experiamini, quicquid deinde fors tulerit. Me certe in*  
*perpetuum aut victoria egregia nobilitabit aut pugna.*

## CAP. IX.

1 (26) Haec dicente Darēo, praesentis periculi species  
omnium simul corda animosque horrore perstrinxerat, nec  
aut consilium suppetebat aut vox: quum Artabāzus, ve-  
tustissimus amicorum, quem hospitem fuisse Philippi su-  
pra diximus, *Nos vero, inquit, pretiosissimam vestem induiti*  
*armisque, quanto maximo cultu possumus, adornati regem in*  
*aciem sequemur, ea quidem mente, ut victoriam speremus,*  
2 *mortem non recusemus.* Assensu excepere ceteri hanc vo-  
cem. Sed Nabarzānes, qui in eodem consilio erat cum  
Besso, inauditi antea facinoris societate inita, regem suum  
per milites, quibus ambo praeerant, comprehendere et  
vincere decreverant, ea mente, ut, si Alexander ipsos in-  
secutus foret, tradito rege vivo, inirent gratiam victoris,  
magni profecto cepisse Darēum aestimaturi: sin autem  
eum effugere potuissent, interfecto Darēo, regnum ipsi oc-  
3 cuparent bellumque renovarent. Hoc parricidium quum  
diu volutassent, Nabarzānes aditum nefariae spei prae-  
parans, *Scio, me, inquit, sententiam esse dicturum, prima*  
*specie haudquaquam auribus tuis gratam. Sed medici quoque*

*graviores morbos asperis remediis curant, et gubernator, ubi naufragium timet, iactura, quicquid servari potest, redimit. Ego tamen, non ut damnum quidem facias, suadeo, sed ut te ac regnum tuum salubri ratione conserves. Diis adversis bellum inimus, et pertinax fortuna Persas urgere non desinit. Novis initiis et omnibus opus est. Auspiciis et imperium interim alii trade, qui tamdiu rex appelletur, donec Asia decedat hostis, victor deinde regnum tibi reddat. Hoc autem brevi futurum ratio promittit. Bactra intacta sunt, Indi et Sacae in tua potestate: tot populi, tot exercitus, tot equitum pedumque milia ad renovandum bellum vires paratas habent, ut maior belli moles supersit, quam exhausta sit. Quid rui- mus beluarum ritu in perniciem non necessariam? Fortium virorum est, magis mortem contemnere, quam odisse vitam. Saepe taedio laboris ad vilitatem sui compelluntur ignavi: at nihil virtus inexpertum omittit. Itaque ultimum omnium mors est, ad quam non pigre ire satis est. Proinde si Bactra, quod tutissimum receptaculum est, petimus, praefectum regionis eius Bessum regem temporis gratia statuamus. Compositis rebus, iusto regi tibi fiduciarium restituet imperium.*

(27) Haud mirum est, Darëum non temperasse animo, 9 quamquam, tam impiae voci quantum nefas subesset, latebat. Itaque, *Pessimum*, inquit, *mancipium, repperisti exoptatum tibi tempus, quo parricidium aperires?* strictoque acinae interfecturus eum videbatur, ni propere Bessus Bactrianique, [quasi] deprecarentur, tristium specie, ceterum, si perseveraret, vincituri, circumstetissent. Nabarzanes interim elapsus, mox et Bessus consecutus copias, quibus praeerant, a cetero exercitu secedere iubent, secretum inituri consilium. Artabazus convenientem praesenti fortunae sententiam orsus miligare Darëum, temporum identidem admonens, coepit: ferret aequo animo qualiumcunque, suorum tamen vel stultitiam vel errorem. Instare Alexandrum, gravem, etiamsi omnes praesto essent: quid futurum, si persecuti fugam ipsius alienentur? Aegre paruit Artabazo: et quamquam movere castra statuerat, turbatis tamen omnium animis eodem in loco substitit. Sed attonitus maestitia simul et desperatione tabernaculo se

14 inclusit. Ergo in castris, quae nullius regebantur imperio, varii animorum motus erant, nec in commune, ut antea, 15 consulebatur. Dux Graecorum militum Patron arma capere suos iubet paratosque esse ad exequendum imperium. 16 Persae secesserant: Bessus cum Bactrianis erat tentabatque Persas abducere, Bactra et intactae regionis opulenta simulque, quae manentibus instarent pericula, ostentans. Persarum omnium eadem fere fuit vox, nefas esse, deserere 17 regem. Inter haec Artabazus omnibus imperatoriis fungebatur officiis: ille Persarum tabernacula circumire, hortari, monere nunc singulos, nunc universos non ante destitit, quam satis constaret, imperata facturos. Idem aegre a Darëo impetravit, ut cibum caperet animumque rebus adverteret.

## CAP. X.

1 (28) At Bessus et Nabarzanes olim agitata scelus exequi statuunt, regni cupiditate accensi: Darëo autem in- 2 columi tantas opes sperare non poterant. Quippe in illis gentibus regum eximia maiestas est: ad nomen quoque barbari conveniunt, et pristinae veneratio fortunae sequi- 3 tur adversam. Inflabat impios animos regio, cui praeerant, armis virisque et spatio locorum nulli earum gentium secunda. Tertiam partem Asiae tenet: multitudo iuniorum 4 exercitus, quos amiserat Darëus, aequabat. Itaque non illum modo, sed etiam Alexandrum spernebant, inde vires 5 imperii repetituri, si regis potiri contigisset. Diu omnibus cogitatis, placuit, per milites Bactrianos ad omne obsequium destinatos regem comprehendere mitique nuntium 6 ad Alexandrum, qui indicaret, vivum asservari eum, si, id quod timebant, proditorem aspernatus esset, occisuri Darëum et Bactra cum suarum gentium manu petituri. Ceterum propalam comprehendere Darëus non poterat, tot Persarum milibus laturis opem regi: Graecorum quoque fides 8 timebatur. Itaque quod vi non poterant, fraude assequi tentant: poenitentiam secessionis simulare decreverant et 9 excusare apud regem consternationem suam. Interim, qui Persas sollicitarent, mittuntur. Hinc spe, hinc metu milita-



res animos versant: ruinae rerum subdere illos capita: in perniciem trahi, quum Bactra pateant, exceptura eos donis et opulentia, animis quam concipere non possint.

(29) Haec agitantibus Artabāzus supervenit sive regis iussu sive sua sponte, affirmans, mitigatum esse Darēum et eundem illis amicitiae gradum patere apud regem. Illi lacrimantes nunc purgare se, nunc Artabāzum orare, ut causam ipsorum tueretur precesque perferret. Sic peracta nocte, sub lucis exortum Bessus et Nabarzānes cum Bactriānis militibus in vestibulo praetorii aderant, titulum sollemnis officii occulto sceleri praeferentes. Darēus, signo ad eundem dato, currum pristino more conscendit. Nabarzānes ceterique parricidae procumbentes humi, quem paulo post in vinculis habituri erant, sustinere venerari: lacrimas etiam poenitentiae indices profuderunt: adeo humanis ingeniis parata simulatio est. Preces deinde suppliciter admotae Darēum natura simplicem et mitem non credere modo, quae affirmabant, sed flere etiam coegerunt. Ac ne tum quidem cogitati sceleris poenituit, quum intuerentur, qualem et regem et virum fallerent. Ille quidem securus periculi, quod instabat, Alexandri manus, quas solas timebat, effugere properabat.

## CAP. XI.

(30) Patron autem, Graecorum dux, praecepit suis, ut arma, quae in sarcinis antea ferebantur, induerent, ad omne imperium suum parati et intenti. Ipse currum regis sequebatur, occasione imminens alloquendi eum: quippe Bessi facinus praesenserat. Sed Bessus id ipsum metuens, custos verius quam comes, a curru non recedebat. Diu ergo Patron cunctatus ac saepius sermone revocatus, inter fidem timoremque haesitans, regem intuebatur. Qui ut tandem advertit oculos, Bubācen-spardonem inter proximos currum sequentem percontari iubet, numquid ipsi velit dicere. Patron se vero, sed remotis arbitris loqui velle cum eo respondit: iussusque propius accedere sine interprete (nam haud rudis Graecae linguae Darēus erat), *Rex, inquit, ex L milibus Graecorum supersumus pauci, omnis for-*

*tunae tuae comites et in hoc tuo statu iidem, qui, florente te, fuimus, quascunque terras elegeris, pro patria et domesticis rebus petitori. Secundae adversaeque res tuae copulavere nos tecum. Per hanc fidem invictam oro et obtestor, in nostris castris tibi tabernaculum statue, nos corporis tui custodes esse patiaris. Omisimus Graeciam, nulla Bactra sunt nobis: spes omnis in te, utinam etiam ceteris esset. Plura dici non attinet. Custodiam corporis tui externus et alienigena non deposcerem, si crederem, alium posse praestare.*

(31) Bessus, quamquam erat Graeci sermonis ignarus, tamen, stimulante conscientia, indicium profecto Patrōnem detulisse credebat: et, interpretis [ore] relato sermone Graeci, exempta dubitatio est. Darēus autem, quantum ex vultu concipi poterat, haud sane territus percontari Patrōna causam consilii, quod afferret, coepit. Ille non ultra differendum ratus, *Bessus, inquit, et Nabarzānes insidiantur tibi: in ultimo discrimine et fortunae tuae et vitae. Hic dies aut parricidis aut tibi futurus ultimus.* Et Patron quidem egregiam conservati regis gloriam tulerat. Eludant, rideant licet, quibus forte temere humana negotia volvi agique persuasum est: [equidem aeterna constitutione crediderim] nexuque causarum latentium et multo ante destinatarum suum quemque ordinem immutabili lege percurrere. Darēus certe respondit, quamquam sibi Graecorum militum fides nota sit, nunquam tamen a popularibus suis recessurum. Difficilius sibi esse, damnare, quam decipi. Quicquid fors tulisset, inter suos perpelli malle, quam transfugam fieri. Sero se perire, si salvum esse milites sui nollent. Patron, desperata regis salute, ad eos, quibus praecerat, rediit, omnia pro fide experiri paratus.

## CAP. XII.

(32) At Bessus occidendi protinus regis impetum ceperat. Sed veritus, ne gratiam Alexandri, nisi vivum eum tradidisset, inire non posset, dilato in proximam noctem sceleris consilio, agere gratias incipit, quod perfidi hominis insidias, iam Alexandri opes spectantis, prudenter

cauteque vitasset. Donum eum hosti laturum fuisse regis caput. Nec mirari, hominem mercede conductum omnia 2 habere venalia: sine pignore, sine lare, terrarum orbis exulem, ancipitem hostem, ad nutum licentium circumferri. Purganti deinde se deosque patrios testes fidei suae invo- 3 canti Darēus vultu assentiebatur, haud dubius, quin vera deferrentur a Graecis: sed eo rerum ventum erat, ut tam periculosum esset, non credere suis, quam decipi. XXX 4 milia erant, quorum inclinata in scelus levitas timebatur: IV milia Patron habebat: quibus si credidisset salutem suam, damnata popularium fide, parricidio excusationem videbat offerri. Itaque praeoptabat, immerito quam iure 5 violari. Besso tamen insidiarum consilium purganti respondit, Alexandri sibi non minus iustitiam quam virtutem esse perspectam. Falli eos, qui proditionis ab eo praemium expectent: violatae fidei neminem acriorem fore vindicem ultoremque. Iamque nox appetebat, quum Per- 6 sae more solito, armis positis, ad necessaria ex proximo vico ferenda discurrunt. At Bactriāni, ut imperatum a Besso erat, armati stabant.

(33) Inter haec Darēus Artabāzum acciri iubet: expo- 7 sitisque, quae Patron detulerat, haud dubitare Artabāzum, quin transeundum esset in castra Graecorum: Persas quo- que, periculo vulgato, secuturos. Destinatus sorti suae et 8 iam nullius salubris consilii patiens unicam in illa fortuna opem, Artabāzum, ultimum illum visurus, amplectitur: perfususque mutuis lacrimis inhaerentem sibi avelli iubet: capite deinde velato, ne inter gemitus digredientem velut a rogo intueretur, in humum pronum corpus abiecit. Tum 9 vero custodia eius assueti, quos regis salutem vel periculis vitae tueri oportebat, dilapsi sunt, armatis, quos iam adventare credebant, haud rati se futuros pares. Ingens ergo in tabernaculo solitudo erat, paucis spadonibus, quia, quo discederent, non habebant, circumstantibus regem. At ille, remotis arbitris, diu aliud atque aliud consilium 10 animo volutabat. Iamque solitudinem, quam paulo ante pro solatio petiverat, perosus Bubācen vocari iubet. Quem 11 intuens, *Ite*, inquit, *consultite vobis, ad ultimum regi vestro,*

*ut decebat, fide exhibita. Ego hic legem fati mei expecto. Forsitan mireris, quod vitam non finiam: alieno scelere quam meo mori malo.* Post hanc vocem spado gemitu non tabernaculum modo, sed etiam castra complevit. Irrupere deinde alii laceratisque vestibibus lugubri et barbaro ululatu regem 12 deplorare coeperunt. Persae, ad illos clamore perlato, attoniti metu nec arma capere, ne in Bactriānos inciderent, nec quiescere audebant, ne impie deserere regem viderentur. Varius ac dissonus clamor sine duce ac sine imperio totis castris referebatur.

(34) Besso et Nabarzāni nuntiaverant sui, regem a 15 semetipso interemptum esse. Planctus eos deceperat. Itaque citatis equis advolant, sequentibus, quos ad ministerium sceleris delegerant: et quum tabernaculum intrassent, quia regem vivere spadones indicabant, comprehendi vinctique iusserunt. Rex curru paulo ante vectus et deorum auspiciis ac suis honoribus cultus, nulla externa ope admota, captivus servorum suorum, in sordidum vehiculum 17 pellibus undique contextum imponitur. Pecunia regis et supellex quasi belli iure diripitur: onustique praeda per 18 scelus ultimum parta fugam intendunt. Artabāzus cum his, qui imperio parebant, Graecisque militibus Parthiēnen petebat, omnia tutiora parricidarum contuitu ratus. Persae promissis Bessi onerati, maxime, quia nemo alius erat, quem sequerentur, coniunxere se Bactriānis, agmen eorum 20 tertio assecuti die. Ne tamen honos regi non haberetur, aureis compedibus Darēum vincunt, nova ludibria subinde excogitante fortuna. Et ne forte cultu regio posset agnosci, sordidis pellibus vehiculum intexerant: ignoti iumenta agebant, ne percontantibus in agmine monstrari posset: custodes procul sequebantur.

## CAP. XIII.

1 (35) Alexander, audito, Darēum movisse ab Ecbatānis, omisso itinere, quod patebat in Mediam, fugientem 2 insequi perguit strenue. Tabas (oppidum est in Paracēne ultima) pervenit: ibi transfugae nuntiant, praecipitem fuga 3 Bactra petere Darēum. Certiora deinde cognoscit ex Ba-



gistanē Babylonio: non equidem vinetum regem, sed in periculo esse aut mortis aut vinculorum affirmabat. Rex, 4 ducibus convocatis, *Maximum, inquit, opus, sed labor brevissimus superest. Darēus haud procul destitutus a suis aut oppressus. In illo corpore posita est nostra victoria, et tanta res celeritatis est praemium.* Omnes pariter conclamant, 5 paratos ipsos sequi: nec labori nec periculo parceret. Igitur raptim agmen cursus magis quam itineris modo ducit, ne nocturna quidem quiete diurnum laborem relaxante. Itaque quingenta stadia processit, perventumque erat in 6 vicum, in quo Darēum Bessus comprehenderat. Ibi Melon, Darēi interpretis, excipitur. Corpore aeger non potuerat agmen assequi et deprehensus celeritate regis transfugam se esse simulabat. Ex hoc acta cognoscit. Sed fatigatis necessaria quies erat. Itaque delectis equitum sex milibus, 8 trecentos, quos dimachas appellabant, adiungit: dorso hi graviora arma portabant, ceterum equis vehebantur: quum res locusque posceret, pedestris acies erat.

(36) Haec agentem Alexandrum adeunt Orsīlos et Mithracōnes, qui Bessi parricidium exosi transfugerant nuntiabantque, stadia D abesse Persas: ipsos brevius iter monstraturos. Gratus regi adventus transfugarum fuit. 10 Itaque prima vespera, ducibus iisdem, cum expedita equitum manu monstratam viam ingreditur, phalange, quantum festinare posset, sequi iussa. Ipse quadrato agmine incedens ita cursum regebat, ut primi coniungi ultimis possent. CCC stadia processerant, quum occurrit Brocu- 11 bēlus, Mazaei filius, Syriae quondam praetor. Is quoque transfuga nuntiabat, Bessum haud amplius quam CC stadia abesse. Exercitum, utpote [qui nihil] praecaveret, incompositum inordinatumque procedere. Hyrcaniam videri petituros. Si festinaret sequi, palantes superventurum. Darēum adhuc vivere. Strenuo alioquin cupiditatem con- 12 sequendi transfuga iniecerat. Itaque calcaribus subditis, effuso cursu eunt. Iamque fremitus hostium iter ingredientium exaudiebatur, sed prospectum ademerat pulveris nubes. Paulisper ergo inhibuit cursum, donec consideret pulvis. Iamque conspecti a barbaris erant et abeuntium 13

agmen conspexerant, nequaquam futuri pares, si Bessus tantum animi fuisset ad proelium, quantum ad parricidium fuerat. Namque et numero barbari praestabant et robore: ad hoc refecti cum fatigatis certamen initari erant. 14 Sed nomen Alexandri et fama, maximum in bello utique momentum, pavidos in fugam avertit.

15 (37) Bessus vero et ceteri facinoris eius participes vehiculum Darēi assecuti coeperunt hortari eum, ut 16 conscenderet equum et se hosti fuga eriperet. Ille deos ultores adesse testatur et Alexandri fidem implorans negat, se parricidas velle comitari. Tum A. 330 a. Chr. n. medio. Ol. 112, 3 mense Hecatombaeone. vero ira quoque accensi tela coniiciunt in regem 17 multisque confossum vulneribus relinquunt. Iumenta quoque, ne longius prosequi possent, convulnerant, duobus servis, qui regem comitabantur, occisis 18 Hoc edito facinore, ut vestigia fugae spargerent, Nabarzānes Hyrcaniam, Bessus Bactra, paucis equitum comitantibus, petebant: barbari ducibus destituti, qua quemque aut spes ducebat aut pavor, dissipabantur: D tantum equites congregaverant se, incerti adhuc, resistere melius 19 esset, an fugere. Alexander, hostium trepidatione comperta, Nicanōrem cum equitum parte ad inhibendam fugam emittit: ipse cum ceteris sequitur. III ferme milia resistentia occisa sunt: reliquum agmen pecudum more intactum 20 agebatur, iubente rege, ut caedibus abstineretur. Nemo captivorum erat, qui monstrare Darēi vehiculum posset: singuli, ut quaeque prenderent, scrutabantur, nec tamen 21 ullum vestigium fugae regis extabat. Festinantem Alexandrum vix tria milia equitum persecuta sunt. At in eos, qui lentius sequebantur, incidebant universa fugientium 22 agmina. Vix credibile dictu: plures captivi, quam qui caperent erant: adeo omnem sensum territis fortuna penitus excusserat, ut nec hostium paucitatem nec multitudinem suam satis cernerent.

23 (38) Interim iumenta, quae Darēum vehebant, nullo regente, decesserant militari via et errore delata per quattuor stadia in quadam valle constiterant, aestu simulque 24 vulneribus fatigata. Haud procul erat fons, ad quem mon-

stratum a peritis Polystratus Macædo siti maceratus accessit: ac dum galea haustam aquam sorbet, tela iumentorum deficientium corporibus infixâ conspexit. Miratusque, con-25 fossa potius quam abacta esse, semivivi hominis \*\*\*

[Supplementum Freinsheimii.]

[gemitum percipit. Itaque more ingenii humani cupidus visendi, quid rei vehiculo isto conderetur, dimotis pellibus, quibus obtectum erat, Dareum multis vulneribus confossum repperit. Regius enim cultus et aureae catenae, quis a parricidis vinctus fuerat, dubitationem eximebant. Non erat expers Graeci sermonis Dareus: gratiasque agebat diis, qui post tanta mala tamque gravia hoc tamen indulsissent solatii, ne omnino in solitudine extremum spiritum effunderet. Itaque te, inquit, quisquis es mortalium, per communem hominum sortem, a qua nec maximos regum exemptos esse praesenti spectaculo moneris, rogo quaesoque, ut haec ad Alexandrum mandata mea perferas: nihil eorum, quae longe tristissima perpessus sum, ne hunc quidem incomparabilis calamitatis exitum ita gravem mihi accidisse, ut hoc unum, quod post tanta in me meosque merita adversus clementissimum victorem inimico vivendum fuit et nunc ingrato moriendum est. Sed si qua postremis miserorum votis apud deos vis est, et cum ipso spiritu profusas preces mitius aliquod numen exaudit, ille quidem sospes et incolumis longeque supra contagium meae sortis et invidiam fortunae positus in solio Cyri gloriosam aetatem exigat: suaeque virtutis memor eum matri liberisque meis locum apud se esse patiat, quem illi fide et obsequio meruerint. At parricidas promptum exitum consequatur, quod Alexander irrogabit, si non misericordia infelicis hostis, saltem odio facinorum, et ne impunita in aliorum etiam regum suumque ipsius exitum erumpant. Post haec, quum siti angeretur, allata per Polystratum aqua recreatus, Ergo, ait, hanc etiam tantis calamitatibus extremam accedere oportuit, ut bene merito gratiam referre non possim: at referet Alexander, Alexandro vero dii. Dextram deinde protendit eamque Alexandro, fidei regiae pignus, ferri iubens, apprehensa Polystrati manu, animam efflavit. Alexander an spiranti adhuc supervenerit, incertum est: illud constat, miserabili regis opulentissimi exitu comperto, copiosas lacrimas profudisse statimque chlamyde sibi detracta corpus operuisse et magno cum honore ad suos deferri iussisse, ut regio Persarum more curatum monumentis maiorum inferretur. Ingratitudinem hominum, a quis pro summis beneficiis crudele exitum Dareus pertulit, quamquam suo ingenio horrendam et execrabilem, insigniore ad posteritatem infamia damnavit canis cuiusdam mira fides, qui ab omnibus familiaribus derelicto solus adfuit et, quam in vivum prae se tulit benevolentiam, morienti quoque constantem praestitit. Hunc vitae finem sortitus est ille, quem modo contumelia affici putabant, nisi regem regum et

deorum consanguineum salutarent: magnoque iterum experimento approbatum est, neminem magis patere fortunae, quam qui pluribus eiusdem blanditiis irretitus iugum illius tota cervice receperit].

LIBER VI.

ARGUMENTUM.

I. Proelii inter Lacedaemonios atque Macedones descriptio. Agidis mors. Pax ab Alexandro victis Lacedaemoniis conceditur. II. Alexander bello invictus otio et deliciis frangitur: unde rumor in castris, qui torpentem excitat. III. Alexandri ad milites oratio, ut bellum in Asia inchoatum persequantur et absolvant. IV. Ziobetis, miri fluminis, descriptio. Alexander Nabarzani per litteras salutem quaerenti veniam pollicetur. Deinde mari Caspio et Hyrcaniae proximus quosdam Darei praefectos recipit in gratiam. V. Artabazo summa cum animi benivolentia excepto, Graecis, qui Dareum adjuverant, parci Alexander et, Mardorum gente debellata, Amazonum reginae cupidini satisfacit. VI. Macedones Alexandri offenduntur moribus: qui, ut seditionem averteret, ad bellum Besso inferendum mentem convertit, quod stratagemate inchoat: Satibarzanem, quod defecisset, primum persequitur, barbaros a montibus fortiter dispellit, Artacoanam expugnat. VII. Coniurationem in Alexandrum Dimnus Nicomacho, hio per Cebalinum fratrem Alexandro detegit. Hinc mors Dimni, qui ipse sibi manus infert. VIII. Amicorum regionum consilio Philotas, Parmenionis filius, coniurationis auctor et particeps creditus, capitur ac, velato capite, in regiam abducitur. IX. De coniuratione adversus Philotam Alexandri ad milites oratio, in quorum concionem adductus Philotas defensionem parat. X. Philotae oratio, qua coniurationis accusationem copiose refellit. XI. Concio a quodam Bolone accensa in Philotam surgit. Is paulo post, ut se cruciatibus liberaret, coniurationem sive fictam sive veram confiteatur et a Macedonibus cum aliis a Nicomacho nominatis more patrii saxi obruitur.

[Supplementum Freinsheimii.]

[Dum ea per Asiam geruntur, ne in Graecia quidem Macedoniaque tranquillae res fuere. Regnabat apud Lacedaemonios Agis, Archidami filius, qui Tarentinis opem ferens ceciderat eodem die, quo Philippus Athenienses ad Chaeroneam vicit. Is, Alexandri per virtutem aemulus, cives suos stimulabat, ne Graeciam servitute Macedonum diutius premi paterentur: nisi in tempore providerent, idem iugum ad ipsos transi-  
turum esse. Annitendum igitur, dum aliquae adhuc Persis ad resistendum vires essent: illis oppressis, adversus immanem potentiam frustra



avittae libertatis memores futuros. Sic instinctis animis, occasionem belli ex commodo coeptandi circumspiciebant. Igitur felicitate Memnonis invitati consilia cum ipso miscere aggressi sunt: et, postquam ille rerum laetarum initia intempestiva morte destituit, nihilo remissius agebant. Sed ad Pharnabazum et Antophradaten profectus Agis triginta argenti talenta decemque triremes impetravit, quas Agesilao fratri misit, ut in Cretam navigaret, cuius insulae cultores inter Lacedaemonios et Macedonas diversis studiis distrahebantur. Legati quoque ad Dareum missi sunt, qui in usum belli amplio rem vim pecuniae pluresque naves peterent. Atque haec eorum coepta clades ad Issum (nam ea intervenerat) adeo non interpellavit, ut etiam adjuverit. Quippe fugientem insecutus Alexander in longinqua loca magis magisque rapietur: et ex ipso proelio mercenariorum ingens multitudo in Graeciam fuga penetraverat: quorum octo milia Persica pecunia conduxit Agis eorumque opera plerasque Cretensium urbes recepit. Quum deinceps Menon in Thraciam ab Alexandro missus barbaros ad defectionem impulisset, adque eam comprimendam Antipater exercitum ex Macedonia in Thraciam duxisset, opportunitate temporis strenue usi Lacedaemonii totam Peloponnesum, paucis urbibus exceptis, in partes traxerunt confectoque exercitu viginti milium peditum cum equitibus bis mille Agidi summam imperii detulerunt. Antipater, ea re comperta, bellum in Thracia, quibus potest conditionibus, componit raptimque in Graeciam regressus ab amicis sociisque civitatibus auxilia cogit. Quibus convenientibus ad quadraginta pugnatorum milia recensuit. Advenerat et ex Peloponneso valida manus: sed quia dubiam ipsorum fidem resciverat, dissimulata suspicione, gratias egit, quod ad defendendam adversus Lacedaemonios Alexandri dignitatem affuissent: scripturum se id regi, gratiam in tempore relaturum. In praesens nihil opus esse maioribus copiis: itaque domos redirent, foederis necessitate expleta. Nuntios deinde ad Alexandrum mittit, de motu Graeciae certiores facturos. Atque illi regem apud Bactra demum consecuti sunt, quum interim Antipatri victoria et nece Agidis in Arcadia transactum esset. Sane iam pridem, tumultu Lacedaemoniorum cognito, quantum tot terrarum spatiis discretus potuit, providerat: Amphoterum cum Cypriis et Phoeniciis navibus in Peloponnesum navigare, Meneten tria milia talentum ad mare deferre iusserat, ut ex propinquo pecuniam Antipatro subministraret, quanta illum indigere cognovisset. Probe enim perspexerat, quanti ad omnia momenti motus istius inclinatio futura esset, quamquam deinceps, accepto victoriae nuntio, suis operibus id discrimen comparans murum eam pugnam fuisse cavillatus est. Ceterum principia eius belli haud improspera Lacedaemoniis fuere. Iuxta Corrhagum, Macedoniae castellum, cum Antipatri militibus congressi victores extiterant: et rei bene gestae fama etiam, qui suspensis mentibus fortunam spectaverant, in societatem eorum pertracti sunt. Una ex Eleis Achaicisque urbibus Pellene foedus asperrabatur, et in Arcadia Megalopolis, fida Macedonibus ob Philippi memoriam, a

quo beneficiis affecta fuerat. Sed haec arte circumscissa haud procul deditione aberat, nisi tandem Antipater subvenisset. Is postquam castra castris contulit seque numero militum alioque apparatu superiorem conspexit, quamprimum de summa rerum proelio contendere statuit: neque Lacedaemonii detrectavere certamen. Ita commissa est pugna, quae rem Spartanam maiorem in modum afflixit. Quum enim angustiis locorum, in quibus pugnabatur, confisi, ubi hosti nullum multitudinis usum futurum credebant, animose congressi essent, neque Macedones impigre resisterent, multum sanguinis fuscum est. Sed postquam Antipater integram subinde manum laborantibus suis subsidio mittebat, impulsa Lacedaemoniorum acies gradum paulisper retulit. Quod conspicatus Agis cum cohorte regia, quae ex fortissimis constabat, se in medium]

## CAP. I.

- 1 (1 ed. Zumpt.) \*\*\* pugnae discrimen immisit obtruncatisque, qui promptius resistebant, magnam  
 2 partem hostium propulit. Coeperant fugere victores [et], donec avidius sequentes in planum deduxere, inulti cadebant: sed ut primum locus, in quo stare  
 3 possent, fuit, aequis viribus dimicatum est. Inter omnes tamen Lacedaemonios rex eminebat non armorum modo et corporis specie, sed etiam magnitudine animi, quo uno  
 4 vinci non potuit. Undique nunc comminus, nunc eminus petebatur diuque arma circumferens alia tela clypeo excipiebat, corpore alia vitabat, donec hasta femina perfossa,  
 5 plurimo sanguine effuso, destituere pugnantem. Ergo clypeo suo exceptum armigeri raptim in castra referebant,  
 6 iactationem vulnerum haud facile tolerantem. Non tamen omisere Lacedaemonii pugnam et, ut primum sibi quam hosti aequiorem locum capere potuerunt, densatis ordinibus, effuse fluentem in se aciem excepere. Non aliud discrimen vehementius fuisse memoriae proditum est. Duarum nobilissimarum bello gentium exercitus pari Marte  
 8 pugnabant. Lacedaemonii vetera, Macedones praesentia decora intuebantur: illi pro libertate, hi pro dominatione pugnabant: Lacedaemoniis dux, Macedonibus locus de-  
 9 erat. Diei quoque unius tam multiplex casus modo spem, modo metum utriusque partis augebat, velut de industria  
 10 inter fortissimos viros certamen aequante fortuna. Ceterum

A. 330  
 a. Chr. n.  
 ineunte  
 aestate.  
 Ol. 112, 2.

angustiae loci, in quo haeserat pugna, non patiebantur totis ingredi viribus: spectabant ergo plures, quam inierant proelium, et, qui extra teli iactum erant, clamore invicem suos accendebant.

(2) Tandem Lacōnum acies languescere, lubrica arma 11 sudore vix sustinens: pedem deinde referre coepit et, urgente hoste, apertius fugere. Insequebatur dissipatos 12 victor et emensus cursu omne spatium, quod acies Lacōnum obtinuerat, ipsum Agin persequabatur. Ille, ut fugam 13 suorum et proximos hostium conspexit, deponi se iussit: expertusque membra, an impetum animi sequi possent, postquam delicere sensit, poplitibus semet excepit galea- 14 que strenue sumpta, clypeo protegens corpus, hastam dextra vibrabat, ultro vocans hostem, si quis iacenti spolia demere auderet. Nec quisquam fuit, qui sustineret 15 comminus congregari. Procul missilibus appetebatur, ea ipsa in hostem retorquens, donec lancea nudo pectori infixata est: qua ex vulnere evulsa inclinatum ac deficiens caput clypeo paulisper excepit, deinde, linquente spiritu pariter ac sanguine, moribundus in arma procubuit. Cecidere La- 16 cedaemoniorum V milia et CCC, ex Macedonibus haud amplius mille: ceterum vix quisquam nisi saucius revertit in castra.

(3) Haec victoria non Spartam modo sociosque eius, sed etiam omnes, qui fortunam belli spectaverant, fregit. Nec fallebat Antipātrum, dissentire ab animis gratulantium 17 vultus: sed bellum finire cupienti opus erat decipi. Et quamquam fortuna rerum placebat, invidiam tamen, quia maiores res erant, quam quas praefecti modus caperet, metuebat. Quippe Alexander hostes vinci voluerat, Anti- 18 pātrum vicisse ne tacitus quidem indignabatur, suae demptum gloriae existimans, quicquid cessisset alienae. Ita- 19 que Antipāter, qui probe nosset spiritus eius, non est ausus ipse agere arbitria victoriae, sed concilium Graecorum, quid fieri placeret, consuluit. A quo Lacedaemonii 20 nihil aliud, quam ut oratores mittere ad regem liceret, precati: a rege autem veniam defectionis praeter auctores impetraverunt: Megalepolitans, quorum urbs obsessa erat

a defectionis sociis Achaeis et Elēis, CXX talenta dare iussi sunt. Hic fuit exitus belli, quod repente ortum, prius tamen finitum est, quam Darēum Alexander apud Arbēla superaret.

## CAP. II.

1 (4) Sed ut primum instantibus curis laxatus est animus 21  
militarium rerum quam quietis otiique patientior, excepere eum voluptates, et, quem arma Persarum non fere-  
2 gerant, vitia vicerunt: intempestiva convivia et perpotandi pervigilandi-  
3 que insana dulcedo ludique et greges pellicum, omnia in externum lapsa morem. Quem aemulatus, quasi  
4 potiorum suo, ita popularium animos oculosque pariter offendit, ut a plerisque amicorum pro hoste haberetur.

3 Tenaces quippe disciplinae suae solitosque parco ac parabili victu ad implenda naturae desideria defungi in pe-  
4 regrina et devictarum gentium mala impulerat. Hinc saepius comparatae in caput eius insidiae, secessio militum et liberior inter mutuas querelas dolor, ipsius deinde nunc ira, nunc suspiciones, quas excitabat inconsultus pavor, ceteraque his similia, quae deinde dicentur.

5 (5) Igitur quum intempestivis conviviis dies pariter noctesque consumeret, satietatem epularum ludis interpellabat, non contentus artificum, quos e Graecia exciverat, turba: quippe captivae iubebantur suo ritu canere, in-  
6 conditum et abhorrens peregrinis auribus carmen. Inter quas unam rex ipse conspexit maestio-  
7 rem quam ceteras et producentibus eam verecunde reluctantem. Excellens erat forma, et formam pudor honestabat: deiectionis in terram oculis et, quantum licebat, ore velato, suspicionem praebuit regi, nobillio-  
8 rem esse, quam ut inter conviviales ludos deberet ostendi. Ergo interrogata, quaenam esset, neptem se Ochi, qui nuper regnasset in Persis, filio eius genitam, esse respondit: uxorem Hystaspis fuisse. Propinquus hic Darēi fuerat, magni et ipse exercitus praetor.

8 Adhuc in animo regis tenues reliquiae pristini moris haerebant. Itaque fortunam regia stirpe genitae et tam celebre nomen reveritus non dimitti modo captivam, sed etiam



restitui ei suas opes iussit, virum quoque requiri, ut reperto coniugem redderet.

Postero autem die praecepit Hephaestiōni, ut omnes 9 captivos in regiam iuberet adduci. Ibi singulorum nobilitate spectata, secrevit a vulgo, quorum eminebat genus. Mille hi fuerunt: inter quos repertus est Oxāthres, Darēi frater, non illius fortuna quam indole animi sui clarior. Sex et viginti milia talentū proxima praeda redacta erant: e quibus duodecim milia in congiarium militum absumpta sunt. Par huic pecuniae summa custodum fraude subtracta est. Oxydātes erat nobilis Perses, qui a Darēo capitali supplicio destinatus cohibebatur in vinculis: huic liberato satrapeam Mediae attribuit: fratremque Darēi recepit in cohortem amicorum, omni vetustae claritatis honore servato.

(6) Hinc in Parthiēnen perventum est, tunc ignobilem 12 gentem, nunc caput omnium, qui post Euphrāten et Tigrim annes siti rubro mari terminantur. Scythae regionem 13 campestrē ac fertilem occupaverunt, graves adhuc accollae. Sedes habent et in Europa et in Asia: qui super Bospōrum colunt, adscribuntur Asiae: at qui in Europa sunt, a laevo Thraciae latere ad Borysthēnem atque inde ad Tanāim, alium amnem, recta plaga atinent. Tanāis Europam 14 et Asiam medius interfluit. Nec dubitatur, quin Scythae, qui Parthos condidere, non a Bospōro, sed ex Europae regione penetraverint.

Urbs erat ea tempestate clara Hecatompýlos, condita 15 a Graecis: ibi stativa rex habuit, comitatibus undique advectis. Itaque rumor, otiosi militis vitium, sine auctore percrebruit, regem contentum rebus, quas gessisset, in Macedoniae protinus redire statuisse. Discurrunt lymphatis 16 similes in tabernacula et itineri sarcinas aptant: signum datum crederes, ut vasa colligerent. Totis castris tumultus hinc contubernales suos requirentium, hinc onerantium plaustra perfertur ad regem. Fecerant fidem rumori 17 temere vulgato Graeci milites, redire iussi domos, quorum equilibus singulis denariūm sena milia dono dederat. Ipsis quoque finem militiae adesse credebant. Haud secus, 18 quam par erat, territus Alexander, qui Indos atque ultima

orientis peragrarē statuisset, praefectos copiarum in praetorium contrahit: obortisque lacrimis ex medio gloriae spatio revocari se, victi magis quam victoris fortunam in patriam relaturum, conquestus est: nec sibi ignaviam militum obstare, sed deorum invidiam, qui fortissimis viris subitum patriae desiderium admovissent, paulo post in eandem cum maiore laude famaue redituris. Tum vero pro se quisque operam suam offerre, difficillima quaeque poscere, polliceri militum quoque obsequium, si animos eorum leni et apta oratione permulcere voluisset. Nunquam infractos et abiectos recessisse, quotiens ipsius alacritatem et tanti animi spiritus haurire potuissent. Ita se facturum esse respondit: illi modo vulgi aures praepararent sibi: satisque omnibus, quae in rem videbantur esse, compositis vocari ad concionem exercitum iussit, apud quem talem orationem habuit.

## CAP. III.

1 (7) Magnitudinem rerum, quas gessimus, milites, in-  
tuentibus vobis, minime mirum est, et desiderium quietis et  
2 salietatem gloriae occurrere. Ut omittam Illyrios, Triballos,  
Boeotiam, Thraciam, Spartam, Achaeos, Peloponnēsum,  
quorum alia ductu meo, alia imperio auspicioque perdomui:  
3 ecce, orsi bellum ab Hellesponto Iōnas, Aeolīdem servitio  
barbariae impotentis exemimus, Cariam, Lydiam, Cappado-  
ciam, Phrygiam, Paphlagoniam, Pamphyliam, Pisīdas, Ci-  
liciam, Syriam, Phoenīcen, Armeniam, Persīdem, Medos,  
4 Parthiēnen habemus in potestate: plures provincias com-  
plexus sum, quam alii urbes ceperunt, et nescio, an enume-  
ranti mihi quaedam ipsarum rerum multitudo subduxerit.  
5 Itaque si crederem, satis certam esse possessionem terrarum,  
quas tanta velocitate domuimus, ego vero, milites, ad penates  
meos, ad parentem sororesque et ceteros cives, vel retinentibus  
vobis, erumperem. ut ibi potissimum parta vobiscum laude et  
gloria fruerer, ubi nos uberrima victoriae praemia expe-  
ctant, liberūm, coniugum parentumque laetitia, pax, quies,  
6 rerum per virtutem partarum securā possessio. Sed in novo  
et, si verum fateri volumus, precario imperio, adhuc iugum

eius rigida cervice subeuntibus barbaris, tempore, milites, opus est, dum militioribus ingeniis imbuantur, et efferatos mollior consuetudo permulceat. Fruges quoque maturitatem statuto tempore expectant: adeo etiam illa sensus omnis expertia tamen sua lege mitescunt. Quid? creditis, tot gentes alterius imperio ac nomine assuetas, non sacris, non moribus, non commercio linguae nobiscum cohaerentes, eodem proelio domitas esse, quo victae sunt? Vestris armis continentur, non suis moribus, et qui praesentes metuunt, in absentia hostes erunt. Cum feris bestiis res est, quas captas et inclusas, quia ipsarum natura non potest, longior dies mitigat.

(8) Et adhuc sic ago, tanquam omnia subacta sint armis, quae fuerunt in ditone Darēi. Hyrcaniam Nabarzānes occupavit: Bactra non possidet solum parricida Bessus, sed etiam minatur: Sogdiāni, Dahae, Massagētae, Sacae, Indi sui iuris sunt. Omnes hi, simul terga nostra viderint, insequuntur. Illi enim eiusdem nationis sunt, nos alienigenae et externi. Suis quisque autem placidius paret, etiam quum is praestet, qui magis timeri potest. Proinde aut, quae cepimus, omittenda sunt, aut, quae non habemus, occupanda. Sicut in corporibus aegris, milites, nihil, quod nociturum est, medici relinquunt, sic nos, quicquid obstat imperio, recidamus. Parva saepe scintilla contempta magnum excitavit incendium. Nihil tuto in hoste despicitur: quem spreveris, valentior negligētia facies. Ne Darēus quidem hereditarium Persarum accepit imperium, sed in sedem Cyri beneficio Bagōae, castrati hominis, admissus: ne vos magno labore credatis Bessum vacuum regnum occupaturum.

(9) Nos vero peccavimus, milites, si Darēum ob hoc vicimus, ut servo eius traderemus imperium: qui ultimum ausus scelus regem suum, etiam externae opis egentem, certe cui nos victores pepercissemus, quasi captivum in vinculis habuit, ad ultimum, ne a nobis conservari posset, occidit. Hunc vos regnare patiēmini, quem equidem cruci affixum videre festino, omnibus regibus gentibusque et fidei, quam violavit, meritas poenas solventem? At hercule, si mox eundem Graecorum urbes aut Hellespontum vastare nuntiatum erit vobis, quo dolore afficiēmini, Bessum praemia vestrae occupavisse

victoriae? Tunc ad repetendas res festinabitis, tunc arma capietis. Quanto autem praestat, territum adhuc et vix mentis suae compotem opprimere! Quatridui nobis iter superest, qui tot proculcavimus nives, tot amnes superavimus, tot montium iuga transcucurrimus. Non mare illud, quod exaestuans iter fluctibus occupat, euntes nos moratur, non Ciliciae fauces et angustiae includunt: plana omnia et prona sunt. In ipso limite victoriae stamus. Pauci nobis fugitivi et domini sui interfectores supersunt. Egregium mehercule opus et inter prima gloriae vestrae numerandum posteritati famaēque tradetis, Darēi quoque hostis, finito post mortem illius odio, parricidas esse vos ultos, neminem impium effugisse vestras manus. Hoc perpetrato, quanto creditis Persas obsequentiores fore, quum intellexerint, vos pia bella suscipere et Bessi sceleri, non nomini suo irasci?

## CAP. IV.

(10) Summa militum alacritate iubentium, quocumque vellet, duceret, oratio excepta est. Nec rex moratus impetum: tertioque per Parthiēnem die ad fines Hyrcaniae penetrat, Cratēro relicto cum iis copiis, quibus praecerat, et ea manu, quam Amyntas ducebat, additis sexcentis equitibus et totidem sagittariis, ut ab incursione barbarorum Parthiēnem tueretur. Erigyium impedimenta, modico praesidio dato, campestri itinere ducere iubet. Ipse cum phalange et equitatu CL stadia emensus castra in valle, qua Hyrcaniam adeunt, communit. Nemus praealtis densisque arboribus umbrosus est, pingue vallis solum rigantibus aquis, quae ex petris imminentibus manant. Ex ipsis radicibus montium Ziobētis amnis effunditur, qui tria fere stadia in longitudinem universus fluit, deinde saxo, quod alveolum interpellat, repercussus duo itinera, velut dispensatis aquis, aperit. Inde torrens et saxorum, per quae incurrit, asperitate violentior terram praeceps subit. Per CCC stadia conditus labitur rursusque, velut ex alio fonte conceptus, editur et novum alveum intendit, priore sui parte spatiosior. Quippe in latitudinem decem et trium stadiorum diffunditur rursusque angustioribus



coercitus ripis iter cogit: tandem in alterum amnem cadit, cui Ridagno nomen est. Incolae affirmabant, quaecunque demissa essent in cavernam, quae propior est fonti, rursus, ubi aliud os amnis aperitur, existere. Itaque Alexander duos tauros, qua subeunt aquae terram, praecipitari iubet: quorum corpora, ubi rursus erumpit, expulsa videre, qui missi erant, ut exciperent.

(11) Quartum iam diem eodem loco quietem militi dederat, quum litteras Nabarzānis, qui Darēum cum Besso interceperat, accipit, quarum sententia haec erat: se Darēo non fuisse inimicum, immo etiam, quae credidisset utilia esse, suasisse et, quia fidele consilium regi dedisset, prope occisum ab eo. Agitasse Darēum, custodiam corporis sui contra ius fasque peregrino militi tradere damnata popularium fide, quam per ducentos et triginta annos inviolatam regibus suis praestitissent. Se in praecipiti et lubrico stantem consilium a praesenti necessitate repetisse. Darēum quoque, quum occidisset Bagōan, hac excusatione satisfacisse popularibus, quod insidiantem sibi interemisset. Nihil esse miseris mortalibus spiritu carius. Amore eius ad ultima esse propulsum. Sed ea magis esse secutum, quae coëgisset necessitas, quam quae optasset. In communi calamitate suam quemque habere fortunam. Si venire se iuberet, sine metu esse venturum. Non timere, ne fidem datam tantus rex violaret: deos a deo falli non solere. Ceterum si, cui fidem daret, videretur indignus, multa exilia patere fugienti: patriam esse, ubicunque vir fortis sedem sibi elegerit. Nec dubitavit Alexander fidem, quo Persae modo accipiebant, dare, inviolatum, si venisset, fore.

(12) Quadrato tamen agmine et composito ibat, speculatores subinde praemittens, qui explorarent loca. Levis armatura ducebat agmen, phalanx eam sequebatur, post pedites erant impedimenta. Et gens bellicosa et naturae situs difficilis aditu curam regis intenderat. Namque perpetua valles iacet, usque ad mare Caspium patens. Duo terrae eius velut brachia excurrunt: media flexu modico sinum faciunt lunae maxime similem, quum eminent

17 cornua, nondum totum orbem sidere implente. Cercētae et Mosyri et Chalýbes a laeva sunt, ab altera parte Leucosyri et Amazōnum campi: et illos, qua vergit ad septentrionem, hos ad occasum conversa prospectat. Mare Caspium dulcius ceteris ingentis magnitudinis serpentes alit: piscium in eo longe diversus ab aliis color est. Quidam Caspium, quidam Hyrcanium appellant: alii sunt, qui Maeotiam paludem in id cadere putent: et argumentum afferunt aquam, quod dulcior sit, quam cetera maria: infuso paludis humore mitescere. A septentrione ingens in litus mare incumbit longeque agit fluctus et magna parte exaestuans stagnat. Idem alio coeli statu recipit in se fretum eodemque impetu, quo effusum est, relabens terram naturae suae reddit. Et quidam credidere, non Caspium mare esse, sed ex India in Hyrcaniam cadere, cuius fastigium, ut supra dictum est, perpetua valle summittitur.

20 (13) Hinc rex XX stadia processit semita propemodum in via, cui silva imminabat, torrentesque et eluvies iter morabantur. Nullo tamen hoste obvio, penetrat, tandemque ad cultiora perventum est. Praeter alios commeatus, quorum tum copia regio abundabat, pomorum quoque ingens modus nascitur, et uberrimum gignendis uvis solum est. Frequens arbor faciem quercus habet, cuius folia multo melle tinguntur: sed, nisi solis ortum incolae occupaverint, vel modico tepore succus exinguitur.

23 XXX hinc stadia processerat, quum Phrataphernes ei occurrit, seque et eos, qui post Darēi mortem profugerant, dedens: quibus benigne exceptis ad oppidum Arvas pervenit. Hic ei Cratērus et Erigyus occurrunt. Praefectum Tapurorum gentis Phradātem adduxerant. Hic quoque in fidem receptus multis exemplo fuit experiendi clementiam 25 regis. Satrapen deinde Hyrcaniae dedit Manāpin: exul hic, regnante Oclo, ad Philippum pervenerat: Tapurorum quoque gentem Phradāti reddidit.

## CAP. V.

1 (14) Iamque rex ultima Hyrcaniae intraverat, quum Artabāzus, quem Darēo fidissimum fuisse supra diximus.

cum propinquis Darēi ac suis liberis modicaque Graecorum militum manu occurrit. Dextram venienti obtulit rex: 2  
 quippe et hospes Philippi fuerat, quum, Ocho regnante,  
 exularet, et hospitii pignora in regem suum ad ultimum  
 fides conservata vincebat. Comiter igitur exceptus, *Tu* 3  
*quidem*, inquit, *rex, deos quaeso, perpetua felicitate floreas.*  
*Ego ceteris laetus hoc uno torqueor, quod praecipiti senectute*  
*diu frui tua bonitate non possum.* Nonagesimum et quintum  
 annum agebat. Novem iuvenes, omnes eadem matre ge- 4  
 niti, patrem comitabantur: hos Artabāzus dexteræ regis  
 admovit, precatus, ut tam diu viverent, donec utiles  
 Alexandro essent. Rex pedibus iter plerumque faciebat: 5  
 tunc admoveri sibi et Artabāzo equos iussit, ne, ipso in-  
 grediente pedibus, senex equo vehi erubesceret.

(15) Ut deinde castra sunt posita, Graecos, quos Ar- 6  
 tabāzus adduxerat, convocari iubet: at illi, nisi fides La-  
 cedaemoniis quoque et Sinopensibus daretur, respondent,  
 se, quid agendum ipsis foret, deliberaturos. Legati erant 7  
 Lacedaemoniorum missi ad Darēum, quo victo applicue-  
 rant se Graecis mercede apud Persas militantibus. Rex, 8  
 omissis sponsonum fideique pignoribus, venire eos iussit,  
 fortunam, quam ipse dedisset, habituros. Diu cunctantes,  
 plerisque consilia variantibus, tandem venturos se polli- 9  
 centur. At Democrātes Atheniensis, qui maxime Macedō-  
 num opibus semper obstiterat, desperata venia, gladio se  
 transfigit. Ceteri, sicut constituerant, ditioni Alexandri  
 ipsos se permittunt. Mille et D milites erant: praeter hos 10  
 legati ad Darēum missi XC. In supplementum distributus  
 miles, ceteri remissi domum praeter Lacedaemonios, quos  
 tradi in custodiam iussit.

(16) Mardorum erat gens confinis Hyrcaniae, cultu 11  
 vitae aspera et latrociniiis assueta. Haec sola nec legatos  
 miserat nec videbatur imperata factura. Itaque rex in-  
 dignatus, si una gens posset efficere, ne invictus esset,  
 impedimentis cum praesidio relictis, invicta manu comi-  
 tante, procedit. Noctu iter fecerat, et prima luce hostis in 12  
 conspectu erat: tumultus magis quam proelium fuit. De-  
 turbati ex collibus, quos occupaverant, barbari profuge

3ruunt, proximique vici ab incolis deserti capiuntur. Inte-  
 riora regionis eius haud sane adiri sine magna vexatione  
 exercitus poterant. Iuga montium praealtae silvae rupes-  
 que inviae sepiunt: ea, quae plana sunt, novo munimenti  
 14 genere impedierant barbari. Arbores densae sunt de in-  
 dustria consitae, quarum teneros adhuc ramos manu fle-  
 ctunt, quos intortos rursus inserunt terrae: inde velut ex  
 15 alia radice laetiores virent trunci. Hos, qua natura fert,  
 adolescere non sinunt: quippe alium alii quasi nexu con-  
 serunt, qui ubi multa fronde vestiti sunt, operiunt terram.  
 Itaque occulti ramorum velut laquei perpetua sepe iter  
 16 cludunt. Una ratio erat caedendo aperire saltum, sed  
 hoc quoque magni operis. Crebri namque nodi durave-  
 rant stipites, et in se implicati arborum rami, suspensis  
 17 circulis similes, lento vimine frustrabantur ictus. In-  
 colae autem ritu ferarum virgulta subire soliti tum quo-  
 que intraverant saltum oculisque telis hostem laces-  
 sebant.

(17) Ille venantium modo latibula scrutatus plerosque  
 confodit: ad ultimum circumire saltum milites iubet, ut, si  
 18 qua pateret, irrumperent. Sed ignotis locis plerique ober-  
 rabant, exceptique sunt quidam, inter quos equus regis  
 (Bucephālam vocabant), quem Alexander non eodem, quo  
 ceteras pecudes, animo aestimabat. Namque ille nec in  
 dorso insidere suo patiebatur alium et regem, quum vellet  
 ascendere, sponte genua submittens excipiebat credeba-  
 19 turque sentire, quem veheret. Maiore ergo, quam decebat,  
 ira simul ac dolore stimulatus equum vestigari iubet et per  
 interpretem pronuntiari, ni reddidissent, neminem esse  
 victurum. Hac denuntiatione territi cum ceteris donis  
 20 equum adducunt. Sed ne sic quidem mitigatus caedi sil-  
 vas iubet aggestaque humo e montibus planitiem ramis  
 21 impeditam exaggerari. Iam aliquantum altitudinis opus  
 creverat, quum barbari, desperato, regionem, quam occu-  
 paverant, posse retineri, gentem suam dedidere. Rex, ob-  
 sidibus acceptis, Phradāti parere eos iussit.

22 (18) Inde quinto die in stativa revertitur. Artabā-  
 zum deinde, geminato honore, quem Darēus habuerat



ei, remittit domum. Iam ad urbem Hyrcaniae, in qua regia Darēi fuit, ventum erat. Ibi Nabarzānes, accepta fide, occurrit, dona ingentia ferens. Inter quae Bagōas 23 erat, specie singulari spado atque in ipso flore pueritiae, cui et Darēus assuetus fuerat et mox Alexander assuevit: eiusque maxime precibus motus Nabarzāni ignovit.

(19) Erat, ut supra dictum est, Hyrcaniae finitima 24 gens Amazōnum, circa Thermodonta amnem Themiscyrae incolentium campos. Reginam habebant Thalestrin, omni- 25 bus inter Caucāsū montem et Phasin amnem imperitantem. Haec cupidine visendi regis accensa finibus regni sui excessit et, quum haud procul abesset, praemisit indicantes, venisse reginam adeundi eius cognoscendique avidam. Protinus facta potestate veniendi, ceteris iussis sub- 26 sistere, trecentis feminarum comitata processit: atque ut primum rex in conspectu fuit, equo ipsa desiluit, duas lanceas dextra praeferens. Vestis non toto Amazōnum 27 corpori obducitur: nam laeva pars ad pectus est nuda, cetera deinde velantur. Nec tamen sinus vestis, quem nodo colligunt, infra genua descendit. Altera papilla in- 28 taeta servatur, qua muliebris sexus liberos alant: aduritur dextera, ut arcus facilius intendant et tela vibrent. In- 29 territo vultu regem Thalestris intuebatur, habitum eius haudquaquam rerum famae parem oculis perlustrans. Quippe omnibus barbaris in corporum maiestate veneratio est, magnorumque operum non alios capaces putant, quam quos eximia specie donare natura dignata est. Ceterum 30 interrogata, num aliquid petere vellet, haud dubitavit fateri, ad communicandos cum rege liberos se venisse, dignam, ex qua ipse regni generaret heredes. Feminini sexus se retenturam, marem reddituram patri. Alexander, an cum 31 ipso militare vellet, interrogat: at illa causata, sine custode regnum reliquisse, petere perseverabat, ne se irritam spei abire pateretur. Acrior ad Venērem feminae cu- 32 pido, quam regis, ut paucos dies subsisteret, perpulit. XIII dies in obsequium desiderii eius absumpti sunt. Tum illa regnum suum, rex Parthiēnen petiverunt.

## CAP. VI.

1 (20) Hic vero palam cupiditates suas solvit conti-  
 2 nentiamque et moderationem, in altissima quaque fortuna  
 3 eminentia bona, in superbiam ac lasciviam vertit. Patrios  
 4 mores disciplinamque Macedōnum regum salubriter tem-  
 5 peratam et civilem habitum velut leviora magnitudine sua  
 6 ducens Persicae regiae par deorum potentiae fastigium  
 7 aemulabatur. Iacere humi venerabundos ipsum, paulatim-  
 8 que servilibus ministeriis tot victores gentium imbuere et  
 9 captivis pares facere expetebat. Itaque purpureum dia-  
 10 dema, distinctum albo, quale Darēus habuerat, capiti cir-  
 11 cumdedit vestemque Persicam sumpsit, ne omen quidem  
 12 veritus, quod a victoris insignibus in devicti transiret ha-  
 13 bitum. Et ille se quidem spolia Persarum gestare dicebat:  
 14 sed cum illis quoque mores induerat, superbiamque ha-  
 15 bitus animi insolentia sequebatur. Litteras quoque, quas  
 16 in Europam mitteret, veteris anuli gemma obsignabat, his,  
 17 quas in Asiam scriberet, Darēi anulus imprimebatur: ut  
 18 appareret, unum animum duorum non capere fortunam.  
 19 Amicos vero et equites (hi namque principes militum)  
 20 aspernantes quidem, sed recusare non ausos Persicis  
 21 ornaverant vestibus. Pellices CCC et LX, totidem. quot Da-  
 22 rēi fuerant, regiam implebant, quas spadonum greges, et  
 23 ipsi muliebria pati assueti, sequebantur.

9 (21) Haec luxu et peregrinis infecta moribus veteres  
 10 Philippi milites, rudis natio ad voluptates, palam aversa-  
 11 bantur, totisque castris unus omnium sensus ac sermo  
 12 erat, plus amissum victoria, quam bello esse quaesitum.  
 13 Tum maxime vinci ipsos dedique alienis moribus et ex-  
 14 ternis: quo tandem ore domos, quasi in captivo habitu,  
 15 reversuros? Pudere iam sui. Regem victis quam victori-  
 16 bus similiorem ex Macedoniae imperatore Darēi satrapen-  
 17 factum. Ille non ignarus, et principes amicorum et exer-  
 18 citum graviter offendi, gratiam liberalitate donisque re-  
 19 parare tentabat. Sed, opinor, liberis pretium servitutis in-  
 20 gratum est. Igitur ne in seditionem res verteretur, otium  
 21 interpellandum erat bello, cuius materia opportune aleba-  
 22 tur. Namque Bessus, veste regia sumpta, Artaxerxen ap-

pellari se iusserat Scythasque et ceteros Tanāis accolae  
 contrahebat. Haec Satibarzānes nuntiabat, quem receptum  
 in fidem regioni, quam antea obtinuerat, praefecit. Et  
 quum grave spoliis apparatuque luxuriae agmen vix mo-  
 veretur, suas primum, deinde totius exercitus sarcinas,  
 exceptis admodum necessariis, conferri iussit in medium.  
 Planities spatiosa erat, in quam vehicula onusta perduxerant.  
 Expectantibus cunctis, quid deinde esset imperaturus,  
 iumenta iussit abduci suisque primum sarcinis face  
 subdita ceteras incendi praecepit. Flagrabant, exurentibus  
 dominis, quae ut intacta ex urbibus hostium raperent,  
 saepe flammis restinxerant, nullo sanguinis pretium au-  
 dente deflere, quum regius opes idem ignis exureret.  
 Brevis deinde oratio mitigavit dolorem, habilesque militiae  
 et ad omnia parati laetabantur, sarcinarum potius quam  
 disciplinae fecisse iacturam. Igitur Bactrianam regionem  
 petebant.

(22) Sed Nicānor, Parmeniōnis filius, subita morte  
 correptus magno desiderio sui affecerat cunctos. Rex ante  
 omnes maestus cupiebat quidem subsistere, funeri affutu-  
 rus, sed penuria comitum festinare cogebat. Itaque  
 Philōtas cum duobus milibus et DC relictus, ut iusta fratri  
 persolveret: ipse contendit ad Bessum.

Iter facienti ei litterae afferuntur a finitimis satraparum,  
 e quibus cognoscit, Bessum quidem hostili animo occurrere  
 cum exercitu, ceterum Satibarzānem, quem satrapam  
 Ariorum ipse praefecisset, defecisse ab eo. Itaque  
 quamquam Besso imminebat, tamen ad Satibarzānem  
 opprimendum praeverti optimum ratus levem armaturam  
 et equestres copias educit totaque nocte itinere strenue  
 facti improvisus hosti supervenit. Cuius cognito adventu  
 Satibarzānes cum II milibus equitum (nec plures subito  
 contrahi poterant) Bactra perfugit, ceteri proximos montes  
 occupaverunt. Praerupta rupes est, qua spectat occidentem:  
 eadem, qua vergit ad orientem, leniore summissa fastigio,  
 multis arboribus obsita, perennem habet fontem, ex quo  
 largae aquae manant. Circuitus eius XXX et II stadia  
 comprehendit. In vertice herbidus campus. In hoc multi-

tudinem imbellem considerare iubent: ipsi, qua rupes  
 poterat, arborum truncos et saxa obmoliuntur. XIII milia  
 armata erant. In quorum obsidione Cratēro relicto ipse  
 Satibarzānem sequi festinat.

(23) Et quia longius abesse eum cognoverat, ad expugnandos  
 eos, qui edita montium occupaverant, redit. Ac primo  
 repurgari iubet, quicquid ingredi possent: deinde, ut  
 occurrerent inviae coles praeruptaeque rupes, irritus labor  
 videbatur, obstante natura. Ille, ut erat animi semper  
 obluctantis difficultatibus, quum et progredi arduum  
 et reverti periculosum esset, versabat se ad omnes cogitationes,  
 aliud atque aliud, ita ut fieri solet, ubi prima quaeque  
 damnamus, subiiciente animo. Haesitanti, quod ratio non  
 potuit, fortuna consilium ministravit. Vehemens Favonius  
 erat, et multam materiam ceciderat miles, aditum per saxa  
 molitus. Haec vapore torrida casu inarse- rat. Ergo aggeri  
 alias arbores iubet et igni dari alimenta: celeriterque  
 stipitibus cumulatis fastigium montis aequatum est.  
 Tunc undique ignis iniectus cuncta comprehendit.  
 Flammam in ora hostium ventus ferebat, fumus ingens  
 velut quadam nube absconderat coelum. Sonabant incendio  
 silvae, atque ea quoque, quae non incenderat miles,  
 concepto igne, proxima quaeque adurebant. Barbari  
 suppliciorum ultimum, si qua intermoreretur ignis,  
 effugere tentabant, sed, qua flamma dederat locum, hostis  
 obstabat. Varia igitur caede consumpti sunt: alii in  
 medios ignes, alii petris praecipitavere se, quidam  
 manibus hostium se obtulerunt, pauci semiustulati  
 venere in potestatem.

(24) Hinc ad Cratērum, qui Artacoāna obsidebat, redit.  
 Ille, omnibus praeparatis, regis expectabat adventum,  
 captae urbis titulo, sicut par erat, cedens. Igitur Alexander  
 tures admoveri iubet: ipsoque aspectu barbari territi,  
 e muris supinas manus tendentes, orare coeperunt, iram  
 in Satibarzānem, defectionis auctorem, reservaret, supplicibus  
 semet deditibus parceret. Rex, data venia non obsidionem  
 modo solvit, sed omnia sua incolis reddidit.



Ab hac urbe digresso supplementum novorum mili-  
tum occurrit. Zoilus D equites ex Graecia adduxerat: III  
milia ex Illyrico Antipater miserat: Thessali equites C et  
XXX cum Philippo erant: ex Lydia II milia et DC, pere-  
grinus miles, advenerant: CCC equites, gentis eiusdem,  
sequebantur. Hac manu adiecta, Drangas [pervenit]. Bel-  
licosa natio est. Satrapes erat Barzaentes, sceleris in re-  
gem suum particeps Besso. Is suppliciorum, quae merue-  
rat, metu profugit in Indiam.

## CAP. VII.

(25) Iam nonum diem stativa erant, quum  
externa vi non tutus modo rex, sed invictus, in-  
testino facinore petebatur. Dimnus, modicae apud  
regem auctoritatis et gratiae, exoleti, cui Nico-  
nacho erat nomen, amore flagrabat, obsequio uni sibi de-  
diti corporis vinctus. Is, quod ex vultu quoque perspicere  
poterat, similis attonito, remotis arbitris, cum iuvene se-  
cessit in templum, arcana se et silenda afferre praefatus,  
suspensumque expectatione per mutuam caritatem et pi-  
gnora utriusque animi rogat, ut affirmet iureiurando, quae  
commisisset, silentio esse tecturum. Et ille ratus, nihil,  
quod etiam cum periurio detegendum foret, indicaturum,  
per praesentes deos iurat. Tum Dimnus aperit, in tertium  
diem regi insidias comparatas seque eius consilii fortibus  
viris et illustribus esse participem. Quibus iuvenis audi-  
tis se vero fidem in parricidio dedisse constanter abnuit,  
nec ulla religione, ut scelus tegat, posse constringi. Di-  
mnus et amore et metu amens, dexteram exoleti com-  
plexus et lacrimans, orare primum, ut particeps consilii  
operisque fieret: si id sustinere non posset, attamen ne  
proderet se, cuius erga ipsum benivolentiae praeter alia  
hoc quoque haberet fortissimum pignus, quod caput suum  
permisisset fidei adhuc inexpertae. Ad ultimum aversari  
scelus perseverantem mortis metu terret: ab illo capite  
coniuratos pulcherrimum facinus inchoaturos. Alias de-  
inde effeminatum et muliebriter timidum, alias proditorem  
amatoris appellans, nunc ingentia promittens interdumque

regnum quoque, versabat animum tanto facinore procul  
12 abhorrentem. Strictum deinde gladium modo illius, modo  
suo admovens iugulo, supplex idem et infestus, expressit  
tandem, ut non solum silentium, sed etiam operam polli-  
13 ceretur. Namque abunde constantis animi et dignus, qui  
pudicus esset, nihil ex pristina voluntate mutaverat, sed  
14 se captum Dimni amore simulabat nihil recusare. Scisci-  
tari inde pergit, cum quibus tantae rei societatem inisset:  
plurimum referre, quales viri tam memorabili operi ad-  
15 moturi manus essent. Ille et amore et scelere male sanus  
simul gratias agit, simul gratulatur, quod fortissimis iu-  
venum non dubitasset se adiungere, Demetrio, corporis  
custodi, Peucolao, Nicanori. Adicit his Aphobetum, Io-  
leum, Dioxenum, Archepolim, Amyntam.

16 (26) Ab hoc sermone dimissus Nicomachus ad fra-  
trem (Cebalino erat nomen), quae acceperat, defert. Pla-  
cet, ipsum subsistere in tabernaculo, ne, si regiam intras-  
set, non assuetus adire regem, coniurati proditos se esse  
17 resciscerent. Ipse Cebalinus ante vestibulum regiae — ne-  
que enim propius aditus ei patebat — consistit, opperiens  
aliquem amicorum ex prima cohorte, quo introduceretur ad  
18 regem. Forte, ceteris dimissis, unus Philotas, Parmenionis  
filius, incertum, quam ob causam, substiterat in regiam.  
Huic Cebalinus ore confuso magnae perturbationis notas  
prae se ferens aperit, quae ex fratre compererat, et sine  
19 dilatione nuntiari regi iubet. Philotas, collaudato eo, pro-  
tinus intrat ad Alexandrum: multoque invicem de aliis  
rebus sermone consumpto nihil eorum, quae ex Cebalino  
20 cognoverat, nuntiat. Sub vesperam eum prodeuntem in  
vestibulo regiae excipit iuvenis, an mandatum executus  
21 foret, requirens. Ille non vacasse sermoni suo regem cau-  
satus discessit. Postero die Cebalinus venienti in regiam  
praesto est intransitumque admonet pridie communicatae  
cum ipso rei. Ille curae sibi esse respondet: ac ne tum  
quidem regi, quae audierat, aperit. Coeperat Cebalino esse  
22 suspectus. Itaque non ultra interpellandum ratus nobili  
iuveni (Metron erat ei nomen) super armamentarium po-  
23 sito, quod scelus pararetur, indicat. Ille, Cebalino in arma-

mentario abscondito, protinus regi corpus forte curanti, quid ei index detulisset, ostendit.

(27) Rex, ad comprehendendum Dimnum missis satellitibus, armaentarium intrat. Ibi Cebalinus gaudio elatus, *Habeo te*, inquit, *incolumem ex impiorum manibus ereptum*. Percontatus deinde Alexander, quae noscenda erant, ordine cuncta cognoscit. Rursusque insilit quaerere, quotus dies esset, ex quo Nicomachus ad eum detulisset indicium: atque illo fatente, iam tertium esse, existimans, haud incorrupta fide tanto post deferre, quae audierat, vinciri eum iusserat. Ille clamitare coepit, eodem temporis momento, quo audisset, ad Philotam decurrisse: ab eo percontaretur. Rex item quaerens, an Philotam adisset, an institisset ei, ut perveniret ad se, perseverante eo affirmare, quae dixerat, manus ad coelum tendens, manantibus lacrimis, hanc sibi a carissimo quondam amicorum relatam gratiam querebatur. Inter haec Dimnus haud ignarus, quam ob causam accerseretur a rege, gladio, quo forte erat cinctus, graviter se vulnerat occursuque satellitum inhibitus perfertur in regiam. Quem intuens rex, *Quod*, inquit, *in te, Dimne, tantum cogitavi nefas, ut tibi Macedonum regno dignior Philotas me quoque ipso videretur?* Illum iam defecerat vox. Itaque edito gemitu vultuque a conspectu regis averso, subinde collapsus extinguitur.

(28) Rex, Philota venire in regiam iusso, Cebalinus, inquit, *ultimum supplicium meritis, si in caput meum paratas insidias biduo texit, huius criminis Philotam reum substituit, ad quem protinus indicium detulisse se affirmat. Quo propiore gradu amicitiae me contingis, hoc maius est dissimulationis tuae facinus, et ego Cebalino magis quam Philotae id convenire fateor. Faventem habes iudicem, si, quod admitti non oportuit, saltem negari potest. Ad haec Philotas haud sane trepidus, si animus vultu aestimaretur, Cebalinum quidem scorti sermonem ad se detulisse, sed ipsum tam levi auctori nihil credidisse respondit, veritum, ne iurgium inter amatorem et exoletum non sine risu aliorum detulisset: quum Dimnus interemerit semet, qualia cun- que erant, non fuisse reticenda. Complexusque regem*

orare coepit, ut praeteritam vitam potius quam culpam, silentii tamen, non facti ullius, intueretur. Haud facile dixerim, credideritne ei rex, an alius iram suppresserit: dextram reconciliatae gratiae pignus obtulit et contemptum magis quam celatum indicium esse videri sibi dixit.

## CAP. VIII.

(29) Advocato tum consilio amicorum, cui tamen Philotas adhibitus non est, Nicomachum introduci iubet. Is eadem, quae detulerat ad regem, ordine exposuit. Erat Craterus regi carus in paucis et eo Philotae ob aemulationem dignitatis adversus: neque ignorabat, saepe Alexandri auribus nimia iactatione virtutis atque operae gravem fuisse et ob ea non quidem sceleris, sed contumaciae tamen esse suspectum. Non aliam premendi inimici occasionem aptiorem futuram ratus, odio suo pietatis praefere-rens speciem, *Utinam*, inquit, *in principio quoque huius rei nobiscum deiberasses. Swasissemus, si Philotae velles ignoscere, patereris potius, ignorare eum, quantum deberet tibi, quam usque ad mortis metum adductum cogeres saepius de periculo suo quam de tuo cogitare beneficio. Ille enim semper insidiari tibi poterit, tu non semper Philotae poteris ignoscere. Nec est, quod existimes, eum, qui tantum facinus ausus est, venia posse mutari. Scit, eos, qui misericordiam con- sumpserunt, amplius sperare non posse. At ego, etiamsi ipse vel poenitentia vel beneficio tuo victus quiescere volet, patrem eius Parmenionem, tanti ducem exercitus et inveterata apud milites tuos auctoritate haud multum infra magnitudinis tuae fastigium positum, scio non aequo animo salutem filii sui debiturum tibi. Quaedam beneficia odimus. Meruisse mortem confiteri pudet. Superest, ut malit videri iniuriam accepisse, quam vitam. Proinde scito, tibi cum illis de salute esse pugnandum. Satis hostium superest, ad quos persequendos ituri sumus: latus a domesticis hostibus muni. Hos si sum- moves, nihil metuo ab externo.*

(30) Haec Craterus. Nec ceteri dubitabant, quin con- iurationis indicium suppressurus non fuisset, nisi auctor aut particeps. Quem enim pium et bonae mentis, non ami-



cum modo, sed ex ultima plebe, auditis, quae ad eum delata erant, non protinus ad regem fuisse cursurum? ne Cebalini quidem exemplo, qui ex fratre comperta ipsi nuntiasset, Parmeniōnis filium, praefectum equitatus, omnium arcanorum regis arbitrum! simulasse etiam, non vacasse sermoni suo regem, ne index alium internuntium quaereret. Nicomāchum religione quoque deūm astrictum conscientiam suam exonerare properasse: Philōtam, consumpto per ludum iocumque paene toto die, gravatum esse pauca verba, pertinentia ad caput regis, tam longo et forsitan supervacuo inserere sermoni. At enim se non credidisse talia deferentibus pueris! Cur igitur extraxisset biduum, tanquam indicio haberet fidem? dimittendum fuisse Cebalinum, si delationem eius damnabat. In suo quemque periculo magnum animum habere, quum de salute regis timeretur, credulos esse debere, vana quoque deferentes admittere. Omnes igitur quaestionem de eo, ut participes sceleris indicare cogeretur, habendam esse decernunt. Rex admonitos, uti consilium silentio premerent, dimittit.

(31) Pronuntiari deinde iter in posterum iubet, ne qua novi initi consilii daretur nota. Invitatus est etiam Philōtas ad ultimas ipsi epulas, et rex non coenare modo, sed etiam familiariter colloqui cum eo, quem damnaverat, sustinuit. Secunda deinde vigilia, luminibus extinctis, cum paucis in regiam coeunt Hephaestion et Cratērus et Coenus et Erigyus, hi ex amicis: ex armigeris autem Perdiccas et Leonnātus. Per hos imperatum, ut, qui ad praetorium excubabant, armati vigilarent. Iam ad omnes aditus dispositi erant equites, itinera quoque obsidere iussi, ne quis ad Parmeniōnem, qui tum Mediae magnisque copiis praeerat, occultus evaderet. Atharriās autem cum trecentis armatis intraverat regiam: huic decem satellites traduntur, quorum singulos deni armigeri sequebantur. Hi ad alios coniuratos comprehendendos distributi sunt: Atharriās cum trecentis ad Philōtam missus clausum aditum domus moliebatur, quinquaginta iuvenum promptissimis stipatus: nam ceteros cingere undique domum iusserat, ne occulto aditu Philōtas posset elabi.

21 Illum sive securitate animi sive fatigatione resolutum somnus oppresserat: quem Atharriās torpentem adhuc occupat. Tandem ei, sopore discusso, quum iniicerentur catenae, *Vicit, inquit, bonitatem tuam, rex, inimicorum meorum acerbitas.* Nec plura elocutum, capite velato, in regiam adducunt.

23 (32) Postero die rex edixit, omnes armati coirent. Sex milia fere militum venerant: praeterea turba lixarum calorumque impleverant regiam. Philōtam armigeri agmine suo tegebant, ne ante conspici posset a vulgo, quam rex allocutus milites esset. De capitalibus rebus vetusto Macedōnum modo inquirebat exercitus: in pace erat vulgi: et nihil potestas regum valebat, nisi prius valuisset auctoritas. Igitur Dimni primum cadaver infertur, plerisque, quid parasset quove casu extinctus esset, ignaris.

## CAP. IX.

1 Rex deinde in concionem procedit, vultu praeferens dolorem animi. Amicorum quoque maestitia expectatio-  
2 nem haud parvam rei fecerat. Diu rex, demisso in terram vultu, attonito stupentique similis stetit. Tandem recepto animo, *Paene, inquit, milites, paucorum hominum scelere vobis ereptus sum: deūm providentia et misericordia vivo. Conspectusque vestri venerabilis coëgit, ut vehementius par-  
3 ricidīs irascerer, quoniam spes, immo unus vitae meae fructus est, tot fortissimis viris et de me optime meritis referre adhuc gratiam posse.* Interrupit orationem militum gemitus, obortaeque sunt omnibus lacrimae. Tum rex, *Quanto, inquit, maiorem in animis vestris motum excitabo, quum tanti sceleris auctores ostendero! quorum mentionem adhuc reformido et, tanquam salvi esse possint, nominibus abstineo.*  
4 *Sed vincenda est memoria pristinae caritatis, et coniuratio impiorum civium detegenda. Quomodo autem tantum nefas sileam? Parmenio, illa aetate, tot meis, tot parentis mei meritis devinctus, omnium nobis amicorum vetustissimus, ducem se sceleri tanto praebuīt. Minister eius Philōtas Peucolāum et Demetrium et hunc Dimnum, cuius corpus aspicitis, ceterosque, eiusdem amentiae, in caput meum subornavit.*

(33) Fremitus undique indignantium querentiumque 6  
tota concione obstrepebat, qualis solet esse multitudinis,  
et maxime militaris, ubi aut studio agitur aut ira. Nico- 7  
machus deinde et Metron et Cebalinus producti, quae quis-  
que detulerat, exponunt. Nullius eorum indicio Philotas  
ut particeps sceleris destinabatur. Itaque, indignatione  
repressa, vox indicum silentio excepta est. Tum rex, 8  
*Qualis, inquit, ergo animi vobis videtur, qui huius rei dela-*  
*tum indicium ad ipsum suppressit? Quod non fuisse vanum,*  
*Dimni exitus declarat. Incertam rem deferens tormenta non* 9  
*timuit Cebalinus: Metron ne momentum quidem temporis*  
*distulit exonerare se, ut eo, ubi lavabar, irrumperet: Philotas* 10  
*solus nihil timuit, nihil credidit. O magni animi virum! Iste*  
*regis periculo commoveretur, vultum mutaret, indicem tan-*  
*tae rei sollicitus audiret! Subest nimirum silentio facinus, et* 11  
*avida spes regni praecipitem animum ad ultimum nefas im-*  
*pulit. Pater Mediae praest. Ipse apud multos copiarum*  
*duces meis praepotens viribus maiora, quam capit, spirat.*  
*Orbitas quoque mea, quod sine liberis sum, spernitur. Sed* 12  
*errat Philotas. In vobis liberos, parentes, consanguineos ha-*  
*beo: vobis salvus, orbis esse non possum.*

(34) Epistolam deinde Parmeniōnis interceptam, quam 13  
ad filios Nicanōrem et Philotam scripserat, recitat, haud  
sane indicium gravioris consilii praeferebat. Namque 14  
summa eius haec erat: *Primum vestri curam agite, deinde*  
*vestrorum: sic enim, quae destinavimus, efficiemus.* Adiecit- 15  
que rex, sic esse scriptam, ut, sive ad filios pervenisset,  
a consiliis posset intelligi, sive intercepta esset, falleret  
ignaros. *At enim Dimnus, quum ceteros participes sceleris* 16  
*indicaret, Philotam non nominavit! Hoc quidem illius non*  
*innocentiae, sed potentiae indicium est, quod sic ab iis timetur*  
*etiam, a quibus prodi potest, ut, quum de se fateantur, illum*  
*tamen celent. Ceterum Philotam ipsius indicat vita. Hic* 17  
*Amyntae, qui mihi consobrinus fuit et in Macedonia capiti*  
*meo impias comparavit insidias, socium se et conscium ad-*  
*iunxit. Hic Attalo, quo graviolem inimicum non habui, so-*  
*rorem suam in matrimonium dedit. Hic, quum scripsissem* 18  
*ei pro iure tam familiaris usus atque amicitiae, qualis sors*

*edita esset Iovis Hammōnis oraculo, sustinuit rescribere mihi,*  
*se quidem gratulari, quod in numerum deorum receptus*  
*essem, ceterum misereri eorum, quibus vivendum esset sub*  
*eo, qui modum hominis excederet. Haec sunt etiam pridem*  
*animi alienati a me et invidentis gloriae meae indicia: quae*  
*equidem, milites, quamdiu licuit, in animo meo pressi. Vi-*  
*debar enim mihi partem viscerum meorum abrumpere, si, in*  
*quos tam magna contuleram, viliores mihi facerem. Sed iam*  
*non verba puniendae sunt: linguae temeritas pervenit ad*  
*gladios. Hos, si mihi creditis, Philotas in me acuit. [Id] si*  
*ipsi admiseritis, quo me conferam, milites? cui caput meum*  
*credam? Equitatus, optimae exercitus parti, principibus*  
*nobilissimae inventutis, unum praefeci: salutem, spem, victo-*  
*riam meam fidei eius tutelaeque commisi. Patrem in idem*  
*fastigium, in quo me ipsum posuistis, admovi: Mediam, qua*  
*nulla opulentior regio est, et tot civium sociorumque milia*  
*imperio eius dititionique subieci. Unde praesidium petieram,*  
*periculum extulit. Quam feliciter in acie occidisset, potius*  
*hostis praeda, quam civis victima! Nunc servatus ex pericu-*  
*lis, quae sola timui, in haec incidi, quae timere non debui.*  
*Soletis identidem a me, milites, petere, ut saluti meae parcam.*  
*Ipsi mihi praestare potestis, quod suadetis ut faciam. Ad*  
*vestras manus, ad vestra arma confugio: invitis vobis, salvus*  
*esse nolo: volentibus, non possum, nisi vindicor.*

(35) Tum Philotam, religatis post tergum manibus, ob-  
soleto amiculo velatum iussit induci. Facile apparebat,  
motos esse tam miserabili habitu non sine invidia paulo  
ante conspecti. Ducem equitatus pridie viderant: sciebant,  
regis interfuisse convivio. Repente non reum quidem,  
sed etiam damnatum, immo vinctum intuebantur. Subibat  
animos Parmeniōnis quoque, tanti ducis, tam clari civis,  
fortuna, qui modo duobus filiis, Hectōre ac Nicanōre, or-  
batus eum eo, quem reliquum calamitas fecerat, absens  
diceret causam. Itaque Amyntas, regius praetor, inclina-  
tam ad misericordiam concionem rursus aspera in Philo-  
tam oratione commovit: proditos eos esse barbaris: ne-  
minem ad coniugem suam, neminem in patriam et ad  
parentes fuisse rediturum: velut truncum corpus, dempto



capite, sine spiritu, sine nomine, aliena terra, ludibrium hostis futuros. Haudquaquam pro spe ipsius Amyntae oratio grata regi fuit, quod coniugum, quod patriae admonitos pigriores ad cetera munia exequenda fecisset.

(36) Tum Coenus, quamquam Philotae sororem matrimonio secum coniunxerat, tamen acrius, quam quamquam, in Philotam invecus est, parricidam esse regis, patriae, exercitus, clamitans: saxumque, quod forte antepedes iacebat, arripuit, emissurus in eum, ut plerique credidere, tormentis subtrahere cupiens. Sed rex manum eius inhibuit, dicendi prius causam debere fieri potestatem reo nec aliter iudicari passurum se affirmans. Tum dicere iussus Philotas, sive conscientia sceleris sive periculi magnitudine amens et attonitus, non attollere oculos, non hiscere audebat. Lacrimis deinde manantibus, quente animo, in eum, a quo tenebatur, incubuit: absterisique amiculo eius oculis paulatim recipiens spiritum ac vocem dicturus videbatur. Iamque rex intuens eum, cedones, inquit, de te iudicaturi sunt: quaero, an patrio sermone sis apud eos usus. Tum Philotas, Praeter cedonas, inquit, plerique adsunt, quos facilius, quae disam, percepturos arbitror, si eadem lingua fuero usus, quatu egisti, non ob aliud, credo, quam ut oratio tua intelligi posset a pluribus. Tum rex, Ecquid videtis, adeo etiam sermonis patrii Philotam taedere? solus quippe fastidit eum dicere. Sed dicat sane, utcunque ei cordi est, dum meminertis, aequae illum a nostro more quam a sermone abhorrere. Atque ita concione excessit.

## CAP. X.

(37) Tum Philotas, Verba, inquit, innocenti reperire facile est, modum verborum misero tenere difficile. Itaque inter optimam conscientiam et iniquissimam fortunam destitutus ignoro, quomodo et animo meo et tempore paream. Abest quidem optimus causae meae iudex, qui cur me ipse audire noluerit, non mehercule excogilo, quum illi, utrimque cognita causa, tam damnare me liceat, quam absolvere: non cognita vero, liberari ab absente non possum, qui a praesente

4 damnatus sum. Sed quamquam victi hominis non supervacua solum, sed etiam invisita defensio est, qui iudicem non docere videtur, sed arguere: tamen, utcunque licet me dicere, memet ipse non deseram nec committam, ut damnatus etiam  
5 mea sententia videar. Equidem, cuius criminis reus sim, non video. Inter coniuratos nemo me nominat: de me Nicomachus nihil dixit: Cebalinus plus, quam audierat, scire non  
6 potuit. Atqui coniurationis caput me fuisse credit rex! Potuit ergo Dimnus eum praeterire, quem sequebatur? praesertim quum quaerenti socios vel falso fuerim nominandus, quo  
7 facilius, qui tentabatur, posset impelli. Non enim detecto facinore nomen meum praeteriit, ut posset videri socio pepercisse: Nicomacho, quem taciturnum arcana de semetipso credebatur, confessus, aliis nominatis, me unum subtrahebat.  
8 Quaeso, commilitones, si Cebalinus me non adisset, nihil me de coniuratis scire voluisset, num hodie dicerem causam,  
9 nullo me nominante? Dimnus sane, si viveret adhuc, ut vellet mihi parcere: quid ceteri? qui de se confitebuntur, me videlicet subtrahent! Maligna est calamitas, et fere noxius,  
10 quum suo supplicio crucietur, acquiescit alieno. Tot conscine in equuleum quidem impositi verum fatebuntur? Atqui nemo parcat morituro, nec cuiquam moriturus, ut opinor.  
11 (38) Ad verum crimen et ad unum revertendum mihi est: cur rem delatam ad te tacuisti? cur tam securus audisti? Hoc, qualecunque est, confesso mihi, ubicunque es, Alexander, remisisti: dexteram tuam amplexus, reconciliati pignus  
12 animi, convivio quoque interfui. Si credidisti mihi, absolutus sum, si pepercisti, dimissus: vel iudicium tuum serva. Quid hac proxima nocte, qua digressus sum a mensa tua, feci? quod novum facinus delatum ad te mutavit animum tuum?  
13 Gravi sopore acquiescebam, quum me malis indormientem meis inimici vinciendo excitaverunt. Unde et parricidae et  
14 proditori tam alli quies somni? Scelerati, conscientia obstrepente, condormire non possunt: agitant eos furiae, non consummato modo, sed etiam cogitato parricidio. At mihi securitatem primum innocentia mea, deinde tua dextera obtulerat: non timui, ne plus alienae crudelitati apud te liceret, quam  
15 clementiae tuae. Sed ne te mihi credidisse poeniteat: res ad

me deferebatur a puero, qui non testem, non pignus indicii exhibere poterat, impleturus omnes metu, si coepisset audiri. Amatoris et scorti iurgio interponi aures meas credidi infelix et fidem eius suspectam habui, quod non ipse deferret, sed fratrem potius subornaret. Timui, ne negaret, mandasse sese Cebatino, et ego viderer multis amicorum regis fuisse periculi causa. Sic quoque, quum laeserim neminem, inveni, qui mallet, perire me, quam incolumem esse: quid inimicitarum creditis excepturum fuisse, si insontes lacessissem? At enim Dimnus se occidit! Num igitur facturum eum divinare potui? Minime. Ita, quod solum indicio fidem fecit, id me, quum a Cebatino interpellatus sum, movere non poterat.

(39) At hercule, si conscius Dimno tanti sceleris fuissem, biduo illo, proditos esse nos, dissimulare non debui: Cebatinus ipse tolli de medio nulloque negotio potuit. Denique post delatum indicium, quo periturus eram, cubiculum regis solus intravi, ferro quidem cinctus. Cur distuli facinus? An sine Dimno non sum ausus? Ille igitur princeps coniurationis fuit! sub illius umbra Philotas latebam, qui regnum Macedonum affecto! Ecquis e vobis corruptus est domus? quem ducem, quem praefectum impensius colui? Mihi quidem obicitur, quod societatem patrii sermonis asperner, quod Macedonum mores fastidiam. Sic ergo imperio, quod dedignor, immineo! Iam pridem nativus ille sermo commercio aliarum gentium exolevit: tam victoribus, quam victis peregrina lingua discenda est. Non mehercule ista me magis laedunt, quam quod Amyntas, Perdiccae filius, insidiatus est regi: cum quo quod amicitia fuerit mihi, non recuso defendere, si fratrem regis non oportuit diligi a nobis. Sin autem in illo fortunae gradu positum etiam venerari necesse erat, utrum, quaeso, quod non divinavi, reus sum, an impiorum amicis insontibus quoque moriendum est? Quod si aequum est, cur tamdiu vivo? si iniustum, cur nunc demum occidor? At enim scripsi, misereri me eorum, quibus vivendum esset sub eo, qui se Iovis filium crederet. Fides amicitiae, veri consilii periculosa libertas, vos me decepistis! vos, quae sentiebam, ne reticerem, impulistis! Scripsisse me haec fateor regi, non de rege scripsisse. Non enim faciebam invidiam,

sed pro eo timebam. Dignior mihi Alexander videbatur, qui Iovis stirpem tacitus agnosceret, quam qui praedicatione iactaret. Sed quoniam oraculi fides certa est, sit deus causae meae testis. Retinete me in vinculis, dum consulitur Hammon, dum arcanum et occultum scelus. Iupiter enim, qui regem nostrum dignatus est filium, neminem eorum, qui stirpi suae insidiati sunt, latere patietur. Si certiora oraculis creditis esse tormenta, ne hanc quidem exhibendae veritatis fidem deprecor.

(40) Solent rei capitis adhibere vobis parentes. Duos fratres ego nuper amisi: patrem nec ostendere possum nec invocare audeo, quum et ipse tanti criminis reus sit. Parum est enim, tot modo liberum parentem, in unico filio acquiescentem, eo quoque orbari, nisi ipse in rogam meum imponitur. Ergo, carissime pater, et propter me morieris et mecum! Ego tibi vitam adimo, ego senectutem tuam extinguo! Quid enim me procreabas infelicem, adversantibus diis? an ut hos ex me fructus perciperes, qui te manent? Nescio, adolescentia mea miserior sit, an senectus tua: ego in ipso robore aetatis eripior: tibi carnifex spiritum adimet, quem, si fortuna expectare voluisset, natura reposcebat. Admonuit me patris mei mentio, quam timide et cunctanter, quae Cebatinus detulerat ad me, indicare debuerim. Parmenio enim, quum audisset, venenum a Philippo medico regi parari, deterrere eum voluit epistola scripta, quo minus medicamentum biberet, quod medicus dare constituerat. Num creditum est patri meo? num ullam auctoritatem eius litterae habuerunt? Ego ipse, quotiens, quae audieram, detuli, cum ludibrio credulitatis repulsus sum. Si et, quum indicamus, invisi et, quum tacemus, suspecti sumus, quid facere nos oportet? Quumque unus e circumstantium turba exclamasset: Bene meritis non insidiari, Philotas, Recte, inquit, quisquis es, dicis. Itaque si insidiatus sum, poenam non deprecor et finem facio dicendi, quoniam ultima verba gravia sunt visa auribus. Abducitur deinde ab his, qui custodiebant eum.

## CAP. XI.

1 (41) Erat inter duces manu strenuus Bolon quidam,



pacis artium et civilis habitus rudis, vetus miles, ab humili ordine ad eum gradum, in quo tunc erat, promotus: qui, 2 tacentibus ceteris, stolidam audaciam ferociter admonere eos coepit, quotiens suis quisque diversoriis, quae occupassent, proturbatus esset, ut purgamenta servorum Philotae reciperentur eo, unde commilitones expulisset. Auro ar- 3 gentoque vehicula eius onusta totis vicibus stetit, ac ne in viciniam quidem diversorii quemquam commilitonum receptum esse, sed per dispositos, quos supra somnum habebat, omnes procul relegatos, ne femina illa murmurantium inter se silentio verius quam sono excitaretur. Ludibrio ei fuisse rusticos homines Phrygasque et Pa- 4 phlagonas appellatos: qui non erubesceret, Macedo natus, homines linguae suae per interpretem audire. Nunc 5 cur Hammōnem consuli vellet? eundem Iovis arguisse mendacium, Alexandrum filium agnoscentis, scilicet veritatem, ne invidiosum esset, quod dii offerrent. Quum 6 insidiaretur capiti regis et amici, non consuluisse eum Iovem: nunc ad oraculum mittere, dum pater eius sollicitetur, qui praesit in Media, et pecunia, cuius custodia commissa sit, perditos homines ad societatem sceleris impellat. Ipsos missuros ad oraculum, non qui Iovem in- 7 terrogent, quod ex rege cognoverint, sed qui gratias agant, qui vota pro incolumitate regis optime persolvant. Tum vero universa concio accensa est, et a corporis cu- 8 stodibus initium factum, clamantibus, discernendum esse parricidam manibus eorum. Id quidem Philotas, qui graviora supplicia metueret, haud sane iniquo animo audiebat.

(42) Rex in concionem reversus, sive ut in custodia 9 quoque torqueret, sive ut diligentius cuncta cognosceret, concilium in posterum diem distulit et, quamquam in vespem inclinabat dies, tamen amicos convocari iubet. Et ceteris quidem placebat, Macedonum more obrui saxis, 10 Hephaestionem autem et Craterus et Coenus tormentis veritatem exprimendam esse dixerunt, et illi quoque, qui aliud suaserant, in horum sententiam transeunt. Consilio ergo 11 dimisso, Hephaestionem cum Cratere et Coeno ad quaestio-

12 nem de Philota habendam consurgunt. Rex, Cratere accersito et sermone habito, cuius summa non edita est, in intimam diversorii partem secessit et, remotis arbitris, in 13 multam noctem quaestionis expectavit eventum. Tortores in conspectum Philotae omnia crudelitatis instrumenta 14 proponunt. Et ille ultro, *Quid cessatis, inquit, regis inimicum, interfectorem, confitentem occidere? quid quaestione opus est? cogitavi, volui.* Craterus exigere, ut, quae con- 15 fiteretur, in tormentis quoque diceret. Dum corripitur, dum obligantur oculi, dum vestis exuitur, deos patrios, gentium iura nequicquam apud surdas aures invocabat. Per ultimos deinde cruciatus, utpote et damnatus et ini- 16 micis in gratiam regis torquentibus, laceratur. Ac primo, quamquam hinc ignis, illinc verbera iam non ad quaestionem, sed ad poenam ingerebantur, non vocem modo, sed 17 etiam gemitus habuit in potestate: sed postquam intumescens corpus ulceribus flagellorum ictus nudis ossibus incussos ferre non poterat, si tormentis adhiberi modum 18 essent, dicturum se, quae scire expeterent, pollicetur. Sed finem quaestioni fore, iurare eos per Alexandri salutem volebat removerique tortores. Et utroque impetrato, *Cra-* 19 *tere, inquit, dic, quid me velis dicere.* Illo indignante, ludificari eum, rursusque revocante tortores, tempus petere coepit, dum reciperet spiritum, cuncta, quae sciret, indicaturus.

20 Interim equites, nobilissimus quisque, et ii maxime, qui Parmenionem propinqua cognatione contingebant, postquam Philotam torqueri fama vulgaverat, legem Macedonum veriti, qua cautum erat, ut propinqui eorum, qui regi insidiati essent, cum ipsis necarentur, alii se interficiunt, alii in devios montes vastasque solitudines fugiunt, ingenti per tota castra terrore diffuso: donec rex, tumultu cognito, legem de supplicio coniunctorum sententibus remittere edixit.

21 (43) Philotas verone an mendacio liberare se a cruciatu voluerit, anceps coniectura est, quoniam et vera confessis et falsa dicentibus idem doloris finis ostenditur: 22 ceterum, *Pater, inquit, meus Hegelochus quam familiariter*

usus sit, non ignoratis: illum dico Hegelöchum, qui in acie  
 cecidit: omnium malorum nobis fuit causa. Nam quum pri-<sup>23</sup>  
 mum Iovis filium se salutari iussit rex, id indigne ferens ille,  
 hunc igitur regem agnoscimus, inquit, qui Philippum de-  
 dignatur patrem? actum est de nobis, si ista perpeti possu-  
 mus. Non homines solum, sed etiam deos despicit, qui postu-<sup>24</sup>  
 lat deus credi. Amisimus Alexandrum, amisimus regem:  
 incidimus in superbiam nec diis, quibus se exaequat, nec  
 hominibus, quibus se eximit, tolerabilem. Nostrone sanguine<sup>25</sup>  
 deum fecimus, qui nos fastidiat? qui gravetur mortalium  
 adire concilium? Credite mihi, et nos, si viri sumus, a diis  
 adoptabimur. Quis proavum huius Alexandrum, quis deinde<sup>26</sup>  
 Archeläum, quis Perdiccam occisos ultus est? hic quidem  
 interfectoribus patris ignovit. Haec Hegelöchus dixit super<sup>27</sup>  
 coenam: et postero die prima luce a patre accersor. Tristis  
 erat et me maestum videbat. Audieramus enim, quae sollici-  
 tudinem inculerent. Itaque ut experiremur, utrumne vino<sup>28</sup>  
 gravatus effudisset illa, an altiore concepta consilio, accersi  
 eum placuit. Venit: eodemque sermone ultro repetito adiecit,  
 se, sive auderemus duces esse, proximas a nobis partes vin-  
 dicaturum, sive deesset animus, consilium silentio esse lectu-  
 rum. Parmeniöni, vivo adhuc Daröo, intempestiva res vide-<sup>29</sup>  
 batur: non enim sibi, sed hosti esse occisuros Alexandrum:  
 Daröo vero sublato, praemium regis occisi Asiam et totum  
 orientem interfectoribus esse cessura. Approbatoque consilio  
 in haec fides et data est et accepta. Quod ad Dimnum perti-<sup>30</sup>  
 net, nihil scio: et haec confessus intelligo, non prodesse mihi,  
 quod proximi sceleris expers sum. Illi, rursus tormentis ad-<sup>31</sup>  
 motis, quum ipsi quoque hastis os oculosque eius everbe-  
 rarent, expressere, ut hoc quoque crimen confiteretur.  
 Exigentibus deinde, ut ordinem cogitati sceleris expone-<sup>32</sup>  
 ret, quum diu Bactra retentura regem viderentur, timuisse  
 respondit, ne pater LXX natus annos, tanti exercitus dux,  
 tantae pecuniae custos, interim extingueretur, ipsique  
 spoliato tantis viribus occidendi regis causa non esset.  
 Festinasse ergo se, dum praemium in manibus haberet,<sup>33</sup>  
 repraesentare consilium: cuius patrem expertem fuisse  
 nisi crederent, tormenta, quamquam iam tolerare non

<sup>34</sup> posset, tamen non recusare. Illi collocuti, satis quaesitum  
 videri, ad regem revertuntur.

(44) Qui postero die et, quae confessus erat Philötas,  
 recitari et ipsum, quia ingredi non poterat, iussit afferri.  
<sup>35</sup> Omnia agnoscente eo, Demetrius, qui proximi sceleris  
 particeps esse arguebatur, producit. Multa affirmatione  
 animique pariter constantia et vultus abnuens, quicquam  
 sibi in regem cogitatum esse, tormenta etiam deposcebat  
<sup>36</sup> in semetipsum: quum Philötas, circumlatis oculis, ut in-  
 cidere in Calin quendam haud procul stantem, propius  
 eum iussit accedere. Illo perturbato et recusante transire  
 ad eum, *Patieris*, inquit, *Demetrium mentiri rursusque me*  
<sup>37</sup> *excruciari?* Calin vox sanguisque defecerant: et Macedö-  
 nes Philötam inquinare innocios velle suspicabantur, quia  
 nec a Nicomächo nec ab ipso Philöta, quum torqueretur,  
 nominatus esset adolescens. Qui ut praefectos regis cir-  
 cumstantes se vidit, Demetrium et semetipsum id facinus  
<sup>38</sup> cogitasse confessus est. Omnes ergo a Nicomächo nomi-  
<sup>39</sup> nati more patrio, dato signo, saxis obruti sunt. Magno  
 non salutis, sed etiam invidiae periculo liberatus erat  
 Alexander: quippe Parmenio et Philötas, principes ami-  
 corum, nisi palam sontes, sine indignatione totius exer-  
<sup>40</sup> citus non potuissent damnari. Itaque anceps quaestio fuit:  
 dum infitatus est facinus, crudeliter torqueri videbatur,  
 post confessionem Philötas ne amicorum quidem miseri-  
 cordiam meruit.

---

 LIBER VII.
 

---

## ARGUMENTUM.

- I. Alexander Lyncestem, maiestatis reum, interfici iubet: deinde in Amyntam et Simmiam, Philotae amicos, inquit, qui suam innocentiam gravi oratione defendunt. II. Amynta et fratribus in gratiam receptis, Polydamas regis iussu celeriter in Mediam profectus Parmenionem interficit: unde indignatio et seditio militum Parmenionis oritur, quae tandem extinguitur. III. Varios populos Alexander domat et septendecim diebus cum exercitu Caucasum superat. IV. Bessus de bello adversus Alexandrum gerendo inter epulas con-



sultat, sapienti tamen Cobaris consilio non paret. Interim rex Bactra pervenit, ubi de Graecorum defectione et de Satibarzane ab Erigyio singulari certamine occiso nuntius ei affertur. V. Exercitus Alexandri, per Sogdianae deserta itinere facto, Oxum amnem singulari ratione superat. Bessus a Spitamene dolo captus ad Alexandrum adducitur, a quo Oxathri, Darei fratri, cruci figendus traditur. VI. Barbarorum et Macedonum erga regem benivolentia. Varias expugnat urbes. Alexandriam ad Tanaim amnem condit. VII. De bello Scythia inferendo Alexander aeger ex vulnere cum suis inquit consilium. Aristander vates regis voluntati sua accommodat responsa. Menedemus a Spitamene per insidias cum duobus milibus peditum et CCC equitibus a Dahis interficitur: quod callide dissimulat Alexander. VIII. Dum exercitus ad bellum accingitur, Scytharum legati adveniunt ac de pace egregiam ad Alexandrum habent orationem. IX. Rex, legatis dimissis, Tanaim superat: bellum Scythia infert: cum victis benigne agit. X. Sogdianorum nobilium invictus animus. Bessi supplicium. Novo milite augetur exercitus. XI. Petram ab Arimaze Sogdiano obsessam, situ naturae fere inexpugnabilem, ad deditionem cogit Alexander.

## CAP. I.

(1 ed. Zumpt.) Philōtan sicut, recentibus sceleris eius 1 vestigiis, iure affectum supplicio censuerant milites, ita, postquam desiderat esse, quem odissent, invidia in misericordiam vertit. Moverat et claritas iuvenis et patris eius 2 senectus atque orbitas. Primus Asiam aperuerat regi: 3 omnium periculorum eius particeps semper alterum in acie cornu defenderat, Philippo quoque ante omnes amicus et ipsi Alexandro tam fidus, ut occidendi Attalum non alio ministro uti mallet. Horum cogitatio subibat exerci- 4 tum, seditiosaeque voces referebantur ad regem. Quis ille haud sane motus satisque prudens, otii vitia negotio dis- euti, edicit, ut omnes in vestibulo regiae praesto sint. Quos ubi frequentes adesse cognovit, in concionem pro- 5 cessit. Haud dubie ex composito Atharras postulare coepit, ut Lyncestes Alexander, qui multo ante quam Philōtas regem voluisset occidere, exhiberetur. A duobus indici- 6 bus, sicut supra diximus, delatus tertium iam annum custodiebatur in vinculis. Eundem in Philippi quoque caedem coniurasse cum Pausania pro comperto fuit: sed quia primus Alexandrum regem salutaverat, supplicio ma-

7gis quam crimini fuerat exemptus. Tunc quoque Antipatri, soceri eius, preces iustam regis iram morabantur. Ceterum recruduit soporatus dolor: quippe veteris periculi 8 memorem praesentis cura renovabat. Igitur Alexander ex custodia educitur iussusque dicere, quamquam toto triennio meditatus erat defensionem, tamen haesitans et trepidus pauca ex his, quae composuerat, protulit: ad ultimum non memoria solum, sed etiam mens eum destituit. 9 Nulli erat dubium, quin trepidatio conscientiae indicium esset, non memoriae vitium. Itaque ex his, qui proximi astiterant, obluctantem adhuc oblivioni lanceis confoderunt.

10 (2) Cuius corpore ablato rex introduci iussit Amyntam et Simmiam: nam Polēmon, minimus ex fratribus, 11 quum Philōtam torqueri comperisset, profugerat. Omnium Philōtae amicorum hi carissimi fuerant, ad magna et honorata ministeria illius maxime suffragatione producti: memineratque rex, summo studio ab eo conciliatos sibi, nec dubitabat, huius quoque ultimi consilii fuisse participes: 12 igitur olim sibi esse suspectos matris suae litteris, quibus esset admonitus, ut ab his salutem suam tueretur. Ceterum se invitum deteriora credentem, nunc manifestis 13 indiciis victum, iussisse vinciri. Nam pridie quam detegeretur Philōtae scelus, quin secreto cum eo fuissent, non posse dubitari. Fratrem vero, qui profugerit, quum de 14 Philōta quaereretur, aperuisse fugae causam. Nuper praeter consuetudinem officii specie, amotis longius ceteris, admovisse semetipsos lateri suo, nulla probabili causa seque mirantem, quod non vice sua tali fungerentur officio, et ipsa trepidatione eorum perterritum strenue ad ar- 15 migeros, qui proxime sequebantur, recessisse. Ad haec accedere, quod, quum Antiphānes, scriba equitum, Amyntae denuntiasset pridie quam Philōtae scelus deprehensum esset, ut ex suis equis more solito daret his, qui amisissent suos, superbe respondisse, nisi incepto desisteret, brevi sciturum, quis ipse esset. Iam linguae violentiam temeritatemque verborum, quae in semetipsum iacularentur, nihil aliud esse, quam scelesti animi indicem

ac testem. Quae si vera essent, idem meruisse eos, quod Philōtam: si falsa, exigere ipsum, ut refellant. Productus 17 deinde Antiphānes de equis non traditis et adiectis etiam superbe minis indicat.

(3) Tum Amyntas, facta dicendi potestate, *Si nihil*, 18 inquit, *interest regis, peto, ut, dum dico, vinculis liberer.* Rex solvi utrumque iubet: desiderantique Amyntae, ut habitus quoque redderetur armigeri, lanceam dari iussit. Quam 19 ut laeva comprehendit, evitato eo loco, in quo Alexandri corpus paulo ante iacuerat, *Qualiscunque*, inquit, *exitus nos manet, rex, confitemur, prosperum tibi debituros, tristiores fortunae imputaturos. Sine praeiudicio dicimus causam,* 20 *liberis corporibus animisque. Habitum etiam, in quo te comitari solemus, reddidisti. Causam non possumus, fortunam timere desinemus. Et quaeso, permittas mihi id primum de-* 21 *fendere, quod a te ultimum obiectum est. Nos, rex, sermonis adversus maiestatem tuam habili nullius conscii sumus nobis. Dicerem, iampridem vicisse te invidiam, nisi periculum esset, ne alia malignius dicta crederes blanda oratione purgari. Ceterum etiamsi militis tui vel in agmine deficientis et fati-* 22 *gati vel in acie periclitantis vel in tabernaculo aegri et vulnera curantis aliqua vox asperior esset accepta, merueramus fortibus factis, ut mallet ea tempori nostro imputare, quam animo. Quum quid accidit tristius, omnes rei sunt:* 23 *corporibus nostris, quae utique non odimus, infestas admoveamus manus: parentes liberis si occurrant, et ingrati et invisunt. Contra quum donis honoramur, quum praemiis onusti revertimur, quis ferre nos potest? quis illam animorum alacritatem continere? Militantium nec indignatio nec laetitia* 24 *moderata est: ad omnes affectus impetu rapimur. Vituperamus, laudamus, miseremur, irascimur, utcunque praesens movit affectio: modo Indiam adire et Oceanum libet, modo coniugum et liberorum patriaeque memoria occurrit. Sed* 25 *has cogitationes, has inter se colloquentium voces signum tuba datum fuit: in suos quisque ordines currimus, et, quicquid irarum in tabernaculo conceptum est, in hostium effunditur capita. Utinam Philōtas quoque intra verba peccasset! Proinde ad id praevertar, propter quod rei sumus.* 26

(4) *Amicitiam, quae nobis cum Philōta fuit, adeo non eo infitias, ut expetisse quoque nos magnosque ex ea fructus* 27 *percepisse confitear. An vero Parmenionis, quem tibi proximum esse voluisti, filium omnes paene amicos tuos dignatione* 28 *vincentem cultum a nobis esse miraris? Tu hercule, si verum audire vis, rex, huius nobis periculi es causa. Quis enim alius effecit, ut ad Philōtam decurrerent, qui placere vellent tibi? Ab illo traditi ad hunc gradum amicitiae tuae ascendimus. Is apud te fuit, cuius gratiam expetere et iram timere* 29 *possemus. Si non, propemodum in tua verba erratum est. Omnes, te praeunte, iuravimus, eosdem nos inimicos amicosque habituros esse, quos tu haberes: hoc sacramento pietatis obstricti aversaremur scilicet, quem tu omnibus prae-* 30 *ferebas! Igitur, si hoc crimen est, paucos innocentes habes: immo hercule neminem. Omnes enim Philōtae amici esse voluerunt, sed totidem, quot volebant esse, non poterant. Ita, si a consciis amicos non dividis, ne ab amicis quidem sepa-* 31 *rabis illos, qui idem esse voluerunt. Quod igitur conscientiae offertur indicium? Ut opinor, quia pridie familiariter et sine arbitris locutus est nobiscum. At ego purgare non possem, si pridie quicquam ex vetere vita ac more mutassem. Nunc vero, si, ut omnibus diebus, illo quoque, qui suspectus est, fecimus, consuetudo diluet crimen.*

(5) *Sed equos Antiphāni non dedimus, et pridie quam Philōtas detectus est, haec mihi cum Antiphāne res erat! qui si nos suspectos facere vult, quod illo die equos non dederimus, semetipsum, quod eos desideraverit, purgare non pot-* 33 *erit. Anceps enim crimen est inter retinentem et exigentem: nisi quod melior est causa suum non tradentis, quam poscen-* 34 *tis alienum. Ceterum, rex, equos decem habui, e quibus Antiphānes octo iam distribuerat his, qui amiserant suos. Omnino duos ipse habebam: quos quum vellet abducere homo superbissimus, certe iniquissimus, nisi pedes militare vellem,* 35 *retinere cogebam. Nec infitias eo, liberi hominis animo locutum esse me cum ignavissimo et hoc unum militiae suae usurpante, ut alienos equos pugnaturis distribuat. Huc enim malorum ventum est, ut verba mea eodem tempore et Alexandro excusem et Antiphāni.*



*At hercule, mater de nobis inimicis tuis scripsit! Utinam 36  
prudentius esset sollicita pro filio et non inanes quoque species  
anxio animo figuraret! Quare enim non adscribit metus sui  
causam? denique non ostendit auctorem? Quo facto dictove  
nostro mota iam trepidas tibi litteras scripsit? O miseram 37  
conditionem meam, cui forsitan non periculosius est, tacere,  
quam dicere! Sed utcunque cessura res est, malo, tibi de-  
fensionem meam displicere, quam causam. Agnosces autem,  
quae dicturus sum: quippe meministi, quum me ad perdu-  
cendos ex Macedonia milites mitteres, dixisse te, multos in-  
tegros iuvenes in domo tuae matris abscondi. Praecepisti 38  
igitur mihi, ne quem praeter te intuerer, sed detrectantes mi-  
litiā perducerem ad te. Quod equidem feci, et liberius,  
quam expediebat mihi, executus sum tuum imperium. Gor-  
giam, Hecataeum et Gorgatam, quorum bona opera uteris,  
inde perduxi. Quid igitur iniquius est, quam me, qui, si tibi 39  
non paruissem, iure daturus fui poenas, nunc perire, quia  
parui? Neque enim ulla alia matri tuae persequendi nos  
causa est, quam quod utilitatem tuam muliebri praeposimus  
gratiae. Sex milia Macedonum peditum et DC equites ad- 40  
duxi, quorum pars secutura me non erat, si militiam detre-  
ctantibus indulgere voluissem. Sequitur ergo, ut, quia illa  
propter hanc causam irascitur nobis, tu mitiges matrem, qui  
irae eius nos obtulisti.*

## CAP. II.

(6) Dum haec Amyntas agit, forte supervenerunt, qui 1  
fratrem eius Polemōnem, de quo ante dictum est, fugien-  
tem consecuti vinctum reducebant. Infesta concio vix in-  
hiberi potuit, quin protinus suo more saxa in eum iaceret.  
Atque ille sane interritus, *Nihil, inquit, pro me deprecor, 2  
modo ne fratrum innocentiae fuga imputetur mea. Haec si  
defendi non potest, meum crimen sit. Horum ob id ipsum  
melior est causa, quod ego, qui profugi, suspectus sum.* At 3  
haec elocuto universa concio assensa est: lacrimae deinde  
omnibus manare coeperunt, adeo in contrarium repente  
mutatis, ut solum pro eo esset, quod maxime laeserat.  
Iuvenis erat primo aetatis flore pubescens, quem inter 4

equites tormentis Philōtae conturbatos alienus terror abs-  
tulerat: desertum eum a comitibus et haesitantem inter  
revertendi fugiendique consilium, qui secuti erant, occu-  
5 paverunt. Is tum flere coepit et os suum conerberare,  
maestus non suam vicem, sed propter ipsum periclitan-  
6 tium fratrum. Moveratque iam regem quoque, non concio-  
nem modo, sed unus erat implacabilis frater, qui terribili  
vultu intuens eum, *Tum, ait, demens, lacrimare debueras,  
quum equo calcaria subderes, fratrum desertor et deserto-  
rum comes. Miser, quo et unde fugiebas? Effecisti, ut reus  
7 capitis accusatoris uterer verbis.* Ille peccasse se, sed gravius  
in fratres quam in semetipsum fatebatur. Tum vero neque  
lacrimis neque acclamationibus, quibus studia sua multi-  
tudo profitetur, temperaverunt. Una vox erat pari emissa  
consensu, ut insontibus et fortibus viris parceret. Amici  
quoque, data misericordiae occasione, consurgunt flentes-  
8 que regem deprecantur. Ille, silentio facto, *Et ipse, inquit,  
Amyntam mea sententia fratresque eius absolvo. Vos autem,  
iuvenes, malo beneficii mei oblivisci, quam periculi vestri  
meminisse. Eadem fide redite in gratiam mecum, qua ipse  
9 vobiscum revertor. Nisi, quae delata essent, excussissem,  
valde dissimulatio mea suspecta esse potuisset. Sed satius  
est, purgatos esse, quam suspectos. Cogitate, neminem ab-  
10 solvi posse, nisi qui dixerit causam.* Tu, Amynta, ignosce  
fratri tuo. Erit hoc simpliciter etiam mihi reconciliati animi  
tui pignus.

11 (7) Concione deinde dimissa, Polydamanta vocari iu-  
bet. Longe acceptissimus Parmeniōni erat, proximus lateri  
12 in acie stare solitus. Et quamquam conscientia fretus in  
regiam venerat, tamen, ut iussus est fratres suos exhibere,  
admodum iuvenes et regi ignotos ob aetatem, fiducia in  
sollicitudinem versa, trepidare coepit, saepius, quae no-  
13 cere possent, quam quibus eluderentur, reputans. Iam ar-  
migeri, quibus imperatum erat, prodixerant eos, quum  
exsanguem metu Polydamanta propius accedere iubel:  
submotisque omnibus, *Scelere, inquit, Parmeniōnis omnes  
pariter appetiti sumus, maxime ego ac tu, quos amicitiae  
14 specie fefellit. Ad quem persequendum puniendumque —*

vide, quantum fidei tuae credam — te ministro uti statui. Obsides, dum hoc peragis, erunt fratres tui. Proficiscere in 15 Mediam et ad praefectos meos litteras scriptas manu mea perfer. Velocitate opus est, qua celeritatem famae antecedas. Noctu pervenire illuc te volo, postero die, quae scripta erunt, exequi. Ad Parmeniōnem quoque epistolas feres, unam a me, 16 alteram Philōtae nomine scriptam. Signum anuli eius in mea potestate est. Si pater credet a filio impressum, quum te viderit, nihil metuet.

(8) Polydāmas tanto liberatus metu impensius etiam, 17 quam exigebatur, promittit operam: collaudatusque et promissis oneratus, deposita veste, quam habebat, Arabica induit. Duo Arābes, quorum interim coniuges ac 18 liberi, vinculum fidei, obsides apud regem erant, dati comites. Per deserta etiam ob siccitatem loca camelis undecima die, quo destinaverat, perveniunt. Et priusquam 19 ipsius nuntiaretur adventus, rursus Polydāmas vestem Macedonicam sumit et in tabernaculum Cleandri (praetor hic regius erat) quarta vigilia pervenit. Redditis deinde litteris, constituerunt prima luce ad Parmeniōnem coire. Namque ceteri quoque, quibus litteras regis attulerat, ad eum venturi erant. Iam Parmeniōni Polydamanta venisse nuntiaverunt. Qui dum laetatur adventu amici, simulque 21 noscendi, quae rex ageret, avidus — quippe longo intervallo nullam ab eo epistolam acceperat — Polydamanta requiri iubet. Diversoria regionis illius magnos recessus 22 habent amoenosque nemoribus manu consitis: ea praecipue regum satraparumque voluptas erat. Spatiabatur in nemore Parmenion, medius inter duces, quibus erat imperatum litteris regis, ut occiderent. Agendae autem rei constituerant tempus, quum Parmenion a Polydamante litteras traditas legere coepisset. Polydāmas procul veniens, ut a 24 Parmeniōne conspectus est, vultu laetitiae speciem praeferente, ad complectendum eum cucurrit: mutuaque gratulatione functu, Polydāmas epistolam a rege scriptam ei tradidit, Parmenion vinculum epistolae solvens, quidnam 25 rex ageret, requirebat. Ille ex ipsis litteris cogniturum esse respondit. Quibus Parmenion lectis, Rex, inquit, expedi- 26

tionem parat in Arachosios. Strenuum hominem et nunquam cessantem! Sed tempus, saluti suae, tanta iam parva gloria, 27 parcere. Alteram deinde epistolam, Philōtae nomine scriptam, laetus, quod ex vultu notari poterat, legebat. Tum latus eius gladio haurit Cleander, deinde iugulum ferit: ceteri exanimum quoque confodiunt.

28 (9) Et armigeri, qui ad aditum nemoris astiterant, cognita caede, cuius causa ignorabatur, in castra perveniunt et tumultuoso nuntio milites concitant. Illi armati ad nemus, in quo perpetrata caedes erat, coeunt et, ni Polydāmas ceterique eiusdem noxae participes dedantur, murum circumdatum nemori eversuros denuntiant omnium- 30 que sanguine duci parentaturos. Cleander primores eorum intromitti iubet litterasque regis scriptas ad milites recitat, quibus insidiae Parmeniōnis in regem precesque, ut 31 ipsum vindicarent, continebantur. Igitur cognita regis voluntate non quidem indignatio, sed tamen seditio compressa est. Dilapsis pluribus, pauci remanserunt, qui, saltem ut corpus ipsius sepelire permitterent, precabantur. 32 Diu id negatum est, Cleandri metu, ne offenderet regem. Pertinacius deinde precantibus, materiem consternationis subtrahendam ratus, capite deciso, truncum humare per 33 misit. Ad regem caput missum est.

Hic exitus Parmeniōnis fuit, militiae domique clari viri. Multa sine rege prospere, rex sine illo nihil magnae rei gesserat. Felicissimo regi et omnia ad fortunae suae exigenti modum satisfecit. LXX natus annos iuvenis ducis et saepe etiam gregarii militis munia explevit: acer consilio, manu strenuus, carus principibus, vulgo militum 34 acceptior. Haec impulerint illum ad regni cupiditatem, an tantum suspectum fecerint, ambigi potest, quia Philōtas ultimis cruciatibus victus verane dixerit, quae facta probari non poterant, an falsis tormentorum petierit finem, re quoque recenti, quum magis posset liquere, dubitatum est.

35 (10) Alexander, quos libere mortem Parmeniōnis conquestos esse compererat, separandos a cetero exercitu ratus in unam cohortem secrevit ducemque his Leonidam



dedit, et ipsum Parmeniōni quondam intima familiaritate coniunctum. Fere iidem erant, quos alioquin rex habue-  
 rat invisos, et qui forte taedium laboris per litteras erant  
 36 questi. Nam quum experiri vellet militum animos, admonuit,  
 qui litteras in Macedoniam ad suos scripsisset, his, quos  
 ipse mittebat, perlaturis cum fide, traderet. Simpliciter ad  
 necessarios suos quisque scripserat, quae sentiebat: aliis  
 37 gravis erat, plerisque non ingrata militia. Ita et agentium  
 gratias et querentium litterae exceptae sunt. Hanc seor-  
 sus cohortem a ceteris tendere ignominiae causa iubet,  
 fortitudine usurus in bello, libertatem linguae ab auribus  
 credulis remoturus. Et consilium, temerarium forsitan, —  
 quippe fortissimi iuvenes contumelia irritati erant, — sicut  
 omnia alia, felicitas regis excepit. Nihil illis ad bella prom-  
 38 ptius fuit. Incitabat virtutem et ignominiae demendae cu-  
 pido et quia fortia facta in paucis latere non poterant.

## CAP. III.

(11) His ita compositis, Alexander, Aria-  
 norum satrape constituto, iter pronuntiari iubet  
 in Arimaspos, quos iam tunc mutato nomine Eu-  
 ergētas appellabant, ex quo frigore victusque  
 penuria Cyri exercitum affectum tectis et commealibus iu-  
 verant. Quintus dies erat, ut in eam regionem pervenerat. 2  
 Cognoscit, Satibarzānem, qui ad Bessum defecerat, cum  
 equitum manu irrupisse rursus in Arios. Itaque Carānum  
 et Erigyium cum Artabāzo et Andronico et sex milibus  
 Graecorum peditum \*\*: DC equites sequebantur. Ipse LX 3  
 diebus gentem Euergetarum ordinavit, magna pecunia ob-  
 egregiam in Cyrum fidem donata.

Relicto deinde, qui iis praeesset, Amedine  
 (scriba is Darēi fuerat), Arachosios, quorum re-  
 gio ad Ponticum mare pertinet, subegit. Ibi exer-  
 citus, qui sub Parmeniōne fuerat, occurrit. Sex  
 milia Macedōnum erant et CC nobiles et quinque milia  
 Graecorum cum equitibus DC, haud dubie robor omnium  
 virium regis. Arachosiis datus Menon praetor, IV milibus  
 peditum et DC equitibus in praesidium relictis.

(12) Ipse rex nationem ne finitimis quidem satis no-  
 tam, quippe nullo commercio colentem mutuos usus, cum  
 6 exercitu Parapamisadae appellantur, agreste ho-  
 minum genus et barbaros maxime inconditum. Lo-  
 7 corum asperitas hominum ingenia duraverat. Ge-  
 lidissimum septentrionis axem ex una parte spectant,  
 Bactriānis ad occidentem coniuncti sunt: huiusmodi regio  
 8 ad mare Indicum vergit. Tuguria latere puro  
 quia sterilis est terra materia, in nudo etiam montis dorso  
 usque ad summum aedificiorum fastigium eodem laterculo  
 9 utuntur. Ceterum structura latior ab imo paulatim incre-  
 mento operis in artius cogitur, ad ultimum in carinae  
 maxime modum coit. Ibi foramine relicto, superne lumen  
 10 accipiunt. Ad medium vites et arbores, si quae in tanto  
 terrae rigore durare potuerunt, obtegunt: penitus hieme  
 defossae latent: quum nix discussa aperire humum coepit,  
 11 coelo solique redduntur. Ceterum adeo altae nives pre-  
 munt terram, gelu et perpetuo paene rigore constrictae, ut  
 ne avium quidem feraeve ullius vestigium extet. Obscura  
 coeli verius umbra quam lux, nocti similis, premit terram,  
 vix ut, quae prope sunt, conspici possint.

12 (13) In hac tamen omnis humani cultus solitudine  
 destitutus exercitus, quicquid malorum tolerari potest,  
 pertulit, inopiam, frigus, lassitudinem, desperationem.  
 13 Multos exanimavit rigor insolitus nivis: multorum adussit  
 pedes: plurimorum oculis praecipue perniciosus fuit.  
 Fatigati quippe in ipso gelu deficientia corpora sterne-  
 bant: quae quum moveri desissent, vis frigoris ita adstrin-  
 14 gebat, ut rursus ad surgendum conniti non possent. A  
 commilitonibus torpentes excitabantur: neque aliud reme-  
 dium erat, quam ut ingredi cogerentur. Tum demum, vitali  
 15 calore moto, membris aliquis redibat vigor. Si qui tuguria  
 barbarorum adire potuerunt, celeriter refecti sunt. Sed  
 tanta caligo erat, ut aedificia nulla alia res quam fumus  
 16 ostenderet. Illi, nunquam ante in terris suis advena viso,  
 quum armatos repente conspicerent, exanimati metu, quic-  
 quid in tuguriis erat, afferebant, ut corporibus ipsorum  
 17 parceretur, orantes. Rex agmen circumibat pedes, iacen-

tes quosdam erigens et alios, quum aegre sequerentur, adminiculo corporis sui excipiens. Nunc ad prima signa, nunc in medio, nunc in ultimo agmine, itineris multiplicato labore, aderat. Tandem ad loca cultiora perventum est, 18 commeatuque largo recreatus exercitus: simul et, qui consequi non potuerant, in illa castra venerunt.

(14) Inde agmen processit ad Caucāsum montem, 19 cuius dorsum Asiam perpetuo iugo dividit: hinc simul mare, quod Ciliciam subit, illinc Caspium fretum et amnem Araxen aliaque regionis Scythiae deserta spectat. Taurus, 20 secundae magnitudinis mons, committitur Caucāso, a Cappadocia se attollens Ciliciam praeterit Armeniaeque montibus iungitur. Sic inter se tot iuga velut serie cohaerentia 21 perpetuum habent dorsum, ex quo Asiae omnia fere flumina, alia in rubrum, alia in Caspium mare, alia in Hyrcanium et Ponticum decidunt. XVII dierum spatio A. 329 22 Caucāsum superavit exercitus. Rupes in eo X in a. Chr. n. vere incipiente. Ol. 112, 3. circuitu stadia complectitur, quattuor in altitudinem excedit: in qua vinctum Promethēa fuisse antiquitas tradit. Condendae in radicibus montis urbi sedes 23 electa est. VII milibus seniorum Macedōnum et praeterea militibus, quorum opera uti desisset, permissum in novam urbem considerare. Hanc quoque Alexandriam incolae appellaverunt.

## CAP. IV.

(15) At Bessus Alexandri celeritate perterritus, diis patriis sacrificio rite facto, sicut illis gentibus mos est, cum amicis ducibusque copiarum inter epulas de bello consultabat. Graves mero suas vires extollere, hostium nunc 2 temeritatem, nunc paucitatem spernere incipiunt. Praecipue Bessus ferox verbis et parto per scelus regno superbus ac vix potens mentis dicere orditur, socordia Darēi crevisse hostium famam. Occurrisse enim in Ciliciae angustissimis faucibus, quum retrocedendo posset perdere incautos in loca naturae situ invia, tot fluminibus obiectis, tot montium latebris, inter quas deprehensus hostis ne fugae quidem, nedum resistendi occasionem fuerit

5 habiturus. Sibi placere in Sogdianos recedere, Oxum amnem velut murum obiecturum hosti, dum ex finitimis 6 gentibus valida auxilia concurrerent. Venturos autem Chorasmos et Dahas Sacasque et Indos et ultra Tanāim amnem colentes Scythas, quorum neminem adeo humilem esse, ut humeri eius non possent Macedōnis militis verticem 7 aequare. Conclamant temulenti, unam hanc sententiam salubrem esse: et Bessus circumferri merum largius iubet, debellaturus super mensam Alexandrum.

8 (16) Erat in eo convivio Cobāres, natione Medus, sed magicæ artis (si modo ars est, non vanissimi cuiusque ludibrium) magis professione quam scientia celebrer, alio- 9 qui moderatus et probus. Is quum praefatus esset, scire, servo utilius esse, parere dicto, quam afferre consilium, quum illos, qui pareant, idem quod ceteros maneat, qui vero suadeant, proprium sibi periculum \*\*. [Bessus] \*\* 10 poculum ei etiam, quod habebat in manu, tradidit. Quo accepto Cobāres, *Natura, inquit, mortalium hoc quoque nomine prava et sinistra dici potest, quod in suo quisque negotio* 11 *hebetior est, quam in alieno. Turbida sunt consilia eorum, qui sibi suadent. Obstat metus, alias cupiditas, nonnunquam naturalis eorum, quae excogitaveris, amor: nam in te superbia non cadit. Expertus es utcumque, quod ipse reppereris,* 12 *aut solum aut optimum ducere. Magnum onus sustines capite, regium insigne. Hoc aut moderate perferendum est, aut, quod abominor, in te ruet. Consilio, non impetu opus est.* 13 Adicit deinde, quod apud Bactriānos vulgo usurpabant, canem timidum vehementius latrare, quam mordere, altissima quaeque flumina minimo sono labi. Quae inserui, ut, qualiscunque inter barbaros potuit esse prudentia, trade- 14 retur. His audientium expectationem suspenderat. Tum consilium aperit, utilius Besso, quam gratius. *In vestibulo, inquit, regiae tuae velocissimus consistit rex. Ante ille ag-* 15 *men, quam tu mensam istam movebis. Nunc ab Tanāi exercitum accerses et armis flumina oppones. Scilicet, qua tu fugiturus es, hostis sequi non potest! Iter utrique commune est, victori tutius. Licet strenuum metum putes esse, velocior* 16 *tamen est spes. Quin validioris occupas gratiam dedisque te,*



*utcumque cesserit, meliorem fortunam deditus quam hostis habiturus? Alienum habes regnum, quo facilius eo careas.* 17 *Incipies forsitan iustus esse rex, quum ipse fecerit, qui tibi et dare potest regnum et eripere. Consilium habes fidele, quod* 18 *diutius exequi supervacuum est. Nobilis equus umbra quoque virgae regitur: ignavus ne calcari quidem concitari potest.* Bessus et ingenio et multo mero ferox adeo exarsit, ut vix 19 ab amicis, quo minus occideret eum, — nam strinxerat quoque acinacem, — contineretur. Certe e convivio prosiluit, haudquaquam potens mentis. Cobāres inter tumultum elapsus ad Alexandrum transfugit.

(17) VIII milia Bactrianorum habebat armata Bessus, 20 quae, quamdiu propter coeli intemperiem Indiam potius Macedōnas petiuros crediderant, obediēter imperata fecerunt: postquam adventare Alexandrum compertum est, in suos quisque vicos dilapsi Bessum reliquerunt. Ille 21 cum clientium manu, qui non mutaverant fidem, Oxo amne superato exustisque navigiis, quibus transierat, ne iisdem hostis uteretur, novas copias in Sogdiānis contrahebat.

Alexander Caucāsū quidem, ut supra dictum est, 22 transierat, sed inopia frumenti prope ad famem ventum erat. Suco ex sesamo expresso haud secus quam oleo 23 artus perungebant. Sed huius suci ducenis quadragenis denariis amphorae singulae, mellis denariis trecenis nonagenis, trecenis vini aestimabantur: tritici nihil aut admodum exiguum reperiebatur. Siros vocabant barbari, quos 24 ita sollerter abscondunt, ut, nisi qui defoderunt, invenire non possint: in his conditae fruges erant. In quarum penuria milites fluviatili pisce et herbis sustinebantur. Iam- 25 que haec ipsa alimenta defecerant, quum iumenta, quibus onera portabant, caedere iussi sunt: horum carne, dum in Bactriānos perventum, traxere vitam.

(18) Bactriānae terrae multiplex et varia natura est. 26 Alibi multa arbor et vitis largos mitesque fructus alit: solum pingue crebri fontes rigant: quae mitiora sunt, frumento conseruntur, cetera armentorum pabulo cedunt. Magnam deinde partem eiusdem terrae steriles arenae 27

tenent: squalida siccitate regio non hominem, non frugem alit: quum vero venti a Pontico mari spirant, quicquid sabuli in campis iacet, converrunt. Quod ubi cumulatum est, magnorum collium procul species est, omniaque pristini 28 itineris vestigia intereunt. Itaque, qui transeunt campos, navigantium modo noctu sidera observant, ad quorum cursum iter dirigunt, et propemodum clarior est noctis 29 umbra, quam lux. Ergo interdiu in via est regio, quia nec vestigium, quod sequantur, inveniunt et nitor siderum caligine absconditur. Ceterum si quos ille ventus, qui a mari 30 exoritur, apprehendit, arena obruit. Sed qua mitior terra est, ingens hominum equorumque multitudo gignitur. Itaque Bactriāni equites XXX milia expleverant. Ipsa Bactra, regionis eius caput, sita sunt sub monte Parapamiso. Bactrus amnis praeterit moenia. Is urbi et regioni dedit nomen.

(19) Hic regi stativa habenti nuntiatur ex Graecia Peloponnesiorum Laconumque defectio. Nondum enim victi erant, quum proficiscerentur tumultus eius principia nuntiaturo. Et alius praesens terror affertur, Scythas, qui ultra Tanāim amnem colunt, adventare, Besso ferentes opem. Eodem tempore, quae in gente Ariorum Carānus et Erigyus gesserant, perferuntur. Commissum erat proelium inter Macedōnes Ariosque. Transfuga Satibarzānes barbaris praecerat: qui quum pugnam segnem utrimque aequis viribus stare vidisset, in primos ordines adequitavit demptaque galea, inhibitus, qui tela iaciebant, si quis viritum dimicare vellet, provocavit ad pugnam: nudum se caput in 34 certamine habiturum. Non tulit ferociam barbari dux hostilis exercitus [Erigyus], gravis quidem aetate, sed et animi et corporis robore nulli iuvenum postferendus. Is, galea dempta, canitiem ostentans, *Venit, inquit, dies, quo aut victoria aut morte honestissima, quales amicos et milites* 35 *Alexander habeat, ostendam.* Nec plura elocutus equum in hostem egit. Crederes imperatum, ut acies utraeque tela cohiberent. Protinus certe recesserunt, dato libero spatio, intenti in eventum non duorum modo, sed etiam suae sortis, quippe alienum discrimen secuturi. Prior barbarus

emisit hastam, quam Erigyus modica capitis declinatione vitavit, atque ipse infestam sarissam, equo calcaribus concito, in medio barbari gutture ita fixit, ut per cervicem emeretur. Praecipitatus ex equo barbarus adhuc tamen 37 repugnabat. Sed ille extractam e vulnere hastam rursus in os dirigit. Satibarzanes manu complexus, quo maturius interiret, ictum hostis adiuvit. Et barbari, duce amisso, 38 quem magis necessitate quam sponte secuti erant, tunc haud immemores meritorum Alexandri arma Erigyio tradunt. Rex his quidem laetus, de Spartanis haudquaquam 39 securus, magno tamen animo defectum eorum tulit, dicens, non ante ausos consilia nudare, quam ipsum ad fines Indiae pervenisse cognosset. Ipse Bessum persequens copias movit: cui Erigyus spolia barbari caesi, opimum belli decus, praefrens occurrit.

## CAP. V.

(20) Igitur Bactrianorum regione Artabazo tradita, 1 sarcinas et impedimenta ibi cum praesidio relinquit. Ipse cum expedito agmine loca deserta Sogdianorum intrat, nocturno itinere exercitum ducens. Aquarum, ut ante dictum est, penuria prius desperatione quam desiderio bibendi sitim accendit. Per CCC stadia ne modicus quidem humor existit. Arenas vapor aestivi solis accendit: quae 3 ubi flagrare coeperunt, haud secus quam continenti incendio cuncta torrentur. Caligo deinde immodico terrae fervore excitata lucem tegit, camporumque non alia quam vasti et profundi aequoris species est. Nocturnum iter 5 lerabile videbatur, quia rore et matutino frigore corpora levabantur. Ceterum cum ipsa luce aestus oritur, omnemque naturalem absorbet humorem siccitas: ora visceraque penitus uruntur. Itaque primum animi, deinde corpora 6 deficere coeperunt. Pigebat et consistere et progredi. Pauci a peritis regionis admoniti praepararant aquam. 7 Haec paulisper repressit sitim: deinde crescente aestu rursus desiderium humoris accensum est. Ergo, quicquid vini oleique erat, oribus ingerebatur, tantaque dulcedo

8 bibendi fuit, ut in posterum sitis non timeretur. Graves deinde avidae hausto humore non sustinere arma, non ingredi poterant, et feliciores videbantur, quos aqua defecerat, quum ipsi sine modo infusam vomitu cogere 9 rentur egerere. Anxium regem tantis malis circumfusi amici, ut meminisset sui, orabant: animi sui magnitudinem unicum remedium deficientis exercitus esse: quum 10 ex his, qui praecesserant ad capiendum locum castris, duo occurrunt, utribus aquam gestantes, ut filiis suis, quos in eodem agmine esse et aegre pati sitim non ignorabant, 11 occurrerent. Qui quum in regem incidissent, alter ex eis, utre resoluta, vas, quod simul ferebat, implet, porrigens regi. Ille accipit: percontatus, quibus aquam portarent, filiis ferre cognoscit. Tunc poculo pleno, sicut oblatum est, reddito, *Nec solus, inquit, bibere sustineo nec tam exiguum dividere omnibus possum. Vos currite et liberis vestris, quod propter illos attulistis, date.*

13 (21) Tandem ad flumen Oxum ipse pervenit prima fere vespera. Sed exercitus magna pars non potuerat consequi: in edito monte ignes iubet fieri, ut ii, qui aegre sequebantur, haud procul castris ipsos abesse cognoscerent. 14 Eos autem, qui primi agminis erant, mature cibo ac potione firmatos, implere alios utres, alios vasa, quibuscunque 15 aqua portari posset, iussit ac suis opem ferre. Sed qui intemperantius hauserunt, intercluso spiritu, extincti sunt, multoque maior horum numerus fuit, quam ullo amiserat 16 proelio. At ille thoracem adhuc indutus nec aut cibo reffectus aut potu, qua veniebat exercitus, constitit nec ante ad curandum corpus recessit, quam praeterierant, qui agmen cludebant: totamque eam noctem cum magno animi 17 motu perpetuis vigiliis egit. Nec postero die laetior erat, quia nec navigia habebat nec pons erigi poterat, circum amnem nudo solo et materia maxime sterili. Consilium 18 igitur, quod unum necessitas subiecerat, inivit. Utres quam plurimos, stramentis refertos, dividit. His incubantes transnavere amnem, quique primi transierant, in statione erant, dum traicerent ceteri. Hoc modo sexto demum die in ulteriore ripa totum exercitum exposuit.



(22) Iamque ad persequendum Bessum statuerat pro-  
gredi, quum ea, quae in Sogdiānis erant, cognoscit. Spi-  
tamēnes erat inter omnes amicos praecipuo honore cultus  
a Besso. Sed nullis meritis perfidia mitigari potest: quae  
tamen minus in eo invisa esse poterat, quia nihil ulli ne-  
fastum in Bessum, interfectorem regis sui, videbatur. Ti-  
tulus facinori speciosus praeferebatur, vindicta Darēi: sed  
fortunam, non scelus oderat Bessi. Namque ut Alexan-  
drum flumen Oxum superasse cognovit, Dataphernem et  
Catēnem, quibus a Besso maxima fides habebatur, in so-  
cietatem cogitatae rei asciscit. Illi promptius adsunt, quam  
rogabantur, assumptisque octo fortissimis iuvenibus talem  
dolum intendunt. Spitamēnes pergit ad Bessum et, remo-  
tis arbitris, comperisse ait se, insidiari ei Dataphernem et  
Catēnem, ut vivum Alexandro traderent, agitantes: a se-  
met occupatos esse et vinetos teneri. Bessus tanto merito,  
ut credebat, obligatus partim gratias agit, partim avidus  
explendi supplicii adduci eos iubet. Illi, manibus sua  
sponte religatis, a participibus consilii trahebantur: quos  
Bessus truci vultu intuens consurgit, manibus non tempe-  
raturus. Atque illi, simulatione omissa, circumstant eum  
et frustra repugnantem vinciunt, direpto ex capite regni  
insigni lacerataque veste, quam e spoliis occisi regis in-  
duerat. Ille deos, sui sceleris ultores, adesse confessus  
adiiecit, non Darēo iniquos fuisse, quem sic ulciscerentur,  
sed Alexandro propitios esse, cuius victoriam semper  
etiam hostes adiuvissent. Multitudo an vindictura Bes-  
sum fuerit, incertum est, nisi illi, qui vinxerant, iussu  
Alexandri fecisse ipsos ementiti dubios adhuc animi  
terruissent. In equum impositum Alexandro tradituri  
ducunt.

(23) Inter haec rex, quibus matura erat missio, electis  
DCCCC fere, bina talenta equiti dedit, pediti terna dena-  
riū milia, monitosque, ut liberos generarent, remisit  
domum. Ceteris gratiae actae, quod ad reliqua belli na-  
vatueros operam pollicebantur. Dum Bessus perducitur,  
perventum erat in parvulum oppidum: Branchīdae eius  
incolae erant. Milāto quondam iussu Xerxis, quum e

Graecia rediret, transierant et in ea sede constiterant,  
quia templum, quod Didymēon appellatur, in gratiam  
Xerxis violaverant. Mores patrii nondum exoleverant,  
sed iam bilingues erant, paulatim a domestico externo  
sermone degeneres. Magno igitur gaudio regem exci-  
piunt, urbem seque dedentes. Ille Milesios, qui apud  
ipsum militarent, convocari iubet. Vetus odium Milesii  
gerebant in Branchidarum gentem proditoris ergo. His,  
sive iniuriae, sive originis meminisse mallent, liberum  
de Branchīdis permittit arbitrium. Variantibus deinde sen-  
tentiis, se ipsum consideraturum, quid optimum factu  
esset, ostendit. Postero die occurrentibus Branchīdis, se-  
cum procedere iubet. Quumque ad urbem ventum esset,  
ipse cum expedita manu portam intrat: phalanx moenia  
oppidi circumire iussa et, dato signo, diripere urbem, pro-  
ditorum receptaculum, ipsosque ad unum caedere. Illi  
inermes passim trucidantur, nec aut commercio linguae  
aut supplicum velamentis precibusque inhiberi crudelitas  
potest. Tandem, ut deiicerent fundamenta murorum, ab-  
imo moliantur, ne quod urbis vestigium extaret. Nemora  
quoque [et] lucos sacros non caedunt modo, sed etiam  
extirpant, ut vasta solitudo et sterilis humus, excussis  
etiam radicibus, linqueretur. Quae si in ipsos proditoris  
auctores excogitata essent, iusta ultio esse, non crudelitas  
videretur: nunc culpam maiorum posteris luere, qui ne  
viderant quidem Milētum, ideo et Xerxi non potuerant  
prodere.

(24) Inde processit ad Tanāim amnem. Quo perdu-  
ctus est Bessus, non vinctus modo, sed etiam omni vela-  
mento corporis spoliatus. Spitamēnes eum tenebat collo  
inserta catena, tam barbaris, quam Macedonibus gratum  
spectaculum. Tum Spitamēnes, *Et te, inquit, et Darēum,  
reges meos, ultus interfectorem domini sui adduxi, eo modo  
captum, cuius ipse fecit exemplum. Aperiat ad hoc specta-  
culum oculos Darēus! Existat ab inferis, qui illo supplicio  
indignus fuit et hoc solatio dignus est!* Alexander, multum  
collaudato Spitamēne, conversus ad Bessum, *Cuius, inquit,  
ferae rabies occupavit animum tuum, quum regem de te*

*optime meritum prius vincere, deinde occidere sustinuisti? Sed huius parricidii mercedem falso regis nomine persolvisti.* Ibi ille facinus purgare non ausus regis titulum se usurpare dixit, ut gentem suam tradere ipsi possit: qui si cessasset, alium fuisse regnum occupaturum. Et Alexander Oxāthren, fratrem Darēi, quem inter corporis custodes habebat, propius iussit accedere tradique Bessum ei, ut cruci affixum, mutilatis auribus naribusque, sagittis confingerent barbari asservarentque corpus, ut ne aves quidem contingerent. Oxāthres cetera sibi curae fore pollicetur: aves non ab alio quam a Catēne posse prohiberi adiicit, eximiam eius artem cupiens ostendere: namque adeo certo ictu destinata feriebat, ut aves quoque exciperet. Nunc si forsitan, sagittandi tam celebri usu, minus admirabilis videri ars haec possit, tunc ingens visentibus miraculum magnoque honori Catēni fuit. Dona deinde omnibus, qui Bessum adduxerant, data sunt. Ceterum supplicium eius distulit, ut eo loco, in quo Darēum ipse occiderat, necaretur.

## CAP. VI.

(25) Interea Macedōnes ad petendum pabulum in composito agmine egressi a barbaris, qui de proximis montibus decurrerunt, opprimuntur, pluresque capti sunt, quam occisi: barbari autem captivos prae se agentes rursus in montem recesserunt. XX milia latronum erant. Fundis sagittisque pugnam invadunt. Quos dum obsidet rex, inter promptissimos dimicans sagitta ictus est, quae in medio crure fixa reliquerat spiculum. Illum quidem maesti et attoniti Macedōnes in castra referebant: sed nec barbaros fefellit subductus ex acie: quippe ex edito monte cuncta prospexerant. Itaque postero die misere legatos ad regem, quos ille protinus iussit admitti solutisque fasciis, magnitudinem vulneris dissimulans, crus barbaris ostendit. Illi iussi considerare affirmant, non Macedōnes quam ipsos tristiores fuisse, cognito vulnere ipsius: cuius si auctorem repperissent, dedituros fuisse: cum diis enim pugnare sacrilegos tantum. Ceterum se gentem in fidem dedere,

superatos virtute illius. Rex, fide data et captivis receptis, gentem in deditionem accepit. Castris inde motis, lectica militari ferebatur, quam pro se quisque eques pedesque subire certabant. Equites, cum quibus rex proelia inire solitus erat, sui muneris id esse censebant: pedites contra, quum saucios commilitones ipsi gestare assuevissent, eripi sibi proprium officium tum potissimum, quum rex gestandus esset, querebantur. Rex in tanto utriusque partis certamine et sibi difficilem et praeteritis gravem electionem futuram ratus invicem subire eos iussit.

(26) Hinc quarto die ad urbem Maracanda perventum est. LXX stadia murus urbis amplectitur: arx alio cingitur muro. Ac praesidio urbis relicto proximos vicos depopulatur atque urit.

Legati deinde Abiorum Scytharum superveniunt, liberi, ex quo decesserat Cyrus, tum imperata facturi. Iustissimos barbarorum constabat: armis abstinebant, nisi lacessiti: libertatis modico et aequali usu principibus humiliores pares fecerant. Hos benigne allocutus ad eos Scythas, qui Europam incolunt, Berdam quendam misit ex amicis, qui denuntiaret his, ne Tanāim, amnem regionis, iniussu regis transirent. Eidem mandatum, ut contemplaretur locorum situm et illos quoque Scythas, qui super Bospōrum colunt, viseret. Condendae urbi sedem super ripam Tanāis elegerat, claustrum et iam perdomitorum et quae deinde adire decreverat. Sed consilium distulit Sogdianorum nuntiata defectio, quae Bactriānos quoque traxit. VII milia equitum erant, quorum auctoritatem ceteri sequebantur. Alexander Spitamēnem et Catēnem, a quibus ei traditus erat Bessus, haud dubius, quin eorum opera redigi possent in potestatem, qui novaverant res, iussit accersi. At illi, defectionis, ad quam coercendam evocabantur, auctores, vulgaverant fama, Bactriānos equites a rege omnes, ut occiderentur, accersi idque imperatum ipsis: non sustinuisse tamen exequi, ne inexpiabile in populares facinus admitterent: non magis Alexandri saevitiam quam Bessi parricidium ferre potuisse. Itaque



sua sponte iam motos metu poenae haud difficulter concitaverunt ad arma.

(27) Alexander, transfugarum defectione comperta, 16 Cratērum obsidere Cyropōlim iubet, ipse aliam urbem regionis eiusdem corona capit: signoque, ut puberes interficerentur, dato reliqui in praedam cessere victoris: urbs diruta est, ut ceteri cladis eius exemplo continerentur. Memacēni, valida gens, obsidionem non ut honestiorem 17 modo, sed etiam ut tiliorem ferre decreverant. Ad quorum pertinaciam mitigandam rex L equites praemisit, qui clementiam ipsius in deditos simulque inexorabilem animum in devictos ostenderent. Illi nec de fide nec de po- 18 tentia regis ipsos dubitare respondent equitesque tendere extra munimenta urbis iubent: hospitaliter deinde exceptos gravesque epulis et somno intempesta nocte adorti interfecerunt. Alexander haud secus, quam par erat, mo- 19 tus urbem corona circumdedit, munitiorem, quam ut primo impetu capi posset. Itaque Meleāgrum et Perdiecam in obsidionem iungit, [ipse ad Craterum proficiscitur.] Cyropōlim, ut ante dictum est, obsidentem. Statuerat autem par- 20 cere urbi conditae a Cyro: quippe non alium gentium illarum magis admiratus est, quam hunc regem et Semirāmim, quos et magnitudine animi et claritate rerum longe emicuisse credebat. Ceterum pertinacia oppidanorum iram 21 eius accendit. Itaque captam urbem diripi iussit [et] deleri. [Tum] Memacēnis haud iniuria infestus ad Meleāgrum et Perdiecam redit. Sed non alia urbs fortius obsidionem 22 tulit: quippe et militum promptissimi cecidere et ipse rex ad ultimum periculum venit. Namque cervix eius saxo ita icta est, ut, oculis caligine offusa, collaberetur, ne mentis quidem compos: exercitus certe, velut erepto eo, ingemuit. Sed invictus adversus ea, quae ceteros terrent, nondum 23 percurato vulnere, acrius obsidioni institit, naturalem celeritatem ira concitante. Cuniculo ergo suffossa moenia ingens nudavere spatium, per quod irrupit: victorque urbem dirui iussit.

(28) Hinc Menedēmum cum III milibus peditum et 24 DCCC equitibus ad urbem Maracanda misit. Spitamēnes

transfuga, praesidio Macedōnum inde deiecto, muris urbis eius incluserat se, haud oppidanis consilium defectionis approbantibus. Sequi tamen videbantur, quia prohibere 25 non poterant. Interim Alexander ad Tanāim amnem redit et, quantum soli occupaverant castris, muro circumdedit. LX stadiorum urbis murus fuit: hanc quoque urbem 26 Alexandriam appellari iussit. Opus tanta celeritate perfectum est, ut decimo septimo die, quam munimenta excitata erant, tecta quoque urbis absolventur. Ingens militum certamen inter ipsos fuerat, ut suum quisque munus 27 — nam divisum erat — primus ostenderet. Incolae novae urbi dati captivi, quos, reddito pretio dominis, liberavit: quorum posterius nunc quoque non apud eos tam longa aetate propter memoriam Alexandri exoleverunt.

## CAP. VII.

1 (29) At rex Scytharum, cuius tum ultra Tanāim imperium erat, ratus, eam urbem, quam in ripa amnis Macedōnes condiderant, suis impositam esse cervicibus, fratrem, Carthāsīm nomine, cum magna equitum manu misit ad diruendam eam proculque amne submovendas Mace- 2 dōnum copias. Bactriānos Tanāis ab Scythis, quos Europaeos vocant, dividit. Idem Asiam et Europam finis inter- 3 fluit. Ceterum Scytharum gens haud procul Thracia sita ab oriente ad septentrionem se vertit Sarmatarumque, ut 4 quidam credidere, non finitima, sed pars est. Recta deinde regione [ad] Alaunum ultra Istrum iacentem colit: ultima Asiae, quae Bactra sunt, stringit. Habitant, quae septentrioni propiora sunt: profundae inde silvae vastaeque so- 5 litudines excipiunt: rursus, quae et Tanāim et Bactra spectant, humano cultu haud disparia sunt. Primus cum hac gente non provisum bellum Alexander gesturus, quum in conspectu eius obequitaret hostis, adhuc aeger ex vulnere, praecipue voce deficiens, quam et modicus cibus et cervicis extenuabat dolor, amicos in consilium advocari iu- 6 bet. Terrebat eum non hostis, sed iniquitas temporis. Bactriāni defecerant: Scythae etiam lacescebant: ipse non insistere in terra, non equo vehi, non docere, non hortari

suos poterat. Ancipiti periculo implicitus, deos quoque 7  
incusans, querebatur, se iacere segnem, cuius velocitatem  
nemo antea valisset effugere: vix suos credere, non si-  
mulari valetudinem.

(30) Ita, qui post Darēum victum ariolos et vates con- 8  
sulere desierat, rursus ad superstitionem, humanarum  
mentium ludibria, revolutus Aristandrum, cui credulitatem  
suam addixerat, explorare eventum rerum sacrificiis iu-  
bet. Mos erat aruspibus, exta sine rege spectare et,  
quae portenderentur, referre. Inter haec rex, dum fibris 9  
pecudum explorantur eventus latentium rerum, propius  
ipsum considerare amicos iubet, ne contentione vocis eica-  
tricem infirmam adhuc rumperet. Hephaestio, Cratērus et  
Erigyus erant cum custodibus in tabernaculum admissi.  
*Discrimen, inquit, me occupavit meliore hostium quam* 10  
*meo tempore. Sed necessitas ante rationem est, maxime in*  
*bello, quo raro permittitur tempora legere. Defecere Bac-* 11  
*triāni, in quorum cervicibus stamus, et, quantum in nobis*  
*animi sit, alieno Marte experiuntur. Haud dubia fortuna, si*  
*omiserimus Scythas ultro arma inferentes: contempti ad*  
*illos, qui defecerunt, revertemur: si vero Tandēm transieri-* 12  
*mus et ubique invictos esse nos Scytharum pernicie ac san-*  
*guine ostenderit, quis dubitabit parere etiam Europae*  
*victoribus? Fallitur, qui terminos gloriae nostrae metitur* 13  
*spatio, quod transituri sumus. Unus annis interfluit, quem*  
*si traicimus, in Europam arma proferimus. Et quanti* 14  
*aestimandum est, dum Asiam subigimus, in alio quodam-*  
*modo orbe tropaea statuere et, quae tam longo intervallo*  
*natura videtur diremisse, una victoria subito committere?*  
*At hercule, si paululum cessaverimus, in tergis nostris* 15  
*Scythae haerebunt. An soli sumus, qui flumina transnare*  
*possumus? Multa in nosmetipsos recident, quibus adhuc vici-*  
*mus. Fortuna belli artem victos quoque docet. Utribus annem* 16  
*traiciendi exemplum fecimus nuper: hoc, ut Scythae imitari*  
*nesciant, Bactriani docebunt. Praeterea unus gentis huius* 17  
*exercitus adhuc venit, ceteri expectantur. Ita bellum vitando*  
*alemus et, quod inferre possumus, accipere cogemur. Ma-* 18  
*nifesta est consilii mei ratio. Sed an permissuri sint mihi*

*Arcedōnes animo uti meo, dubito, quia, ex quo hoc vulnus*  
*19 accepi, non equo vectus sum, non pedibus ingressus. Sed si*  
*me sequi vultis, valeo, amici. Satis virium est ad toleranda*  
*ista: aut, si iam adest vitae meae finis, in quo tandem opere*  
*melius extinguar?*

20 (31) Haec quassa adhuc voce, subdeficiens, vix proxi-  
mis exaudientibus, dixerat, quum omnes a tam praecipiti  
21 consilio regem deterrere coeperunt, Erigyus maxime, qui  
haud sane auctoritate proficiens apud obstinatum animum  
superstitionem, cuius potens non erat rex, incutere tenta-  
vit dicendo, deos quoque obstare consilio magnumque  
22 periculum, si flumen transisset, ostendi. Intransi Erigyio  
tabernaculum regis Aristander occurrerat, tristia exta  
fuisse significans: haec ex vate comperta Erigyus nun-  
23 tiabat. Quo inhibito Alexander non ira solum, sed etiam  
pudore confusus, quod superstitio, quam celaverat, dete-  
24 gebatur, Aristandrum vocari iubet. Qui ut venit, intuens  
eum, *Non rex, inquit, sed privatus sum. Sacrificium ut fa-*  
*ceres, mandavi: quid eo portenderetur, cur apud alium quam*  
*apud me professus es? Erigyus arcana mea et secreta, te*  
*prodente, cognovit. Quem certum mehercule habeo extorum*  
25 *interprete uti metu suo. Tibi autem, qui scitius, quam potest*  
*[ille, interpretaberis], denuntio, ipsi mihi indices, quid extis*  
26 *cognoveris, ne possis infitari, dixisse, quae dixeris. Ille ex-*  
*sanguis attonitoque similis stabat, per metum etiam voce*  
*suppressa: tandemque, eodem metu stimulante, ne regis*  
*expectationem moraretur, Magni, inquit, laboris, non ir-*  
*rili discrimen instare praedixi: nec me ars mea, quam beni-*  
27 *volentia perturbat. Infirmiorem valetudinis tuae video et,*  
*quantum in uno te sit, scio. Vereor, ne praesenti fortunae*  
28 *tuae sufficere non possis. Rex iussum confidere felicitati*  
*suae remisit ad sacra: sibi ad gloriam concedere deos.*  
29 *Consultanti inde cum iisdem, quonam modo flumen trans-*  
*irent, supervenit Aristander, non alias laetiora exta vi-*  
*disse se affirmans, utique prioribus longe diversa: tum*  
*sollicitudinis causas apparuisse, nunc prorsus egregie lita-*  
*tum esse.*

30 (32) Ceterum, quae subinde nuntiata sunt regi, con-



tinuae felicitati rerum eius imposuerant labem. Menedē-31  
 mum, ut supra dictum est, miserat ad obsidendum Spita-  
 mēnem, Bactriānae defectionis auctorem. Qui, comperto  
 hostis adventu, ne muris urbis includeretur, simul fretus,  
 excipi posse, qua venturum sciebat, consedit occultus.  
 Silvestre iter aptum insidiis tegendis erat: ibi Dahas con-32  
 didit. Equi binos armatos vehunt, quorum invicem singuli  
 repente desiliunt: equestris pugnae ordinem turbant. Equo-33  
 rum velocitati par hominum pernicitas. Hos Spitamēnes  
 saltum circumire iussos pariter et a lateribus et a fronte et  
 a tergo hosti ostendit. Menedēmus undique inclusus, ne34  
 numero quidem par, diu tamen resistit, clamitans, nihil  
 aliud superesse locorum fraude deceptis, quam honestae  
 mortis solatium ex hostium caede. Ipsum praevalens35  
 equus vehebat, quo saepius in cuneos barbarorum effusis  
 habenis evectus magna strage eos fuderat. Sed quum36  
 unum omnes peterent, multis vulneribus exsanguis Hypsi-  
 dem quendam ex amicis hortatus est, ut in equum suum  
 ascenderet et se fuga eriperet. Haec agentem anima de-  
 fecit, corpusque ex equo defluxit in terram. Hypsides37  
 poterat quidem effugere, sed, amisso amico, mori statuit.  
 Una erat cura, ne inultus occideret. Itaque, subditis cal-  
 caribus equo, in medios hostes se immisit et, memorabili  
 edita pugna, obrutus telis est. Quod ubi videre, qui caedi38  
 supererant, tumulum paulo quam cetera editiorem capiunt:  
 quos Spitamēnes fame in deditionem subacturus obsedit.  
 Cecidere eo proelio peditum II milia, CCC equites. Quam39  
 cladem Alexander sollerti consilio texit, morte denuntiata  
 his, qui ex proelio advenerant, si acta vulgassent.

## CAP. VIII.

(33) Ceterum quum animo disparem vultum diutius 1  
 ferre non posset, in tabernaculum super ripam fluminis de  
 industria locatum secessit. Ibi sine arbitris singula animi 2  
 consulta pensando noctem vigiliis extraxit, saepe pellibus  
 tabernaculi allevatis, ut conspiceret hostium ignes, e qui-  
 bus coniectare poterat, quanta hominum multitudo esset.  
 Iamque lux appetebat, quum thoracem indutus procedit 3

ad milites, tum primum post vulnus proxime acceptum.  
 4 Tanta erat apud eos veneratio regis, ut facile periculi,  
 quod horrebant, cogitationem praesentia eius excuteret.  
 5 Laeti ergo et manantibus gaudio lacrimis consalutant eum  
 6 et, quod ante recusaverant bellum, feroces deposcunt. Ille  
 se ratibus equitem phalangemque transportaturum esse  
 7 pronuntiat: super utres iubet nare levius armatos. Plura  
 nec dici res desideravit nec rex dicere per valetudinem  
 8 potuit. Ceterum tanta alacritate militum rates iunctae sunt,  
 ut in triduum ad XII milia effectae sint. Iamque ad trans-  
 eundum omnia aptaverant, quum legali Scytharum XX  
 9 velle ipsos ad eum mandata perferre. Admissi in taberna-  
 culum iussique considerare in vultu regis defixerant oculos,  
 credo, quia magnitudine corporis animum aestimantibus  
 10 modicus habitus haudquaquam famae par videbatur. Scy-  
 this autem non, ut ceteris barbaris, rudis et inconditus  
 sensus est: quidam eorum sapientiam capere dicuntur,  
 11 quantameunque gens capit semper armata. Sicque locu-  
 tos esse apud regem memoriae proditum est. Abhorrent  
 forsitan moribus nostris et tempora et ingenia cultiora  
 sortitis: sed ut possit oratio eorum sperni, tamen fides  
 nostra non debet: quae utcumque sunt tradita, incorrupta  
 12 perferemus. Igitur unum ex his maximum natu ita locu-  
 tum accepimus:

(34) *Si dii habitum corporis tui aviditati animi parem  
 esse voluissent, orbis te non caperet: altera manu orientem,  
 altera occidentem contingeres et hoc assecutus scire velles,  
 13 ubi tanti numinis fulgor conderetur. Sic quoque concupiscis,  
 quae non capis. Ab Europa petis Asiam: ex Asia transis in  
 Europam: deinde, si humanum genus omne superaveris, cum  
 14 silvis et nivibus et fluminibus ferisque bestiis gesturus es bel-  
 lum. Quid? tu ignoras, arbores magnas diu crescere, una  
 hora extirpari? Stultus est, qui fructus earum spectat, alti-  
 tudinem non metitur. Vide, ne, dum ad cacumen pervenire  
 contendis, cum ipsis ramis, quos comprehenderis, decidas.  
 15 Leo quoque aliquando minimarum avium pabulum fuit, et  
 ferrum rubigo consumit. Nihil tam firmum est, cui pericu-*

lum non sit etiam ab invalido. Quid nobis tecum est? Nun-16  
quam terram tuam attingimus. Qui sis, unde venias, licetne  
ignorare in vastis silvis viventibus? Nec servire ulli possumus  
nec imperare desideramus. Dona nobis data sunt—ne Scytharum-17  
gentem ignores—iugum boum et aratrum, hasta, sagitta,  
patera. His utimur et cum amicis et adversus inimicos. Fru-18  
ges amicis damus, boum labore quaesitas: patera cum iisdem  
vinum diis libamus: inimicos sagitta eminus, hasta comminus  
petimus. Sic Syriae regem et postea Persarum Medorumque  
superavimus, patuitque nobis iter usque in Aegyptum. At tu, 19  
qui te gloriaris ad latrones persequendos venire, omnium  
gentium, quas adisti, latro es. Lydiam cepisti, Syriam occu-  
pasti, Persidem tenes, Bactrianos habes in potestate, Indos  
petisti: iam etiam ad pecora nostra avaras et insatiabiles ma-  
nus porrigis. Quid tibi divitiis opus est, quae te esurire co-20  
gunt? Primus omnium satietate parasti famem, ut, quo  
plura haberes, acrius, quae non habes, cuperes. Non succur-21  
rit tibi, quamdiu circum Bactra haereas? dum illos subigis,  
Sogdiani bellare coeperunt. Bellum tibi ex victoria nascitur.  
Nam ut maior fortiorque sis, quam quisquam, tamen alieni-  
genam dominum pati nemo vult.

(35) Transi modo Tandam: scies, quam late pateant, 22  
nunquam tamen consequeris Scythas. Paupertas nostra ve-  
locior erit, quam exercitus tuus, qui praedam tot nationum  
vehit. Rursus, quum procul abesse nos credes, videbis in tuis  
castris. Eadem enim velocitate et sequimur et fugimus. Scy-23  
tharum solitudines Graecis etiam proverbis audio etudi. At  
nos deserta et humano cultu vacua magis quam urbes et opu-  
lentos agros sequimur. Proinde fortunam tuam pressis ma-24  
nibus tene. Lubrica est nec invita teneri potest. Salubre con-  
siliium sequens quam praesens tempus ostendit melius. Impone  
felicitati tuae frenos: facilius illam reges. Nostri sine pedi-25  
bus dicunt esse fortunam, quae manus et pinnas tantum  
habet: quum manus porrigit, pinnas quoque comprehendere  
non sinit. Denique, si deus es, tribuere mortalibus beneficia 26  
debes, non sua eripere: sin autem homo es, id quod es, sem-  
per esse te cogita. Stultum est, eorum meminisse, propter  
quae tui obliviscaris. Quibus bellum non intuleris, bonis 27

amicis poteris uti. Nam et firmissima est inter pares amicitia  
et videntur pares, qui non fecerunt inter se periculum virium.  
28 Quos viceris, amicos tibi esse cave credas: inter dominum et  
servum nulla amicitia est: etiam in pace belli tamen iura ser-  
29 vantur. Iurando gratiam Scythas sancire ne credideris:  
colendo fidem iurant. Graecorum ista cautio est, qui pacta  
consignant et deos invocant: nos religionem in ipsa fide po-  
nimus. Qui non reverentur homines, fallunt deos. Nec tibi  
30 amico opus est, de cuius benivolentia dubites. Ceterum nos  
et Asiae et Europae custodes habebis: Bactra, nisi dividat  
Tandam, contingimus: ultra Tandam usque ad Thraciam  
colimus: Thraciae Macedoniam coniunctam esse fama est.  
Utrique imperio tuo finitimos hostes an amicos velis esse, con-  
sidera. Haec barbarus.

## CAP. IX.

1 (36) Contra rex fortuna sua et consiliis eorum se usu-  
rum esse respondet: nam et fortunam, cui confidat, et con-  
siliium suadentium, ne quid temere et audacter faciat, secu-  
2 turum. Dimissisque legatis in praeparatas rates exercitum  
imposuit. In proris clypeatos locaverat, iussos in genua sub-  
3 sidere, quo tutiores essent adversus ictus sagittarum. Post  
hos, qui tormenta intenderent, stabant, et ab utroque latere  
et a fronte circumdati armatis. Reliqui, qui post tormenta  
constiterant, remigem loriceam indutum scutorum testudine  
4 armati protegebant. Idem ordo in illis quoque ratibus,  
quae equitem vehebant, servatus est. Maior pars a puppe  
nantes equos loris trahebat. At illos, quos utres stramento  
5 repleti vehebant, obiectae rates tuebantur. Ipse rex cum  
delectis primus ratem solvit et in ripam dirigi iussit. Cui  
Scythae admotos ordines equitum in primo ripae margine  
6 opponunt, ut ne applicari quidem terrae rates possent.  
Ceterum praeter hanc speciem ripis praesidentis exerci-  
tus ingens navigantes terror invaserat: namque cursum  
gubernatores, quum obliquo flumine impellerentur, regere  
non poterant, vacillantesque milites et, ne exeuterentur,  
7 solliciti nautarum ministeria turbaverant. Ne tela quidem  
conati nisu vibrare poterant, quum prior standi sine pe-



riculo quam hostem incessendi cura esset. Tormenta saluti fuerunt, quibus in confertos ac temere se offerentes haud frustra excussa sunt tela. Barbari quoque ingentem vim sagittarum infudere ratibus, vixque ullum fuit scutum, quod non pluribus simul spiculis perforaretur.

(37) Iamque terrae rates applicabantur, quum acies 9 clypeata consurgit et hastas certo ietu, utpote libero nisu, mittit e ratibus: et ut territos recipientesque equos videre, alacres mutua adhortatione in terram desiluere. Turbatis 10 acriter pedem inferre coeperunt. Equitum deinde turmae, quae frenatos habebant equos, perfregere barbarorum aciem. Interim ceteri agmine dimicantium tecti aptavere se pugnae. Ipse rex, quod vigoris aegro adhuc corpori 11 deerat, animi firmitate supplebat. Vox adhortantis non poterat audiri, nondum bene obducta cicatrice cervicis, sed dimicantem cuncti videbant. Itaque ipsi quidem du- 12 cum fungebantur officio aliusque alium adhortati in hostem salutis immemores ruere coeperunt. Tum vero non ora, 13 non arma, non clamorem hostium barbari tolerare poterunt, omnesque effusis habenis — namque equestris acies erat — capessunt fugam. Quos rex, quamquam vexationem invalidi corporis pati non poterat, per LXXX tamen stadia insequi perseveravit. Iamque linquente animo suis prae- 14 cepit, ut, donec lucis aliquid superesset, fugientium tergis inhaerent: ipse, exhaustis etiam animi viribus, in castra se recepit. Reliquum [agmen sero] substitit. Transierant 15 iam Liberi Patris terminos, quorum monumenta lapides erant, crebris intervallis dispositi, arboresque procerae, quarum stipites hedera contexerat: sed Macedonas ira 16 longius provexit: quippe media fere nocte in castra redierunt, multis interfectis, pluribus captis, equosque M et DCCC abegere. Ceciderunt autem Macedonum equites LX, pedites C fere, mille saucii fuerunt.

(38) Haec expeditio deficientem magna ex parte 17 Asiam fama tam opportuna victoriae domuit. Invictos Scythas esse crediderant: quibus fractis nullam gentem Macedonum armis parem fore confitebantur. Itaque Sacae misere legatos, qui pollicerentur, gentem imperata factu-

18ram. Moverat eos regis non virtus magis, quam clementia in devictos Scythas: quippe captivos omnes sine pretio remiserat, ut fidem faceret, sibi cum ferocissimis gentium 19 de fortitudine, non de ira fuisse certamen. Benigne igitur exceptis Sacarum legatis, comitem Elpinicon dedit, adhuc admodum iuvenem, aetatis flore conciliatum sibi, qui, quum specie corporis aequaret Hephaestionem, ei lepore haud 20 sane virili par non erat. Ipse, Cratero cum maiore parte exercitus modicis itineribus sequi iusso, ad Maracanda urbem contendit, ex qua Spitamenes, comperto eius ad- 21 ventu, Bactra perfugerat. Itaque quadriduo rex longum itineris spatium emensus pervenerat in eum locum, in quo, Menedemo duce, II milia peditum et CCC equites amiserat. Horum ossa tumulo contegi iussit et inferias more patrio 22 dedit. Iam Craterus cum phalange subsequi iussus ad regem pervenerat. Itaque ut omnes, qui defecerant, pariter belli clade premerentur, copias dividit urique agros et interfici puberes iussit.

## CAP. X.

1 (39) Sogdiana regio maiore ex parte deserta est: octingenta fere stadia in latitudinem vastae solitudines te- 2 nent. Ingens spatium rectae regionis est, per quam amnis (Polyimētum vocant incolae) fertur. Torrentem eum ripae in tenuem alveum cogunt, deinde caverna accipit 3 et sub terram rapit. Cursus absconditi indicium est aquae meantis sonus, quum ipsum solum, sub quo tan- 4 tus amnis fluit, ne modico quidem resudet humore. Ex captivis Sogdianorum ad regem XXX nobilissimi, corporum robore eximio, perducti erant: qui, ut per interpretem cognoverunt, iussu regis ipsos ad supplicium trahi, carmen laetantium modo canere tripudiisque et lasciviori corporis motu gaudium quoddam animi ostentare coepe- 5 runt. Admiratus rex, tanta magnitudine animi oppetere mortem, revocari eos iussit, causam tam effusae laetitiae, 6 quum supplicium ante oculos haberent, requirens. Illi, si ab alio occiderentur, tristes morituros fuisse respondent: nunc a tanto rege, victore omnium gentium, maiori-

bus suis redditos honestam mortem, quam fortes viri voto quoque expeterent, carminibus sui moris laetitiaque celebrare. Tum rex: *Quaero itaque, an vivere velitis non inimici mihi, cuius beneficio victuri estis.* Illi nunquam se inimicos ei, sed bello lacesitos hostes fuisse respondent. Si quis ipsos beneficio quam iniuria experiri maluisset, certaturos fuisse, ne vincerentur officio. Interrogatique, quo pignore fidem obligaturi essent, vitam, quam acciperent, pignori futuram esse dixerunt: reddituros, quandoque repelisset. Nec promissum fefellerunt. Nam qui remissi domos ierant, fide continuere populares: quattuor inter custodes corporis retenti nulli Macedonum in regem caritate cesserunt.

(40) In Sogdianis Peucolao cum tribus milibus peditum (neque enim maiori praesidio indigebat) relicto, Bactra pervenit. Inde Bessum Ecbatana duci iussit, interfecto Darao poenas capite persolutorum. Iisdem fere diebus Ptolemaeus et Menidas peditum tria milia et equites mille adduxerunt, mercede militatos. Alexander quoque ex Lycia cum pari numero peditum et D equitibus venit. Totidem ex Syria Asclepiodorum sequebantur: Antipater Graecorum VIII milia, in quibus DC equites erant, miserat. Itaque exercitu aucto, ad ea, quae defectione turbata erant, componenda processit, interfectisque consternationis auctoribus quarto die ad flumen Oxum perventum est. Hic, quia limum vehit, turbidus semper et insalubris est potui. Itaque puteos miles coeperat fodere. Nec tamen, humo alte egesta, existebat humor, quum in ipso tabernaculo regis conspectus est fons, quem quia tarde notaverant, subito extitisse fixerunt: rexque ipse credi voluit, deorum donum id fuisse. Superatis deinde omnibus Ocho et Oxo, ad urbem Marganiam pervenit. Circa eam VI oppidis condendis electa sedes est: duo ad meridiem versa, quattuor spectantia orientem, modicis inter se spatiis distabant, ne procul repetendum esset mutuum auxilium. Haec omnia sita sunt in editis collibus, tum velut freni domitarum gentium, nunc originis suae oblita serviunt, quibus imperaverunt.

A. 328 10  
a. Chr. n.  
mensibus  
hibernis.  
Ol. 112, 4.

## CAP. XI.

(41) Et cetera quidem pacaverat rex. Una erat petra, quam Arimazes Sogdianus cum XXX milibus armatorum obtinebat, alimentis ante congestis, quae tantae multitudini vel per biennium suppeterent. Petra in altitudinem XXX eminent stadia, circuitu C et L complectitur. Undique abscissa et abrupta semita per angustam aditur. In medio altitudinis spatio habet specum, cuius os artum et obscurum est: paulatim deinde ulteriora panduntur, ultima etiam altos recessus habent. Fontes per totum fere specum manant, e quibus collatae aquae per prona montis flumen emittunt. Rex, loci difficultate spectata, statuerat inde abire: cupido deinde incessit animo naturam quoque fatigandi. Prius tamen quam fortunam obsidionis experiretur, Cophen (Artabazi hic filius erat) misit ad barbaros, qui suaderet, ut dederent rupem. Arimazes loco fretus superbe multa respondit, ad ultimum, an Alexander etiam volare posset, interrogat. Quae nuntiata regi sic accendere animum, ut adhibitis, cum quibus consultare erat solitus, indicaret insolentiam barbari, eludentis ipsos, quia pinnas non haberent. Se autem proxima nocte effecturum, ut crederet, Macedones etiam volare. *Trecentos, inquit, perniciosissimos iuvenes ea suis quisque copiis perducite ad me, qui per calles et paene invias rupes domi pecora agere consueverant.* Illi praestantes et levitate corporum et ardore animorum strenue adducunt: quos intuens rex, *Vobiscum, inquit, o iuvenes et mei aequales, urbium invictarum ante me munimenta superavi, montium iuga perenni nive obruta emensus sum, angustias Ciliciae intravi, Indiae sine lassitudine vim frigoris sum perpessus. Et mei documenta vobis dedi et vestra habeo. Petra, quam videtis, unum aditum habet, quem barbari obsident: cetera negligunt: nullae vigiliae sunt, nisi quae castra nostra spectant. Invenietis viam, si sollerter rimati fueritis aditus ferentes ad cacumen. Nihil tam alte natura constituit, quo virtus non possit eniti. Experiendo, quae ceteri desperaverunt, Asiam habemus in potestate. Evadite in cacumen, quod quum ceperitis, candidis velis signum mihi dabit: ego copiam ad motis hostem in nos a vobis convertam. Praemium*



*erit ei, qui primus occupaverit verticem, talenta X: uno minus accipiet, qui proximus ei venerit, eademque ad decem homines servabitur portio. Certum autem habeo, vos non tam liberalitatem intueri meam, quam voluntatem.*

(42) His animis regem audierunt, ut iam cepisse ver-13  
ticem viderentur: dimissique ferreos cuneos, quos inter  
saxa defigerent, validosque funes parabant. Rex circum-14  
vectus petram, qua minime asper ac praeruptus aditus vi-  
debatur, secunda vigilia, quod bene verteret, ingredi iubet.  
Illi, alimentis in biduum sumptis, gladiis modo atque hastis  
armati subire coeperunt. Ac primo pedibus ingressi sunt: 15  
deinde, ut in praerupta perventum est, alii manibus emi-  
nentia saxa complexi levavere semet, alii adiectis funium  
laqueis evasere: quibus [alii], quum cuneos inter saxa de-  
figerent, gradus subdidere, quis insisterent. Diem inter  
metum laboremque consumpserunt. Per aspera enisis du-16  
riora restabant, et crescere altitudo petrae videbatur. Illa  
vero miserabilis erat facies, quum ii, quos instabilis gra-  
dus fefellerat, ex praecipiti devolverentur. Mox eadem  
in se patianda alieni casus ostendebat exemplum. Per 17  
has tamen difficultates enituntur in verticem montis, om-  
nes fatigatione continuati laboris affecti, quidam mul-  
cati parte membrorum: pariterque eos et nox et somnus  
oppressit. Stratis passim corporibus in inviis et asperis 18  
saxorum, periculi instantis oblitum in lucem quieverunt: tan-  
demque velut ex alto sopore excitati, occultas subiectas-  
que ipsis valles rimantes, ignari, in qua parte petrae tanta  
vis hostium condita esset, fumum specu infra se ipsos  
evolutum notaverunt. Ex quo intellectum, illam hostium 19  
latebram esse. Itaque hastis imposuere, quod convenerat  
signum: totoque e numero duos et XXX in ascensu inter-  
isse agnoscunt.

(43) Rex non cupidine magis potiundi loci, quam vi-20  
cem eorum, quos ad tam manifestum periculum miserat,  
sollicitus toto die cacumina montis intuens restitit. Noctu  
demum, quum obscuritas conspectum oculorum ademisset,  
ad curandum corpus recessit. Postero die nondum 21  
satis clara luce primus vela, signum capti verticis, con-

spexit. Sed ne falleretur acies, dubitare cogebat varietas  
coeli, nunc internitente lucis fulgore, nunc condito. Verum  
22 ut liquidior lux apparuit coelo, dubitatio exempta est: vo-  
catumque Cophen, per quem barbarorum animos tentave-  
rat, mittit ad eos, qui moneret, nunc saltem salubrius con-  
siliium inirent: sin autem fiducia loci perseverarent, ostendi  
23 a tergo iussit, qui ceperant verticem. Cophes admissus  
suadere coepit Arimāzi petram tradere, gratiam regis ini-  
turo, si tantas res molientem in unius rupis obsidione  
haerere non coëgisset. Ille ferocius superbiusque, quam  
24 antea, locutus abire Cophen iubet. At is presum manu  
barbarum rogat, ut secum extra specum prodeat: quo im-  
petrato iuvenes in cacumine ostendit eiusque superbiae  
haud immerito illudens pinnas habere ait milites Alexan-  
25 dri. Iamque e Macedonum castris signorum concentus et  
totius exercitus clamor audiebatur. Ea res, sicut plera-  
que belli vana et inania, barbaros ad deditionem traxit.  
Quippe occupati metu paucitatem eorum, qui a tergo  
26 erant, aestimare non poterant. Itaque Cophen (nam trepi-  
dantes reliquerat) strenue revocant et cum eo XXX prin-  
cipes mittunt, qui petram tradant et, ut incolumibus abire  
27 liceat, paciscantur. Ille quamquam verebatur, ne, con-  
specta iuvenum paucitate, deturbarent eos barbari, tamen  
et fortunae suae confisus et Arimāzi superbiae infensus  
28 nullam se conditionem deditionis accipere respondit. Ari-  
māzes, desperatis magis quam perditis rebus, cum pro-  
pinquis nobilissimisque gentis suae descendit in castra.  
quos omnes verberibus affectos sub ipsis radicibus pe-  
29 trae crucibus iussit affigi. Multitudo dediticiorum incolis  
novarum urbium cum pecunia capta dono data est: Artabā-  
zus in petrae regionisque, quae apposita esset ei, tutela  
relictus.

## LIBER VIII.

## ARGUMENTUM.

I. Massagetis, Dahis, Sogdianis subactis, Scythae sui regis filiam Alexandro coniugem offerunt. Rex, leone interfecto et quattuor milibus ferarum in venatione deiectis, Clitum in convivio liberius locutum interficit. II. Sera Alexandri poenitentia: bellicae deinde expeditiones adversus Bactrianos transfugas et Sysimithren, Philippi, strenuissimi iuvenis, et Erigyii, clarissimi ducis, obitus. III. Spitamenis uxorem interfecti mariti caput afferentem Alexander castris excedere iubet: provincias quasdam a praefectorum suorum iniuriis vindicat. IV. Frigoris nimia vi paene opprimitur exercitus, Gabazam aditurus. Alexandri constantia et erga gregarium militem humanitas: eiusdem, Oxyarte in fidem recepto, cum Roxane matrimonium. V. Cogitationibus in bellum Indicum versis, adulatorum fraude, nimia superbia elatus Alexander more Persarum Macedonas venerabundos ipsum salutare poscit, quod gravi oratione Callisthenes improbat. VI. Ex ignominia Hermolao, nobili puero, illata nascitur in caput Alexandri coniuratio: qua detecta cum auctoribus sceleris innocens Callisthenes in vincula coniicitur. VII. In Alexandri superbiam et crudelitatem invehitur, Callisthenem defendit Hermolaus. VIII. Hermolao Alexander respondet: Callisthenem et reliquos coniuratos necari iubet. IX. In Indiam movet Alexander. Dissertit Curtius de Indiae situ, fluminibus, coeli temperie, animalibus, divitiis, de Indorum ingenio, regum luxuria, gymnosophistarum vita ac sapientia. X. Alexander Indiae cis Indum regulos nonnullos sibi occurrentes in fidem recipit, varias urbes et regiones deditionem detrectantes expugnat, in Mazagarum obsidione vulneratus se esse hominem fatetur. XI. Urbem Noram et petram Aornin ab Hercule frustra olim obsessam post multos labores tandem in ditionem redigit. XII. India cis Indum domita, Indum transit Alexander Omphimque se et sua tradentem restituit: mutua dona regia. XIII. Abisares se dedit, Barzaentes et Samaxus vincti in custodiam traduntur. Alexandri castra ad Hydaspem et bellum cum Poro: cuius copiis varia arte distractis ripam adversam occupat Alexander. XIV. Indorum et Macedonum insignis et cruenta pugna: Pori captivi magnanimitas et Alexandri regis clementia.

## CAP. I.

(1 ed. Zumpt.) Alexander, maiore fama quam gloria in ditionem redacta petra, quum propter vagum hostem spargendae manus essent, in tres partes divisit exercitum.

Hephaestionem uni, Coenon alteri duces dederat: ipse ceteris praeerat. Sed non eadem mens omnibus barbaris fuit. Armis quidam subacti, plures ante certamen imperata fecerunt: quibus eorum, qui in defectione perseveraverant, urbes agrosque iussit attribui. At exules Bactrianicum DCCC Massagetarum equibus proximos vicos vastaverunt. Ad quos coercendos Attinas, regionis eius praefectus, CCC equites, insidiarum, quae parabantur, ignarus, eduxit. Namque hostis in silvis, quae erant forte campo iunctae, armatum militem condidit, paucis propellentibus pecora, ut improvidum ad insidias praeda perduceret. Itaque incomposito agmine solutisque ordinibus Attinas praedabundus sequebatur: quem praetergressum silvam, qui in ea consederant, ex improvise adorti cum omnibus interemerunt. Celeriter ad Craterum huius cladis fama perlata est, qui cum omni equitatu supervenit: et Massagetae quidem iam refugerant, Dahae mille oppressi sunt: quorum clade totius regionis finita defectio est. Alexander quoque, Sogdianis rursus subactis, Maracanda repetit. Ibi Berdes, quem ad Scythas super Bosporum colentes miserat, cum legatis gentis occurrit. Phrataphernes quoque, qui Chorasmiis praeerat, Massagetis et Dahis regionum confinio adiunctus, miserat, qui facturum imperata pollicerentur. Scythae petebant, ut regis sui filiam matrimonio sibi iungeret: si dedignaretur affinitatem, principes Macedonum cum primoribus suae gentis connubio coire pateretur: ipsum quoque regem venturum ad eum pollicebantur. Utraque legatione benigne audita, Hephaestionem et Artabazum opperiens stativa habuit: quibus adiunctis in regionem, quae appellatur Bazaïra, pervenit.

(2) Barbarae opulentiae in illis locis haud ulla sunt maiora indicia, quam magnis nemoribus saltibusque nobilium ferarum greges elusi. Spatiosas ad hoc eligunt silvas, crebris perennium aquarum fontibus amoenas: muris nemora cinguntur turresque habent venantium receptacula. Quattuor continuis aetatibus intactum saltum fuisse constabat: quem Alexander cum toto exercitu ingressus agitari undique feras iussit. Inter quas quum leo, magnitudi-



nis rarae, ipsum regem invasurus incurreret, forte Lysimachus, qui postea regnavit, proximus Alexandro venabulum obicere ferae coeperat. Quo rex repulso et abire iusso adiecit, tam a semet uno, quam a Lysimacho leonem interfici posse. Lysimachus enim quondam, quum 15 venaretur in Syria, occiderat quidem eximia magnitudinis feram solus, sed laevo humero usque ad ossa lacertus ad ultimum periculi pervenerat. Id ipsum exprobrans 16 ei rex fortius, quam locutus est, fecit. Nam feram non excepit modo, sed etiam uno vulnere occidit. Fabulam, 17 quae obiectum leoni a rege Lysimachum temere vulgavit, ab eo casu, quem supra diximus, ortam esse crediderim. Ceterum Macedones, quamquam prospero eventu defun- 18 ctus erat Alexander, tamen scivere gentis suae more, ne aut pedes venaretur aut sine delectis principum atque amicorum. Ille, IV milibus ferarum deiectis, in eodem 19 saltu cum toto exercitu epulatus est.

(3) Inde Maracanda reditum est: acceptaque aetatis excusatione ab Artabazo provinciam eius destinat Clito. Hic erat, qui apud Granicum amnem nudo capite regem 20 dimicantem clypeo suo textit et Rhosacis manum capiti regis imminentem gladio amputavit: vetus Philippi miles multisque bellicis operibus clarus. Hellenice, quae Alexan- 21 drum educaverat, soror eius, haud secus quam mater a rege diligebatur. Ob has causas validissimam imperii partem fidei eius tutelaeque commisit. Iamque iter parare in 22 posterum iussus sollempni et tempestivo adhibetur convivio. In quo rex, quum multo incaluisset mero, immodicus aestimator sui, celebrare, quae gesserat, coepit, gravis etiam eorum auribus, qui sentiebant, vera memorari. Si 23 lentium tamen habuere seniores, donec Philippi res orsus obterere nobilem apud Chaeroniam victoriam sui operis fuisse iactavit ademptamque sibi malignitate et invidia patris tantae rei gloriam. Illum quidem, seditione inter Ma- 24 cedones milites et Graecos mercenarios orta, debilitatum vulnere, quod in ea consternatione acceperat, iacuisse, non alia re quam simulatione mortis tutiorem: se corpus eius protexisse clypeo suo ruentesque in illum sua manu

25 occisos. Quae patrem nunquam aequo animo esse confessum, invitum filio debentem salutem suam. Itaque post expeditionem, quam sine eo fecisset ipse in Illyrios, victorem scripsisse se patri, fusos fugatosque hostes nec 26 affuisse usquam Philippum. Laude dignos esse, non qui Samothracum initia viserent, quum Asiam uri vastarique oporteret, sed eos, qui magnitudine rerum fidem antecessissent.

27 (4) Haec et his similia laeti audiere iuvenes, ingrata senioribus erant, maxime propter Philippum, sub quo diutius vixerant: quum Clitus, ne ipse quidem satis sobrius, ad eos, qui infra ipsum cubabant, conversus Euripidis rettulit carmen, ita ut sonus magis quam sermo exaudiri 29 posset a rege, quo significabatur, male instituisse Graecos, quod tropaeis regum dumtaxat nomina inscriberentur: alieno enim sanguine partam gloriam intercipi. Itaque rex, quum suspicaretur, malignius habitum esse sermonem, 30 percontari proximos coepit, quid ex Clito audissent. Et illis ad silendum obstinatis Clitus paulatim maiore voce Philippi acta bellaque in Graecia gesta commemorat, omnia 31 praesentibus praeferens. Hinc inter iuniores senesque orta contentio est, et rex, velut patienter audiret, quis Clitus obterebat laudes eius, ingentem iram conceperat. Ceterum quum animo videretur imperaturus, si finem proca- 32 cetero orto sermoni Clitus imponeret, nihil eorum omittente, 33 magis exasperabatur. Iamque Clitus etiam Parmenionem defendere audebat et Philippi de Atheniensibus victoriam Thebarum praeferebat excidio, non vino modo, sed etiam 34 animi prava contentione proventus. Ad ultimum, *Si moriendum, inquit, est pro te, Clitus est primus: at quum victoriae arbitrium agis, praecipuum ferunt praemium, qui pro-* 35 *cacissime patris tui memoriae illudunt. Sogdianam regionem mihi attribuis, totiens rebellem et non modo indomitam, sed quae ne subigi quidem possit. Mittor ad feras bestias, praeci-* 36 *pitia ingenia sortitas. Sed quae ad me pertinent, transeo: Philippi milites spernis, oblitus, nisi hic Atharras senex iuniores pugnam detrectantes revocasset, adhuc nos circa Ha-* 37 *licarnassum haesuros fuisse. Quomodo igitur Asiam etiam*

*cum istis iunioribus subiecisti? Verum est, ut opinor, quod avunculum tuum in Italia dixisse constat, ipsum in viros incidisse, te in feminas.*

(5) Nihil ex omnibus inconsulte ac temere iactis re-38 gem magis moverat, quam Parmeniōnis cum honore mentio illata. Dolorem tamen rex pressit, contentus iussisse, ut convivio excederet. Nec quicquam aliud adiecit, quam,39 forsitan eum, si diutius locutus foret, exprobraturum sibi fuisse vitam a semetipso datam: hoc enim superbe saepe iactasse. Atque illum cunctantem adhuc surgere, qui40 proximi ei cubuerant, iniectis manibus, iurgantes monentesque conabantur abducere. Clitus, quum abstraheretur,41 ad pristinam violentiam ira quoque adiecta, suo pectore tergum illius esse defensum, nunc, postquam tanti meriti praeterierit tempus, etiam memoriam invisam esse proclamat. Attāli quoque caedem obiiciebat et ad ultimum Iovis,42 quem patrem sibi Alexander assereret, oraculum eludens, veriora se regi quam patrem eius respondisse dicebat. Jam tantum irae conceperat rex, quantum vix sobrius43 ferre potuisset. Enimvero olim mero sensibus victis, ex lecto repente prosiluit. Attoniti amici, ne positis quidem,44 sed abiectis poculis, consurgunt, in eventum rei, quam tanto impetu acturus esset, intenti. Alexander, rapta lan-45 cea ex manibus armigeri, Clitum adhuc eadem linguae intemperantia furentem percutere conatus a Ptolemaeo et Perdicca inhibetur. Medium complexi et obluantur perse-46 verantem morabantur: Lysimāchus et Leonnātus etiam lanceam abstulerant. Ille militum fidem implorans com-47 prehendi se a proximis amicorum, quod Darēo nuper accidisset, exclamat signumque tuba dari, ut ad regiam armati coirent, iubet. Tum vero Ptolemaeus et Perdiccas genibus48 advoluti orant, ne in tam praecipiti ira perseveret spatiumque potius animo det: omnia postero die iustius executurum. Sed clausae erant aures, obstrepente ira. Itaque49 impotens animi procurrit in regiae vestibulum et, vigili excubanti hasta ablata, constitit in aditu, quo necesse erat nis, qui simul coenaverant, egredi. Abiērant ceteri. Clitus50 ultimus sine lumine exibat. Quem rex, quisnam esset, in-

terrogat. Eminebat etiam in voce sceleris, quod parabat,51 atrocitas. Et ille iam non suae, sed regis irae memor Clitum esse et de convivio exire respondit. Haec dicentis52 latus hasta transfixit morientisque sanguine aspersus, *I nunc, inquit, ad Philippum et Parmeniōnem et Attālum.*

## CAP. II.

1 (6) Male humanis ingeniis natura consuluit, quod plerumque non futura, sed transacta perpendimus. Quippe rex, postquam ira mente decesserat, etiam ebrietate discussa, magnitudinem facinoris sera aestimatione perspexit.2 Videbat tunc, immodica libertate abusum, sed alloquin egregium bello virum et, nisi erubesceret fateri, servatorem sui occisum. Detestabile carnificis ministerium occupaverat rex, verborum licentiam, quae vino poterat im-3 putari, nefanda caede ultus. Manabat toto vestibulo cruor paulo ante convivae: vigiles attoniti et stupentibus similes procul stabant, liberiolemque poenitentiam solitudo ex-4 cipiebat. Ergo hastam ex corpore iacentis evulsam retor- sit in semet iamque admoverat pectori, quum advolant vigiles et repugnanti e manibus extorquent allevatumque in5 tabernaculum deferunt. Ille humi prostraverat corpus, gemitu eiulatuque miserabili totam personans regiam. Laniare deinde os unguibus et circumstantes rogare, ne se6 tanto dedecori superstitem esse paterentur. Inter has preces tota nox extracta est. Scrutantemque, num ira deorum ad tantum nefas actus esset, subit, anniversarium sacrificium Libero Patri non esse redditum statuto tempore. Itaque inter vinum et epulas caede commissa, iram dei7 fuisse manifestam. Ceterum magis eo movebatur, quod omnium amicorum animos videbat attonitos: neminem cum ipso sociare sermonem postea ausurum: vivendum esse in solitudine velut ferae bestiae, terrenti alias, alias timenti.8 Prima deinde luce tabernaculo corpus, sicut adhuc cruentum erat, iussit inferri. Quo posito ante ipsum, lacrimis obortis, *Hanc, inquit, nutrici meae gratiam rettuli, cuius duo filii apud Milētum pro mea gloria occubuerunt mortem, hic frater, unicum orbitatis solatium, a me inter epulas occisus*



est. Quo nunc se conferet misera? Omnibus eius unus super-9  
sum, quem solum aequis oculis videre non poterit. Et ego,  
servatorum meorum latro, revertar in patriam, ut ne dex-  
tram quidem nutrici sine memoria calamitatis eius offerre  
possim! Et quum finis lacrimis querelisque non fieret, 10  
iussu amicorum corpus ablatum est. Rex triduum iacuit  
inclusus. Quem ut armigeri corporisque custodes ad mo-11  
riendum obstinatum esse cognoverunt, universi in taber-  
naculum irrumpunt diuque precibus ipsorum reluctatum  
aegre vicerunt, ut cibum caperet. Quoque minus caedis 12  
puderet, iure interfectum Clitum Macedones decernunt, se-  
pultura quoque prohibitori, ni rex humari iussisset.

(7) Igitur decem diebus maxime ad confirmandum 13  
pudorem apud Maracanda consumptis, cum parte exerci-  
tus Hephaestionem in regionem Bactrianam misit, com-  
neatus in hiemem paraturum. Quam Clito autem destina-14  
verat provinciam, Amyntae dedit: ipse Xenippa pervenit.  
Scythiae confinis est regio habitaturque pluribus ac fre-  
quentibus vicis, quia ubertas terrae non indigenas modo  
detinet, sed etiam advenas invitat. Bactrianorum exulum, 15  
qui ab Alexandro defecerant, receptaculum fuerat. Sed  
postquam regem adventare compertum est, pulsus ab inco-  
lis II milia fere et quingenti congregantur. Omnes equites 16  
erant, etiam in pace latrocinii assueti: tum ferocia inge-  
nia non bellum modo, sed etiam veniae desperatio effera-  
verat. Itaque ex improvise adorti Amyntam, praetorem  
Alexandri, diu anceps proelium fecerant: ad ultimum, DCC 17  
suorum amissis, quorum CCC hostis cepit, dedere terga  
victoribus, haud sane inulti: quippe LXXX Macedonum  
interfecerunt, praeterque eos CCC et L saucii facti sunt.  
Veniam tamen etiam post alteram defectionem impetra-18  
verunt.

(8) His in fidem acceptis, in regionem, quam Nautaea 19  
appellant, rex cum toto exercitu venit. Satrapes erat Sy-  
simithres, duobus ex sua matre filiis genitis: quippe apud  
eos parentibus stupro coire cum liberis fas est. Is, arma-20  
tis popularibus, fauces regionis, qua in artissimum cogi-  
tur, valido munimento sepserat. Praeterfluebat torrens

amis, terga petra claudebat: hanc manu perviam incolae  
21 fecerant. Sed aditus specus accipit lucem, interiora, nisi  
illato lumine, obscura sunt. Perpetuus cuniculus iter prae-  
22 bet in campos, ignotum, nisi indigenis. At Alexander,  
quamquam angustias naturali situ munitas valida manu  
barbari tuebantur, tamen arietibus admotis munimenta, quae  
manu adiuncta erant, concussit fundisque et sagittis pro-  
pugnantium plerosque deiecit: quos ubi dispersos fugavit,  
ruinas munimentorum supergressus ad petram admovit  
23 exercitum. Ceterum interveniebat fluvius, coeuntibus aquis  
ex superiore fastigio in vallem: magnique operis videba-  
24 tur, tam vastam voraginem explere. Caedi tamen arbores  
et saxa congeri iussit: ingensque barbaros pavor, rudes ad  
taliam opera, concusserat, excitatam molem subito cernentes.

25 (9) Itaque rex, ad deditioem metu posse compelli ra-  
tus, Oxarten misit, nationis eiusdem, sed ditionis suae, qui  
26 suaderet duci, ut traderet petram. Interim ad augendam  
formidinem et turres admovebantur et excussa tormentis  
tela micabant. Itaque verticem petrae, omni alio praesidio  
27 damnato, petiverunt. At Oxartes trepidum diffidentemque  
rebus suis Sysimithrem coepit hortari, ut fidem quam vim  
Macedonum mallet experiri neu moraretur festinationem  
victoris exercitus in Indiam tendentis: cui quisquis semet  
offerret, in suum caput alienam cladem esse versurum.  
28 Et ipse quidem Sysimithres deditioem annuebat: ceterum  
mater eademque coniunx morituram se ante denuntians,  
quam in ullius veniret potestatem, barbari animum ad ho-  
nestiora quam tutiora converterat, pudebatque, libertatis  
29 maius esse apud feminas quam apud viros pretium. Ita-  
que dimisso internuntio pacis, obsidionem ferre decreve-  
rat. Sed quum hostis vires suasque pensaret, rursus mu-  
liebris consilii, quod praeceps magis quam necessarium  
30 esse credebat, poenitere eum coepit: revocatoque strenue  
Oxarte futurum se in regis potestate respondit, unum pre-  
catus, ne voluntatem et consilium matris suae proderet,  
31 quo facilius venia illi quoque impetraretur. Praemissum  
igitur Oxarten cum matre liberisque et totius cognationis  
grege sequebatur, ne expectato quidem fidei pignore,

quod Oxartes promiserat. Rex, equite praemisso, qui re-32  
verti eos iuberet oppeririue praesentiam ipsius, super-  
venit: et victimis Minervae ac Victoriae caesis, imperium  
Sysimithri restituit, spe maioris etiam provinciae facta, si  
cum fide amicitiam ipsius coluisset. Duos illi iuvenes, pa-33  
tre tradente, secum militaturos sequi iussit.

(10) Relicta deinde phalange, ad subigendos, qui de-  
fecerant, cum equite processit. Arduum et impeditum34  
saxis iter primo utcunque tolerabant. Mox equorum non  
ungulis modo attritis, sed corporibus etiam fatigatis, se-  
qui plerique non poterant, et rarius subinde agmen fiebat,  
pudorem, ut fere fit, immodico labore vincente. Rex ta-35  
men subinde equos mutans sine intermissione fugientes  
insequebatur. Nobiles iuvenes comitari eum soliti defece-  
rant praeter Philippum. Lysimachi erat frater, tum pri-  
mum adultus et, quod facile appareret, indolis rarae. Is36  
pedes, incredibile dictu, per D stadia vectum regem comi-  
tatus est, saepe equum suum offerente Lysimacho: nec  
tamen, ut digrederetur a rege, effeci potuit, quum lorica  
indutus arma gestaret. Idem, quum perventum esset in37  
saltum, in quo se barbari abdidierant, nobilem edidit pug-  
nam regemque comminus cum hoste dimicantem protexit.  
Sed postquam barbari in fugam effusi deseruere silvas,38  
animus, qui in ardore pugnae corpus sustentaverat, liquit:  
subitoque ex omnibus membris profuso sudore arboris  
proximae stipiti se applicuit. Deinde, ne illo quidem ad-39  
miniculo sustinente, manibus regis exceptus est, inter  
quas collapsus extinguitur. Maestum regem alius haud40  
levis dolor excepit. Erigyus inter claros duces fuerat:  
quem extinctum esse, paulo antequam reverteretur in cas-  
tra, cognovit. Utriusque funus omni apparatu atque ho-  
nore celebratum est.

## CAP. III.

(11) Dahas deinde statuerat petere: ibi namque Spi-1  
tamēnen esse cognoverat. Sed hanc quoque expeditio-  
nem, ut pleraque alia, fortuna indulgendo ei nunquam fa-  
tigata pro absente transegit. Spitamēnes uxoris immodico 2

amore flagrabat: quam aegre fugam et nova subinde exi-  
lia tolerantem in omne discrimen comitem trahebat. Illa  
malis fatigata identidem muliebres adhibere blanditias, ut  
tandem fugam sisteret victorisque Alexandri clementiam  
3 expertus placaret, quem effugere non posset. Tres adulti  
erant liberi ex eo geniti: quos quum pectori patris admo-  
visset, ut saltem eorum misereri vellet, orabat: et quo ef-  
4 ficaciores essent preces, haud procul erat Alexander. Ille  
se prodi, non moneri ratus et formae profecto fiducia cu-  
pere eam quamprimum dedi Alexandro, acinacem strinxit,  
percussurus uxorem, nisi prohibitus esset fratrum eius  
5 occursum. Ceterum abire e conspectu iubet, addito metu  
mortis, si se oculis eius obtulisset: et ad desiderium le-  
6 vandum noctes agere inter pellices coepit. Sed penitus  
haerens amor fastidio praesentium accensus est. Itaque  
rursus uni ei deditus orare non destitit, ut tali consilio abs-  
tineret patereturque sortem, quamcunque iis fortuna fe-  
7 cisset: sibi mortem deditione esse leviolem. At illa pur-  
gare se, quod, quae utilia esse censebat, muliebriter  
forsitan, sed fida tamen mente suasisset: de cetero futu-  
8 ram in viri potestate. Spitamēnes simulato captus obse-  
quo de die convivium apparari iubet: vinoque et epulis  
9 gravis et semisomnus in cubiculum fertur. Quem ut alto  
et gravi somno sopitum esse sensit uxor, gladium, quem  
veste occultaverat, stringit caputque eius abscisum, cruore  
10 respersa, servo suo conscio facinoris tradit. (12) Eodem  
comitante, sicuti erat, cruenta veste, in Macedōnum castra  
pervenit nuntiarique Alexandro iubet, esse, quae ex ipsa  
11 deberet cognoscere. Ille protinus barbaram iussit admitti.  
Quam ut respersam cruore conspexit, ratus, ad deploran-  
12 dam contumeliam venisse, dicere, quae vellet, iubet. At  
illa servum, quem in vestibulo stare iusserat, introduci  
desideravit. Qui, quia caput Spitamēnis veste tectum ha-  
bebat, suspectus scrutantibus, quid occuleret, ostendit.  
13 Confuderat oris exsanguis notas pallor, nec, quis esset,  
nosci satis poterat. Ergo rex certior factus, humanum ca-  
put afferre eum, tabernaculo excessit percontatusque, quid  
14 rei sit, illo profitente, cognoscit. Varias hinc cogitationes



invicem animum diversa agitantem commoverant. Meritum ingens in semet esse credebat, quod transfuga et proditor, tantis rebus, si vixisset, iniecturus moram, interfectus esset: contra facinus ingens aversabatur, quum optime meritum de ipsa, communium parentem liberorum, per insidias interemisset. Vicit tamen gratiam meriti sceleris atrocitas, denuntiarique iussit, ut excederet castris neu licentiae barbarae exemplar in Graecorum mores et militia ingenia transferret.

(13) Dahae, Spitamēnis caede comperta, Dataphernem, defectionis eius participem, vinctum Alexandro seque dedunt. Ille maxima praesentium curarum parte liberatus convertit animum ad vindicandas iniurias eorum, quibus a praetoribus suis avare ac superbe imperabatur. Ergo Phratapherni Hyrcaniam et Mardos cum Tapūris tradidit mandavitque, ut Phradāten, cui succedebat, ad se in custodiam mitteret. Arsāmi, Drangarum praefecto, substitutus est Stasānor: Arsāces in Mediam missus, ut Oxydātes inde discederet. Babylonia, demortuo Mazaeo, Stamēni subiecta est.

## CAP. IV.

(14) His compositis, tertio mense ex hibernis movit exercitum, regionem, quae Gabāza appellatur, aditurus. Primus dies quietum iter praebuit: proximus ei nondum quidem procellosus et tristis, obscurior tamen pristino, non sine minis crescentis mali praeteriit. Tertio ab omni parte coeli emicare fulgura et, nunc internitente luce, nunc condita, non oculos modo meantis exercitus, sed etiam animos terrere coeperunt. Erat prope continuus coeli fragor, et passim cadentium fulminum species visebatur, attonitisque auribus stupens agmen nec progredi nec consistere audebat. Tum repente imber grandinem incutiens torrentis modo effunditur. Ac primo quidem armis suis tecti exceperant, sed iam nec retinere arma lubricae et rigentes manus poterant nec ipsi destinare, in quam regionem obverterent corpora, quum undique tempestatis violentia maior, quam vitabatur,

5 occurreret. Ergo ordinibus solutis, per totum saltum errabundum agmen ferebatur, multique prius metu quam labore defatigati prostraverant humi corpora, quamquam imbre vis frigoris concreto gelu astrinxerat. Alii se stipitibus arborum admoverant: id plurimis et adminiculum et suffugium erat. Nec fallebat ipsos, morti locum eligere, quum immobiles vitalis calor linqueret: sed grata erat pigritia corporum fatigatis, nec recusabant extingui quiescendo. Quippe non vehemens modo, sed etiam pertinax vis mali insistebat, lucemque, naturale solatium, praeter tempestatem haud disparem nocti silvarum quoque umbra suppresserat. Rex unus tanti mali patiens circumire milites, contrahere dispersos, allevare prostratos, ostendere procul evolutum ex tuguriis fumum hortarique, ut proxima quaeque suffugia occuparent. Nec ulla res magis salutis fuit, quam quod multiplicato labore sufficientem malis, quibus ipsi cesserant, regem deserere erubescerent.

(15) Ceterum efficacior in adversis necessitas, quam ratio, frigoris remedium invenit. Dolabris enim silvas sternere aggressi passim acervos struesque accenderunt. Continenti incendio ardere crederes saltum et vix inter flammam agminibus relictum locum. Hic calor stupentia membra commovit, paulatimque spiritus, quem continuatur rigor, meare libere coepit. Excepere alios tecta barbarorum, quae in ultimo saltu abdita necessitas investigaverat, alios castra, quae in humido quidem, sed iam coeli mitescente saevitia, locaverunt. Duo milia militum atque lixarum calorumque pestis illa consumpsit. Memoriae proditum est, quosdam applicatos arborum truncis et non solum viventibus, sed etiam inter se colloquentibus similes esse inspectos, durante adhuc habitu, in quo mors quemque deprehenderat. Forte Macēdo gregarius miles, [aegre] seque et arma sustentans, tandem in castra pervenerat. Quo viso rex, quamquam ipse tummaxime admoto igne relovebat artus, ex sella sua exiit torpentemque militem et vix compotem mentis, demptis armis, in sua sede iussit considerare. Ille diu nec, ubi requiesceret, nec, a quo esset exceptus, agnovit. Tandem, recepto calore vitali, ut re-

giam sedem regemque vidit, territus surgit. Quem intuens 17 Alexander, *Ecquid intelligis, miles*, inquit, *quanto meliore sorte, quam Persae, sub rege vivatis? Illis enim in sella regis consedisse capital foret, tibi saluti fuit.* Postero die, convoca- 18 tis amicis copiarumque ducibus, pronuntiari iussit, ipsum omnia, quae amissa essent, redditurum. Et promisso fides extitit. Nam Sysimithres multa iumenta et camelorum duo 19 milia adduxit pecoraque et armenta: quae distributa pariter militem et damno et fame liberaverunt. Rex gratiam 20 sibi relata a Sysimithre praefatus sex dierum cocta cibaria ferre milites iussit, Sagos petens. Totam hanc regionem depopulatus XXX milia pecorum ex praeda Sysimithri dono dat.

(16) Inde pervenit in regionem, cui Oxyartes, satrapes nobilis, praecerat, qui se regis potestati fideique permisit. Ille, imperio ei reddito, haud amplius, quam ut duo ex tribus filiis secum militarent, exegit. Satrapes etiam 22 eum, qui penes ipsum relinquebatur, tradit. Barbara opulentia convivium, quo regem accipiebat, instruxerat. Id 23 quum multa comitate celebraret, introduci XXX nobiles virgines iussit. Inter quas erat filia ipsius, Roxane nomine, eximia corporis specie et decore habitus in barbaris raro. Quae quamquam inter electas processerat, omnium tamen 24 oculos convertit in se, maxime regis, minus iam cupiditatibus suis imperantis inter obsequia fortunae, contra quam non satis cauta mortalitas est. Itaque ille, qui uxorem Dardani, qui duas filias virgines, quibus forma praeter Roxanen comparari nulla poterat, haud alio animo quam parentis aspexerat, tunc in amorem virgunculae, si regiae stirpi compararetur, ignobilis ita effusus est, ut diceret, ad stabiliendum regnum pertinere, Persas et Macedones connubio iungi: hoc uno modo et pudorem victis et superbiam victoribus detrahi posse. Achillem quoque, a quo 26 genus ipse deduceret, cum captiva coisse: ne inferri nefas arbitrarentur, ita matrimonii iure velle iungi. Insuperato 27 gaudio laetus pater sermonem eius excipit: et rex in medio cupiditatis ardore iussit afferri patrio more panem. Hoc erat apud Macedones sanctissimum coeuntium pignus:

28 quem divisum gladio uterque libabat. Credo, eos, qui gentis mores condiderunt, parco et parabili victu ostendere voluisse iungentibus opes, quantulo contenti esse 29 deberent. Hoc modo rex Asiae et Europae introductam inter convivales ludos matrimonio sibi adiunxit, e captiva 30 geniturus, qui victoribus imperaret. Pudebat amicos, super vinum et epulas socerum ex deditis esse delectum: sed post Cliti caedem libertate sublata, vultu, qui maxime servit, assentiebantur.

## CAP. V.

1 (17) Ceterum Indiam et inde Oceānum petiturus, ne quid a tergo, quod destinata impedire posset, moveretur, ex omnibus provinciis XXX milia iuniorum legi iussit et ad se armata perduci, obsides simul habiturus et milites. 2 Cratērum autem ad persequendos Haustānem et Catēnem, qui ab ipso defecerant, misit: quorum Haustānes captus est, Catēnes in proelio occisus. Polypercon quoque regionem, quae Bubacēne appellatur, in ditionem redegit. 3 Itaque, omnibus compositis, cogitationes in bellum Indicum vertit. Dives regio habebatur non auro modo, sed gemmis quoque margaritisque, ad luxum magis quam ad 4 magnificentiam exulta. Periti militares auro et ebore fulgere dicebant: itaque, necubi vinceretur, quum ceteris praestaret, scutis argenteas laminas, equis frenos aureos addidit, loricas quoque alias auro, alias argento adornavit. CXX milia armatorum erant, quae regem ad id bellum 5 sequebantur. Iamque omnibus praeparatis, quod olim prava mente conceperat, tunc esse maturum [ratus], quoniam modo coelestes honores usurparet, coepit agitare. Iovis filium non dici tantum se, sed etiam credi volebat, 6 tanquam perinde animis imperare posset ac linguis, itaque more Persarum Macedonas venerabundos ipsum salutare prosternentes humi corpora. Non deerat talia concupiscenti perniciose adulatio, perpetuum malum regum, 7 quorum opes saepius assentatio quam hostis evertit. Nec Macedonum haec erat culpa, — nemo enim illorum quicquam ex patrio more labare sustinuit, — sed Graecorum,



qui professionem honestarum artium malis corruperant moribus. Agis quidam Argivus, pessimorum carminum 8 post Choerilum conditor, et ex Sicilia Cleo (hic quidem non ingenii solum, sed etiam nationis vitio adulator) et cetera urbium suarum purgamenta, quae propinquis etiam maximorumque exercituum ducibus a rege praeferebantur, — hi tum coelum illi aperiebant Herculemque et Patrem Libërum et cum Polluce Castorem novo numini cessuros esse iactabant.

(18) Igitur festo die omni opulentia convivium exor- 9 nari iubet, cui non Macedones modo et Graeci, principes amicorum, sed etiam [barbari] nobiles adhiberentur. Cum quibus quum discubisset rex, paulisper epulatus convivio egreditur. Cleo, sicut praeparatum erat, sermonem 10 eum admiratione laudum eius instituit. Merita deinde percensuit, quibus uno modo referri gratiam posse, si, quem intelligerent deum esse, confiterentur, exigua turis impensa tanta beneficia pensaturi. Persas quidem non pie solum, 11 sed etiam prudenter reges suos inter deos colere: maiestatem enim imperii salutis esse tutelam. Ne Herculem quidem et Patrem Libërum prius dicatos deos, quam vicissent secum viventium invidiam: tantandem quoque posteros credere, quantum praesens aetas spondisset. Quodsi ceteri dubitent, semetipsum, quum rex inisset con- 12 vivium, prostraturum humi corpus. Debere idem facere ceteros, et inprimis sapientia praeditos: ab illis enim cultus in regem exemplum esse prodendum. Haud perplexe 13 in Callisthënen dirigebatur oratio. Gravitas viri et prompta libertas invisa erat regi, quasi solus Macedonas paratos ad tale obsequium moraretur.

(19) Is tum, silentio facto, unum illum intuentibus 14 ceteris, *Si rex, inquit, sermoni tuo affuisset, nullius profecto vox responsuri tibi desideraretur: ipse enim peteret, ne in peregrinos externosque ritus degenerare se cogeres neu rebus felicissime gestis invidiam tali adulatione contraheres. Sed 15 quoniam abest, ego tibi pro illo respondeo, nullum esse eundem et diuturnum et praecocem fructum coelestesque honores non dare te regi, sed auferre. Intervallo enim opus est, ut*

*credatur deus, semperque hanc gratiam magnis viris posteri 16 reddunt. Ego autem seram immortalitatem precor regi, ut et vita diuturna sit et aeterna maiestas. Hominem consequitur 17 aliquando, nunquam comitatur divinitas. Herculem modo et Patrem Libërum consecratae immortalitatis exempla referebas. Credisne, illos unius convivii decreto deos factos? Prius ab oculis mortalium amolita natura est, quam in coelum fama 18 perveheret. Scilicet ego et tu, Cleo, deos facimus: a nobis divinitatis suae auctoritatem accepturus est rex. Potentiam tuam experiri libet: fac aliquem regem, si deum potes fa- 19 cere. Facilius est, coelum dare, quam imperium? Di propitii sine invidia, quae Cleo dixit, audierint eodemque cursu, quo fluxere adhuc res, ire patiantur. Nostris moribus velint nos esse contentos. Non pudet patriae, nec desidero, ad quem modum rex mihi colendus sit, [a victis] discere. Quos equidem victores esse confiteor, si ab illis leges, quis vivamus, accipimus.*

20 (20) Aequis auribus Callisthënes, veluti vindex publicae libertatis, audiebatur. Expresserat non assensionem modo, sed etiam vocem, seniorum praecipue, quibus 21 gravis erat inveterati moris externa mutatio. Nec quicquam eorum, quae invicem iactata erant, rex ignorabat, quum post aulaea, quae lectis obduxerat, staret. Igitur ad Agin et Cleonem misit, ut, sermone finito, barbaros tantum, quum intrasset, procumbere suo more paterentur: 22 repetit. Quem venerantibus Persis Polypercon, qui cubabat supra regem, unum ex his mento contingentem humum per ludibrium coepit hortari, ut vehementius id quateret ad terram, elicuitque iram Alexandri, quam olim 23 animo capere non poterat. Itaque rex, *Tu autem, inquit, non veneraberis me? An tibi uni digni videmur esse ludibrio?* Ille nec regem ludibrio nec se contemptu dignum esse 24 respondit. Tum detractum eum lecto rex praecipit in terram. Et quum is pronus corruisset, *Videsne, inquit, idem te fecisse, quod in alio paulo ante ridebas?* Et tradi eo in custodiam iusso convivium solvit. Polyperconti quidem postea, castigato diu, ignovit.

## CAP. VI.

In Callisthēnen olim contumaciae suspectum pervi-  
caciōis irae fuit. Cuius explendae matura obvenit oc-  
casio.

(21) Mos erat, ut supra dictum est, principibus Ma-  
cedōnum, adultos liberos regibus tradere ad munia haud  
multum servilibus ministeriis abhorrentia. Excubabant,  
servatis noctium vicibus, proximi foribus eius aedis, in  
qua rex acquiescebat. Per hos pellices introducebantur  
alio aditu, quam quem armati obsidebant. Iidem acceptos  
ab agasonibus equos, quum rex ascensurus esset, admo-  
vebant comitabanturque et venantem et in proeliis, omni-  
bus artibus studiorum liberalium exculi. Praecipuus ho-  
nor habebatur, quod licebat sedentibus vesci cum rege.  
Castigandi eos verberibus nullius potestas praeter ipsum  
erat. Haec cohors velut seminarium ducum praefecto-  
rumque apud Macedōnas fuit: hinc habuere posteri re-  
ges, quorum stirpibus post multas aetates Romani opes  
ademerunt.

Igitur Hermolāus, puer nobilis ex regia cohorte,  
quum aprum telo occupasset, quem rex ferire destinaverat,  
iussu eius verberibus affectus est. Quam ignominiam  
aegre ferens deflare apud Sostrātum coepit. Ex eadem co-  
horte erat Sostrātus, amore eius ardens. Qui quum lace-  
ratum corpus, in quo deperibat, intueretur, forsitan olim  
ob aliam quoque causam regi infestus, iuvenem sua sponte  
iam motum, data fide acceptaque, perpulit, ut occidendi  
regem consilium secum iniret. Nec puerili impetu rem  
executi sunt: quippe sollerter legerunt, quos in societa-  
tem sceleris asciscerent. Nicostrātum, Antipātrum Ascle-  
pidorumque et Philōtam placuit assumi: per hos adiecti  
sunt Anticles, Elaptonius et Epimēnes. Ceterum agenda  
rei haud sane facilis patebat via. Opus erat, eadem omnes  
coniuratos nocte excubare, ne ab expertibus consilii im-  
pedirentur: forte autem alius alia nocte excubabat. Itaque  
in permutandis stationum vicibus ceteroque apparatu exe-  
quendae rei triginta et duo dies absumpti sunt.

12 (22) Aderat nox, qua coniurati excubare debebant,  
mutua fide laeti, cuius documentum tot dies fuerant. Ne-  
minem metus spesve mutaverat: tanta omnibus vel in re-  
13 gem ira vel fides inter ipsos fuit. Stabant igitur ad fores  
aedis eius, in qua rex vescebatur, ut convivio egressum  
14 in cubiculum deducerent. Sed fortuna ipsius simulque  
epulantium comitas provexit omnes ad largius vinum:  
ludi etiam convivales extraxere tempus, nunc laetantibus  
coniuratis, quod sopitum aggressuri essent, nunc sollici-  
15 tis, ne in lucem convivium extraheret. Quippe alios in  
stationem oportebat prima luce succedere, ipsorum post  
septimum diem reditura vice: nec sperare poterant, in  
16 illud tempus omnibus duraturam fidem. Ceterum quum  
iam lux appeteret, et convivium solvitur et coniurati ex-  
ceperunt regem, laeti, occasionem exequendi sceleris ad-  
motam: quum mulier, attonitae, ut creditum est, mentis,  
conversari in regia solita, quia instinctu videbatur futura  
praedicere, non occurrit modo abeunti, sed etiam semel  
obiecit vultuque et oculis motum praeferens animi, ut re-  
17 diret in convivium, monuit: et ille per ludum bene deos  
suadere respondit revocatisque amicis in horam diei  
18 ferme secundam convivii tempus extraxit. Iam alii ex co-  
horte in stationem successerant, ante cubiculi fores ex-  
cubituri, adhuc tamen coniurati stabant, vice officii sui  
expleta: adeo pertinax spes est, quam humanae mentes  
19 ingentia concupiscentes devoraverunt. Rex benignius  
quam alias allocutus discedere eos ad curanda corpora,  
quoniam tota nocte perstitissent, iubet. Data sunt singulis  
quinquaginta sestertia, collaudatis quoque, quod etiam  
aliis tradita vice tamen excubare perseverassent.

20 (23) Illi tanta spe destituti domos abeunt. Et ceteri  
quidem expectabant stationis suae noctem: Epimēnes sive  
comitate regis, qua ipsum inter coniuratos exceperat, re-  
pente mutatus, sive quia coeptis deos obstare credebat,  
fratri suo Eurylōcho, quem antea expertem esse consilii  
21 voluerat, quid pararetur, aperit. Omnibus Philōtae suppli-  
cium in oculis erat. Itaque protinus iniicit fratri manum  
et in regiam pervenit excitatisque custodibus corporis ad



salutem regis pertinere, quae afferret, affirmat. Et tempus, 22  
quo venerant, et vultus, haud sane securi animi index, et  
maestitia e duobus alterius Ptolemaeum ac Leonnatum ex-  
cubantes ad cubiculi limen excitaverunt. Itaque apertis  
foribus et lumine illato, sopitum mero ac somno excitant  
regem. Ille, paulatim mente collecta, quid afferrent, inter-  
rogat. Nec cunctatus Eurylochus non ex toto domum suam 23  
aversari deos dixit, quia frater ipsius, quamquam impium  
facinus ausus foret, tamen et poenitentiam eius ageret et  
per se potissimum profiteretur indicium. In eam ipsam  
noctem, quae decederet, insidias comparatas fuisse, au-  
ctores scelesti consilii esse, quos minime crederet rex.  
Tum Epimenes cuncta ordine conscriptorumque nomina ex- 24  
ponit. Callisthenem non ut participem facinoris nominatum  
esse constabat, sed solitum puerorum sermonibus vitupe-  
rantium criminantiumque regem faciles aures praebere.  
Quidam adiciunt, quum Hermolaus apud eum quoque 25  
verberatum se a rege quereretur, dixisse Callisthenem, me-  
minisse debere eos, iam viros esse: idque ad consolan-  
dam patientiam verberum, an ad incitandum iuvenum do-  
lorem dictum esset, in ambiguo fuisse.

Rex, animi corporisque sopore discusso, quum tanti 26  
periculi, quo evaserat, imago oculis oberraret, Eurylochum  
L talentis et cuiusdam Tyridatis opulentis bonis protinus  
donat fratremque, antequam pro salute eius precaretur,  
restituit. Sceleris autem auctores interque eos Callisthe- 27  
nen vinctos asservari iubet: quibus in regiam adductis  
toto die et nocte proxima mero ac vigiliis gravis ac-  
quievit.

(24) Postero autem frequens consilium adhibuit, cui 28  
patres propinque eorum, de quibus agebatur, inter-  
erant, ne de sua quidem salute securi: quippe Macedonum  
more perire debebant, omnium devotis capitibus, qui san-  
guine contigissent eos. Rex introduci coniuratos praeter 29  
Callisthenem iussit: atque, quae agitaverant, sine cuncta-  
tione confessi sunt. Inreperantibus deinde universis eos, 30  
ipse rex, quo suo merito tantum in semet cogitassent fa-  
cinus, interrogat.

## CAP. VII.

1 Stupentibus ceteris, Hermolaus, *Nos vero, inquit, quo-*  
*niam, quasi nescias, quaeris, occidendi te consilium inivimus,*  
*quia non ut ingenuis imperare coepisti, sed quasi in mancipia*  
2 *dominaris.* Primus ex omnibus pater ipsius Sopolis, par-  
ricidam etiam parentis sui clamitans esse, consurgit et, ad  
os manu obiecta, scelere et malis insanientem ultra negat  
3 audiendum. Rex, inhibito patre, dicere Hermolaum iubet,  
quae ex magistro didicisset Callisthene. Et Hermolaus,  
*Utor, inquit, beneficio tuo et dico, quae nostris malis didici.*  
4 *Quota pars Macedonum saevitiae tuae superest? quotus qui-*  
*dem non e vilissimo sanguine? Attilus et Philotas et Parmenio*  
*et Lyncestes Alexander et Clitus, quantum ad hostes pertinet,*  
*vivunt, stant in acie, te clypeis suis protegunt et pro gloria*  
*tua, pro victoria vulnera accipiunt: quibus tu egregiam*  
5 *gratiam rettulisti. Alius mensam tuam sanguine suo aspersit,*  
*alius ne simplici quidem morte defunctus est. Duces exerci-*  
*tuum tuorum in equuleum impositi Persis, quos vicerant,*  
*fuere spectaculo. Parmenio indicta causa trucidatus est, per*  
6 *quem Attilum occideras. Invicem enim miserorum uteris*  
*manibus ad expetenda supplicia et, quos paulo ante ministros*  
7 *caedis habuisti, subito ab aliis iubet trucidari.* Obstrepunt  
subinde cuncti Hermolao, pater supremum strinxerat fer-  
rum, percussurus haud dubie, ni inhibitus esset a rege:  
quippe Hermolaum dicere iussit petiitque, ut causas sup-  
plicii audentem patienter audirent.

8 (25) Aegre ergo coercitis, rursus Hermolaus, *Quam*  
*liberaliter, inquit, pueris rudibus ad dicendum agere permit-*  
*tis! at Callisthenis vox carcere inclusa est, quia solus potest*  
9 *dicere. Cur enim non producitur, quum etiam confessi audiun-*  
*tur? nempe quia liberam vocem innocentis audire metuis ac*  
10 *ne vultum quidem pateris. Atqui nihil eum fecisse contendo.*  
*Sunt hic, qui mecum rem pulcherrimam cogitaverunt: nemo*  
*est, qui conscium fuisse nobis Callisthenem dicat, quum morti*  
11 *olim destinatus sit a iustissimo et patientissimo rege. Haec*  
*ergo sunt Macedonum praemia, quorum ut supervacuo et*  
*sordido abuteris sanguine! At tibi XXX milia mulorum*  
*captivum aurum vehunt, quum milites nihil domum praeter*

gratuitas cicatrices relaturi sint. Quae tamen omnia tolerare 12  
potuimus, antequam nos barbaris dederes et novo more victo-  
res sub iugum mitteres. Persarum te vestis et disciplina de-  
lectat, patrios mores exosus es. Persarum ergo, non Mace-  
dōnum regem occidere voluimus et te transfugam belli iure  
persequimur. Tu Macedōnas voluisti genua tibi ponere vene- 13  
rarique te ut deum: tu Philippum patrem aversaris et, si quis  
deorum ante Iovem haberetur, fastidires etiam Iovem. Mi- 14  
raris, si liberi homines superbiam tuam ferre non possumus?  
Quid speramus ex te, quibus aut insontibus moriendum est,  
aut, quod tristius morte est, in servitute vivendum? Tu qui- 15  
dem, si emendari potes, multum mihi debes. Ex me enim  
scire coepisti, quid ingenui homines ferre non possint. De  
cetero parce [parentibus et], quorum orbas senectutem, sup-  
plicii ne oneraveris: nos iube duci, ut, quod ex tua morte  
petieramus, consequamur ex nostra. Haec Hermolāus.

## CAP. VIII.

(26) At rex, Quam falsa sint, inquit, quae iste tradita 1  
a magistro suo dixit, patientia mea ostendit. Confessum enim 2  
ultimum facinus tamen non solum ipse [audivi, sed etiam  
ut vos] audiretis, expressi, non imprudens, quum permissem  
latroni huic dicere, usurum eum rabie, qua compulsus est, ut  
me, quem parentis loco colere deberet, vellet occidere. Nuper 3  
quum procacius se in venatione gessisset, more patrio et ab  
antiquissimis Macedoniae regum usurpato castigari eum  
iussi. Hoc et oportet fieri et ferunt a tutoribus pupilli, a ma-  
ritis uxores: servis quoque pueros huius aetatis verberare  
concedimus. Haec est saevitia in ipsum mea, quam impia 4  
caede voluit ulcisci. Nam in ceteros, qui mihi permittunt uti  
ingenio meo, quam milis sim, non ignoratis, et commemorare  
supervacuum est. Hermolāo parricidarum supplicia non 5  
probari, quum eadem ipse meruerit, minime hercule admiror.  
Nam quum Parmenionem et Philotam laudat, suae servit  
causae. Lyncesten vero Alexandrum bis insidiatum capiti 6  
meo a duobus indicibus liberavi, rursus convictum per bien-  
nium tamen distuli, donec vos postularetis, ut tandem debito  
supplicio scelus lueret. Attalum, antequam rex essem, hostem 7

meo capiti fuisse meminisis. Clitus utinam non coëgisset me  
sibi irasci! Cuius temerariam linguam probra dicentis mihi  
et vobis diutius tuli, quam ille eadem me dicentem tulisset.  
8 Regum ducumque clementia non in ipsorum modo, sed etiam  
in illorum, qui parent, ingeniis sila est. Obsequio mitigantur  
imperia: ubi vero reverentia excessit animis, et summa imis  
confundimus, vi opus est, ut vim repellamus.  
9 (27) Sed quid ego mirer, istum crudelitatem mihi obie-  
cisse, qui avaritiam exprobrare ausus sit? Nolo singulos  
vestrum excitare, ne invisam liberalitatem meam faciam, si  
pudori vestro gravem fecero. Totum exercitum aspiciate: qui  
paulo ante nihil praeter arma habebat, nunc argenteis cubat  
lectis: mensas auro onerant, servorum greges ducunt, spolia de  
10 hostibus sustinere non possunt. At enim Persae, quos vicimus,  
in magno honore sunt apud me! Equidem moderationis meae  
certissimum indicium est, quod ne victis quidem superbe im-  
pero. Veni enim in Asiam, non ut funditus everterem gentes,  
nec ut dimidia parte terrarum solitudinem facerem, sed ut  
illos quoque, quos bello subegissem, victoriae meae non poeni-  
11 teret. Itaque militat vobiscum, pro imperio vestro sangui-  
nem fundunt, qui superbe habiti rebellassent. Non est diu-  
turna possessio, in quam gladio inducimur: beneficiorum  
12 gratia sempiterna est. Si habere Asiam, non transire volu-  
mus, cum his communicanda est nostra clementia: horum  
fides stabile et aeternum faciet imperium. Et sane plus ha-  
bemus, quam capimus. Insatiabilis autem avaritiae est, ad-  
13 huc impleri velle, quod iam circumfluit. Veruntamen eorum  
mores in Macedōnas transfundo! In multis enim gentibus  
esse video, quae non erubescamus imitari: nec aliter tantum  
imperium apte regi potest, quam ut quaedam et tradamus  
illis et ab iisdem discamus.  
14 (28) Illud paene risu dignum fuit, quod Hermolāus  
postulabat a me, ut aversarer Iovem, cuius oraculo agnoscor.  
15 An etiam, quid dii respondeant, in mea potestate est? Obtulit  
mihi filii nomen: recipere ipsis rebus, quas agimus, haud  
alienum fuit. Utinam Indi quoque deum esse me credant!  
Fama enim bella constant, et saepe etiam, quod falso credi-  
16 tum est, veri vicem obtinuit. An ma luxuriae indulgentem pu-  
13\*



tatis arma vestra auro argentoque adornasse? Assuetis, nihil  
 vilius hac videri materia, volui ostendere, Macedōnas, in-  
 victos ceteris, ne auro quidem vinci. Oculos ergo primum 17  
 eorum sordida omnia et humilia spectantium capiam et do-  
 cebo, nos non auri aut argenti cupidos, sed orbem terrarum  
 subacturos venire. Quam gloriam tu, parricida, intercipere  
 voluisti et Macedōnas, rege adempto, devictis gentibus dedere.  
 At nunc mones me, ut vestris parentibus parcam! Non oportet  
 quidem vos scire, quid de his statuissim, quo tristiores  
 periretis, si qua vobis parentum memoria et cura est: sed  
 olim istum morem occidendi cum scelestis insontes propin-  
 quos parentesque solvi et profiteor, in eodem honore futuros  
 omnes eos, in quo fuerunt. Nam tuum Callisthēnen, cui uni 19  
 vir videris, quia latro es, scio, cur produci velis: ut coram his  
 probra, quae in me modo iecisti, modo audisti, illius quoque  
 ore referantur. Quem, si Macēdo esset, tecum introduxis-  
 sem, dignissimum te discipulo magistrum: nunc Olynthio non  
 idem iuris est.

(29) Post haec consilium dimisit tradique damnatos 20  
 norum manibus, qui ex eadem cohorte erant, iussit. Illi,  
 ut fidem suam saevitia regi approbarent, excruciatos ne-  
 caverunt. Callisthēnes quoque tortus interiit, initi consilii 21  
 in caput regis innoxius, sed haudquaquam aulae et as-  
 sentantium accommodatus ingenio. Itaque nullius caedes 22  
 maiorem apud Graecos Alexandro excitavit invidiam, quod  
 praeditum optimis moribus artibusque, a quo revocatus  
 ad vitam erat, quum, interfecto Clito, mori perseveraret,  
 non tantum occiderit, sed etiam torserit, indicta quidem  
 causa. Quam crudelitatem sera poenitentia consecuta est. 23

## CAP. IX.

(30) Sed ne otium serendis rumoribus na-  
 tum aleret, in Indiam movit, semper bello quam  
 post victoriam clarior. India tota ferme spectat  
 orientem, minus in latitudinem, quam recta re-  
 gione spatiosa. Quae austrum accipiunt, in altius terrae  
 fastigium excedunt: plana sunt cetera multisque inclitis  
 annibus Caucāso monte ortis placidum per campos iter

4 praebent. Indus gelidior est, quam ceteri: aquas vehit a  
 5 colore maris haud multum abhorrentes. Ganges, omnium  
 ab oriente fluvius eximius, ad meridianam regionem de-  
 currit et magnorum montium iuga recto alveo stringit: inde  
 6 eum obiectae rupes inclinant ad orientem. Uterque rubro  
 mari accipitur. Indus ripas multasque arbores cum magna  
 7 soli parte exsorbet, saxis quoque impeditus, quis crebro  
 reverberatur: ubi mollius solum reperit, stagnat insulas-  
 8 que molitur: Acesīnes eum auget. Ganges \* decursurum  
 in mare intercipit, magnoque motu annis uterque colli-  
 ditur: quippe Ganges asperum os influenti obicit, nec  
 9 repercussae aquae cedunt. Dyardānes minus celebrer au-  
 ditu est, quia per ultima Indiae currit: ceterum non cro-  
 codilos modo, uti Nilus, sed etiam delphinos ignotasque  
 10 aliis gentibus beluas alit. Ethimantus crebris flexibus sub-  
 inde curvatus ab accolis rigantibus carpitur: ea causa est  
 cur tenues reliquias iam sine nomine in mare emittat.  
 11 Multis praeter hos amnibus tota regio dividitur, sed igno-  
 12 bilibus, quia non adeo interfluunt. Ceterum, quae pro-  
 piora sunt mari, aquilone maxime deurrunt: is cohibitus  
 iugis montium ad interiora non penetrat, ita alendis fru-  
 13 gibus mitia. Sed adeo in illa plaga mundus stas tem-  
 porum vices mutat, ut, quum alia fervore solis exaestuant,  
 Indiam nives obruant, rursusque, ubi cetera rigent, illic  
 intolerandus aestus existat. Nec, cur ibi se natura [inver-  
 14 terit, patescit] causa. Mare certe, quo alluitur, ne colore  
 quidem abhorret a ceteris. Ab Erythro rege inditum est  
 nomen: propter quod ignari rubere aquas credunt.

15 (31) Terra lini ferax: inde plerisque sunt vestes. Libri  
 arborum, teneri haud secus quam chartae, litterarum no-  
 16 tas capiunt. Aves ad imitandum humanae vocis sonum  
 dociles sunt. Animalia inusitata ceteris gentibus, nisi in-  
 17 vecta. Eadem terra rhinocerotas alit, non generat. Ele-  
 phantorum maior est vis, quam quos in Africa domitant:  
 18 et viribus magnitudo respondet. Aurum flumina vehunt,  
 19 quae leni modicoque lapsu segnes aquas ducunt. Gem-  
 mas margaritasque mare litoribus infundit: neque alia  
 illis maior opulentiae causa est, ulique postquam vitiorum

commercium vulgavere in exteras gentes: quippe aesti-  
mantur purgamenta exaestuantis freti pretio, quod libido  
constituit. Ingenia hominum, sicut ubique, apud illos lo-  
corum quoque situs format. Corpora usque pedes car-  
baso velant, soleis pedes, capita linteis vinciunt: lapilli ex  
auribus pendent: brachia quoque et lacertos auro colunt,  
quibus inter populares aut nobilitas aut opes eminent.  
Capillum pectunt saepius, quam tondent: mentum semper  
intonsum est: reliquam oris cutem ad speciem levitatis  
exaequant.

(32) Regum tamen luxuria, quam ipsi magnificentiam  
appellant, super omnium gentium vitia. Quum rex semet  
in publico conspici patitur, turibula argentea ministri fe-  
runt totumque iter, per quod ferri destinavit, odoribus  
complant. Aurea lectica, margaritis circumpendentibus, re-  
cubat: distincta sunt auro et purpura carbasa, quae indu-  
tus est: lecticam sequuntur armati corporisque custodes,  
inter quos ramis aves pendent, quas cantu seriis rebus  
obstrepere docuerunt. Regia auratas columnas habet: to-  
tas eas vitis auro caelata percurrit, aviumque, quarum  
visu maxime gaudent, argenteae effigies opera distinguunt.  
Regia adeuntibus patet, quum capillum pectit atque ornat:  
tunc responsa legationibus, tunc iura popularibus reddit.  
Demptis soleis, odoribus illinuntur pedes. Venatus maxi-  
mus labor est, inclusa vivario animalia inter vota cantus-  
que pellicum figere. Binum cubitorum sagittae sunt, quas  
emittunt maiore nisu, quam effectum. Quippe telum, cuius  
in levitate vis omnis est, inhabili pondere oneratur. Bre-  
viora itinera equo conficit: longior ubi expeditio est, ele-  
phanti vehunt currum, et tantarum beluarum corpora tota  
contegunt auro. Ac ne quid perditis moribus desit, lecti-  
cis aureis pellicum longus ordo sequitur: separatim a re-  
ginae ordine agmen est aequatque luxuriam. Feminae  
epulas parant. Ab iisdem vinum ministratur, cuius omni-  
bus Indis largus est usus. Regem mero somnoque sopi-  
tum in cubiculum pellices referunt, patrio carmine noctium  
invocantes deos.

(33) Quis credat, inter haec vitia curam esse sapien-

tiae? Unum agreste et horridum genus est, quod sapien-  
tes vocant. Apud hos occupare fati diem pulchrum, et  
vivis se cremari iubent, quibus aut segnis aetas aut in-  
commoda valetudo est: expectatam mortem pro dedecore  
vitae habent. Nec ullus corporibus, quae senectus solvit,  
honus redditur: inquinari putant ignem, nisi qui spirantes  
recipit. Illi, qui in urbibus publicis moribus degunt, side-  
rum motus scite spectare dicuntur et futura praedicere.  
Nec quemquam admovere leti diem credunt, cui expectare  
interrito liceat. Deos putant, quicquid colere coeperunt,  
arbres maxime, quas violare capital est. Menses in qui-  
nos denos descripserunt dies, anni plena spatia servantur.  
Lunae cursu notant tempora, non, ut plerique, quum or-  
bem sidus implevit, sed quum se curvare coepit in cornua,  
et idcirco breviores habent menses, qui spatium eorum  
ad hunc lunae modum dirigunt. Multa et alia traduntur  
quibus morari ordinem rerum haud sane operae vide-  
batur.

## CAP. X.

(34) Igitur Alexandro fines Indiae ingresso gentium  
suarum reguli occurrerunt, imperata facturi, illum tertium  
Iove genitum ad ipsos pervenisse memorantes: Patrem  
Libërum atque Herculem fama cognitos esse, ipsum coram  
adesse cernique. Rex benigne exceptos sequi iussit, iis-  
dem itinerum ducibus usus. Ceterum quum amplius  
nemo occurreret, Hephaestionem et Perdiccam cum co-  
piarum parte praemisit ad subigendos, qui aversarentur  
imperium: iussitque ad flumen Indum procedere et navi-  
gia facere, quis in ulteriora transportari posset exercitus.  
Illi, quia plura flumina superanda erant, sic iunxere naves,  
ut solutae plaustris vehi possent rursusque coniungi. Post  
se Cratëro cum phalange iusso sequi, equitatum ac levem  
armaturam eduxit eosque, qui occurrerant, levi proelio  
in urbem proximam compulit. Iam supervenerat Cratërus.  
Itaque ut principio terrorem incuteret genti nondum arma  
Macedonum expertae, praecipit, ne cui parceretur, muni-  
mentis urbis, quam obsidebat, incensis. Ceterum dum ob-



equitat moenibus, sagitta ictus est. Cepit tamen oppidum, et, omnibus incolis eius trucidatis, etiam in tecta saevitum est.

(35) Inde, domita ignobili gente, ad Nysam urbem 7 pervenit. Forte castris ante ipsa moenia in silvestri loco positus, nocturnum frigus vehementius quam alias horrore corpora affecit, opportunumque remedium ignis oblatum est. Caesis quippe silvis flammam excitaverunt, quae, 8 igni alita, oppidanorum sepulera comprehendit. Vetusta cedro erant facta conceptumque ignem late fudere, donec omnia solo aequata sunt. Et ex urbe primum canum latratus, deinde etiam hominum fremitus auditus est. Tum et oppidani hostem, et Macedones ad urbem ipsos venisse cognoscunt. Iamque rex eduxerat copias et moenia obsidebat, quum hostium, qui discrimen tentaverant, obruti telis sunt. Aliis ergo deditioem, aliis pugnam experiri placebat: quorum dubitatione comperta circumsideri tantum eos et abstinere caedibus iussit: tandemque obsidionis malis fatigati deditioem se. A Libero Patre conditos se esse dicebant: et vera haec origo erat. Sita est sub radicibus montis, quem Meron incolae appellant. Inde Graeci mentiendi traxere licentiam, Iovis femine Libero Patrem esse celatum.

(36) Rex, situ montis cognito ex incolis, cum toto exercitu, praemissis comitatibus, verticem eius ascendit. Multa hedera vitisque toto gignitur monte: multae perennes aquae manant. Pomorum quoque varii salubresque succi sunt, sua sponte fortuitorum seminum fruges humo nutriente. Lauri baccharisque multa in illis rupibus agrestis est silva. Credo equidem, non divino instinctu, sed lascivia esse proventus, ut passim hederarum ac vitium folia decerperent redimitique fronde toto nemore similes bacchantibus vagarentur. Vocibus ergo tot milium praesidem nemoris eius deum adorantium iuga montis collesque resonabant, quum orta licentia a paucis, ut fere fit, in omnes se repente vulgasset. Quippe velut in media pace per herbas aggestamque frondem prostravere corpora. Et rex fortuitam laetitiam non aversatus, large ad epulas omnibus

praebitis, per decem dies Libero Patri operatum habuit exercitum. Quis neget, eximiam quoque gloriam saepius fortunae quam virtutis esse beneficium? quippe ne epulantes quidem et sopitos mero aggredi ausus est hostis, haud secus bacchantium ululantiumque fremitu perterritus, quam si proeliantium clamor esset auditus. Eadem felicitas ab Oceano revertentes temulentos comissantesque inter ora hostium texit.

(37) Hinc ad regionem, quae Daedala vocatur, perventum est. Deseruerant incolae sedes et in avios silvestresque montes confugerant. Ergo Acadira transit, aequae usta et destituta incolentium fuga. Itaque rationem belli necessitas mutavit. Divisis enim copiis, pluribus simul locis arma ostendit, oppressisque, ubi non expectaverant hostem, omni clade perdomiti sunt. Ptolemaeus plurimas urbes, Alexander maximas cepit: rursusque, quas distribuerat, copias iunxit. Superato deinde Choaspe amne, Coenon in obsidione urbis opulentae (Beiram incolae vocant) reliquit: ipse ad Mazagas venit. Nuper Assacano, cuius regnum fuerat, demortuo, regioni urbiue praeerat mater eius Cleophis. XXXVIII milia peditum tuebantur urbem non situ solum, sed etiam opere munitam. Nam qua spectat orientem, cingitur amne torrenti, qui, praeruptis utrimque ripis, aditum ad urbem impedit. Ad occidentem et a meridie velut de industria rupes praeealtas admolita natura est, infra quas cavernae et voragine longae vetustate in altum cavatae iacent, quaque desunt, fossa ingentis operis obiecta est. XXXV stadia murus urbis complectitur, cuius inferiora saxo, superiora crudo latere sunt structa. Lateri vinculum lapides sunt, quos interposuere, ut duriori materiae fragilis incumberet, simulque terra humore diluta. Ne tamen universa consideret, impositae erant trabes validae, quibus iniecta tabulata muros et tegebant et pervios fecerant. Haec munimenta contemplantem Alexandrum consilii quoque incertum, quia nec cavernas, nisi aggere, poterat implere nec tormenta aliter muris admovere, quidam e muro sagitta percussit. Tum forte in suram incidit telum: cuius spiculo

evulso admoveri equum iussit: quo vectus, ne obligato  
quidem vulnere, haud segnius destinata exequabatur. Ce-  
terum quum crus saucium penderet, et, cruore siccato,  
frigescentis vulnus aggravaret dolorem, dixisse fertur, se  
quidem Iovis filium dici, sed corporis aegri vitia sentire.  
Non tamen ante se recepit in castra, quam cuncta per-  
spexit et, quae fieri vellet, edixit.

(38) Ergo, sicut imperatum erat, alii extra urbem  
tectis moliebantur ingentemque vim materiae faciendo ag-  
geri detrahebant, alii magnarum arborum stipites cum ra-  
mis ac moles saxorum in cavernas deiiciebant. Iamque  
agger aequaverat summae fastigium terrae: itaque tur-  
res erigebantur: quae opera ingenti militum ardore intra  
nonum diem absoluta sunt. Ad ea visenda rex, nondum  
obducta vulnere cicatrice, processit laudatisque militibus  
admoveri machinas iussit, e quibus ingens vis telorum in  
propugnatores effusa est. Praecipue rudes talium operum  
terrebant mobiles turre, tantasque moles nulla ope, quae  
cerneretur, admotas deorum numine agi credebant: pila  
quoque muralia et excussas tormentis praegraves hastas  
negabant convenire mortalibus. Itaque, desperata urbis  
utela, concessere in arcem. Inde, quia nihil obsessis  
praeter ditionem placebat, legati ad regem descende-  
runt, veniam petitori. Qua impetrata regina venit cum  
magno nobilium feminarum grege, aureis pateris vina li-  
bantium. Ipsa, genibus regis parvo filio admoto, non ve-  
niam modo, sed etiam pristinae fortunae impetravit decus.  
Quippe appellata regina est: et credidere quidam, plus  
formae quam miserationi datum. Puero quoque certe  
postea ex ea utcunque genito Alexandro fuit nomen.

## CAP. XI.

(39) Hinc Polypercon ad urbem Noram cum exercitu  
missus inconditos oppidanos proelio vicit: intra muni-  
menta compulsos secutus urbem in ditionem redegit. Multa  
ignobilia oppida deserta a suis venere in regis potestatem.  
Quorum incolae armati petram, Aornin nomine, occupa-

verunt. Hanc ab Hercule frustra obsessam esse terraeque  
motu coactum absistere fama vulgaverat. Inopem consilii  
Alexandrum, quia undique praeceps et abrupta rupes erat,  
senior quidam peritus locorum cum duobus filiis adit, si  
pretium operae esset, aditum se monstraturum esse pro-  
mittens. LXXX talenta constituit daturum Alexander et,  
altero ex iuvenibus obside retento, ipsum ad exequenda,  
quae obtulerat, dimisit. Leviter armatis dux datus est  
Mullinus, scriba regis. Hos enim, circuitu qui fallerent  
hostem, in summum iugum placebat evadere. Petra non,  
ut pleraeque, modicis ac mollibus clivis in sublime fasti-  
gium crescit, sed in metae maxime modum erecta est, cu-  
ius ima spatiosiora sunt, altiora in artius coeunt, summa  
in acutum cacumen exsurgunt. Radices eius Indus amnis  
subit, praealtus, utrimque asperis ripis: ab altera parte  
voragines eluviesque praeruptae sunt. Nec alia expugnandi  
patebat via, quam ut replerentur. Ad manum silva erat,  
quam rex ita caedi iussit, ut nudi stipites iacerentur:  
quippe rami fronde vestiti impedissent ferentes. Ipse pri-  
mus truncam arborem iecit, clamorque exercitus, index  
alacritatis, secutus est, nullo detrectante munus, quod rex  
occupavisset.

(40) Intra septimum diem cavernas expleverant, quum  
rex sagittarios et Agrianos iubet per ardua niti: iuvenes-  
que promptissimos ex sua cohorte XXX delegit. Duces  
his dati sunt Charus et Alexander, quem rex nominis,  
quod sibi cum eo commune esset, admonuit. Ac primo,  
quia tam manifestum periculum erat, ipsum regem discri-  
men subire non placuit: sed ut signum tuba datum est,  
vir audaciae promptae conversus ad corporis custodes  
sequi se iubet primusque invadit in rupem. Nec deinde  
quisquam Macedonum substitit, relictisque stationibus sua  
sponte regem sequebantur. Multorum miserabilis fuit ca-  
sus, quos ex praerupta rupe lapsos amnis praeterfluens  
hausit, triste spectaculum etiam non periclitantibus: quum  
vero alieno exitio, quid ipsis timendum foret, admoneren-  
tur, in metum misericordia versa, non extinctos, sed semet-  
ipsos deflebant. Et iam eo perventum erat, unde sine per-



nicie, nisi victores, redire non possent, ingentia saxa in subeuntes provolventibus barbaris, quis percussi instabili et lubrico gradu praecipites recidebant. Evaserant tamen 14 Alexander et Charus, quos cum XXX delectis praemisera rex, et iam pugnare comminus coeperant: sed quum superne tela barbari ingererent, saepius ipsi feriebantur, quam vulnerabant. Ergo Alexander et nominis sui et pro- 15 missi memor, dum acrius quam cautius dimicat, confossus undique obruitur. Quem ut Charus iacentem conspexit, 16 ruere in hostem omnium praeter ultionem immemor coepit multosque hasta, quosdam gladio interemit: sed quum tot unum incesserent manus, super amici corpus procubuit exanimis. Haud secus, quam par erat, promptissimo- 17 rum iuvenum ceterorumque militum interitu commotus rex signum receptui dedit. Saluti fuit, quod sensim et intre- 18 pidi se receperunt, et barbari hostem depulisse contenti non inslitere cedentibus.

(41) Ceterum Alexander, quum statuisset desistere 19 incepto, — quippe nulla spes potiundae petrae offerebatur, — tamen speciem ostendit in obsidione perseverantis. Nam et itinera obsideri iussit et turres admoveri et fatigatis alios succedere. Cuius pertinacia cognita Indi per bi- 20 duum quidem ac duas noctes cum ostentatione non fiducia modo, sed etiam victoriae epulati sunt, tympana suo more pulsantes: tertia vero nocte tympanorum quidem 21 strepitus desierat audiri: ceterum ex tota petra faces refulgebant, quas accenderant barbari, ut tutior esset ipsis fuga, obscura nocte per invia saxa cursuris. Rex, Balacro, 22 qui specularetur, praemisso, cognoscit, petram fuga Indorum esse desertam. Tum dato signo, ut universi conclamarent, incomposite fugientibus metum incussit: multique, 23 tanquam adesset hostis, per lubrica saxa perque invias cotes praecipitati occiderunt: plures aliqua membrorum parte mulcati ab integris deserti sunt. Rex, locorum ma- 24 gis quam hostium victor, [speciem] tamen magnae victoriae sacrificiis et cultu deum fecit. Arae in petra locatae sunt Minervae Victoriaeque. Ducibus itineris, quo subire 25 iusserat leviter armatos, etsi promissis minora praestite-

rant, pretium cum fide redditum est. Petrae regionisque ei adiunctae Sisocosto tutela permissa.

## CAP. XII.

1 Inde processit Ecbolima: et quum angustias itineris obsideri XX milibus armatorum ab Erice quodam comperisset, gravius agmen exercitus Coeno ducendum modicis itineribus tradidit. Ipse praegressus, per funditores ac sagittarios deturbatis, qui obsederant saltum, sequentibus se copiis viam fecit. Indi sive odio ducis, sive gratiam victoris initari Ericen fugientem adorti interemerunt caputque eius atque arma ad Alexandrum detulerunt. Ille facto impunitatem dedit, honorem denegavit exemplo.

4 (42) Hinc ad flumen Indum sextisdecimis castris pervenit omniaque, ut praeceperat, ad traiciendum preparata ab Hephaestione repperit. Regnabat in ea regione Omphis, qui patri quoque fuerat auctor dedendi regnum Alexandro et post mortem parentis legatos miserat, qui consulerent eum, regnare se interim vellet, an privatum 6 opperiri eius adventum. Permissoque, ut regnaret, non tamen ius datum usurpare sustinuit. Is benigne quidem exceperat Hephaestionem, gratuitum frumentum copiis eius admensus, non tamen ei occurrerat, ne fidem ullius, 7 nisi regis, experiretur. Itaque venienti obviam cum armato exercitu egressus est: elephantum quoque per modica intervalla militum agmini immixti procul castellorum fecerant speciem. Ac primo Alexander non socium, sed 8 hostem adventare credebat. Iamque et ipse arma milites capere et equites discedere in cornua iusserat, paratus ad pugnam. At Indus, cognito Macedonum errore, iussis subsistere ceteris, ipse concitat equum, quo vehebatur: 9 idem Alexander quoque fecit, sive hostis sive amicus occurreret, vel sua virtute vel illius fide tutus. Coivere, quod ex utriusque vultu posset intelligi, amicis animis: ceterum sine interprete non poterat conseri sermo. Itaque adhibito eo, barbarus occurrisse se dixit cum exercitu, totas imperii vires protinus traditurum, nec expectasse, dum 10 per nuntios daretur fides. Corpus suum et regnum per-

mittere illi, quem sciret gloriae militantem nihil magis quam famam timere perfidiae.

(43) Laetus simplicitate barbari rex et dextram fidei suae pignus dedit et regnum restituit. LVI elephantum erant, 11 quos tradidit Alexandro, multaue pecora eximiae magnitudinis, tauros ad III milia, pretiosum in ea regione acceptumque animis regnantium armentum. Quaerenti Alexandro, 12 plures agricultores haberet, an milites, cum duobus regibus bellanti sibi maiore militum quam agrestium manu opus esse respondit. Abisāres et Porus erant, sed in Poro 13 eminebat auctoritas. Uterque ultra Hydaspem amnem regnabat et belli fortunam, quisquis arma inferret, experiri decreverat. Omphis, permittente Alexandro, et regium in- 14 signe sumpsit et more gentis suae nomen, quod patris fuerat. Taxīlen appellavere populares, sequente nomine imperium, in quemcunque transiret. Igitur quum per tri- 15 duum hospitaliter Alexandrum accepisset, quarto die et, quantum frumenti copiis, quas Hephaestion duxerat, praebitum a se esset, ostendit et aureas coronas ipsi amicisque omnibus, praeter haec signati argenti LXXX talenta dono dedit. Qua benignitate eius Alexander mire laetus 16 et, quae is dederat, remisit et mille talenta ex praeda, quam vehebat, adiecit multaue convivalia ex auro et argento vasa, plurimum Persicae vestis, XXX equos ex suis cum iisdem insignibus, quos assueverant, quum ipsum veherent. Quae liberalitas sicut barbarum obstrinxerat, 17 ita amicos ipsius vehementer offendit. E quibus Meleāger super coenam largiore vino usus gratulari se Alexandro dixit, quod saltem in India reperisset dignum talentis mille. Rex haud oblitus, quam aegre tulisset, quod Clitum 18 ob linguae temeritatem occidisset, iram quidem tenuit, sed dixit, invidios homines nihil aliud quam ipsorum esse tormenta.

## CAP. XIII.

(44) Postero die legati Abisārae adiere regem. Omnia 1 ditioni eius, ita ut mandatum erat, mittebant: firmataque invicem fide remittuntur ad regem. Porum quoque 2

nominis sui fama ratus ad deditionem posse compelli, misit ad eum Cleochāren, qui denuntiaret ei, ut stipendium penderet et in primo suorum finium aditu occurreret regi. Porus alterum ex his facturum sese respondit, ut 3 intranti regnum suum praesto esset, sed armatus. Iam Hydaspem Alexander superare decreverat, quum Barzaēntes, defectionis Arachosiis auctor, vinctus trigintaque elephantum simul capti perducuntur, opportunum adversus Indos auxilium: quippe plus in beluis quam in exercitu spei 4 ac virium illis erat. Samaxusque, rex exiguae partis Indorum, qui Barzaēnti se coniunxerat, vinctus adductus 5 est. Igitur transfuga et regulo in custodiam, elephantis autem Taxīli traditis, ad amnem Hydaspem pervenit, in cuius ulteriore ripa Porus consederat, transitu prohibitus 6 rus hostem. LXXX et V elephantos obiecerat, eximio corporum robore, ultraque eos currus CCC et peditum XXX fere milia, in quibus erant sagittarii, sicuti ante dictum est, 7 gravioribus telis, quam ut apte excuti possent. Ipsum vehebat elephantus, super ceteras beluas eminens, armaque auro et argento distincta corpus rarae magnitudinis honestabant. Par animus robori corporis et, quanta inter rudes poterat esse, sapientia.

8 (45) Macedōnas non conspectus hostium solum, sed etiam fluminis, quod transeundum erat, magnitudo terrebatur. Quattuor in latitudinem stadia diffusum, profundo alveo et nusquam vada aperiente, speciem vasti maris 9 fecerat. Nec pro spatio aquarum late stagnantium impetum coercebat, sed, quasi in artum coeuntibus ripis, torrens et elisus ferebatur, occultaque saxa inesse ostendebant pluribus locis undae repercussae. Terribilior erat 10 facies ripae, quam equi virique compleverant. Stabant ingentes vastorum corporum moles et de industria irritatae 11 horrendo stridore aures fatigabant. Hinc amnis, hinc hostis capacia quidem bonae spei pectora et saepe se experta improvise tamen pavore percusserant. Quippe inhabiles rates nec dirigi ad ripam nec tuto applicari posse 12 credebant. Erant in medio amne insulae crebrae, in quas et Indi et Macedōnes nantes, levatis super capita armis,



transibant. Ibi levia proelia conserebantur, et uterque rex parvae rei discrimine summae experiebatur eventum. Ce-  
 13 terum in Macedonum exercitu temeritate atque audacia  
 insignes fuere Symmachus et Nicānor, nobiles iuvenes et  
 perpetua partium felicitate ad spernendum omne pericu-  
 lum accensi. Quis ducibus promptissimi iuvenum lanceis  
 14 modo armati transavere in insulam, quam frequens ho-  
 stis tenebat, multosque Indorum, nulla re melius quam au-  
 dacia armati, interemerunt. Abire cum gloria poterant, si  
 15 unquam temeritas felix inveniret modum: sed dum super-  
 venientes contemptim et superbe quoque expectant, cir-  
 cumventi ab his, qui occulti enaverant, eminus obruli te-  
 lis sunt. Qui effugerant hostem, aut impetu amnis ablati  
 16 sunt aut vorticibus impliciti.

(46) Eaque pugna multum Pori fiduciam erexit, cun-  
 cta cernentis e ripa. Alexander inops consilii tandem ad  
 17 fallendum hostem talem dolum intendit. Erat insula in flu-  
 mine amplior ceteris, silvestris eadem et tegendis insidiis  
 apta. Fossa quoque praealta haud procul ripa, quam te-  
 nebat ipse, non pedites modo, sed etiam cum equis viros  
 poterat abscondere. Igitur ut a custodia huius opportuni-  
 18 talis oculos hostium averteret, Ptolemaeum omnibus tur-  
 mis obequitare iussit procul insula et subinde Indos cla-  
 more terrere, quasi flumen transnaturus foret. Per com-  
 19 plures dies Ptolemaeus id fecit eoque consilio Porum  
 quoque agmen suum ei parti, quam se petere simulabat,  
 coëgit advertere. Iam extra conspectum hostis insula erat.  
 20 Alexander in diversa parte ripae statui suum tabernacu-  
 lum iussit assuetamque comitari ipsum cohortem ante id  
 tabernaculum stare et omnem apparatus regiae magnifi-  
 centiae hostium oculis de industria ostendi. Attalum  
 21 etiam, aequalem sibi et haud disparem habitu oris et cor-  
 poris, utique quum procul viseretur, veste regia exornat,  
 praebiturum speciem, ipsum regem illi ripae praesidere  
 nec agitare de transitu. Huius consilii effectum primo mo-  
 22 rata tempestas est, mox adiuvit, incommoda quoque ad  
 bonos eventus vertente fortuna. Traicere amnem cum ce-  
 23 teris copiis in regionem insulae, de qua ante dictum est,

parabat, averso hoste in eos, qui cum Ptolemaeo inferio-  
 rem obsederant ripam: quum procella imbrem vix sub  
 tectis tolerabilem effundit. Obrutique milites nimbo in ter-  
 ram refugerunt, navigiis ratibusque desertis: sed tumul-  
 24 tantium fremitus, obstrepentibus ventis, ab hoste non  
 poterat audiri. Deinde momento temporis repressus est  
 imber: ceterum adeo spissae intendere se nubes, ut con-  
 derent lucem, vixque colloquentium inter ipsos facies  
 25 noscitantur. Terruisset alium obducta nox coelo, quum  
 ignoto amne navigandum esset, forsitan hoste eam ipsam  
 ripam, quam caeci atque improvidi et ex periculo gloriam  
 26 accersentes [petebant], occupante: [Alexander] obscurita-  
 tem, quae ceteros terrebat, suam occasionem ratus, dato  
 signo, ut omnes silentio ascenderent, ratem eam, qua  
 27 ipse vehebatur, primam iussit expelli. Vacua erat ab ho-  
 stibus ripa, quae petebatur: quippe adhuc Porus Ptole-  
 maeum tantum intuebatur. Una ergo navi, quam petrae  
 fluctus illiserat, haerente, ceterae evadunt: armaque ca-  
 pere milites et ire in ordines iussit.

## CAP. XIV.

1 (47) Iamque agmen in cornua divisum ipse  
 ducebat, quum Poro nuntiatur, armis virisque ri-  
 pam obtineri et rerum adesse discrimen. Ac  
 primo humani ingenii vitio spei suae indulgens  
 Abisāren belli socium (et ita convenerat) adven-  
 2 tare credebat. Mox, liquidiore luce aperiente  
 hostem, C quadrigas et III milia equitum venienti agmini  
 obiecit. Dux erat copiarum, quas praemisit, Hages, fra-  
 3 ter ipsius, summa virium in curribus. Senos viros sin-  
 guli vehebant, duos clypeatos, duos sagittarios, ab utroque  
 latere dispositos: aurigae erant ceteri, haud sane iner-  
 mes: quippe iacula complura, ubi comminus proeliandum  
 4 erat, omissis habenis, in hostem ingerebant. Ceterum vix  
 ullus usus huius auxilii eo die fuit. Namque, ut supra  
 dictum est, imber violentius quam alias fusus campos lu-  
 bricos et inequitabiles fecerat, gravesque et propemodum  
 5 immobiles currus illuvie ac voraginibus haerebant. Contra

Alexander expedito ac levi agmine strenue invecus est. Scythae et Dahae primi omnium invasere Indos: Perdica-  
cam deinde cum equitibus in dextrum cornu hostium emi-  
sit. Iam undique pugna se moverat, quum hi, qui currus 6  
agebant, illud ultimum auxilium suorum rati effusis habe-  
nis in medium discrimen ruere coeperunt. Anceps id 7  
malum utrisque erat: nam et Macedonum pedites primo  
impetu obterebantur et per lubrica atque invia immissi  
currus excutiebant eos, a quibus regebantur: aliorum tur- 8  
bati equi non in voragine modo lacunasque, sed etiam in  
annem praecipitavere curricula: pauci telis hostium ex- 9  
acti penetravere ad Porum acerrime pugnam cientem.

(48) Is, ut dissipatos tota acie currus vagari sine re-  
toribus vidit, proximis amicorum distribuit elephantos.  
Post eos posuerat peditem ac sagittarios et tympana pul- 10  
sare solitos. Id pro cantu tubarum Indis erat, nec stre-  
pitu eorum movebantur, olim ad notum sonum auribus  
mitigatis. Herculis simulacrum agmini peditum praefere- 11  
batur. Id maximum erat bellantibus incitamentum, et de-  
servisse gestantes militare flagitium habebatur. Capitis 12  
etiam sanxerant poenam his, qui ex acie non rettulissent,  
metu, quem ex illo hoste quondam conceperant, etiam in  
religionem venerationemque converso. Macedonas non  
beluarum modo, sed etiam ipsius regis aspectus parum-  
per inhibuit. Beluae dispositae inter armatos speciem 13  
turrium procul fecerant. Ipse Porus humanae magnitudi-  
nis propemodum excesserat formam. Magnitudini Pori  
adlicere videbatur belua, qua vehebatur, tantum inter ce-  
teras eminens, quanto aliis ipse praestabat. Itaque Ale- 14  
xander contemplatus et regem et agmen Indorum, *Tandem,*  
inquit, *par animo meo periculum video. Cum bestiis simul*  
*et cum egregiis viris res est.* Intuensque Coenon, *Quum* 15  
*ego, inquit, Ptolemaeo Perdiccaque et Hephaestione comita-*  
*tus in laevum hostium cornu impetum fecero, viderisque me*  
*in medio ardore certaminis, ipse dextrum move et turbatis*  
*signa infer. Tu, Antigene, et tu, Leonnate, et Tauron, inve-*  
*hemini in mediam aciem et urgebitis frontem. Hastae nos-* 16  
*trae praelongae et validae non alias magis quam adversus*

*beluas rectoresque earum usui esse poterunt: deturbate eos,*  
*qui vehuntur, et ipsas confodite. Anceps genus auxilii est*  
*et in suos acrius furit. In hostem enim imperio, in suos*  
17 *pavore agitur.* Haec elocutus concitat equum primus:  
iamque, ut destinatum erat, invaserat ordines hostium,  
quum Coenus ingenti vi in laevum cornu invehitur.  
18 Phalanx quoque mediam Indorum aciem uno impetu  
perrupit.

(49) At Porus, qua equitem invehi senserat, beluas  
agi iussit: sed tardum et paene immobile animal equorum  
19 velocitatem aequare non poterat. Ne sagittarum quidem  
ullus erat barbaris usus. Quippe longas et praegraves,  
nisi prius in terra statuerent arcum, haud satis apte et  
commode imponunt: tum, humo lubrica et ob id impe-  
diente conatum, molientes ictus celeritate hostium occu-  
20 pantur. Ergo spreto regis imperio, (quod fere fit, ubi  
turbatis acrius metus quam dux imperare coepit) totidem  
21 erant imperatores, quot agmina errabant. Alius iungere  
aciem, alius dividere, stare quidam, et nonnulli circum-  
vehi terga hostium iuebant. Nihil in medium consule-  
22 batur. Porus tamen cum paucis, quibus metu potior fue-  
rat pudor, colligere dispersos, obvius hosti ire pergit ele-  
23 phantosque ante agmen suorum agi iubet. Magnum be-  
luae iniecere terrorem, insolitusque stridor non equos  
modo, tam pavidum ad omnia animal, sed viros quoque  
24 ordinesque turbaverat. Iam fugae circumspiciebant lo-  
cum paulo ante victores, quum Alexander Agrianos et  
Thracas leviter armatos, meliorem concursatione quam  
25 cominus militem, emisit in beluas. Ingentem hi vim te-  
lorum iniecere et elephantis et regentibus eos. Phalanx  
26 quoque instare constanter territis coepit. Sed quidam  
avidius persecuti beluas in semet irritavere vulneribus.  
Obtriti ergo pedibus earum ceteris, ut parcius instarent,  
27 fuere documentum. Praecipue terribilis illa facies erat,  
quum manu arma virosque corripent et super se regen-  
28 tibus traderent. Anceps ergo pugna nunc sequentium,  
nunc fugientium elephantos in multum diei varium certa-  
men extraxit: donec securibus (id namque genus auxilii  
14\*



praeparatum erat) pedes amputare coeperunt. Copidas<sup>29</sup> vocabant gladios leviter curvatos, falcibus similes, quis appetebant beluarum manus. Nec quicquam inexpertum non mortis modo, sed etiam in ipsa morte novi supplicii timor omittebat.

(50) Ergo elephantum vulneribus tandem fatigati suos<sup>30</sup> impetu sternunt, et, qui rexerant eos, praecipitati in terram ab ipsis obterebantur. Itaque pecorum modo magis pavidi quam infesti ultra aciem exigebantur, quum Porus,<sup>31</sup> destitutus a pluribus, tela multo ante praeparata in circumfusos ex elephanto suo coepit ingerere, multisque eminus vulneratis, expositus ipse ad lectus, undique petebatur. Novem iam vulnera hinc tergo, illinc pectore ex<sup>32</sup> ceperat multoque sanguine profuso languidis manibus magis elapsa quam excussa tela mittebat. Nec segnius<sup>33</sup> belua instincta rabie, nondum saucia, invehebatur ordinibus, donec rector beluae regem conspexit, fluentibus membris omissisque armis, vix compositam mentis. Tum belua<sup>34</sup> in fugam concitat, sequente Alexandro: sed equus eius multis vulneribus confossus deficiensque procubuit, posito magis rege, quam effuso. Itaque dum equum mutat, tardius insecutus est. Interim frater Taxilis, regis<sup>35</sup> Indorum, praemissus ab Alexandro monere coepit Porum, ne ultima experiri perseveraret dederetque se victori. At<sup>36</sup> ille, quamquam exhaustae erant vires, deficiebatque sanguis, tamen ad notam vocem excitatus, *Agnosco*, inquit, *Taxilis fratrem, imperii regnique sui proditoris*: et telum, quod unum forte non effluxerat, contorsit in eum: quod per medium pectus penetravit ad tergum. Hoc ultimo<sup>37</sup> virtutis opere edito, fugere acrius coepit: sed elephantus quoque, qui multa exceperat tela, deficiebat. Itaque sistit fugam peditemque sequenti hosti obiecit. Iam Alexander<sup>38</sup> consecutus erat et, pertinacia Pori cognita, vetabat resistantibus parci. Ergo undique et in pedites et in ipsum Porum tela congesta sunt: quis tandem gravatus labi ex belua coepit. Indus, qui elephantum regebat, descendere<sup>39</sup> eum ratus more solito elephantum procumbere iussit in genua: qui ut se submisit, ceteri quoque (ita enim insti-

tuti erant) demisere corpora in terram. Ea res et Porum et ceteros victoribus tradidit.

40 (51) Rex spoliari corpus Pori, interemptum esse credens, iubet, et, qui detraherent loricam vestemque, concurrere: quum belua dominum tueri et spoliantes coepit appetere levatumque corpus eius rursus dorso suo imponere. Ergo telis undique obruitur, confossoque eo in ve-  
41 hiculum Porus imponitur. Quem rex ut vidit allevantem oculos, non odio, sed miseratione commotus, *Quae, malum*, inquit, *amentia te coegit, rerum mearum cognita fama, belli fortunam experiri, quum Taxiles esset in deditos cle-*  
42 *mentiae meae tam propinquum tibi exemplum?* At ille, *Quoniam*, inquit, *percontaris, respondebo ea libertate, quam interrogando fecisti. Neminem me fortiorem esse censebam. Meas enim noveram vires, nondum expertus tuas: fortiorem esse te belli docuit eventus. Sed ne sic quidem parum felix-*  
43 *sum, secundus tibi.* Rursus interrogatus, quid ipse victorem statuere debere censeret, *Quod hic*, inquit, *dies tibi*  
44 *suadet, quo expertus es, quam caduca felicitas esset.* Plus monendo profecit, quam si precatus esset. Quippe magnitudinem animi eius interritam ac ne fortuna quidem infractam non misericordia modo, sed etiam honore exci-  
45 pere dignatus est. Aegrum curavit haud secus, quam si pro ipso pugnasset: confirmatum contra spem omnium in amicorum numerum recepit: mox donavit ampliore regno,  
46 quam tenuit. Nec sane quicquam ingenium eius solidius aut constantius habuit, quam admirationem verae laudis et gloriae: simplicius tamen famam aestimabat in hoste, quam in cive. Quippe a suis credebat magnitudinem suam destrui posse: eandem clariorem fore, quo maiores fuissent, quos ipse vicisset.

---

## LIBER IX.

---

### ARGUMENTUM.

I. Poro devicto, ad Hypasin usque penetrat Alexander variasque gentes et urbes, quarum mores describuntur, sibi subiicit. II. Gau-

garidas et Prasios aggressurus milites fatigatos et bellum detrectantes oratione ad perseverantiam adhortatur. III. Coenus pro exercitu Alexandro respondet, se paratos quidem esse sequi, sed exhaustos esse victoriis: assentiuntur ceteri duces et milites, quorum precibus victus rex ad Hydaspem revertitur classeque parata secundo amne devehitur. IV. Circa confluentes Hydaspis et Acesinis in Saborum fines pervenit indeque ad Mallos et Oxydracas. Oratione ad milites seditiosos habita, barbaros fugat eorumque oppidum, contempto vate Demophonte, obsidet. V. Alexander, qui praecipiti saltu se in urbem plenam armatorum solus immisit, graviter vulneratus ultimo tandem periculo a suis eripitur. Magnum eius ex vulnere periculum. VI. Nondum satis curato vulnere, barbaris se perisse credentibus ostendit atque amicis rogantibus, ut saluti suae publicaeque parceret, generose respondet, in insituto suo et consilio domandi orbis terrarum perseverans. VII. Graecorum quorundam in Bactriana defectio repressa. Malli et Oxydracae se dedunt. Horatas Macedo et Dioxippus Atheniensis imparibus armis singulari certamine inter se pugnant. Victor Dioxippus paulo post inimicorum calumniis ultra modum irritatus se ipse interimit. VIII. Donis a legatis Indorum acceptis, rex secundo Indo ad gentem Pataliam devehitur, domitis gentibus flumen accolentibus, Ptolemaei vulnus miraculo sanatum. IX. Alexander cupidine visendi Oceanum correptus non sine periculis propter aestus maritimos et nautarum imperitiam tandem voti sui compos redditur. X. Nearchus relicto, ut cum classe per Oceanum reverteretur, ipse rex per Arabitas et Oritas et ingentia Cedrosiae deserta movet, ubi exercitus cum summa fame et pestilentia luctatur. Tandem in Carmaniam pervenit eamque luxurioso agmine peragrat, Bacchi triumphum, victis Indiae gentibus, imitans.

## CAP. I.

(1 ed. Zumpt.) Alexander tam memorabili victoria laetus, qua sibi orientis fines apertos esse censebat, Soli victimis caesis, milites quoque, quo promptioribus animis reliqua belli munia obirent, pro concione laudatos docuit, quicquid Indis virium fuisset, illa dimicatione prostratum: cetera opimam praedam fore celebratasque opes in ea regione eminere, quam peterent. Proinde iam vilia et obsoleta esse spolia de Persis: gemmis margaritisque et auro atque ebore Macedoniam Graeciamque, non suas tantum domos, repletum ire. Avidi milites et pecuniae et gloriae, simul quia nunquam eos affirmatio eius fefellerat, pollicentur operam: dimissisque cum bona spe navi-

gia exaedificari iubet, ut, quum totam Asiam percurrisset, finem terrarum, mare, inviseret. Multa materia navalis in proximis montibus erat: quam caedere aggressi magnitudinis inusitatae repperere serpentes. Rhinoceroses quoque, rarum alibi animal, in iisdem montibus erant. Ceterum hoc nomen beluis inditum a Graecis: sermonis eius ignari aliud lingua sua usurpant. Rex, duabus urbibus conditis in utraque fluminis, quod superaverat, ripa, copiarum duces coronis et mille aureis singulos donat: ceteris quoque pro portione aut gradus, quem in amicitia obtinebant, aut navatae operae honos habitus est. Abisares, qui, priusquam cum Poro dimicaretur, legatos ad Alexandrum miserat, rursus alios misit, pollicentes, omnia facturum, quae imperasset, modo ne cogere corpus suum dedere: neque enim aut sine regio imperio victurum, aut regnaturum esse captivum. Cui Alexander nuntiari iussit, si gravaretur ad se venire, ipsum ad eum esse venturum.

(2) Hinc, Poro amneque superato, ad interiora Indiae processit. Silvae erant prope in immensum spatium diffusae procerisque et in eximiam altitudinem editis arboribus umbrosae. Plerique rami instar ingentium stipitum flexi in humum rursus, qua se curvaverant, erigebantur, adeo ut species esset non rami resurgentis, sed arboris ex sua radice generatae. Coeli temperies salubris: quippe et vim solis umbrae levant et aquae largae manant e fontibus. Ceterum hic quoque serpentium magna vis erat, squamis fulgorem auri reddentibus. Virus haud ullum magis noxium est: quippe morsum praesens mors sequebatur, donec ab incolis remedium oblatum est. Hinc per deserta ventum est ad flumen Hyarotum. Iunctum erat flumini nemus, opacum arboribus alibi inusitatis agrastiumque pavonum multitudine frequens. Castris indibusque acceptis stipendium imponit.

(3) Ad magnam deinde, ut in ea regione, urbem pervenit, non muro solum, sed etiam palude munitam. Ceterum barbari vehiculis inter se iunctis dimicaturi occur-



rerunt: tela aliis hastae, aliis secures erant, transiliebant-  
que in vehicula strenuo saltu, quum succurrere laboranti-  
bus suis vellent. Ac primo insolitum genus pugnae Ma-16  
cedonas terruit, quum eminus vulnerarentur: deinde, spreto  
tam incondito auxilio, ab utroque latere vehiculis circum-  
fusi repugnantes fodere coeperunt. Et vincula, quis 17  
conserta erant, iussit incidi, quo facilius singula circum-  
venirentur. Itaque, VIII milibus suorum amissis, in op-  
pidum refugerunt. Postero die, scalis undique admotis, 18  
muri occupantur: paucis pernicitas saluti fuit: qui, cognito  
urbis excidio, paludem transavere et in vicina oppida  
ingentem intulere terrorem, invictum exercitum et deorum  
profecto advenisse memorantes.

(4) Alexander, ad vastandam eam regionem Perdicca 19  
cum expedita manu misso, partem copiarum Eumēni tra-  
didit, ut is quoque barbaros ad deditioem compelleret:  
ipse ceteros ad urbem validam, in quam aliarum quoque  
confugerant incolae, duxit. Oppidani, missis, qui regem 20  
deprecarentur, nihilominus bellum parabant. Quippe orta  
seditio in diversa consilia diduxerat vulgum: alii omnia  
deditioem potiora, quidam nullam opem in ipsis esse du-  
cebant. Sed dum nihil in commune consulitur, qui dedi-21  
tioni imminebant, apertis portis, hostem recipiunt. Ale-  
xander, quamquam belli auctoribus iure poterat irasci,  
tamen omnibus venia data et obsidibus acceptis, ad pro-  
ximam deinde urbem castra movit. Obsides ducebantur 23  
ante agmen. Quos quum ex muris agnovissent, utpote  
gentis eiusdem, in colloquium convocaverunt. Illi ele-  
mentiam regis simulque vim commemorando ad deditio-  
nem eos compulere: ceterasque urbes simili modo domi-  
tas in fidem accepit.

(5) Hinc in regnum Sopithis perventum est. Gens, 24  
ut barbari credunt, sapientia excellit bonisque moribus  
regitur. Genitos liberos non parentum arbitrio tollunt 25  
aluntque, sed eorum, quibus spectandi infantium habitum  
cura mandata est. Si quos insignes aut aliqua parte mem-  
brorum inutiles notaverunt, necari iubent. Nuptiis coeunt 26  
non genere ac nobilitate coniunctis, sed electa corporum

27 specie, quia eadem aestimatur in liberis. Huius gentis  
oppidum, cui Alexander admoverat copias, ab ipso So-  
pithē obtinebatur. Clausae erant portae, sed nulli in mu-  
ris turribusque se armati ostendebant, dubitabantque Ma-  
cedones, deseruissent urbem incolae, an fraude se occu-  
28 lerent: quum, subito patefacta porta, rex Indus cum  
duobus adultis filiis occurrit, multum inter omnes barba-  
29 ros eminens corporis specie. Vestis erat auro purpura-  
que distincta, quae etiam crura velabat: aureis soleis  
inseruerat gemmas: lacerti quoque et brachia margaritis  
30 ornata erant. Pendebant ex auribus insignes candore et  
magnitudine lapilli. Baculum aureum berylli distingue-  
bant: quo tradito precatus, ut sospes acciperet, se libe-  
rosque et gentem suam dedit.

31 (6) Nobiles ad venandum canes in ea regione sunt:  
latratu abstinere dicuntur, quum viderunt feram, leonibus  
32 maxime infesti. Horum vim ut ostenderet Alexandro, in  
conceptu leonem eximiae magnitudinis iussit emitti et IV  
omnino admoveri canes, qui celeriter feram occupave-  
runt. Tum ex his, qui assueverant talibus ministeriis,  
unus canis leoni cum aliis inhaerentis crus avellere et,  
33 quia non sequebatur, ferro amputare coepit: ne sic qui-  
dem pertinacia victa, rursus aliam partem secare institit  
et inde non segnius inhaerentem ferro subinde caedebat.  
Ille in vulnere ferae dentes moribundus quoque infixerat:  
tantam in illis animalibus ad venandum cupiditatem inge-  
34 nerasse naturam memoriae proditum est. Equidem plura  
transcribo, quam credo: nam nec affirmare sustineo, de  
35 quibus dubito, nec subducere, quae accepi. Relicto igi-  
tur Sopithē in suo regno, ad fluvium Hypāsīn processit,  
Hephaestione, qui diversam regionem subegerat, con-  
36 iuncto. Phegeus erat gentis proximae rex: qui, popula-  
ribus suis colere agros, ut assueverant, iussis, Alexandro  
cum donis occurrit, nihil, quod imperaret, detrectans.

## CAP. II.

1 (7) Biduum apud eum substitit rex: tertio die amnem  
superare decreverat, transitu difficilem non spatio solum

aquarum, sed etiam saxis impeditum. Percontatus igitur 2  
 Phegæa, quae noscenda erant, XI dierum ultra flumen per  
 vastas solitudines iter esse cognoscit: excipere deinde  
 Gangen, maximum totius Indiae fluminum: ulteriorem ri- 3  
 pam colere gentes Gangaridas et Prasios eorumque regem  
 esse Aggrammen, XX milibus equitum ducentisque pedi-  
 tum obsidentem vias. Ad hoc quadrigarum duo milia 4  
 trahere et praecipuum terrorem elephantos, quos trium  
 milium numerum explere dicebat. Incredibilia regi om- 5  
 nia videbantur. Igitur Porum (nam cum eo erat) percon-  
 tatur, an vera essent, quae dicerentur. Ille vires quidem 6  
 gentis et regni haud falso iactari affirmat: ceterum, qui  
 regnaret, non modo ignobilem esse, sed etiam ultimae  
 sortis: quippe patrem eius, tonsorem vix diurno quaestu  
 propulsantem famem, propter habitum haud indecorum  
 cordi fuisse reginae. Ab ea in propiorem eius, qui tum 7  
 regnasset, amicitiae locum admotum, interfecto eo per in-  
 sidias, sub specie tutelae liberum eius invasisse regnum  
 necatisque pueris hunc, qui nunc regnat, generasse, invi-  
 sum vilemque popularibus, magis paternae fortunae quam  
 suae memorem. Afirmatio Pori multiplicem animo re- 8  
 gis iniecerat curam. Hostem beluasque spernebat, situm  
 locorum et vim fluminum extimescebat: relegatos in ulli- 9  
 mum paene rerum humanarum persequi terminum et eru-  
 ere arduum videbatur. Rursus avaritia gloriae et insatia-  
 bilis cupido famae nihil invium, nihil remotum videri si-  
 nebat. Et interdum dubitabat, an Macedones tot emensi 10  
 spatia terrarum, in acie et in castris senes facti, per ob-  
 iecta flumina, per tot naturae obstantes difficultates secu-  
 turi essent: abundantes onustosque praeda magis parta  
 frui velle, quam acquirenda fatigari. Non idem sibi et 11  
 militibus animi esse: [se], totius orbis imperium mente com-  
 plexum, adhuc in operum suorum primordio stare: mili-  
 tem, labore defatigatum, proximum quemque fructum,  
 finito tandem periculo, expetere.

(8) Vicit ergo cupido rationem, et, ad concionem vo- 12  
 catis militibus, ad hunc maxime modum disseruit: *Non  
 ignoro, milites, multa, quae terrere vos possent, ab incolis*

13 *Indiae per hos dies de industria esse iactata: sed non est  
 improvisa vobis mentientium vanitas. Sic Ciliciae fauces, sic  
 Mesopotamiae campos, Tigrin et Euphraten, quorum alle-  
 rum vado transivimus, alterum ponte, terribilem fecerant*  
 14 *Persae. Nunquam ad liquidum fama perducitur: omnia,  
 illa tradente, maiora sunt vero. Nostra quoque gloria, quum  
 15 sit ex solido, plus tamen habet nominis, quam operis. Modo  
 quis beluas offerentes moenium speciem, quis Hydaspem am-  
 nem, quis cetera auditu maiora quam vero sustinere posse  
 credebat? Olim hercule fugissemus ex Asia, si nos fabulae*  
 16 *debellare potuissemus. Creditisne, elephantorum greges ma-  
 iores esse, quam usquam armentorum sunt, quum et rarum  
 sit animal nec facile capiatur multoque difficilius mitige-*  
 17 *tur? Atqui eadem vanitas copias peditum equitumque nu-  
 meravit. Nam flumen, quo latius fusum est, hoc placidius  
 stagnat: quippe angustis ripis coercita et in angustiore*  
 18 *alveum elisa torrentes aquas invehunt: contra spatium alvei  
 ubi applicantes navigia hostis expectat. Ita, quantumcum-  
 que flumen intervenit, idem futurum discrimen est evaden-*  
 19 *tium in terram.*  
 (9) *Sed omnia ista vera esse fingamus. Utrumne vos  
 magnitudo beluarum, an multitudo hostium terret? Quod  
 pertinet ad elephantos, praesens habemus exemplum: in suos  
 vehementius quam in nos incurrerunt: tam vasta corpora  
 20 securibus falcibusque mutilata sunt. Quid autem interest,  
 totidem sint, quot Porus habuit, an tria milia, quum, uno  
 aut altero vulneratis, ceteros in fugam declinari videamus?*  
 21 *Deinde paucos quoque incommode regunt: congregata vero  
 tot milia ipsa se elidunt, ubi nec stare nec fugere potuerint  
 inhabiles vastorum corporum moles. Equidem sic animalia  
 ista contempsit, ut, quum haberem, ipse non opposuerim, sa-*  
 22 *tis gnarus, plus suis quam hostibus periculi inferre. At enim  
 equitum peditumque multitudo vos commovel! Cum paucis  
 23 nebitis turbam. Testis adversus multitudinem invicti Ma-  
 cedonum roboris Granicus amnis et Cilicia inundata cruore  
 Persarum et Arbela, cuius campi devictorum a nobis ossibus*



strati sunt. Sero hostium legiones numerare coepistis, postquam solitudinem in Asia vincendo fecistis. Quum per Hellespontum navigaremus, de paucitate nostra cogitandum fuit: nunc nos Scythae sequuntur, Bactriana auxilia praesto sunt, Dahae Sogdianique inter nos militant.

(10) Nec tamen illi turbae confido. Vestras manus intueor, vestram virtutem rerum, quas gesturus sum, vadem praedemque habeo. Quamdiu vobiscum in acie stabo, nec mei nec hostium exercitus numero: vos modo animos mihi plenos alacritatis ac fiduciae adhibete. Non in limine operum laborumque nostrorum, sed in exitu stamus: pervenimus ad solis ortum et Ocelnum, nisi obstat ignavia: inde victores, perdomito sine terrarum, revertemur in patriam. Nolite, quod pigri agricolae faciunt, maturos fructus per inertiam amittere e manibus. Maiora sunt periculis praemia: dives eadem et imbellis est regio. Itaque non tam ad gloriam vos duco, quam ad praedam. Digni estis, qui opes, quas illud mare litoribus invehit, referatis in patriam, digni, qui nihil inexpertum, nihil metu omissum relinquatis. Per vos gloriamque vestram, qua humanum fastigium exceditis, perque et mea in vos et in me vestra merita, quibus invicti contendimus, oro quaesoque, ne humanarum rerum terminos adeuntem alumnus commilitonemque vestrum, ne dicam regem, deseratis. Cetera vobis imperavi, hoc unum debiturus sum. Et is vos rogo, qui nihil unquam vobis praecepi, quin primus me periculis obtulerim, qui saepe aciem clypeo meo texi, ne infregeritis in manibus meis palmam, qua Herculem Liberumque Patrem, si invidia abfuerit, aequabo. Date hoc precibus meis et tandem obstinatum silentium rumpite. Ubi est ille clamor, alacritatis vestrae index? ubi ille meorum Macedonum vultus? Non agnosco vos, milites, nec agnosci videor a vobis. Surdas iam dudum aures pulso: aversos animos et infractos excitare conor.

(11) Quumque illi, in terram demissis capitibus, tacere perseverarent, Nescio quid, inquit, in vos imprudens deliqui, quod me ne intueri quidem vultis. In solitudine mihi videor esse. Nemo respondet, nemo saltem negat. Quos alloquor? quid autem postulo? Vestram gloriam et magni-

tudinem vindicamus. Ubi sunt illi, quorum certamen paulo ante vidi, contententium, qui potissimum vulnerati regis corpus exciperent? desertus, destitutus sum, hostibus deditus. Sed solus quoque ire perseverabo. Obiicite me fluminibus et beluis et illis gentibus, quarum nomina horretis. Inveniam, qui desertum a vobis sequantur: Scythae Bactrianaeque erunt mecum, hostes paulo ante, nunc milites nostri. Mori praestat, quam precario imperatorem esse. Ite reduces domos: ite deserto rege ovantes. Ego hic a vobis desperatae victoriae aut honestae morti locum inveniam.

## CAP. III.

1 Ne sic quidem ulli militum vox exprimi potuit. Expectabant, ut duces principesque ad regem perferrent, vulneribus et continuo labore militiae fatigatos non detrectare munia, sed sustinere non posse. Ceterum illi metu attoniti in terram ora defixerant. Igitur primo fremitus sua sponte, deinde gemitus quoque oritur, paulatimque liberius dolor erigi coepit, manantibus lacrimis, adeo ut rex, ira in misericordiam versa, ne ipse quidem quamquam cuperet, temperare oculis potuerit.

3 (12) Tandem, universa concione effusius flente, Coenus ausus est, cunctantibus ceteris, propius tribunal accedere, significans, se loqui velle. Quem ut videre milites detrahentem galeam capiti (ita enim regem alloqui mos est), hortari coeperunt, ut causam exercitus ageret. Tum Coenus, *Dii prohibeant*, inquit, *a nobis impias mentes: et profecto prohibent. Idem animus est tuis, qui fuit semper, ire, quo iusseris, pugnare, periclitari, sanguine nostro commendare posteritati tuum nomen. Proinde, si perseveras, inermes quoque et nudi et exsanguis, utcumque tibi cordi est, sequimur vel anteceditur. Sed si audire vis non fictas tuorum militum voces, verum necessitate ultima expressas, praebere, quaeso, propitias aures imperium atque auspicium tuum constantissime secutis et, quocumque pergis, secuturis.*  
7 Vicisti, rex, magnitudine rerum non hostes modo, sed etiam milites. Quicquid mortalitas capere poterat, implevimus. *Emensis maria terrasque melius nobis quam incolis omnia*

nota sunt. Paene in ultimo mundi fine consistimus. In 8  
 alium orbem parus ire et Indiam quaeris, Indis quoque igno-  
 tam: inter feras serpentesque degentes eruere ex latebris et  
 cubilibus suis expetis, ut plura, quam sol videt, victoria lus-  
 tres. Digna prorsus cogitatio animo tuo, sed altior nostro. 9  
 Virtus enim tua semper in incremento erit, nostra vis iam in  
 fine est. Intuere corpora exsanguia, tot perfossa vulneri- 10  
 bus, tot cicatricibus putria. Iam tela hebetia sunt, iam arma  
 deficiunt. Vestem Persicam induimus, quia domestica sub-  
 vehi non potest. In externum degeneravimus cultum. Quo- 11  
 tocuique lorica est? quis equum habet? iube quaeri, quam  
 multos servi ipsorum persecuti sint, quid cuique supersit ex  
 praeda. Omnium victores omnium inopes sumus. Nec lu-  
 xuria laboramus, sed bello instrumenta belli consumpsimus.  
 Hunc tu pulcherrimum exercitum nudum obiciēs beluis? 12  
 quarum ut multitudinem augeant de industria barbari, ma-  
 gnum tamen esse numerum etiam ex mendacio intelligo.  
 Quodsi adhuc penetrare in Indiam certum est, regio a meri- 13  
 die minus vasta est: qua subacta licebit decurrere in illud  
 mare, quod rebus humanis terminum voluit esse natura. Cur 14  
 circuitu petis gloriam, quae ad manum posita est? hic quo-  
 que occurrit Oceānus. Nisi mavis errare, pervenimus, quo  
 tua fortuna ducit. Haec tecum, quam sine te cum his, lo- 15  
 qui malui, non uti inire circumstantis exercitus gratiam,  
 sed ut vocem loquentium potius quam gemitum murmuran-  
 tium audires.

(13) Ut finem orationi Coenus imposuit, clamor un- 16  
 dique cum ploratu oritur, regem, patrem, dominum con-  
 fusis appellantium vocibus. Iamque et alii duces praeci- 17  
 pueque seniores, quis ob aetatem et excusatio honestior  
 erat et auctoritas maior, eadem precabantur. Ille nec 18  
 castigare obstinatos nec mitigare poterat iratos. Itaque  
 inops consilii desiluit e tribunali claudique regiam iussit,  
 omnibus praeter assuetos adire prohibitis. Biduum irae 19  
 datum est: tertio die processit erigique XII aras ex  
 quadrato saxo, monumentum expeditionis suae, muni-  
 menta quoque castrorum iussit extendi cubiliaque am-  
 plioris formae, quam pro corporum habitu, relinqui, ut

speciem omnium augeret, posteritati fallax miraculum  
 praeparans.

20 Hinc repetens, quae emensus erat, ad flumen Acesi-  
 nem locat castra. Ibi forte Coenus morbo extinctus est.  
 Cuius morte ingemuit quidem rex, adiecit tamen, propter  
 paucos dies longam orationem eum exorsum, tanquam  
 21 solus Macedoniam visurus esset. Iam in aqua classis,  
 quam aedificari iusserat, stabat. Inter haec Memnon ex  
 Thracia in supplementum equitum V milia, praeter eos ab  
 Harpālo peditum septem milia adduxerat armaque XXV  
 milia auro et argento caelata pertulerat, quis distributis  
 22 vetera cremari iussit. Mille navigiis aditurus Oceānur  
 discordesque et vetera odia retractantes Porum et Taxi-  
 len, Indiae reges, firmata per affinitatem gratia, relinquit  
 in suis regnis, summo in aedificanda classe amborum stu-  
 23 dio usus. Oppida quoque duo condidit, quorum alterum  
 Nicaeam appellavit, alterum Bucephālam, equi, quem ami-  
 24 serat, memoriae ac nomini dedicans urbem. Elephan-  
 tis deinde et impedimentis terra sequi iussis, secundo  
 amne defluxit, quadraginta ferme stadia singulis diebus  
 procedens, ut opportunis locis exponi subinde copiae  
 possent.

## CAP. IV.

1 (14) Perventum erat in regionem, in qua A. 326  
 2 Hydaspes amnis Acesini committitur. Hinc de- a. Chr. n.  
 currit in fines Siborum. Hi de exercitu Hercūlis exeunte  
 maiores suos esse memorant: aegros relictos Octobri.  
 3 esse: cepisse sedem, quam ipsi obtinebant. Pelles fera- Ol. 113, 3.  
 rum pro veste, clavae tela erant: multaue, etiam quum  
 Graeci mores exolevissent, stirpis ostendebant vestigia.  
 4 Hinc, excensione facta, CC et L stadia excessit depopula-  
 5 tusque regionem oppidum, caput eius, corona cepit. XL  
 peditum milia gens in ripa fluminum opposuerat: quae,  
 amne superato, in fugam compulit inclusosque moenibus  
 expugnat. Puberes interfecti sunt, ceteri venierunt.  
 6 Alteram deinde urbem expugnare adortus magnaue vi  
 defendentium pulsus multos Macedōnum amisit. Sed



quum in obsidione perseverasset, oppidani, desperata salute, ignem subiecere tectis, se quoque ac liberos coniugesque incendio cremant. Quod quum ipsi auferent, 7 hostes extinguerent, nova forma pugnae erat. Delebant incolae urbem, hostes defendebant: adeo etiam naturae iura bellum in contrarium mutat. Arx erat oppidi in-8 tacta, in qua praesidium dereliquit: ipse navigiis circumvectus est arcem.

(15) Quippe III flumina tota India praeter Gangem maxima munimento arcis applicant undas. A septentrione Indus alluit, a meridie Acesines Hydaspis confunditur. Ceterum amnium coetus maritimis similes fluctus 9 movet, multoque ac turbido limo, quod aquarum concursu subinde turbatur, iter, qua meant navigia, in tenuem alveum cogitur. Itaque quum crebri fluctus se inveherent 10 et navium hinc proras, hinc latera pulsarent, subducere nautae vela coeperunt. Sed ministeria eorum hinc aestu, hinc praerapida celeritate fluminum occupantur. In ocu-11 lis omnium duo maiora navigia submersa sunt: leviora, quum et ipsa nequirent regi, in ripam tamen innoxia expulsa sunt. Ipse rex in rapidissimos vortices incidit, quibus intorta navis obliqua et gubernaculi impatiens agebatur. Iam vestem detraxerat corpori, proiecturus semet 12 in flumen, amicique, ut exciperent eum, haud procul nabant, apparebatque anceps periculum tam nataturi, quam navigare perseverantis. Ergo ingenti certamine conci-13 tant remos, quantaque vis humana esse poterat, admota est, ut fluctus, qui se invehebant, everberarentur. Findi 14 crederes undas et retro gurgites cedere. Quibus tandem navis erepta non tamen ripae applicatur, sed in proximum vadum illiditur. Cum anni bellum fuisse crederes. Ergo aris pro numero fluminum positus sacrificioque facto, XXX stadia processit.

(16) Inde ventum est in regionem Oxydracorum 15 Mallorumque, quos alias bellare inter se solitos tunc periculi societas iunxerat. Nonaginta milia iuniorum pedum in armis erant, praeter hos equitum X milia nongentaeque quadrigae. At Macedones, qui omni discrimine 16

iam defunctos se esse crediderant, postquam integrum bellum cum ferocissimis Indiae gentibus superesse cognoverunt, improvise metu territi rursus seditiosis vocibus 17 regem increpare coeperunt: Gangem amnem et quae ultra essent coactum transmittere non tamen finisse, sed mutasse bellum. Indomitis gentibus se obiectos, ut sanguine 18 suo aperirent ei Oceanum. Trahi extra sidera et solem cogique adire, quae mortalium oculis natura subduxerit. Novis identidem armis novos hostes existere. Quos ut omnes fundant fugentque, quod praemium ipsos manere? caliginem ac tenebras et perpetuam noctem profundo incubantem mari, repletum immanium beluarum gregibus fretum, immobiles undas, in quibus emoriens natura defecerit.

19 Rex non sua, sed militum sollicitudine anxius, concione advocata, docet, imbelles esse, quos metuant. Nihil deinde praeter has gentes obstare, quominus terrarum spatia emensi ad finem simul mundi laborumque perveniant. Cessisse illis metuentibus Gangem et multitudinem 20 nationum, quae ultra amnem essent: declinasse iter eo, ubi par gloria, minus periculum esset. Iam prospicere 21 se Oceanum, iam perflare ad ipsos auras maris: ne inviderent sibi laudem, quam peteret. Hereulis et Liberi Patris terminos transituros illos, regi suo parvo impendio immortalitatem famae daturus. Paterentur, se ex India redire, non fugere.

22 (17) Omnis multitudo, et maxime militaris, mobili impetu effertur. Ita seditionis non remedia quam principia 23 maiora sunt. Non alias tam alacer clamor ab exercitu est redditus, iubentium, duceret diis secundis aequaretque gloria, quos aemularetur. Laetus his acclamationibus ad hostes protinus castra movet. Validissimae Indorum 24 gentes erant et bellum impigre parabant: ducesque ex natione Oxydracorum, spectatae virtutis, elegerant, qui sub radicibus montis castra posuit lateque ignes, ut speciem multitudinis auferret, ostendit, clamore quoque 5 frustra terrere conatus. Iam lux appetebat, quum rex

fiduciae ac spei plenus alacres milites arma capere et exire in aciem iubet. Sed — haud traditur, metune, an oborta seditione inter ipsos — subito profugerunt barbari: certe avios montes et impeditos occupaverunt: quorum agmen rex frustra persecutus impedimenta cepit.

(18) Perventum deinde est ad oppidum Oxydracorum, in quod plerique confugerant, haud maiore fiducia moenium, quam armorum. Iam admovebat rex, quum vates monere eum coepit, ne committeret, aut certe differret obsidionem: vitae eius periculum ostendi. Rex Demophontem (is namque vates erat) intuens, *Si quis, inquit, te arti tuae intentum et exa spectantem sic interpellat, non dubitem, quin incommodus ac molestus videri tibi possit.* Et quum ille ita prorsus futurum respondisset, *Censesne, inquit, tantas res, non pecudum fibras ante oculos habenti ullum esse maius impedimentum, quam vatem superstitione captum?* Nec diutius, quam respondit, moratus admoventi iubet scalas cunctantibusque ceteris evadit in murum. Angusta muri corona erat: non pinnae, sicut alibi, fastigium eius distinxerant, sed perpetua lorica obducta transitum seperat. Itaque rex haerebat magis quam stabat in margine, clypeo undique incidentia tela propulsans: nam ubique eminens ex turribus petebatur. Nec subire milites poterant, quia superne vi telorum obruebantur. Tandem magnitudinem periculi pudor vicit: quippe cernebant, cunctatione sua dedi hostibus regem. Sed festinando morabantur auxilia. Nam dum pro se quisque certat evadere, oneravere scalas: quis non sufficientibus devoluti unicam spem regis fefellerunt. Stabat enim in conspectu tanti exercitus, velut in solitudine destitutus.

## CAP. V.

(19) Iamque laevam, qua clypeum ad ictus circumferebat, lassaverat, clamantibus amicis, ut ad ipsos desiliret, stabantque excepturi: quum ille rem ausus est incredibilem atque inauditam multoque magis ad famam temeritatis quam gloriae insignem. Namque in urbem hostium plenam praecipiti saltu semetipse immisit, quum vix spe-

rare posset, dimicantem certe et non inultum esse moriturum: quippe antequam assurgeret, opprimi poterat et capi vivus. Sed forte ita libraverat corpus, ut se pedibus exciperet. Itaque stans in pugnam: et ne circumiri posset, fortuna providerat. Vetusta arbor haud procul muro ramos multa fronde vestitos, velut de industria regem protegentes, obiecerat: huius spatioso stipiti corpus, ne circumiri posset, applicuit, clypeo tela, quae ex adverso ingerebantur, excipiens. Nam quum unum procul tot manus peterent, nemo tamen audebat propius accedere: missilia ramis plura quam clypeo incidebant. Pugnabat pro rege primum celebrati nominis fama, deinde desperatio, magnum ad honeste moriendum incitamentum. Sed quum subinde hostis afflueret, iam ingentem vim telorum exceperat clypeo, iam galeam saxa perfregerant, iam continuo labore gravia genua succiderant. Itaque contemptim et incaute, qui proximi steterant, incurrerunt: e quibus duos gladio ita excepit, ut ante ipsum exanimes procumberent. Nec cuiquam deinde propius incessendi eum animus fuit: procul iacula sagittasque mittebant.

(20) Ille ad omnes ictus expositus aegre iam exceptum poplitibus corpus tuebatur: donec Indus duorum cubitorum sagittam (namque Indis, ut antea diximus, huius magnitudinis sagittae erant) ita excussit, ut per thoracem paulum super latus dextrum infigeret. Quo vulnere afflictus, magna vi sanguinis emicante, remisit arma, moribundo similis adeoque resolutus, ut ne ad evellendum quidem telum sufficeret dextera. Itaque ad expoliandum corpus, qui vulneraverat, alacer gaudio accurrit. Quem ut iniicere corpori suo manus sensit, credo, ultimi dedecoris indignitate commotus linquentem revocavit animum et nudum hostis latus subiecto mucrone hausit. Iacebant circa regem tria corpora, procul stupentibus ceteris: ille, ut, antequam ultimus spiritus deficeret, dimicans iam exlingueretur, clypeo se allevare conatus est et, postquam ad connitendum nihil supererat virium, dextera impendentes ramos complexus tentabat assurgere. Sed ne sic



quidem potens corporis rursus in genua procumbit, manu provocans hostes, si quis congredi auderet.

(21) Tandem Peucestes per aliam oppidi partem, de-14  
turbatis propugnatoribus, muri vestigia persequens regi  
supervenit. Quo conspecto Alexander, iam non vitae 15  
suae, sed mortis solatium supervenisse ratus, clypeo fati-  
gatum corpus exceperit. Subit inde Timaeus et paulo post  
Leonnätus, huic Aristönus supervenit. Indi quoque, quum 16  
intra moenia regem esse comperissent, omissis ceteris,  
illuc concurrerunt urgebantque protegentes. Ex quibus  
Timaeus, multis adverso corpore vulneribus acceptis egre-  
giaque edita pugna, cecidit: Peucestes quoque tribus ia-17  
culis confossus non se tamen scuto, sed regem tuebatur:  
Leonnätus, dum avide ruentes barbaros summovet, cer-  
vice graviter icta, semianimis procubuit ante regis pedes.  
Iam et Peucestes vulneribus fatigatus summiserat clypeum: 18  
in Aristöno spes ultima haerebat. Hic quoque graviter  
saucius tantam vim hostium ultra sustinere non poterat.  
Inter haec ad Macedönas regem cecidisse fama perlata 19  
est. Terruisset alios, quod illos incitavit. Namque peri-  
culi omnis immemores dolabris perfringere murum et, qua  
moliti erant aditum, irrupere in urbem Indosque plures  
fugientes quam congredi ausos ceciderunt. Non senibus, 20  
non feminis, non infantibus parcitur: quisquis occurrerat,  
ab illo vulneratum regem esse credebant. Tandemque  
interneccione hostium iustae irae parentatum est. Ptole- 21  
maeum, qui postea regnavit, huic pugnae affuisse auctor  
est Clitarchus et Timagënes. Sed ipse, scilicet gloriae  
suae non refragatus, afuisse se, missum in expeditionem,  
memoriae tradidit. Tanta componentium vetusta rerum  
monumenta vel securitas vel, par huic vitium, creduli-  
tas fuit!

(22) Rege in tabernaculum relato, medici lignum sa- 22  
gittae corpori infixum ita, ne spiculum moveretur, absci-  
dunt. Corpore deinde nudato, animadvertunt, hamos in- 23  
esse telo nec aliter id sine pernicie corporis extrahi posse,  
quam ut secando vulnus auferent. Ceterum, ne secantes 24  
profluvium sanguinis occuparet, verebantur: quippe in-

gens telum adactum erat et penetrasse in viscera videba-  
25 tur. Critobülus, inter medicos artis eximiae, sed in tanto  
periculo territus, [manus] admovere metuebat, ne in ip-  
sius caput parum prosperae curationis recideret eventus.  
26 Lacrimantem eum ac metuentem et sollicitudine prope-  
modum exsanguem rex conspexerat. *Quid, inquit, quod-  
ve tempus expectas et non quamprimum hoc dolore me sal-  
tem moriturum liberas? An times, ne reus sis, quum insa-  
27 nabile vulnus acceperim?* At Critobülus tandem, vel finito  
vel dissimulato metu, hortari eum coepit, ut se continen-  
dum praeberet, dum spiculum evelleret: etiam levem cor-  
28 poris motum noxium fore. Rex, quum affirmasset, nihil  
opus esse iis, qui semet continerent, sicut praeceptum  
erat, sine motu praebeuit corpus. Igitur patefacto latius  
vulnere et spiculo evulso, ingens vis sanguinis manare  
coepit linquique animo rex et, caligine oculis offusa,  
29 veluti moribundus extendi. Quumque profluvium medica-  
mentis frustra inhiherent, clamor simul atque ploratus  
amicorum oritur, regem expirasse credentium. Tandem  
constitit sanguis, paulatimque animum recepit et circum-  
30 stantes coepit agnoscere. Toto eo die ac nocte, quae se-  
cuta est, armatus exercitus regiam obsedit, confessus,  
omnes unius spiritu vivere. Nec prius recesserunt, quam  
compertum est, somno paulisper acquiescere. Hinc cer-  
tiores spem salutis eius in castra rettulerunt.

## CAP. VI.

(23) Rex, septem diebus curato vulnere necdum ob-  
ducta cicatrice, quum audisset, convaluisse apud barbaros  
famam mortis suae, duobus navigiis iunctis, statui in me-  
dium undique conspicuum tabernaculum iussit, ex quo se  
ostenderet perisse credentibus: conspectusque ab incolis  
2 spem hostium falso nuntio conceptam inhibuit. Secundo  
deinde amne defluxit, aliquantum intervalli a cetera classe  
praecipiens, ne quies corpori invalido adhuc necessaria  
pulsu remorum impediretur.

3 Quarto, postquam navigare coeperat, die pervenit in  
regionem desertam quidem ab incolis, sed frumento et

pecoribus abundantem. Placuit is locus et ad suam et ad militum requiem. Mos erat principibus amicorum et custodibus corporis, excubare ante praetorium, quotiens adversa regi valetudo incidisset. Hoc tum quoque more servato, universi cubiculum eius intrant. Ille sollicitus, ne quid novi afferrent, quia simul venerant, percontatur, num hostium recens nuntiaretur adventus.

(24) At Cratærus, cui mandatum erat, ut amicorum preces perferret ad eum, *Credisne*, inquit, *adventu magis hostium — ut iam in vallo consisterent — sollicitos nos esse, quam cura salutis tuae, ut nunc est, tibi vilis? Quantalibet vis omnium gentium conspiret in nos, impleat armis virisque totum orbem, classibus maria consternat, invisitata beluas inducat: tu nos praestabis invictos. Sed quis deorum hoc Macedoniae columen ac sidus diuturnum fore polliceri potest, quum tam avide manifestis periculis offeras corpus, oblitus, tot civium animas trahere te in casum? Quis enim tibi superstes aut optat esse aut potest? Eo pervenimus, auspiciam atque imperium secuti tuum, unde, nisi te reduce, nulli ad penates suos iter est. Quodsi adhuc de Per- sidis regno cum Daræo dimicares, etsi nemo vellet, tamen ne admirari quidem posset, tam promptae esse te ad omne discrimen audaciae: nam ubi paria sunt periculum ac praemium, et secundis rebus amplior fructus est et adversis solatium manus: tuo vero capite ignobilem vicum emi, quis ferat non tuorum modo militum, sed ullius gentis barbarae civis, qui tuam magnitudinem novit? Horret animus cogitatione rei, quam paulo ante vidimus. Eloqui timeo, invicti corporis spolia inertissimas manus fuisse infecturas, nisi te interceptum misericors in nos fortuna servasset. Totidem proditores, totidem desertores sumus, quot te non potuimus persequi. Universos licet milites ignominia notes, nemo recusat luere id, quod ne admitteret, praestare non potuit. Patere nos, quaeso, alio modo esse viles tibi. Quocumque iusseris, ibimus. Obscura pericula et ignobiles pugnas nobis deposcimus: temetipsum ad ea serva, quae magnitudinem tuam capiunt. Cito gloria obsolescit in sordidis hostibus, nec quicquam indignius est, quam consumi eam, ubi non*

15 possit ostendi. Eadem fere Ptolemaeus, et similia his ceteri. Iamque confusis vocibus flentes eum orabant, ut tandem exsatiatae laudi modum faceret ac saluti suae, id est publicae, parceret.

16 (25) Grata erat regi pietas amicorum. Itaque singulos familiariter amplexus considerare iubet. Aliusque sermone repetito, *Vobis quidem*, inquit, *o fidissimi piissimique civium atque amicorum, grates ago habeoque, non solum eo nomine, quod hodie salutem meam vestrae praeponitis, sed quod a primordiis belli nullum erga me benivolentiae pignus atque indicium omisistis, adeo ut confitendum sit, nunquam mihi vitam meam fuisse tam caram, quam esse coepit, ut vobis diu frui possim. Ceterum non eadem est cogitatio eorum, qui pro me mori optant, et mea, [qui] quidem hanc benivolentiam vestram virtute meruisse me iudico. Vos enim diuturnum fructum ex me, forsitan etiam perpetuum, percipere cupiatis: ego me melior non aetatis spatio, sed gloriae. Licuit paternis opibus contento intra Macedoniae terminos per otium corporis expectare obscuram et ignobilem senectutem: quamquam ne pigri quidem sibi fata disponunt, sed unicum bonum diuturnam vitam existimantes saepe acerba mors occupat: verum ego, qui non annos meos, sed victorias numero, si munera fortunae bene computo, diu vixi. Orsus a Macedonia imperium Graeciae teneo, Thraciam et Illyrios subegi, Triballis Maedisque imperito, Asiam, qua Hellesponto, qua rubro mari subluitur, possideo. Iamque haud procul absum a fine mundi, quem egressus aliam naturam, alium orbem aperire mihi statui. Ex Asia in Europae terminos momento unius horae transivi. Victor utriusque regionis post nonum regni mei, post vigesimum atque octavum aetatis annum, videor ne vobis in excolenda gloria, cui me uni devovi, posse cessare? (26) Ego vero non deero et, ubi cunque pugnabo, in teatro terrarum orbis esse me credam. Dabo nobilitatem ignobilibus locis: aperiam cunctis gentibus terras, quas natura longe summovertat. In his operibus extingui mihi, si fors ita feret, pulchrum est: ea stirpe sum genitus, ut multam prius quam longam vitam debeam optare*

23 Obsecro vos, cogitate, nos pervenisse in terras, quibus femi-



nae ob virtutem celeberrimum nomen est. Quas urbes Semi-  
 rāmis condidit! quas gentes redegit in potestatem! quanta  
 opera molita est! Nondum feminam aequavimus gloria, et  
 iam nos laudis satiētas cepit? Dū faveant, maiora adhuc  
 restant. Sed ita nostra erunt, quae nondum attingimus, si  
 nihil parvum duxerimus, in quo magnae gloriae locus est.  
 Vos modo me ab intestina fraude et domesticorum insidiis  
 praestare securum: belli Martisque discrimen impavidus sub-  
 ibo. Philippus in acie tutior quam in theatro fuit: hostium  
 manus saepe vitavit, suorum effugere non valuit. Aliorum  
 quoque regum exitus si reputaveritis, plures a suis quam ab  
 hoste interemptos numerabitis. Ceterum, quoniam olim rei  
 agitatae in animo meo nunc promendae occasio oblata est,  
 mihi maximus laborum atque operum meorum erit fructus,  
 si Olympias mater immortalitati consecretur, quandocun-  
 que excesserit vita. Si licuerit, ipse praestabo hoc: si me  
 praeceperit satum, vos mandasse mementote. Ac tum qui-  
 dem amicos dimisit: ceterum per complures dies ibi sta-  
 tiva habuit.

## CAP. VII.

(27) Haec dum in India geruntur, Graeci milites nu-  
 per in colonias a rege deducti circa Bactra, orta inter ipsos  
 seditione, defecerant, non tam Alexandro infensi, quam  
 metu supplicii. Quippe occisis quibusdam popularium,  
 qui validiores erant, arma spectare coeperunt et Bactriāna  
 arce, quae casu negligentius asservata erat, occupata, bar-  
 baros quoque in societatem defectionis impulerant. Athe-  
 nodōrus erat princeps eorum, qui regis quoque nomen as-  
 sumpserat, non tam imperii cupidine, quam in patriam  
 revertendi cum his, qui auctoritatem ipsius sequebantur.  
 Huic Bito quidam, nationis eiusdem, sed ob aemulationem  
 infestus, comparavit insidias invitatumque ad epulas per  
 Boxum quendam Margiānum in convivio occidit. Postero  
 die, concione advocata, Bito ultro insidiatum sibi Atheno-  
 dōrum plerisque persuaserat: sed aliis suspecta erat fraus  
 Bitōnis, et paulatim in plures coepit manare suspicio.  
 Itaque Graeci milites arma capiunt, occisuri Bitōnem, si

daretur occasio: ceterum principes eorum iram multitudi-  
 nis mitigaverunt. Praeter spem suam Bito praesenti pe-  
 riculo ereptus, paulo post insidiatus auctoribus salutis  
 suae est: cuius dolo cognito et ipsum comprehenderunt  
 et Boxum. Ceterum Boxum protinus placuit interfici, Bi-  
 tōnem etiam per cruciatum necari. Iamque corpori tor-  
 menta admovebantur, quum Graeci, incertum, ob quam  
 causam, lymphatis similes ad arma discurrunt. Quorum  
 fremitu exaudito, qui torquere Bitōnem iussi erant, omi-  
 sere, veriti, ne id facere tumultuantium vociferatione pro-  
 hiberentur. Ille, sicut nudatus erat, pervenit ad Graecos,  
 et miserabilis facies supplicio destinati in diversum ani-  
 mos repente mutavit, dimitti eum iusserunt. Hoc modo  
 poena bis liberatus cum ceteris, qui colonias a rege attri-  
 butas reliquerunt, revertit in patriam. Haec circa Bactra  
 et Seytharum terminos gesta.

(28) Interim regem duarum gentium, de quibus ante  
 dictum est, centum legati adeunt. Omnes curru vehebantur,  
 eximia magnitudine corporum, decoro habitu: lineae  
 vestes intexto auro purpuraque distinctae. Ei se dedere  
 ipsos, urbes agrosque referebant, per tot aetates invio-  
 latam libertatem illius primum fidei ditionique permissu-  
 ros: deos sibi deditiois auctores, non metum: quippe  
 intactis viribus iugum excipere. Rex, consilio habito, de-  
 ditos in fidem accepit, stipendio, quod Arachosiis utraque  
 natio pensitabat, imposito. Praeterea II milia et D equi-  
 tes imperat: et omnia obedienter a barbaris facta. Invi-  
 tatis deinde ad epulas legalis gentium regulisque, exornari  
 convivium iussit. Centum aurei lecti modicis intervallis  
 positi erant: lectis circumdederat aulaea purpura auroque  
 fulgentia, quicquid aut apud Persas vetere luxu aut apud  
 Macedōnas nova immutatione corruptum erat, confusis  
 utriusque gentis vitis, in illo convivio ostendens.

(29) Intererat epulis Dioxippus Atheniensis, pugil no-  
 bilis et ob eximiam virtutem virium regi pernotus et gratus.  
 Invidi malignique increpabant per seria et ludum, saginati  
 corporis sequi inutilem beluam: quum ipsi proelium ini-  
 rent, o'eo madentem praeparare ventrem epulis. Eadem

igitur in convivio Horrâtas Macêdo iam temulentus exprobrare ei coepit et postulare, ut, si vir esset, postero die secum ferro decerneret: regem tandem vel de sua temeritate vel de illius ignavia iudicaturum. Et a Dioxippo contemptim 18 militarem eludente ferociam accepta conditio est. Ac postero die rex, quum etiam acrius certamen exposcerent, quia deterrere non poterat, destinata exequi passus est. Ingens hic militum convenerat multitudo: inter quos qui 19 erant Graeci, Dioxippo studebant. Macêdo iusta arma sumpserat, aereum clypeum, hastam, quam sarissam vocant, laeva tenens, dextra lanceam, gladioque cinctus, velut cum pluribus simul dimicaturus. Dioxippus oleo ni- 20 tens et coronatus laeva puniceum amiculum, dextra validum nodosumque stipitem praeferebat. Ea ipsa res omnium animos expectatione suspenderat: quippe armato congregi nudum dementia, non temeritas videbatur. Igitur 21 Macêdo haud dubius, eminus interfici posse, lanceam emisit: quam Dioxippus quum exigua corporis declinatione vitasset, antequam ille hastam transferret in dextram, assiluit et stipite mediam eam fregit. Amisso utroque telo, 22 Macêdo gladium coeperat stringere: quem occupatum complexu, pedibus repente subductis, Dioxippus arietavit in terram ereptoque gladio pedem super cervicem iacenti imposuit, stipitem intentans elisurusque eo victum, ni prohibitus esset a rege. Tristis spectaculi eventus non Mace- 23 donibus modo, sed etiam Alexandro fuit, maxime, quia barbari affuerant: quippe celebratam Macedonum fortitudinem ad ludibrium recidisse verebatur. Hinc ad crimi- 24 nationem invidorum adapertae sunt aures regis. Et post paucos dies inter epulas aureum poculum ex composito subducitur, ministrique, quasi amisissent, quod amoverant, regem adeunt. Saepe minus est constantiae in rubore, 25 quam in culpa. Coniectum oculorum, quibus ut fur destinabatur, Dioxippus ferre non potuit: et quum excessisset convivio, litteris conscriptis, quae regi redderentur, ferro se interemit. Graviter mortem eius tulit rex, existimans, in- 26 dignationis esse, non poenitentiae testem, utique postquam falso insimulatum eum nimium invidorum gaudium ostendit.

## CAP. VIII.

- 1 (30) Indorum legati dimissi domos paucis post diebus cum donis revertuntur. Trecenti erant equites, mille triginta currus, quos quadriugi equi ducebant, lineae vestis aliquantum, mille scuta Indica et ferri candidi talenta centum leonesque rarae magnitudinis et tigres, utrumque animal ad mansuetudinem domitum, lacertarum quoque ingentium pelles et dorsa testudinum. Cratêro deinde imperat rex, haud procul amne, per quem erat ipse navigaturus, copias duceret: eos autem, qui comitari eum solebant, imponit in naves et in fines Mallorum secundo amne devehitur.
- 4 Inde Sabarcas adiit, validam Indiae gentem, quae populi, non regum imperio regebatur. Sexaginta milia peditem habebant, equitum sex milia: has copias currus quingenti sequebantur. Tres duces spectatos virtute bellica elegerant. At qui in agris erant proximi flumini, (frequentes autem vicos, maxime in ripa, habebant) ut videre totum amnem, qua prospici poterat, navigiis constratum et tot militum arma fulgentia, territi nova facie deorum exercitum et alium Libêrum Patrem, celebre in illis gentibus nomen, adventare credebant. Hinc militum clamor, hinc remorum pulsus variaequae nautarum voces hortantium pavidas aures impleverant. Ergo universi ad eos, qui in armis erant, currunt, furere clamitantes et cum diis proelium inituros: navigia non posse numerari, quae invictos viros veherent. Tantumque in exercitum suorum intulere terroris, ut legatos mitterent, gentem dedituros.
- 8 (31) His in fidem acceptis, ad alias deinde gentes quarto die pervenit. Nihilo plus animi his fuit, quam ceteris fuerat. Itaque oppido ibi condito, quod Alexandriam appellari iusserat, fines eorum, qui Musicâni appellantur, 9 intravit. Hic de Teriolte satrape, quem Parapanisâdis praefecerat, iisdem arguentibus, cognovit: multaque avare 10 ac superbe fecisse convictum interfici iussit. Oxyartes, praetor Bactrianorum, non absolutus modo, sed etiam iure amoris amplioris imperii donatus est finibus. Musicânis



deinde in ditionem redactis, urbi eorum praesidium imposuit.

Inde Praestos, et ipsam Indiae gentem, perventum est. Porticānus rex erat, qui se munitae urbi cum magna manu popularium incluserat. Hanc Alexander tertio die, quam coeperat obsidere, expugnavit. Et Porticānus, quum in arcem confugisset, legatos de conditione deditio-  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480  
481  
482  
483  
484  
485  
486  
487  
488  
489  
490  
491  
492  
493  
494  
495  
496  
497  
498  
499  
500  
501  
502  
503  
504  
505  
506  
507  
508  
509  
510  
511  
512  
513  
514  
515  
516  
517  
518  
519  
520  
521  
522  
523  
524  
525  
526  
527  
528  
529  
530  
531  
532  
533  
534  
535  
536  
537  
538  
539  
540  
541  
542  
543  
544  
545  
546  
547  
548  
549  
550  
551  
552  
553  
554  
555  
556  
557  
558  
559  
560  
561  
562  
563  
564  
565  
566  
567  
568  
569  
570  
571  
572  
573  
574  
575  
576  
577  
578  
579  
580  
581  
582  
583  
584  
585  
586  
587  
588  
589  
590  
591  
592  
593  
594  
595  
596  
597  
598  
599  
600  
601  
602  
603  
604  
605  
606  
607  
608  
609  
610  
611  
612  
613  
614  
615  
616  
617  
618  
619  
620  
621  
622  
623  
624  
625  
626  
627  
628  
629  
630  
631  
632  
633  
634  
635  
636  
637  
638  
639  
640  
641  
642  
643  
644  
645  
646  
647  
648  
649  
650  
651  
652  
653  
654  
655  
656  
657  
658  
659  
660  
661  
662  
663  
664  
665  
666  
667  
668  
669  
670  
671  
672  
673  
674  
675  
676  
677  
678  
679  
680  
681  
682  
683  
684  
685  
686  
687  
688  
689  
690  
691  
692  
693  
694  
695  
696  
697  
698  
699  
700  
701  
702  
703  
704  
705  
706  
707  
708  
709  
710  
711  
712  
713  
714  
715  
716  
717  
718  
719  
720  
721  
722  
723  
724  
725  
726  
727  
728  
729  
730  
731  
732  
733  
734  
735  
736  
737  
738  
739  
740  
741  
742  
743  
744  
745  
746  
747  
748  
749  
750  
751  
752  
753  
754  
755  
756  
757  
758  
759  
760  
761  
762  
763  
764  
765  
766  
767  
768  
769  
770  
771  
772  
773  
774  
775  
776  
777  
778  
779  
780  
781  
782  
783  
784  
785  
786  
787  
788  
789  
790  
791  
792  
793  
794  
795  
796  
797  
798  
799  
800  
801  
802  
803  
804  
805  
806  
807  
808  
809  
810  
811  
812  
813  
814  
815  
816  
817  
818  
819  
820  
821  
822  
823  
824  
825  
826  
827  
828  
829  
830  
831  
832  
833  
834  
835  
836  
837  
838  
839  
840  
841  
842  
843  
844  
845  
846  
847  
848  
849  
850  
851  
852  
853  
854  
855  
856  
857  
858  
859  
860  
861  
862  
863  
864  
865  
866  
867  
868  
869  
870  
871  
872  
873  
874  
875  
876  
877  
878  
879  
880  
881  
882  
883  
884  
885  
886  
887  
888  
889  
890  
891  
892  
893  
894  
895  
896  
897  
898  
899  
900  
901  
902  
903  
904  
905  
906  
907  
908  
909  
910  
911  
912  
913  
914  
915  
916  
917  
918  
919  
920  
921  
922  
923  
924  
925  
926  
927  
928  
929  
930  
931  
932  
933  
934  
935  
936  
937  
938  
939  
940  
941  
942  
943  
944  
945  
946  
947  
948  
949  
950  
951  
952  
953  
954  
955  
956  
957  
958  
959  
960  
961  
962  
963  
964  
965  
966  
967  
968  
969  
970  
971  
972  
973  
974  
975  
976  
977  
978  
979  
980  
981  
982  
983  
984  
985  
986  
987  
988  
989  
990  
991  
992  
993  
994  
995  
996  
997  
998  
999  
1000

(32) Diruta igitur arce et omnibus captivis venundatis, Sambis regis fines ingressus est multisque oppidis in fidem acceptis validissimam gentis urbem cuniculo cepit. Barbaris simile monstri visum est, rudibus militarium operum: quippe in media ferme urbe armati terra existebant, nullo suffossi specus ante vestigio facto. Octoginta milia Indorum in ea regione caesa Clitarchus est auctor, multosque captivos sub corona venisse. Rursus Musicāni defecerunt, ad quos opprimendos missus est Pithon, qui captum principem gentis eundemque defectionis auctorem adduxit ad regem. Quo Alexander in crucem sublato rursus amnem, in quo classem expectare se iusserat, repetit.

Quarto deinde die secundo amne pervenit ad oppidum, quod in regno erat Sambis. Nuper se ille dederat, sed oppidani detrectabant imperium et clauserant portas. Quorum paucitate contempta rex quingentos Agriānos moenia subire iussit et sensim recedentes elicere extra muros hostem, secuturum profecto, si fugere eos crederet. Agriāni, sicut imperatum erat, lacessito hoste, subito terga vertunt: quos barbari effuse sequentes in alios, inter quos ipse rex erat, incidunt. Renovato ergo proelio, ex tribus milibus barbarorum sexcenti caesi sunt, mille capti, ceteri moenibus urbis inclusi.

(33) Sed non, ut prima specie laeta victoria, ita eventu quoque fuit: quippe barbari veneno tinxerant gladios. Itaque saucii subinde expirabant, nec causa tam strenuae mortis excogitari poterat a medicis, quum etiam

21 leves plagae insanabiles essent. Barbari autem speraverant, incautum et temerarium regem excipi posse. Et forte  
22 inter promptissimos dimicans intactus evaserat. Praecipue Ptolemaeus laevo humero leviter quidem saucius, sed maiore periculo quam vulnere affectus regis sollicitudinem in se converterat. Sanguine coniunctus erat, et quidam Philippo genitum esse credebant, certe pellice eius ortum  
23 constabat. Idem corporis custos promptissimusque bellator et pacis artibus quam militiae maior et clarior, modico civilique cultu, liberalis in primis adituque facili, nihil ex fastu regiae assumpserat. Ob haec regi an popularibus carior esset, dubitari poterat, tum certe primum expertus suorum animos, adeo ut fortunam, in quam postea ascendit, in illo periculo Macedones ominati esse  
25 videantur. Quippe non levior illis Ptolemaei fuit cura, quam regis: qui et proelio et sollicitudine fatigatus quum Ptolemaeo assideret, lectum, in quo ipse acquiesceret,  
26 iussit inferri. In quem ut se recepit, protinus altior insectus est somnus. Ex quo excitatus per quietem vidisse se exponit speciem draconis oblatam, herbam ferentis ore,  
27 quam veneni remedium esse monstrasset: colorem quoque herbae referebat, agniturum, si quis repperisset, affirmans. Inventam deinde — quippe a multis simul erat requisita — vulnere imposuit: protinusque dolore finito  
28 intra breve spatium cicatrix quoque obducta est. Barbaros ut prima spes fefellerat, se ipsos urbemque dederunt.

(34) Hinc in proximam gentem Pataliam perventum est. Rex erat Moeris, qui, urbe deserta, in montes profugerat. Itaque Alexander oppido potitur agrosque populatur. Magnae inde praedae actae sunt pecorum armentorumque, magna vis reperta frumenti. Ducibus deinde sumptis amnis peritis, defluxit ad insulam medio ferme alveo enatam.

## CAP. IX.

1 Ibi diutius subsistere coactus, quia duces socordius asservati profugerant, misit qui conquiverent alios: nec

reperitis pervicax cupido visendi Oceānum adeundique terminos mundi [compulsi] sine regionis peritis flumini ignoto caput suum totque fortissimorum virorum salutem permittere. Navigabant ergo omnium, per quae ferebantur, ignari. Quantum inde abesset mare, quae gentes cohererent, quam placidum amnis os, quam patiens longarum navium esset, anceps et caeca aestimatio augurabatur. Unum erat temeritatis solatium perpetua felicitas. Iam 3 CCCC stadia processerant, quum gubernatores agnoscere ipsos auram maris et haud procul videri sibi Oceānum abesse indicant regi. Laetus ille hortari nauticos coepit, incumberent remis: adesse finem laboris omnibus votis expetitur: iam nihil gloriae deesse, nihil obstare virtuti. sine ullo Martis discrimine, sine sanguine orbem terrae ab illis capi: ne naturam quidem longius posse procedere: brevi incognita, nisi immortalibus, esse visuros. Paucos tamen navigio emisit in ripam, qui agrestes vagos exciperent, e quibus certiora nosci posse sperabat. Illi scrutati omnia iuguria tandem latentes repperere. Qui 6 interrogati, quam procul abesset mare, responderunt, nullum ipsos mare ne fama quidem accepisse: ceterum tertio die perveniri posse ad aquam amaram, quae corrumperet dulcem. Intellectum est, mare destinari ab ignaris naturae eius. Itaque ingenti alacritate nautici remigant, 7 et proximo quoque die, quo propius spes admovebatur, crescebat ardor animorum. Tertio iam die mixtum flumini subibat mare, leni adhuc aestu confundente dispares undas. Tum aliam insulam medio anni sitam evecti paulo 8 lentius, quia cursus aestu reverberabatur, applicant classem et ad comitatus petendos discurrunt, securi casus eius, qui supervenit ignaris.

(35) Tertia ferme hora erat, quum stata vice Oceānus exaestuans invehi coepit et retro flumen urgere. Quod primo coercitum, deinde vehementius pulsum maiore impetu adversum agebatur, quam torrentia praecipiti alveo incurrunt. Ignota vulgo freti natura erat, monstraque et 10 irae deum indicia cernere videbantur. Identidem intumescere mare et in campos paulo ante siccos descendere

11 superfusum. Iamque levatis navigiis et tota classe dispersa, qui expositi erant, undique ad naves trepidi et im-  
12 proviso malo attoniti recurrunt. Sed in tumultu festinatio quoque tarda est. Hi contis navigia appellebant et, dum  
13 remos aptari prohibebant, consederant: quidam enavigare properantes, sed non expectatis, qui simul esse debebant, clauda et inhabilia navigia languide moliebantur: aliae navium inconsulte ruentes omnes receperant: pariterque et multitudo et paucitas festinantes morabatur.  
14 Clamor hinc expectare, hinc ire iubentium dissonaeque voces nunquam idem atque unum tendentium non oculo-  
15 rum modo usum, sed etiam aurium abstulerant. Ne in gubernatoribus quidem quicquam opis erat, quorum nec exaudiri vox a tumultuantibus poterat nec imperium a ter-  
16 ritis incompositisque servari. Ergo collidi inter se naves, abstergerique invicem remi, et alii aliorum navigia urgere coeperunt. Crederes, non unius exercitus classem vehi,  
17 sed duorum navale inisse certamen. Incutiebantur puppibus prorae: premebantur a sequentibus, qui antecedentes turbaverant: iurgantium ira perveniebat etiam ad manus.

18 (36) Iamque aestus totos circa flumen campos inundaverat, tumulis dumtaxat eminentibus, velut insulis parvis: in quos plerique trepidi, omissis navigiis, enare pro-  
19 perant. Dispersa classis partim in praealta aqua stabat, qua subsederant valles, partim in vado haerebat, utcunque inaequale terrae fastigium occupaverant undae: quum  
20 subito novus et pristino maior terror incutitur. Reciprocari coepit mare, magno tractu aquis in suum fretum recurrentibus, reddebatque terras paulo ante profundo salo mersas. Igitur destituta navigia alia praecipitantur in proras, alia in latera procumbunt. Strati erant campi sarcinis, armis, avulsarum tabularum remorumque fragmen-  
21 tis. Miles nec egredi in terram nec in nave subsistere audebat, identidem praesentibus graviora, quae sequerentur, expectans. Vix, quae perpetiebantur, videre ipsos  
22 credebant, in sicco naufragia, in anni mare. Nec finis malorum. Quippe aestum paulo post mare relaturum,



quo navigia allevarentur, ignari, famem et ultima sibimet ominabantur. Beluae quoque fluctibus destitutae terribiles vagabantur.

(37) Iamque nox appetebat, et regem quoque desperationis salutis aegritudine affecerat. Non tamen invictum animum curae obruunt, quin tota nocte persideret in speculis equitesque praemitteret ad os amnis, ut, quum mare rursus exaestuare sensissent, praecederent. Navigia quoque et lacerata refici et eversa fluctibus erigi iubet paratosque esse et intentos, quum rursus mare terras inundasset. Tota ea nocte inter vigilias adhortationesque consumpta, celeriter et equites ingenti cursu refugere et secutus est aestus. Qui primo, aquis leni tractu subeuntibus, coepit levare navigia, mox totis campis inundans etiam impulit classem: plaususque militum nauticorumque insperatam salutem immodico celebrantium gaudio litoribus ripisque resonabat. Unde tantum redisset subito mare, quo pridie refugisset, quaenam esset eiusdem elementi natura, modo discors, modo imperio temporum obnoxia, mirabundi requirebant. Rex, quum ex eo, quod acciderat, coniectaret, post solis ortum statum tempus esse, de media nocte, ut aestum occuparet, cum paucis navigiis secundo amne defluxit. Eiectusque os eius quadringenta stadia processit in mare, tandem voti sui compos: praesidiisque et maris et locorum diis sacrificio facto ad classem rediit.

## CAP. X.

(38) Hinc adversum flumen subit classis et altero die appulsa est haud procul lacu salso, cuius incognita natura plerosque decepit, temere ingressos aquam. Quippe scabies corpora invasit, et contagium morbi etiam in alios vulgatum est. Oleum remedio fuit. Leonnato deinde praemisso, ut puteos foderet, qua terrestri itinere ducturus exercitum videbatur, — quippe sicca erat regio, — ipse cum copiis subsistit, vernum tempus expectans. Interim et urbes plerasque condidit. Nearcho atque Onesicrito nauticae rei peritis imperavit, ut validis-

simas navium deducerent in Oceanum, progressique, quoad tuto possent, naturam maris noscerent: vel eodem amne vel Euphrate subire eos posse, quum reverti ad se vellent.

(39) Iamque mitigata hieme et navibus, quae inutiles videbantur, crematis terra ducebat exercitum. Nonis castris in regionem Arabiton, inde totidem diebus in Cedrosiorum perventum est. Liber hic populus, concilio habito, dedit se, nec quicquam deditis praeter commeatus imperatum est. Quinto hinc die venit ad flumen: Arabum incolae appellant. Regio deserta et aquarum inops excipit: quam emensus in Oritas transit. Ibi maiorem exercitus partem Hephastiōni tradidit, levem armaturam cum Ptolemaeo Leonnatoque partitus est. Tria simul agmina populabantur Indos, magnaeque praedae actae sunt: maritimos Ptolemaeus, ceteros ipse rex et ab alia parte Leonnatus urebant. In hac quoque regione urbem condidit, deductique sunt in eam Arachosii.

(40) Hinc pervenit ad maritimos Indos. Desertam vastamque regionem late tenent ac ne cum finitimis quidem ullo commercii iure miscentur. Ipsa solitudo natura quoque immitia efferavit ingenia: prominent ungues nunquam recisi: comae hirsutae et intonsae sunt. Tuguria conchis et ceteris purgamentis maris instruunt. Ferarum pellibus tecti, piscibus sole duratis et maiorum quoque beluarum, quas fluctus eiecit, carne vescuntur. Consumptis igitur alimentis Macedones primo inopiam, deinde ad ultimum famem sentire coeperunt, radices palmarum — namque sola ea arbor gignitur — ubique rimantes. Sed quum haec quoque alimenta defecerant, iumenta caedere aggressi ne equis quidem abstinebant: et quum deessent, quae sarcinas veherent, spolia de hostibus, propter quae ultima orientis peragraverant, cremabant incendio. Famem deinde pestilentia secuta est: quippe insalubrium ciborum novi suci, ad hoc itineris labor et aegritudo animi vulgaverant morbos, et nec manere sine clade nec progredi poterant: manentes fames, progressos acrior pestilentia urgebat. Ergo strati erant campi paene pluribus

semivivis, quam cadaveribus. Ac ne levius quidem aegri sequi poterant: quippe agmen raptim agebatur, tantum singulis ad spem salutis ipsos proficere credentibus, quantum itineris festinando praeciperent. Igitur, qui defecerant, notos ignotosque, ut allevarentur, orabant: sed nec iumenta erant, quibus excipi possent, et miles vix arma portabat, imminentisque et ipsis facies mali ante oculos erat. Ergo saepius revocati ne respicere quidem suos sustinebant, misericordia in formidinem versa. Illi relictis 16 deos testes et sacra communia regisque implorabant opem, quumque frustra surdas aures fatigarent, in rabiem desperatione versa, parem suo exitum similesque ipsis amicos et contubernales precabantur.

(41) Rex dolore simul ac pudore anxius, quia causa 17 tantae cladis ipse esset, ad Phrataphernen Parthienorum satrapen misit, qui iuberet camelis cocta cibaria afferre, aliosque finitimarum regionum praefectos certiores necessitatis suae fecit. Nec cessatum est ab his. Itaque fame 18 dumtaxat vindicatus exercitus tandem in Cedrosiae fines perducitur. Omnium rerum sola fertilis regio est, in qua slativa habuit, ut vexatos milites quiete firmaret. Hic 19 Leonnati litteras accepit, conflixisse ipsum cum octo milibus peditum et trecentis equitibus Oritarum prospero eventu. A Cratæro quoque nuntius venit, Ozinen et Zariaspem, nobiles Persas, defectionem molientes oppressos a se, in vinculis esse. Praeposito igitur regioni Sibirio, 20 (namque Menon, praefectus eius, nuper interierat morbo) in Carmaniam ipse processit. Aspastes erat satrapes gen- 21 tis, suspectus, res novare voluisse, dum in India rex est. Quem occurrentem, dissimulata ira, comiter allocutus, dum 22 exploraret, quae delata erant, in eodem honore habuit.

(42) Quum inde praefecti, sicut imperatum erat, equorum iumentorumque iugalium vim ingentem ex omni, quae sub imperio erat, regione misissent, quibus deerant impedimenta, restituit. Arma quoque ad pristinum re- 23 fecta sunt cultum: quippe haud procul a Perside aberant, non pacata modo, sed etiam opulenta. Igitur, ut supra 24 dictum est, aemulatus Patris Libæri non gloriam solum,

quam ex illis gentibus deportaverat, sed etiam famam, sive illud triumphus fuit ab eo primum institutus, sive bacchantium lusus, statuit imitari, animo super humanum fastigium 25 elato. Vicos, per quos iter erat, floribus coronisque sterni iubet, liminibus aedium crateras vino repletas et alia eximiae magnitudinis vasa disponi: vehicula deinde constrata, ut plures capere milites possent, in tabernaculorum modum ornari, alia candidis velis, alia veste pretiosa. 26 Primi ibant amici et cohors regia, variis redimita floribus coronisque: alibi tibicinum cantus, alibi lyrae sonus audiebatur: item in vehiculis pro copia cuiusque adornatis comissabundus exercitus, armis, quae maxime decora erant, circumpendentibus. Ipsum convivasque currus vehabat, crateris aureis eiusdemque materiae ingentibus potulculis praegravis. Hoc modo per dies septem bacchabundum agmen incessit, parata praeda, si quid victis saltem adversus comissantes animi fuisset: mille hercule, viri modo et sobrii, septem dierum crapula graves in suo triumpho capere potuerunt. Sed fortuna, quae rebus famam pretiumque constituit, hoc quoque militiae probrum vertit in gloriam. Et praesens aetas et posteritas deinde mirata est, per gentes nondum satis domitas incessisse temulentos, barbaris, quod temeritas erat, fiduciam esse credentibus. Hunc apparatus carnifex sequebatur: quippe satrapes Aspastes, de quo ante dictum est, interfici iussus 30 est. Adeo nec luxuriae quicquam crudelitas nec crudelitati luxuria obstat.

## LIBER X.

## ARGUMENTUM.

I. Cleander ceterique praefecti copiarum, quae in Media relictæ fuerant, scelerum in provincia admissorum poenas dant. Nearchi et Onesicriti adventus. Alexandri de orbe terrarum subigendo consilia. Orsines, Persa nobilissimus, insons supplicio afficitur. Litterae ex India et Europa. II. Dum Alexander Susis stativa habens Graeciam motam pacare, ex militibus aere alieno liberatis seniores



domum remittere, reliquos retinere cogitat, in castris oritur seditio, quam gravi oratione et regia auctoritate compescit. III. IV. Seditiosis supplicio affectis, Asiaticorum militum concione advocata, eorum se opera posthac usurum dicit iisque corporis custodiam committit. Militum suorum poenitentia non moveatur. [Sequitur magna lacuna.] V. Rex moribundus exercitum salutat. Dicta et gesta eius ante obitum. Quantum a suis fuerit desideratus, praecipue vero a Darei matre, quae, audita eius morte, voluntariam mortem obit. Alexandri virtutes et vitia. VI. De rege, qui Alexandrum exciperet, inter Macedonas consultatio et variae sententiae. VII. Arrhidaeum, Philippi ex pellicae filium, fratrem Alexandri, regem salutat Meleager: filio Alexandri ex Roxane futuro Perdiccam et Leonnatum tutores destinat Pithon. Regiam peditibus stipatus irrupit Arrhidaeus cum Meleagro: equitibus comitibus ex urbe excedere statuunt Perdiccas et Leonnatus. VIII. Perdiccas e vitae periculo servatus, campis occupatis, Babylonem fame premit. Arrhidaeus autem pacis studiosus tumultum media quadam ratione componere conatur. IX. Perdiccas, dum patrio more exercitum lustrat, Meleagrum et trecentos fere alios discordiae auctores dolo opprimit. X. Alexandri imperium dividit Perdiccas, summam Arrhidaeo et sibi, provincias copiarum ducibus tribuens. Rumor de Alexandro veneno necato. Corpus eius Aegyptiorum et Chaldaeorum more curatum Ptolemaeus Alexandriam transfert.

## CAP. I.

(1 ed. Zumpt.) Iisdem fere diebus Cleander et Sitalces et cum Agathōne Herācon superveniunt, qui Parmeniōnem iussu regis occiderant, quinque milia peditum cum equitibus mille [adducentes]. Sed et accusatores eos e 2 provincia, cui praefuerant, sequebantur: nec tot facinora, quot admiserant, compensare poterant caedis perquam gratae regi ministerio. Quippe quum omnia profana spo- 3 liassent, ne sacris quidem abstinerant, virginesque et principes feminarum supra perpessae corporum ludibria deflebant. Invisum Macedōnum nomen avaritia eorum ac 4 libido barbaris fecerat. Inter omnes tamen eminebat Cle- 5 andri furor, qui nobilem virginem constupratam servo suo pellicem dederat. Plerique amicorum Alexandri non 6 tam criminum, quae palam obiciebantur, atrocitatem, quam memoriam occisi per illos Parmeniōnis, quod tacitum prodesse reis apud regem poterat, intuebantur, laeti, recidisse iram in irae ministros nec ullam potentiam scelere quae-

7 sitam cuiquam esse diuturnam. Rex, cognita causa, pronuntiavit, ab accusatoribus unum et id maximum crimen esse praeteritum, desperationem salutis suae: nunquam enim talia ausuros, qui ipsum ex India sospitem aut op- 8 tassent reverti aut credidissent reversurum. Igitur hos quidem vinxit, DC autem militum, qui saevitiae eorum ministri fuerant, interfici iussit. Eodem die sumptum est supplicium de iis quoque, quos auctores defectionis Persarum Cratērus adduxerat.

10 (2) Haud multo post Nearchus et Onesicritus, quos longius in Oceānum procedere iusserat, superveniunt. 11 Nuntiabant autem quaedam audita, alia comperta: insulam ostio amnis subiectam auro abundare, inopem equorum esse: singulos eos compererant ab iis, qui ex continenti 12 traicere auderent, singulis talentis emi. Plenum esse be-luarum mare: aestu secundo eas ferri, magnarum navium corpora aequantes: truci cantu deterritas sequi classem cum magno aequoris strepitu, velut demersa navigia, sub- 13 isse aquas. Cetera incolis crediderant, inter quae, rubrum mare non a colore undarum, ut plerique crederent, sed 14 ab Erythro rege appellari: esse haud procul a continenti insulam palmis frequentibus consitam et in medio fere ne- 15 more columnam eminere, Erythri regis monumentum, lit- teris gentis eius scriptam. Adiciebant, navigia, quae li- xas mercatoresque vexissent, famam auri secutis gubernatoribus, in insulam esse transmissa nec deinde ab his 16 postea visa. Rex cognoscendi plura cupidine accensus rursus eos terram legere iubet, donec ad Euphrātis ostia appellerent classem: inde adverso amne Babylōna subituros.

17 (3) Ipse animo infinita complexus statuerat, omni ad orientem maritima regione perdomita, ex Syria petere Africam, Carthagini infensus, inde, Numidiae solitudinibus peragratis, cursum Gadis dirigere, — ibi namque co- 18 lumnas Hercūlis esse fama vulgaverat, — Hispanias deinde, quas Iberiam Graeci a flumine Ibēro vocabant, adire et praetervehi Alpes Italiaeque oram, unde in Epirum brevis 19 cursus est. Igitur Mesopotamiae praetoribus imperavit,

materia in Libāno monte caesa devectaque ad urbem Syriae Thapsācum, septingentiarum carinas navium ponere: septiremes omnes esse deducique Babyloniam. Cypriorum regibus imperatum, ut aes stuppamque et vela praerent.

Haec agenti Pori et Taxilis regum litterae traduntur, 20 Abisāren morbo, Philippum, praefectum ipsius, ex vulnere interisse oppressosque, qui vulnerassent eum. Igitur Philippo substituit Eudaemōnem (dux erat Thracum), Abisāris regnum filio eius attribuit.

(4) Ventum est deinde Persagāda. Persica A. 324 22  
a. Chr. n.  
ineunte.  
Ol. 113, 4. est gens, cuius satrapes Orsines erat, nobilitate ac divitiis inter omnes barbaros eminens. Genus 23 ducebat a Cyro, quondam rege Persarum: opes et a maioribus traditas habebat et ipse longa imperii possessione cumulaverat. Is regi cum omnis generis donis, non ipsi 24 modo ea, sed etiam amicis eius daturus, occurrit. Equorum domiti greges sequebantur currusque argento et auro adornati, pretiosa supellex et nobiles gemmae, aurea magni ponderis vasa vestesque purpureae et signati argenti talentum tria millia. Ceterum tanta benignitas bar- 25 baro causa mortis fuit. Nam quum omnes amicos regis donis super ipsorum vota coluisset, Bagōae spadoni, qui Alexandrum obsequio corporis devinxerat sibi, nullum honorem habuit. Admonitusque a quibusdam, quam Ale- 26 xandro cordi esset, respondit, amicos regis, non scorta se colere nec moris esse Persis, mares ducere, qui stupro effeminarentur. His auditis, spado potentiam flagitio et 27 dedecore quaesitam in caput nobilissimi et insontis exercuit. Namque gentis eiusdem levissimos falsis criminibus adstruxit, monitos, tum demum ea deferre, quum ipse iussisset. Interim, quotiens sine arbitris erat, credulas 28 regis aures implebat, dissimulans causam irae, quo gravior criminantis auctoritas esset. Nondum suspectus erat 29 Orsines, iam tamen vilior. Reus enim in secreto agebatur, latentis periculi ignarus: et importunissimum scortum, ne in stupro quidem et dedecoris patientia fraudis oblitum, quotiens amorem regis in se accenderat,

Orsinem modo avaritiae, interdum etiam defectionis arguebat.

30 (5) Iam matura erant in perniciem innocentis mendacia, et fatum, cuius inevitabilis sors est, appetebat. Forte enim sepulcrum Cyri Alexander iussit aperiri, in quo erat 31 conditum eius corpus, cui dare volebat inferias. Auro argentoque repletum esse crediderat, — quippe ita fama Persae vulgaverant, — sed praeter clypeum eius putrem 32 et arcus duos Scythicos et acinacem nihil repperit. Ceterum, corona aurea imposita, amiculo, cui assueverat ipse, solium, in quo corpus iacebat, velavit, miratus, tanti nominis regem, tantis praeditum opibus, haud pretiosius 33 sepultum esse, quam si fuisset e plebe. Proximus erat lateri spado: qui regem intuens, *Quid mirum, inquit, est, inania sepulcra esse regum, quum satraparum domus a-* 34 *rum inde egestum capere non possint? Quod ad me attinet, ipse hoc bustum antea non videram: sed ex Darēo ita ac-* 35 *cepi, tria milia talentum condita esse cum Cyro. Hinc illa benignitas in te, ut, quod impune habere non poterat Ors-* 36 *nes, donando etiam gratiam iniret.* Concitaverat iam animum in iram, quum hi, quibus negotium idem dederat, superveniunt. Hinc Bagōas, hinc ab eo subornati falsis 37 criminibus occupant aures. Antequam accusari se suspicaretur Orsines, in vincula est traditus. Non contentus supplicio insontis spado, ipse morituro manum iniecit. Quem Orsines intuens, *Audieram, inquit, in Asia olim reg-* 38 *nasse feminas: hoc vero novum est, regnare castratum.* 39 Hic fuit exitus nobilissimi Persarum, nec insontis modo, sed eximiae quoque benignitatis in regem. Eodem tempore Phradātes regnum affectasse suspectus occiditur. Coeperat esse praeceps ad repraesentanda supplicia, item 40 ad deteriora credenda. Scilicet res secundae valent commutare naturam, et raro quisquam erga bona sua satis cautus est. Idem enim paulo ante Lyncesten Alexandrum 41 delatum a duobus indicibus damnare non sustinuerat, humiliores quoque reos contra suam voluntatem, quia ceteris videbantur insontes, passus absolvi: hostibus victis 42 regna reddiderat: ad ultimum contra tantum ab semet-



ipso degeneravit, ut, invictus quondam adversus libidinem animi, arbitrio scorti aliis regna daret, aliis adimeret vitam.

(6) Iisdem fere diebus litteras a Coeno accipit de re-43 bus in Europa et Asia gestis, dum ipse Indiam subegit. Zopyrio, Thraciae praepositus, quum expeditionem in 44 Gelas faceret, tempestatibus procellisque subito coortis, cum toto exercitu oppressus erat. Qua cognita clade 45 Seuthes Odrÿsas, populares suos, ad defectionem compulerat. Amissa propemodum Thracia, ne Graecia quidem \*\*

[Freinsheimii Supplementum.]

[tumultibus inconcussa mansit. Nam Alexander, punita satraparum quorundam insolentia, quam, dum in extremo orbe Indorum armis attingitur, per summa scelera atque flagitia in provinciales exercuerant, ceterorum metum intenderat: qui in paribus delictis idem admissorum praemium expectantes in mercenariorum militum fidem confugiebant, illorum manibus, si ad supplicium poscerentur, salutem suam tutaturi: aut pecunia, quanta poterat, coacta, fugam inibant. Ea re cognita, litterae ad omnes Asiae praetores missae sunt, quibus inspectis e vestigio omnes peregrinos milites, qui stipendia sub ipsis facerent, dimittere iubebantur. Erat inter eos Harpalus, quem Alexander, quod ob ipsius amicitiam olim a Philippo eiectus solum vertisset, inter fidissimos habebat et post Mazaei mortem satrapia Babyloniae donaverat thesaurorumque custodiae praefecerat. Is igitur, quum fiduciam, quam in propensissima regis gratia habere poterat, magnitudine flagitiorum consumpsisset, quinque talentum milia ex gaza regia rapit conductaque sex milium mercenariorum manu in Europam evadit. Iampridem enim luxu et libidinibus in praeceps tractus desperataque apud regem venia adversus iram ipsius in alienis opibus subsidium circumspicere coeperat: et Athenienses, quorum non contemnendam potentiam et apud ceteros Graecos auctoritatem, tum occultum in Macedonas odium norat, sedulo coluerat. Itaque spem suis faciebat, Athenienses, adventu suo cognito copiisque et pecuniis, quas adduceret, coram inspectis, protinus arma consiliaque sociaturos esse. Nam apud populum imperitum et mobilem per homines improbos et avaritia venales omnia se muneribus consecuturum existimabat.]

CAP. II.

(7) Igitur triginta navibus Sunium transmittunt (pro-1 montorium est Atticae terrae), unde portum urbis petere

2 decreverant. His cognitis, rex Harpalo Atheniensibus- que iuxta infestus classem parari iubet, Athēnas protinus 3 petiturus. Quod consilium quum clam agitat, litterae ei redduntur, Harpalum intrasse quidem Athēnas, pecunia conciliasse sibi principum animos, mox, concilio plebis habito, iussum urbe excedere ad Graecos milites pervenisse, a quibus interceptum et trucidatum a quodam Thim- 4 brone per insidias. His laetus in Europam traiciendi consilium omisit: sed exules praeter eos, qui civili sanguine aspersi erant, recipi ab omnibus Graecorum civita- 5 tibus, quis pulsus erant, iussit. Et Graeci haud ausi imperium aspernari, quamquam solvendarum legum id principium esse censebant, bona quoque, quae extarent, re- 6 stituere damnatis. Soli Athenienses non suae modo, sed etiam publicae vindices [libertatis], colluvionem ordinum omnium quia aegre ferebant, non regio imperio, sed legi- 7 bus moribusque patriis regi assueti. Prohibuere igitur exules finibus, omnia potius toleraturi, quam purgamenta quondam urbis suae, tunc etiam exilii, admitterent.

8 (8) Alexander, senioribus militum in patriam <sup>A. 324</sup> remissis, tredecim milia peditum et duo milia <sup>a. Chr. n. vera.</sup> equitum, quae in Asia retineret, eligi iussit, exi- <sup>Ol. 113, 4.</sup> stimans, modico exercitu continere posse Asiam, quia pluribus locis praesidia disposuisset: nuperque conditas 9 urbes, quas colonis replisset, res novare cupientibus ob- stare credebat. Ceterum priusquam secerneret, quos erat retenturus, edixit, ut omnes milites aes alienum profiterentur. Grave plerisque esse compererat: et quamquam ipsorum luxu contractum erat, dissolvere tamen 10 ipse decreverat. Illi tentari ipsos rati, quo facilius ab integris sumptuosos discerneret, prolatando aliquantum extraxerant temporis. Et rex satis gnarus, professioni aeris pudorem, non contumaciam obstare, mensas totis castris 11 poni iussit et decem milia talentum proferri. Tum demum [cum] fide facta professio est, nec amplius ex tanta pecunia quam centum et triginta talenta superfuere. Adeo ille exercitus, tot divitissimarum gentium victor, plus tamen victoriae quam praedae deportavit ex Asia.

(9) Ceterum ut cognitum est, alios remitti domos, 12  
 alios retineri, perpetuam eum regni sedem in Asia habitu-  
 rum rati, vecordes et disciplinae militaris immemores se-  
 ditiosis vocibus castra complent regemque ferocius quam  
 alias adorti omnes simul missionem postulare coeperunt,  
 deformia ora cicatricibus canitiemque capitum ostentan-  
 tes. Nec aut praefectorum castigatione aut verecundia 13  
 regis deterriti tumultuoso clamore et militari violentia vo-  
 lentem loqui inhibebant, palam professi, nusquam inde,  
 nisi in patriam, vestigium esse moturos. Tandem silentio 14  
 facto, magis quia motum esse credebant, quam quia ipsi  
 moveri poterant, quidnam acturus esset, expectabant.  
 Ille, *Quid haec, inquit, repens consternatio et tam procax 15*  
*atque effusa licentia denuntiat? Eloqui metuo: palam certe*  
*rupistis imperium, et precario rex sum, cui non alloquendi,*  
*non noscendi monendique aut intuendi vos ius reliquistis.*  
*Equidem, quum alios dimittere in patriam, alios mecum 16*  
*paulo post deportare statuerim, tam illos acclamantes video,*  
*qui abituri sunt, quam hos, cum quibus praemissos subsequi*  
*statui. Quid hoc est rei? dispari in causa idem omnium 17*  
*clamor est. Pervelim scire, utrum, qui discedunt, an, qui*  
*retinentur, de me querantur. Crederes, uno ore omnes sus- 18*  
*tulisse clamorem: ita pariter ex tota concione responsum*  
*est, omnes queri.*

(10) Tum ille, *Non hercule, inquit, potest fieri, ut ad- 19*  
*ducar, querendi simul omnibus hanc causam esse, quam*  
*ostenditis, in qua maior pars exercitus non est, utpote quum*  
*plures dimiserim, quam retenturus sum. Subest nimirum 20*  
*altius malum, quod omnes avertit a me. Quando enim re-*  
*gem universus deseruit exercitus? Ne servi quidem uno*  
*grege profugiunt dominos, sed est quidam in illis pudor a ce-*  
*teris destitutos relinquendi. Verum ego tam furiosae con- 21*  
*sternationis oblitus remedia insanabilibus conor adhibere.*  
*Omnem hercule spem, quam ex vobis conceperam, damno*  
*nec ut cum militibus meis, — iam enim esse desistis, — sed*  
*ut cum ingratis operis agere decrevi. Secundis rebus, 22*  
*quae circumfluunt vos, insanire coepistis, obliti status eius,*  
*quem beneficio exuistis meo, digni hercule, qui in eodem con-*

*senescatis, quoniam facilius est vobis, adversam quam se- 23*  
*cundam regere fortunam. En tandem! Illyriorum paulo*  
*ante et Persarum tributariis Asia et tot gentium spolia fa-*  
*stidio sunt. Modo sub Philippo seminudis amacula ex pur-*  
*pura sordent, aurum et argentum oculi ferre non possunt:*  
*lignea enim vasa desiderant et ex cratibus scuta rubiginem- 24*  
*que gladiatorum. Hoc cultu nitentes vos accepi, et quingenta*  
*talenta aeris alieni, quum omnis regia supellex haud am-*  
*plius quam sexaginta talentorum esset, meorum operum fun-*  
*damenta: quibus tamen — absit invidia! — imperium ma-*  
*25 ximae terrarum partis imposui. Asiaene pertaesum est,*  
*quae vos gloria rerum gestarum diis pares fecit? In Eu-*  
*ropam ire properatis, rege deserto, quum pluribus vestrum*  
*defuturum viaticum fuerit, ni aes alienum luissem, nempe 26*  
*in Asiatica praeda. Nec pudet profundo ventre devictarum*  
*gentium spolia circumferentes reverti velle ad liberos con-*  
*ugesque, quibus pauci praemia victoriae potestis ostendere.*  
*Nam ceterorum, dum etiam spei vestrae obviam istis, arma 27*  
*quoque pignori sunt. Bonis vero militibus cariturus sum,*  
*pellicum suarum concubinis: quibus hoc solum ex tantis*  
*opibus superest, in quod impenditur. Proinde fugientibus*  
*me pateant limites: facessite hinc ocius, ego cum Persis ab-*  
*euntium terga tutabor. Neminem teneo: liberate oculos meos, 28*  
*ingratissimi cives. Laeti vos excipient parentes liberique*  
*sine vestro rege redeuntes: obviam ibunt desertoribus trans-*  
*29 fugisque. Triumphabo mehercule de fuga vestra et, ubi-*  
*cunque ero, expetam poenas hos, cum quibus me relin-*  
*quitis, colendo praeferendoque vobis. Iam autem scietis,*  
*et quantum sine rege valeat exercitus et quid opis in me*  
*uno sit.*

30 (11) Desiluit deinde frendens de tribunali et in me-  
 dium armatorum agmen se immisit, notatos quoque, qui  
 ferocissime oblocuti erant, singulos manu corripuit nec  
 ausos repugnare tredecim asservandos custodibus corpo-  
 ris tradidit.

## CAP. III.

1 Quis crederet, saevam paulo ante concionem obtor-



puisse subito metu et, quum ad supplicium videret trahi nihil ausos graviora quam ceteros, \*\*

[tam effusam antea licentiam atque seditiosam militum violentiam ita compressam, ut non modo nullus ex omnibus irruenti regi restiterit, verum etiam cuncti pavore exanimati, attonitis similes, quid de ipsis quoque rex statuendum censeret, suspensa mente expectarent. Itaque]

sive nominis, quod gentes, quae sub regibus sunt, inter deos colunt, sive propria ipsius veneratio, sive fiducia tanta vi exercentis imperium conterruit eos: singulare certe ediderunt patientiae exemplum adeoque non sunt accensi supplicio commilitonum, quum sub noctem interfectos esse cognosset, ut nihil omiserint, quod singuli magis obedienter et pie facerent. Nam quum postero die prohibiti aditu regis essent, Asiaticis modo militibus admissis, lugubrem totis castris edidere clamorem, denuntiantes, protinus esse morituros, si rex perseveraret irasci.

(12) At ille, pervicacis ad omnia, quae agitasset, animi, peregrinorum militum concionem advocari iubet, Macedonibus intra castra cohibitis: et quum frequentes coissent, adhibito interprete, talem orationem habuit: *Quum ex Europa traicerem in Asiam, multas nobiles gentes, magnam vim hominum imperio meo me additurum esse sperabam. Nec deceptus sum, quod de his credidi fama. Sed ad illa hoc quoque accessit, quod video fortes viros erga reges suos pietatis invictae. Luxu omnia fluere credideram et nimia felicitate mergi in voluptates. At hercule, munia militiae hoc animorum corporumque robore aequae impigre toleratis et, quum fortes viri sitis, non fortitudinem magis quam fidem colitis. Hoc ego nunc primum profiteor, sed olim scio. Itaque et delectum e vobis iuniorum habui et vos meorum militum corpori immiscui. Idem habitus, eadem arma sunt vobis, obsequium vero et patientia imperii longe praestantior est, quam ceteris. Ergo ipse Oxyartae Persae filiam mecum in matrimonio iunxi, non dedignatus ex captiva liberos tollere. Mox deinde, quum stirpem generis mei latius propagare cuperem, uxorem Daræ filiam duxi proximisque amicorum auctor fui ex captivis generandi li-*

*beros, ut hoc sacro foedere omne discrimen victi et victoris excluderem. Proinde genitos esse vos mihi, non ascitos milites credite. Asiae et Europae unum atque idem regnum est. Macedonum vobis arma do. Inveteravi peregrinam novitatem, et cives mei estis et milites. Omnia eundem ducunt colorem: nec Persis Macedonum morem adumbrare nec Macedonibus Persas imitari indecorum. Eiusdem iuris esse debent, qui sub eodem rege victuri sunt. \*\*\**

[Supplementum.]

15 [Hac oratione habita, Persis corporis sui custodiam credit, Persas satellites, Persas apparitores fecit. Per quos quum Macedones, qui huic seditioni occasionem dedissent, vincti ad supplicia traherentur, unum ex iis auctoritate et aetate gravem ad regem ita locutum ferant.]

CAP. IV.

1 (13) *Quousque, inquit, animo tuo etiam per supplicia, et quidem externi moris, obsequeris? Milites tui, cives tui, incognita causa, captivis suis ducentibus, trahuntur ad poenam. Si mortem meruisse iudicas, saltem ministros supplicii muta.* Amico animo, si veri patiens fuisset, admovebatur, sed in rabiem ira pervenerat. Itaque rursus — nam parumper, quibus imperatum erat, dubitaverant — 3 mergi in amnem, sicut vincti erant, iussit. Ne hoc quidem supplicium seditionem militum movit. Namque copiarum duces atque amicos eius manipuli adeunt, petentes, ut, si quos adhuc pristina noxa iudicaret esse contactos, iuberet interfici: offerre se corpora irae: trucidaret. \*\*\*

[Supplementum Freinsheimii.]

[Tandem prae dolore vix mentis compotes universi concurrunt ad regiam armisque ante fores proiecitis, tunicati astantes, nuda et obnoxia poenis corpora admitti flentes orabant. Non se deprecari, quin suppliciis solum expiarentur, quae per contumaciam deliquissent. Regis iracundiam sibi morte tristiore esse, Quumque dies noctesque ante regiam persistentes miserabili clamore habituque poenitentiam suam approbarent, biluum tamen adversus humillimas suorum preces iracundia regis duravit. Tertio die victus

constantia supplicum processit ineusataque leniter exercitus immodestia, non sine multis utrimque lacrimis, in gratiam se cum ipsis redire professus est. Digna tamen res visa est, quae maioribus hostiis expiaretur. Itaque sacrificio magnifice perpetrato, Macedonum simul Persarumque primores invitavit ad epulas. Novem milia eo convivio exceperunt proditum est memoriae eosque omnes, invitante rege, ex eodem cratere libavisse, Graecis barbarisque vatibus tum alia fausta vota praeceuntibus, tum imprimis, ut ea utriusque imperii in idem corpus coalita societas perpetua foret. Maturata deinde est missio, et infirmissimus quisque exauctorati. Amicorum quoque seniorum quibusdam comitum dedit: ex quis Clitus, cognomento Albus, Gorgiasque et Polydamas et Antigenes fuere. Abeuntibus non modo praeteriti temporis stipendia cum fide persolvit, verum etiam talentum adiecit in singulos milites, viatici nomine. Filios ex Asiaticis uxoribus susceptos (ad decem milia fuisse traduntur) apud se relinqui iussit, ne in Macedoniam cum parentibus transgressi et coniugibus liberisque prioribus permixti familiarum singulorum contentione et discordiis impleverent, sibi curae fore pollicitus, ut patrio more instituti militiae artes edocerentur. Ita supra decem veteranorum milia dimissa sunt, additusque est Craterus, qui eos deduceret, ex praecipuis regis amicis. Cui si quid humanitus accidisset, Polyperconti parere iussi sunt. Litteris etiam ad Antipatrum scriptis honorem emeritis haberi praecepit, ut, quotiens ludi atque certamina ederentur, in primis ordinibus coronati spectarent, utque fato funtorum liberi etiam impuberes in paterna stipendia succederent. Craterum Macedoniae continentibusque regionibus cum imperio praeesse placuit, Antipatrum cum supplemento iuniorum Macedonum ad regem pergere. Verebatur enim, ne per discordiam praefecti cum Olympiade gravis aliqua clades acciperetur. Nam multas ad Alexandrum epistolas mater, multas Antipater miserat, vicissimque alter alterum arroganter et acerbe pleraque facere criminabantur, quae ad dedecus aut detrimentum regiae maiestatis pertinerent. Postquam enim rumor occisi regis temere vulgatus in Macedoniam penetravisset, mater eius sororque Cleopatra tumultuatae fuerant, et haec quidem paternum regnum, Olympias Epirum invaserat. Forte, dum eiusmodi litterae redduntur, Hephaestion assuetus, omnium arcanorum se participem haberi, resignatas ab Alexandro simul inspiciebat. Neque vetuit eum rex, sed detractum digito anulum ori legentis admovit, nihil eorum, quae perscripta essent, in alios efferendum significans. Incusasse autem ambos fertur et matris insolentia permotus exclamasse, eam pro habitatione decem mensium, quam in utero sibi praebuisset, gravem mercedem exigere: Antipatrum vero suspectum habuisse, quasi parta ex Spartanis victoria tollentem animos et imperio tot iam in annos prorogato supra praefecti modum elatum. Itaque quum eius gravitas atque integritas a quibusdam praedicaretur, subiecit, exte-

rius quidem album videri, sed, si penitus introspectiatur, totum esse purpureum. Pressit tamen suspicionem suam neque ullum manifestius abalienati animi indicium praetulit. Credere tamen plerique, Antipatrum, evocari se supplicii causa ratum, impiis machinationibus regiae mortis, quae paulo post secuta est, auctorem extitisse.

Interea rex, ut imminuti exercitus detrimenta sarciret, optimum quemque Persarum in Macedonicos ordines allegit: mille etiam praestantissimos segregavit ad propiorem sui corporis custodiam: aliam hastatorum manum, haud pauciores decem milibus, circa regium tabernaculum excubias agere iussit. Haec agenti Peucestes supervenit cum viginti sagittariorum funditorumque milibus, quos ex sua provincia coegerat. His per exercitum distributis, profectus est Susis et, Pasitigri ante transmissio, apud Caras castra metatus est: inde, quadriduo per Sittacenen ductis copiis, Sambana processit, ubi per septem dies quietum agmen tenuit. Tridui deinde itinere emenso, Celonas perventum est. Oppidum hoc tenent Boeotia profecti, quos Xerxes sedibus suis excitos in orientem transtulit: servabantque argumentum originis peculiari sermone, ex Graecis plerumque vocibus constante: ceterum ob commerciorum necessitatem finitimorum barbarorum lingua utebantur. Inde Bagistanem ingressus est, regionem opulentam et abundantem arborum amoeno et fecundo foetu ceterisque ad vitae non usum modo, verum etiam delectationem pertinentibus. Gravis inter haec Eumeni cum Hephaestione simultas inciderat. Nam servos Eumenis diversorio, quod pro hero suo anteceperant, Hephaestio proturbavit, ut Euius tibicen eo reciperetur. Neque multo post, quum iam sopita odia viderentur, nova exorta contentione adeo recruderunt, ut etiam in atrox iurgium et acerba utrimque convicia prorumperent. Sed Alexandri interventu imperioque inimicitiae saltem in speciem abolitae sunt: quum ille quidem Hephaestioni etiam minatus esset, qui in flagrantissima regis gratia positus quamquam cupidum reconciliationis Eumenem pertinacius aversabatur.

Perventum deinde est in Mediae campos, ubi maximi equorum greges pascabantur. Nisaeos appellant, magnitudine et specie insignes. Supra quinquaginta milia ibi reperta, quum Alexander eo transiret, a comitibus illius annotatum est: olim triplo plures fuisse, sed inter bellorum turbas maximam eorum partem praedones abegisse. Ad triginta dies ibi substitit rex. Eo Atropates, Mediae satrapa, centum barbaras mulieres adduxit, equitandi peritas pelisque et securibus armatas: unde quidam crediderunt, Amazonum ex gente reliquias fuisse. Septimis deinde castris Ecbatana attigit, Mediae caput. Ibi sollemnia diis sacrificia fecit ludosque edidit et in convivia festosque dies laxavit animum, ut mox in novorum operum curam atque ministeria validior intenderetur. Sed ista volventem, velut iniecta manu, fatum alio traxit vitamque carissimo ami-



corum eius neque multo post ipsi quoque regi extorsit. Pueros in stadio certantes spectabat, quum nuntiatur, deficere Hephaestionem, qui, morbo ex crapula contracto, septimum iam diem decumbebat. Exterritus amici periculo statim consurgit et ad hospitium illius celeriter pergit: neque tamen prius eo pervenit, quam illum mors occupasset. Id regi omnium, quae in vita pertulerat, adversorum luctuosissimum accidisse certum habetur, eumque magnitudine doloris in lacrimas et lamenta victum multa animi de gradu deieci argumenta edidisse. Sed ea quidem varie traduntur: illud inter omnes constat, ut quam decentissimas exequias ei duceret, noluisse Ecbatanis sepeliri, sed Babylonem, quo ipse concessurus erat, a Perdicca deferri curasse ibique funus inaudito antehac exemplo duodecim talentum milibus locavisse. Per universum certe imperium lugeri eum iussit: et ne memoria eius in exercitu exolesceret, equitibus, quis praefuerat, nullum praefecit ducem, sed Hephaestionis alam appellari voluit et, quae ille signa instituisset, ea non immutari. Funebria certamina ludosque, quales nunquam editi fuissent, meditata trita artificum millia coegit: qui non multo post in ipsius exequiis certasse feruntur. Nec amici tam effuso affectu ad conciliandam eius gratiam segniter usi certatim repperere, per quae memoria defuncti clarior honoratiorque fieret. Igitur Eumenes, quum se ob simultatem cum Hephaestione regis indignationem incurrisse sensisset, multis auctor fuit seque et arma sua Hephaestioni consecrandi pecuniasque ad cohonestandum funus large contulit. Hoc exemplum imitati sunt ceteri: eoque mox processit assentationum impudentia, ut regi maerore et desiderio defuncti insanienti persuasum tandem fuerit, denm esse Hephaestionem. Quo quidem tempore ex copiarum duobus Agathocles Samius ad extremum periculi venit, quod illius tumultum praeteriens illacrimasse visus esset. Ac nisi Perdicca, venanti sibi Hephaestionem apparuisse ementitus, per deos omnes ipsumque Hephaestionem deierasset, ex ipso se cognovisse, Agathoclem non ut mortuum et vanae divinitatis titulis frustra ornatum flevisse, verum ob memoriam pristinae sodalitatis lacrimas non tenuisse, vir fortis et de rege bene meritus pietatis in amicum graves poenas innoxio capite pependisset.

Ceterum ut paulisper a luctu avocaret animum, in Cossaeorum gentem expeditionem suscepit. Iuga Mediae vicina Cossaei tenent, asperum et acre genus et praedando vitam tolerare solitum. Ab his Persarum reges anno tributo pacem redimere consueverant, ne in subiecta decurrentes infestam latrocinis regionem facerent. Nam vim tentantes Persas facile reppulerant, asperitate locorum defensi, in quae se recipiebant, quotiens armis superabantur. Iidem muneribus quotannis placabantur, ut regi Ecbatanis, ubi aestiva solebat agere, Babylonem remigranti tutus per ea loca transitus esset. Hos igitur Alexander bipartito agmine aggressus intra quadraginta dies perdomuit. Nam ab ipso rege et Ptolemaeo, qui partem exercitus

ducebat, saepe caesi, ut captivos suos reciperent, permisere se victori. Ille validas urbes opportunis locis extrui iussit, ne, abducto exercitu, fera gens obedientiam exueret. Motis inde castris, ut militem expeditione recenti fessum reficeret, lento agmine Babylonem procedebat. Iamque vix triginta ab urbe stadiis aberat, quum Nearchus occurrit, quem per Oceanum et Euphratis ostia Babylonem praemisera: orabatque, ne fatalem sibi urbem vellet ingredi. Compertum id sibi ex Chaldaeis, qui multis iam praedictionum eventibus artis suae certitudinem abunde probavissent. Rex fama eorum hominum constantique asseveratione motus, dimissis in urbem amicorum plerisque, alia via praeter Babylonem ducit ac ducentis inde stadiis stativa locat. Sed ab Anaxarcho philosopho edoctus, contemptis Chaldaeorum monitis, quorum disciplinam inanem aut supervacuum arbitrabatur, urbem intrat. Legationes eo ex universo ferme orbe confluerant, quibus per complures dies studiose auditis, deinceps ad Hephaestionis exequias adiecit animum. Quae summo omnium studio ita celebratae sunt, ut nullius ad id tempus regis feralia magnitudine sumptuum apparatusque celebritate non vicerint. Post haec cupido incessit regi per Pallacopam amnem ad Arabum confinia navigandi: quo delatus, urbi condendae comoda sede reperta, Graecorum aetate aut vulneribus invalidos et si qui sponte remanserant ibi collocat. Quibus ex sententia perfectis iam futuri securus Chaldaeos irridebat, quod Babylonem non ingressus tantum esset incolomis, verum etiam excessisset. Enimvero revertenti per paludes, quas Euphrates in Pallacopam effusus efficit, foedum omen oblatum est. Quippe rami desuper impendentes detractum capiti regio diadema proiecerunt in fluctus. Quum deinde alia super alia prodigiosa et minacia nuntiarentur, procurandis iis Graeco simul barbaroque ritu continua sacra facta sunt. Neque tamen expiari praeterquam morte regis potuere. Qui, quum Nearchum excepisset convivio iamque cubitum iturus esset, Medii Larissaei obnixis precibus dedit, ut ad eum comissatum veniret. Ubi postquam tota nocte perpotasset, male habere coepit. Ingravescens deinde morbus adeo omnes vires intra sextum diem exhausit, ut ne vocis quidem potestas esset. Interea milites, sollicitudine desiderioque eius anxii, quamquam obtestantibus ducibus, ne valetudinem regis onerarent, expresserunt, ut in conspectum eius admitterentur.]

## CAP. V.

1 (14) Intuentibus lacrimae abortae praebuere speciem  
2 iam non regem, sed funus eius visentis exercitus. Maeror  
tamen circumstantium lectum eminebat: quos ut rex ad-  
spexit, *Invenietis*, inquit, *quum excessero, dignum talibus*  
3 *viris regem?* Incredibile dictu audituque, in eodem habitu

corporis, in quem se composuerat, quum admissurus milites esset, durasse, donec a toto exercitu illud ultimum persalutatus est: dimissoque vulgo, velut omni vitae debito liberatus, fatigata membra reiecit. Propiusque adire iussis amicis — nam et vox deficere iam coeperat — detractum anulum digito Perdiccae tradidit, adiectis mandatis, ut corpus suum ad Hammōnem ferri iuberent. Quarentibus his, cui relinqueret regnum, respondit, ei, qui esset optimus: ceterum providere iam se, ob id certamen magnos funebres ludos parari sibi. Rursus Perdicca interrogante, quando coelestes honores haberi sibi vellet, dixit, tum velle, quum ipsi felices essent. Suprema haec vox fuit regis, et paulo post exinguitur.

(15) Ac primo ploratu lamentisque et planctibus tota regia personabat: mox, velut in vasta solitudine, omnia tristi silentio muta torpebant, ad cogitationes, quid deinde futurum esset, dolore converso. Nobiles pueri custodiae corporis eius assueti nec doloris magnitudinem capere nec se ipsos intra vestibulum regiae tenere potuerunt vagique et furentibus similes totam urbem luctu ac maerore compleverant, nullis questibus omissis, quos in tali casu dolor suggerit. Ergo qui extra regiam astiterant, Macedōnes pariter barbarique, concurrunt, nec poterant victi a victoribus in communi dolore discerni. Persae iustissimum ac mitissimum dominum, Macedōnes optimum ac fortissimum regem invocantes certamen quoddam maeroris edebant. Nec maestorum solum, sed etiam indignantium voces exaudiebantur, tam viridem et in flore aetatis fortunaeque invidia deū ereptum esse rebus humanis. Vigor eius et vultus educantis in proelium milites, obsidentis urbes, evadentis in muros, fortes viros pro concione donantis occurrebant oculis. Tum Macedōnes divinos honores negasse ei poenitebat, impiosque et ingratos fuisse se confitebantur, quod aures eius debita appellatione fraudassent.

(16) Et quum diu nunc in veneratione, nunc in desiderio regis haesissent, in ipsos versa miseratio est. Ma-

cedonia profecti ultra Euphrāten [in] mediis hostibus novum imperium aspernantibus destitutos se esse cernebant: sine certo regis herede publicas vires ad se quemque tracturum. Bella deinde civilia, quae secuta sunt, mentibus augurabantur: iterum, non de regno Asiae, sed de rege, ipsis sanguinem esse fundendum: novis vulneribus veteres rumpendas cicatrices: senes, debiles, modo petita missione a iusto rege, nunc morituros pro potentia forsitan satellitis alicuius ignobilis. Has cogitationes volventibus nox supervenit terroremque auxit. Milites in armis vigilabant: Babylonii alius e muris, alius e culmine sui quisque tecti prospectabant, quasi certiora visuri. Nec quisquam lumina audebat accendere. Et quia oculorum cessabat usus, fremitus vocesque auribus captabant ac plerumque vano metu territi per obscuras semitas, alius alii occurrentes, invicem suspecti ac solliciti ferebantur. Persae, comis suo more delonsis, in lugubri veste cum coniugibus ac liberis non ut victorem et modo hostem, sed ut gentis suae iustissimum regem vero desiderio lugebant. Assueti sub rege vivere non alium, qui imperaret ipsis, digniorem fuisse confitebantur.

(17) Nec muris urbis luctus continebatur, sed proximam regionem ab ea, deinde magnam partem Asiae cis Euphrāten tanti mali fama pervaserat. Ad Darei quoque matrem celeriter perlata est. Abscissa ergo veste, qua induta erat, lugubrem sumpsit laceratisque crinibus humi corpus abiecit. Assidebat ei altera ex neptibus, nuper amissum Hephaestionem, cui nupserat, lugens, propriasque causas doloris in communi maestitia retractabat. Sed omnium suorum mala Sisygambis una capiebat. Illa suam, illa neptium vicem flebat. Recens dolor etiam praeterita revocaverat. Crederes, modo amissum Darēum et pariter miserae duorum filiorum exequias esse ducendas. Flebat simul mortuos vivosque. Quem enim puellarum acturum esse curam? quem alium futurum Alexandrum? iterum esse se captas, iterum excidisse regno. Qui, mortuo Darēo, ipsas tueretur, repperisse: qui post Alexandrum respiceret, utique non reperturas. Subibat inter



haec animum, octoginta fratres suos eodem die ab Ocho, saevissimo regum, trucidatos adiectumque stragi tot filiorum patrem: e septem liberis, quos genuisset ipsa, unum superesse: ipsum Darëum floruisse paulisper, ut crudelius posset extingui. Ad ultimum dolori succubuit obvolutoque capite accidentes genibus suis neptem nepotemque aversata cibo pariter abstinuit et luce. Quinto, postquam mori statuerat, die extincta est. Magnum profecto Alexandro indulgentiae in eam iustitiaeque in omnes captivos documentum est mors huius: quae, quum sustinisset post Darëum vivere, Alexandro esse superstes erubuit,

(18) Et hercule, iuste aestimantibus regem liquet, bona naturae eius fuisse, vitia vel fortunae vel aetatis. Vis incredibilis animi, laboris patientia propemodum nimia, fortitudo non inter reges modo excellens, sed inter illos quoque, quorum haec sola virtus fuit, liberalitas saepe maiora tribuentis, quam a diis petuntur, clementia in devictos, tot regna aut reddita, quibus ea dempserat bello, aut dono data, mortis, cuius metus ceteros exanimat, perpetua contentio, gloriae laudisque ut iusto maior cupido, ita et iuveni et in tantis admittenda rebus, iam pietas erga parentes, quorum Olympiada immortalitati consecrare decreverat, Philippum ultus erat, iam in omnes fere amicos benignitas, erga milites benivolentia, consilium par magnitudini animi et, quantam vix poterat aetas eius capere, sollertia, modus immodicarum cupiditatum, Veneris naturale desiderium usus nec ulla, nisi ex permissio, voluptas ingentes profecto dotes erant. Illa fortunae: diis aequare se et coelestes honores accersere et talia suadentibus oraculis credere et dedignantibus venerari ipsum vehementius, quam par esset, irasci, in externum habitum mutare corporis cultum, imitari devictarum gentium mores, quos ante victoriam spreverat. Nam iracundiam et cupidinem vini sicuti iuventa irritaverat, ita senectus mitigare potuisset. Fatendum est tamen, quum plurimum virtuti debuerit, plus debuisse fortunae, quam solus omnium mortalium in potestate habuit. Quotiens illum a morte revocavit? quotiens temere in pericula vectum per-

petua felicitate protexit? Vitae quoque finem eundem illi quem gloriae statuit. Expectavere eum fata, dum, oriente perdomito aditoque Oceano, quicquid mortalitas capiebat, impleret. Huic regi ducique successor quaerebatur: sed maior moles erat, quam ut unus subire eam posset. Itaque nomen quoque eius et fama rerum in totum propemodum orbem reges ac regna diffudit, clarissimique sunt habiti, qui etiam minimae parti tantae fortunae adhaeserunt.

## CAP. VI.

(19) Ceterum Babylone (inde enim devertit oratio) corporis eius custodes in regiam principes amicorum ducesque copiarum advocavere. Secuta est militum turba cupientium scire, in quem Alexandri fortuna esset transitura. Multi duces frequentia militum exclusi regiam intrare non poterant, quum praeco, exceptis, qui nominatim citarentur, adire prohiberet. Sed precarium spernebatur imperium. Ac primum eiulatus ingens ploratusque renovatus est: deinde futuri expectatio, inhibitis lacrimis, silentium fecit. Tum Perdicca, regia sella in conspectum vulgi data, in qua diadema vestisque Alexandri cum armis erant, anulum sibi pridie traditum a rege in eadem sede posuit: quorum aspectu rursus abortae omnibus laecrimae integravere luctum. Et Perdicca, *Ego quidem, inquit, anulum, quo ille regni atque imperii vices obsignare erat solitus, traditum ab ipso mihi reddo vobis. Ceterum quamquam nulla clades huic, qua affecti sumus, par ab iratis diis excogitari potest, tamen magnitudinem rerum, quas egit, intuentibus credere licet, tantum virum deos accommodasse rebus humanis, quarum sorte completa cito repeterent eum suae stirpi. Proinde quoniam nihil aliud ex eo superest, quam quod semper ab immortalitate seducitur, corpori hominique quam primum iusta solvamus, haud obliti, in qua urbe, inter quos simus, quali praeside ac rege spoliati. Tractandum est, commilitones, cogitandumque, ut victoriam partam inter hos, de quibus parta est, obtinere possimus. Capite opus est: hocine uno, an pluribus, in vestra potestate*

est. *Illud scire debetis, militarem sine duce turbam corpus esse sine spiritu. Sextus mensis est, ex quo Roxane praegnans est: optamus, ut marem enitatur, cuius regnum, diis approbantibus, futurum, quando adoleverit. Interim, a quibus regi velitis, destinate.* Haec Perdicca.

(20) Tum Nearchus, Alexandri modo sanguinem ac stirpem regiae maiestati convenire, neminem ait posse mirari. Ceterum, expectari nondum ortum regem et, qui iam sit, praeteriri, nec animis Macedonum convenire nec tempori rerum. Esse e Barsine filium regis: huic diadema dandum. Nulli placebat oratio. Itaque suo more hastis scuta quatientes obstrepere perseverabant. Iamque prope ad seditionem pervenerant, Nearchus pervicacius tuente sententiam. Tum Ptolemaeus, *Digna prorsus est soboles,* inquit, *quae Macedonum imperet genti, Roxanes vel Barsinae filius, cuius nomen quoque Europam dicere pigebit, maiore ex parte captivi. Est, cur Persas vicerimus, ut stirpem eorum serviamus! quod iusti illi reges Darius et Xerxes tot milium agminibus tantisque classibus nequicquam petiverunt. Mea sententia haec est, ut, sede Alexandri in regia posita, qui consiliis eius adhibebantur, coeant, quotiens in commune consulto opus fuerit, eoque, quod maior pars eorum decreverit, stetur: duces praefectique copiarum his pareant.* Ptolemaeo quidam, pauciores Perdiccae assentiebantur. Tum Aristonius orsus est dicere, Alexandrum consultum, cui relinqueret regnum, voluisse, optimum deligi. Iudicatum autem ab ipso optimum Perdiccam, cui anulum tradidisset. Neque enim unum eum assedissem morienti, sed circumferentem oculos ex turba amicorum delegisse, cui traderet. Placere igitur, summam imperii ad Perdiccam deferri. Nec dubitavere, quin vera censeret. Itaque universi procedere in medium Perdiccam et regis anulum tollere iubebant. Haerebat inter cupiditatem pudoremque et, quo modestius, quod expectabat, appeteret, pervicacius oblaturus esse credebatur. Itaque cunctatus diuque quid ageret, incertus ad ultimum tamen recessit et post eos, qui sederant proximi, constitit.

(21) At Meleager, unus e ducibus, confirmato animo,

quem Perdiccae cunctatio erexerat, *Nec dii sierint,* inquit, *ut Alexandri fortuna tantique regni fastigium in istos humeros ruat: homines certe non ferent. Nihil dico de nobilioribus, quam hic est, sed de viris tantum, quibus invitis nihil perpeti necesse est. Nec vero interest, Roxanes filium, quandoque genitus erit, an Perdiccam regem habeatis, quum iste sub tutelae specie regnum occupaturus sit. Itaque nemo ei rex placet, nisi qui nondum natus est, et in tanta omnium festinatione non iusta modo, sed etiam necessaria exactos menses solus expectat et iam divinat, marem esse conceptum: quem vos dubitetis paratum esse vel subdere? Si mediisfidius Alexander hunc nobis regem pro se reliquisset, id solum ex his, quae imperasset, non faciendum esse cense-rem. Quin igitur ad diripiendos thesauros discurretis? harum enim opum regiarum utique populus est heres.* Haec elocutus per medios armatos erupit, et, qui abeunti viam dederant, ipsum ad pronuntiatam praedam sequebantur.

## CAP. VII.

(22) Iamque armatorum circa Meleagram frequens globus erat, in seditionem ac discordiam versa concione: quum quidam plerisque Macedonum ignotus ex infima plebe, *Quid opus est,* inquit, *armis civilique bello habentibus regem, quem quaeritis? Arrhidaeus Philippo genitus, Alexandri paulo ante regis frater, sacrorum caerimoniarumque consors modo, nunc solus heres, praeteritur a vobis. Quo merito suo? quidve fecit, cur etiam gentium communi iure fraudetur? Si Alexandro similem quaeritis, nunquam reperietis: si proximum, hic solus est.* His auditis, concio primo silentium, velut iussa, habuit: conclamant deinde pariter, Arrhidaeam vocandum esse mortemque meritos, qui concionem sine eo habuissent. Tum Pithon plenus lacrimarum orditur dicere, nunc vel maxime miserabilem esse Alexandrum, qui tam bonorum civium militumque fructu et praesentia fraudatus esset. Nomen enim memoriamque regis sui tantum intuentes ad cetera caligare eos. \*\*\* haud ambigue in iuvenem, cui regnum destinabatur. Impensa probra, quae obiecerat, magis ipsi odium, quam



Arrhidaeo contemptum attulerunt: quippe dum miserentur, etiam favere coeperunt. Igitur non alium regem se, quam eum, qui ad hanc spem genitus esset, passuros pertinaci acclamatione declarant vocarique Arrhidaeum iubent. Quem Meleāger infestus invisusque Perdiccae strenue perducit in regiam: et milites Philippum consalutatam regem appellant.

(23) Ceterum haec vulgi erat vox, principum alia sententia. E quibus Pithon consilium Perdiccae exequi coepit tutoresque destinat filio ex Roxāne futuro Perdiccam et Leonnātum, stirpe regia genitos. Adiecit, ut in Europa Cratērus et Antipāter res administrarent. Tum iusiurandum a singulis exactum, futuros in potestate regis geniti Alexandro. Meleāger haud iniuria metu supplicii territus cum suis secesserat. Rursus Philippum trahens secum irrupit in regiam, clamitans, suffragari spei publicae de novo rege paulo ante conceptae robor aetatis: experirentur modo stirpem Philippi et filium ac fratrem regum duorum: sibimetipsis potissimum crederent. Nullum profundum mare, nullum vastum fretum et procellosum tantos ciet fluctus, quantos multitudo motus habet, utique si et nova et brevi duratura libertate luxuriat. Pauci Perdiccae modo electo, plures Philippo, quem spreverant, imperium dabant. Nec velle nec nolle quicquam diu poterant, poenitebatque modo consilii, modo poenitentiae ipsius. Ad ultimum tamen in stirpem regiam inclinavere studiis. Cesserat ex concione Arrhidaeus, principum auctoritate conterritus: et, abeunte illo, conticuerat magis quam languerat militaris favor. Itaque revocatus vestem fratris — eam ipsam, quae in sella posita fuerat — induitur, et Meleāger, thorace sumpto, capit arma, novi regis satellites. Sequitur phalanx hastis clypeos quatiens, expletura se sanguine illorum, qui affectaverant nihil ad ipsos pertinens regnum. In eadem domo familiaque imperii vires remansuras esse gaudebant: hereditarium imperium stirpem regiam vindicaturam: assuetos esse nomen ipsum colere venerarique, nec quemquam id capere, nisi genitum, ut regnaret.

16 (24) Igitur Perdicca territus conclave, in quo Alexandri corpus iacebat, obserari iubet. Sexcenti cum ipso erant, spectatae virtutis: Ptolemaeus quoque se adiunxerat ei puerorumque regia cohors. Ceterum haud difficulter a tot milibus armatorum claustra perfracta sunt. Et rex quoque irruerat, stipatus satellitum turba, quorum princeps erat Meleāger. Iratusque Perdicca hos, qui Alexandri corpus tueri vellent, sevocat: sed, qui irruerant, eminus tela in ipsum iaciebant. Multisque vulneratis tandem seniores, demptis galeis, quo facilius nosci possent, precari, qui cum Perdicca erant, coepere, ut absisterent bello regique et pluribus cederent. Primus Perdicca arma deposuit, ceterique idem fecere. Meleāgro deinde suadente, ne a corpore Alexandri discederent, insidiis locum quaeri rati diversa regiae parte ad Euphrāten fugam intendunt. Equitatus, qui ex nobilissimis iuvenum constabat, Perdiccam et Leonnātum frequens sequebatur, placebatque excedere urbe et tendere in campis. Sed Perdicca ne pedites quidem secuturos ipsum desperabat: itaque ne abducendo equites abruptis a cetero exercitu videretur, in urbe subsistit.

## CAP. VIII.

1 (25) At Meleāger regem monere non destitit, ius imperii Perdiccae morte sancendum esse: ni occupetur impotens animus, res novaturum: meminisse eum, quid de rege meruisset: neminem autem ei satis fidum esse, quem metuat. Rex patiebatur magis, quam assentiebatur. Itaque Meleāger silentium pro imperio habuit misitque regis nomine, qui Perdiccam accerserent. Iisdem mandatum, ut occiderent, si venire dubitaret. Perdicca, nuntiato satellitum adventu, sedecim omnino pueris regiae cohortis comitatus in limine domus suae constitit castigatosque, et Meleāgri mancipia identidem appellans, sic animi vultusque constantia terruit, ut vix mentis compotes fugerent.

4 Perdicca pueros equos iussit conscendere et cum paucis amicorum ad Leonnātum pervenit, iam firmiore praesidio

5 vim propulsaturus, si quis inferret. Postera die indigna

res Macedonibus videbatur, Perdiccam ad mortis periculum adductum, et Meleāgri temeritatem armis ultum ire decreverant. Atque ille, seditione provisa, quum regem 6 adissent, interrogare eum coepit, an Perdiccam comprehendere ipse iussisset. Ille, Meleāgri instinctu, se iussisse respondit: ceterum non debere tumultuari eos, Perdiccam enim vivere.

(26) Igitur concione dimissa Meleāger equitum maxime defectione perterritus inopsque consilii — quippe in ipsum periculum reciderat, quod inimico paulo ante intenderat — triduum fere consumpsit incerta consilia volvendo. Et pristina quidem regiae species manebat: nam 8 et legati gentium regem adibant et copiarum duces aderant et vestibulum satellites armatique compleverant. Sed 9 ingens sua sponte maestitia ultimae desperationis index erat, suspectique invicem non adire propius, non colloqui audebant, secretas cogitationes intra se quoque volvente, et ex comparatione regis novi desiderium excitabatur amissi. Ubi ille esset, cuius imperium, cuius auspiciis 10 secuti erant, requirebant. Destitutos se inter infestas indomitasque gentes, expetituras tot suarum cladum poenas, quancumque oblata esset occasio. His cogitationibus 11 animos exedebant, quum annuntiatum, equites, qui sub Perdicca essent, occupatis circa Babylōna campis, frumentum, quod in urbem vehebatur, retinuisse. Itaque in 12 opia primum, deinde famem esse coepit, et, qui in urbe erant, aut reconciliandam cum Perdicca gratiam aut armis certandum esse censebant. Forte ita acciderat, ut, qui 13 in agris erant, populationem villarum vicorumque veriti confugerent in urbem, oppidani, quum ipsos alimenta deficerent, urbe [excederent], et utrique generi tutior aliena sedes quam sua videretur.

(27) Quorum consternationem Macedōnes veriti in 14 regiam coeunt quaeque ipsorum sententia esset exponunt. Placebat autem, legatos ad equites mitti de finienda discordia armisque ponendis. Igitur a rege legatur Padas 15 Thessālus et Amisus Megalepolitānus et Perilāus: qui, quum mandata regis edidissent, non aliter posituros arma

equites, quam si rex discordiae auctores dedidisset, tulere 16 responsum. His renuntiatis, sua sponte arma milites capiunt. Quorum tumultu e regia Philippus excitus, *Nihil, inquit, seditione est opus. Nam inter se certantium praemia, qui quieverint, occupabunt. Simul mementote, rem esse cum civibus, quibus spem gratiae cito abrumpere ad bellum civile properantium est. Altera legatione an mitigari possint, experiamur: et credo, nondum regis corpore 19 sepulto, ad praestanda ei iusta omnes esse coituros. Quod ad me attinet, reddere hoc imperium malo, quam exercere civium sanguine: et si nulla alia concordiae spes est, oro 20 quaeoque, eligite potiorem.* Obortis deinde lacrimis, diadema detrahit capiti, dextram, qua id tenebat, protendens, 21 ut si quis se digniorem profiteretur, acciperet. Ingentem spem indolis ante eum diem fratris claritate suppressae ea moderata excitavit oratio. Itaque cuncti instare coeperunt, ut, quae agitasset, exequi vellet. Eisdem rursus 22 legat, petitorios, ut Meleāgrum tertium ducem acciperent. Haud aegre id impetratum est. Nam et abducere Meleāgrum Perdicca a rege cupiebat et unum duobus impari 23 rem futurum esse censebat. Igitur Meleāgro cum phalange obviam egresso Perdicca equitum turmas antecedens occurrit. Utrumque agmen, mutua salutatione facta, coit, in perpetuum, ut arbitrabantur, concordia et pace firmata.

## CAP. IX.

1 (28) Sed iam fati admovebantur Macedōnum genti bella civilia. Nam et insociabile est regnum et a pluribus 2 expetebatur. Primum ergo collegere vires, deinde disperserunt: et quum pluribus corpus, quam capiebat, onerassent, cetera membra deficere coeperunt: quodque imperium sub uno stare potuisset, dum a pluribus sustentur, 3 ruit. Proinde iure meritoque populus Romanus salutem se principi suo debere profitetur, qui noctis, quam 4 paene supremam habuimus, novum sidus illuxit. Huius hercule, non solis ortus lucem caliganti reddidit mundo, quum sine suo capite discordia membra trepidarent.



Quot ille tum extinxit faces! quot condidit gladios! quan- 5  
tam tempestatem subita serenitate discussit! Non ergo  
revirescit solum, sed etiam floret imperium. Absit modo 6  
invidia, excipiet huius saeculi tempora eiusdem domus  
utinam perpetua, certe diuturna posteritas. Ceterum, ut 7  
ad ordinem, a quo me contemplatio publicae felicitatis  
averterat, redeam, Perdicca unicam spem salutis suae in  
Meleāgri morte deponebat: vanum eundem et infidum ce-  
leriterque res novaturum et sibi maxime infestum occu- 8  
pandum esse. Sed alta dissimulatione consilium preme-  
bat, ut opprimeret incautum. Ergo clam quosdam ex co-  
piis, quibus praeerat, subornavit, ut, quasi ignoraret ipse,  
conquererentur palam, Meleāgrum aequatum esse Perdic-  
cae. Quorum sermone Meleāger ad se relato furens ira 9  
Perdiccae, quae comperisset, exponit. Ille, velut nova re  
exterritus, admirari, queri dolentisque speciem ostentare  
ei coepit: ad ultimum convenit, ut comprehenderentur tam  
seditiosae vocis auctores. Agit Meleāger gratias ample- 10  
xusque Perdiccam fidem eius in se ac benivolentiam col-  
laudat. Tum communi consilio rationem opprimendi no- 11  
xios ineunt. Placet, exercitum patrio more lustrari: et  
probabilis causa videbatur praeterita discordia. Macedo- 12  
num reges ita lustrare soliti erant milites, ut discissae can-  
nis viscera ultimo in campo, in quem deduceretur exerci-  
tus, ab utraque abiicerent parte, intra id spatium armati  
omnes starent, hinc equites, illinc phalanx.

(29) Itaque eo die, quem huic sacro destinaverant, 13  
rex cum equitibus elephantisque constiterat contra pedi-  
tes, quis Meleāger praeerat. Iam equestre agmen move- 14  
batur, et pedites subita formidine ob recentem discordiam  
haud sane pacati quicquam expectantes parumper addu-  
bitavere, an in urbem subducerent copias: quippe pro  
equitibus planities erat. Ceterum veriti, ne temere com- 15  
militonum fidem damnarent, substitere, praeparatis ad di-  
micandum animis, si quis vim inferret. Iam agmina coi-  
bant, parvumque intervallum erat, quod aciem utramque  
divideret. Itaque rex cum una ala obequitare peditibus 16  
coepit, discordiae auctores — quos tueri ipse debebat —

instinctu Perdiccae ad supplicia deprecens: minabaturque,  
omnes turmas cum elephantis inducturum se in recusantibus.  
17 tes. Stupebant improvise malo pedites, nec plus in ipso  
Meleāgro erat aut consilii aut animi. Tutissimum ex praesentibus  
videbatur, expectare potius quam movere fortunam.  
18 tunam. Tum Perdicca, ut torpentes et obnoxios vidit,  
CCC fere, qui Meleāgrum erumpentem ex concione, quae  
prima habita est post mortem Alexandri, secuti erant, a  
ceteris discretos elephantis in conspectu totius exercitus  
obiecit: omnesque beluarum pedibus obruti sunt, nec pro-  
19 hibente Philippo nec auctore: apparebatque, id modo pro  
suo vindicaturum, quod approbasset eventus. Hoc bellorum  
civilium Macedonibus et omen et principium fuit.  
20 Meleāger, sero intellecta fraude Perdiccae, tum quidem,  
quia ipsius corpori vis non afferebatur, in agmine quietus  
21 stetit: at mox, damnata spe salutis, quum eius nomine,  
quem ipse fecerat regem, in perniciem suam abutentes  
videret inimicos, confugit in templum: ac ne loci quidem  
religione defensus occiditur.

## CAP. X.

1 (30) Perdicca, perducto in urbem exercitu, consilium  
principum virorum habuit, in quo imperium ita dividi pla-  
cuit, ut rex quidem summam eius obtineret: satrapes Pto-  
lemaeus Aegypti et Africae gentium, quae in ditione  
2 erant: Laomedonti Syria cum Phoenice data est: Philotae  
Cilicia destinata: Lyciam cum Pamphylia et maiore Phry-  
gia obtinere iussus Antigonus: in Cariam Cassander, Me-  
3 nander in Lydiam missi: Phrygiam minorem Hellesponto  
adiunctam Leonnati provinciam esse iusserunt: Cappado-  
cia Eumeni cum Paphlagonia cessit, praeceptumque est, ut  
regionem eam usque ad Trapezunta defenderet, bellum  
cum Ariarathe gereret: solus hic detrectabat imperium.  
4 Pithon Mediam, Lysimachus Thraciam appositaeque Thra-  
ciae Ponticas gentes obtinere iussi. Qui Indiae quique  
Bactris et Sogdianis ceterisque aut Oceani aut rubri maris  
accolis praeerant, quibus quisque finibus habuisset, im-  
perii etiam ius obtinerent, decretum est: Perdicca ut cum

rege esset copiisque praeesset, quae regem sequebantur. Credidere quidam, testamento Alexandri distributas esse 5 provincias: sed famam eius rei, quamquam ab auctoribus tradita est, vanam fuisse comperimus. Et quidem suas 6 quisque opes, divisim imperii partibus, tuebantur: quas ipsi fundaverant, si unquam adversus immodicas cupiditates terminus staret. Quippe paulo ante regis ministri, 7 specie imperii alieni procurandi, singuli ingentia invaserant regna, sublatis certaminum causis, quum et omnes eiusdem gentis essent et a ceteris sui quisque imperii regione discreti. Sed difficile erat, eo contentos esse, quod 8 obtulerat occasio: quippe sordent prima quaeque, quum maiora sperantur. Itaque omnibus expeditius videbatur, augere regna, quam fuisset, accipere.

(31) Septimus dies erat, ex quo corpus regis iacebat 9 in solio, curis omnium ad formandum publicum statum a tam sollemni munere aversis. Et non aliis quam Meso-10 potamiae regione fervidior aestus existit, adeo ut pleraque animalia, quae in nudo solo deprehendit, extinguat: tantus est vapor solis et coeli, quo cuncta, velut igne, torrentur. Fontes aquarum et rari sunt et incolentium fraude 11 celantur: ipsis usus patet, ignotus est advenis. Ut tandem 12 curare corpus exanimum amicis vacavit, nulla tabe, ne minimo quidem livore corruptum videre, qui intraverant. Vigor quoque, qui constat ex spiritu, non destituerat vultum. Itaque Aegyptii Chaldaei que, iussi corpus 13 suo more curare, primo non sunt ausi admovere, velut spiranti, manus: deinde precati, ut ius fasque esset mortalibus, atrectare eum, purgavere corpus, repletumque est odoribus aureum solium, et capiti adiecta fortunae eius insignia. Veneno necatum esse credidere plerique: filium 14 Antipatri, inter ministros, Iollam nomine, patris iussu dedisse. Saepe certe audita erat vox Alexandri, Antipatrum regium affectare fastigium maioremque esse praefecti opibus ac titulo Spartanae victoriae inflatum, omnia a se data asserentem sibi. Credebant etiam, Craterum cum veterum 15 militum manu ad interficiendum eum missum. Vim autem 16 veneni, quod in Macedonia gignitur, talem esse constat,

ut ferrum quoque exurat: unguam iumentum duntaxat 17 tinentem esse suci. Stygem appellant fontem, ex quo pestiferum virus emanat. Hoc per Cassandrum allatum traditumque fratri Iollae et ab eo supremae regis potioni 18 inditum. Haec, utcumque sunt credita, eorum, quos rumor asperserat, mox potentia extinxit. Regnum enim Macedoniae Antipater et Graeciam quoque invasit: soboles 19 deinde excepit, interfectis omnibus, quicumque Alexandrum 20 etiam longinqua cognatione contigerant. Ceterum corpus eius a Ptolemaeo, cui Aegyptus cesserat, Memphim et inde paucis post annis Alexandriam translatum est, omnisque memoriae ac nomini honos habetur.



INDEX NOMINUM.

A.

- Abdalonymus** IV, 1, 19—26.  
**Abii** Scythae iustissimi barbarorum VII, 6, 11.  
**Abisares**, rex Indiae, VIII, 12, 13. legatos ad Alexandrum mittit VIII, 13, 1. Pori socius VIII, 14, 1. rursus ad Alexandrum legatos mittit IX, 1, 7. morbo interit X, 1, 20.  
**Abistamenes** Cappadociae praepositur III, 4, 1.  
**Abulites**, Susianae praefectus, V, 2, 8, 17.  
**Acadira**, Indiae urbs, VIII, 10, 19.  
**Acarnanes** III, 2, 16. Acarnan (Philippus) III, 6, 1.  
**Acesines** Indum auget VIII, 9, 8. IX, 3, 20. Hydaspes ei committitur IX, 4, 1, 8.  
**Achaeci** in acie Alexandri IV, 13, 29. socii defectionis Lacedaemoniorum VI, 1, 20. ab Alexandro subacti VII, 3, 2.  
**Achaia** IV, 5, 14.  
**Achilles**, a quo genus deduxit Alexander, IV, 6, 29. VIII, 4, 26.  
**Aegyptii** semper infesti praetoribus IV, 1, 28. Persarum opibus infensi IV, 7, 1. vana gens IV, 1, 30. Aegyptii vates IV, 10, 4. Aegyptii corpus Alexandri curant X, 10, 13.  
**Aegyptum** adit Alexander IV, 7, 2. petere decernit Amyntas IV, 1, 27. praetor Aegypti III, 7, 11.  
**Aeolis** IV, 5, 7. VI, 3, 3.  
**Aeschylus** Rhodius Aegypto praeficitur IV, 8, 4.  
**Aesculapius** III, 7, 3.  
**Aethiopes** accolae sedis Hammonis IV, 7, 18.  
**Aethiopia** IV, 8, 3.  
**Aetoli** III, 2, 16.  
**Africa** IV, 3, 20. IV, 4, 20. IV, 9, 1. X, 1, 17. X, 10, 1. Aegypto innecta IV, 8, 5. Africae elephantii VIII, 9, 17.  
**Agathon** praesidere iussus arci Babyloniae V, 1, 43. X, 1, 1.  
**Agenor** Tyri conditor IV, 4, 15, 19.  
**Aggrammes**, Indiae rex, IX, 2, 3.  
**Agis**, Lacedaemoniorum rex, IV, 1, 39. VI, 1, 3 sqq.  
**Agis** Argivus, poeta, VIII, 5, 8.  
**Agriani** (vel **Agrianes**), gens Thracica Macedoniae, in exercitu Alexandri militant III, 9, 10. IV, 13, 31. V, 3, 36. VIII, 11, 9. VIII, 14, 24. IX, 8, 18, 19.  
**Alaunus**, mons Sarmatiae Europaeae, inter Borysthenem et Tanaim situs, VII, 7, 4. (cf. praefat. p. XV.)  
**Alexander** Magnus, rex Macedonum, genus ab Hercule ducit IV, 2, 3. ab Achille IV, 6, 29. VIII, 4, 26. nodum Gordium solvit III, 1, 14. Persarum regiam incendit V, 7, 5. ducit Roxanen VIII, 4, 27. morbo affligitur III, 5, 3. vulne-

- ratur III, 11, 10. IV, 6, 17. VII, 6, 22. VIII, 10, 27. IX, 5, 9. moritur X, 5, 1. corpus eius Alexandriam transfertur X, 10, 20. veneno necatus creditur X, 10, 14. iudicium de eo X, 5, 26—35. III, 12, 18—20. VI, 2, 1. VI, 6, 1. Alexandri filius e Barsine X, 6, 11. frater Arrhidaeus X, 7, 2.
- Alexander** (ap. Arrian, IV, 7, 2. Asander) VII, 10, 12.
- Alexander** VIII, 11, 10, 14, 15.
- Alexander Lyncestes** VII, 1, 5. VIII, 7, 4. VIII, 8, 6. X, 1, 40.
- (**Alexander Molossus**.) rex Epiri, avunculus Alexandri Magni, VIII, 1, 37.
- Alexander** (Philhellen), rex Macedoniae, Magni proavus, VI, 11, 26.
- Alexandria** Aegypti IV, 8, 2. 5. 6. X, 10, 20.
- Alexandria** ad Caucasum condita VII, 3, 23.
- Alexandria** in India condita IX, 8, 8.
- Alexandria** ad Tanaim condita VII, 6, 25.
- Alpes** X, 1, 18.
- Amanicae pylae**, angustiae inter Syriam et Ciliciam sitae, III, 8, 13.
- Amardi** v. **Mardi**.
- Amazones** VI, 5, 24 sqq. Amazonum campi VI, 4, 17.
- Amedines**, scriba Darei, VII, 3, 4.
- Amissus** Megalopolitanus X, 8, 15.
- (**Amphictyonum**) concilium VI, 1, 19.
- Amphoterus**, praefectus classis Macedoniae, III, 1, 10. IV, 5, 14. IV, 8, 15.
- Amyntas**, Andromenis filius, III, 9, 7. IV, 6, 30. IV, 13, 28. V, 1, 40. V, 4, 20. 30. VI, 4, 2. coniurationis in regem arguitur VII, 1, 10 sqq.
- Amyntas Lyncestes** virtutis causa donatus V, 2, 5.
- Amyntas**, praetor Alexandri VIII, 2, 16. cf. VIII, 2, 14.
- Amyntas**, olim praetor Alexandri, postea transfuga III, 11, 18. Aegyptum petere decernit IV, 1, 27. ab Aegyptiis laete receptus IV, 7, 1. occiditur IV, 1, 33.
- Amyntas**, Perdiccae filius, Alexandro insidias comparavit VI, 9, 17. VI, 10, 24.
- Amyntas**, regius praetor, VI, 9, 28. 29.
- Amyntas** in exercitu Alexandri V, 2, 5. VI, 7, 15.
- Ancyra**, urbs Phrygiae, a Mida condita, III, 1, 22.
- Andromachus** Coelesyriae praeficitur VI, 5, 9. crematur a Samaritis IV, 8, 9.
- Andronicus** VII, 3, 2.
- Andrus** insula IV, 1, 37.
- Anticles** VIII, 6, 9.
- Antigenes**, praetor Alexandri. VIII, 14, 15. virtutis causa donatus V, 2, 5.
- Antigonus**, praetor Alexandri. Lydiae praefectus, Persas vincit IV, 1, 35. Lycaoniam capit IV, 5, 13. virtutis causa donatus V, 2, 5. Lyciam cum Pamphylia et maiore Phrygia obtinet X, 10, 2.
- Antipater**, Macedoniae et Graeciae praefectus, ab Alexandro pecuniam ad belli usum accipit III, 1, 20. Lacedaemonii bellum ei moliantur IV, 1, 39. eos vincit, invidente Alexandro, VI, 1, 18. Alexandri Lyncestae socer VII, 1, 7. regi supplementum mittit

- V, 1, 40. VII, 10, 12. regi suspectus fuit eumque veneno necasse creditus est X, 10, 14. post regis mortem res Europae curare iubetur X, 7, 9. invadit regnum Macedoniae et Graeciam X, 10, 18.
- Antipater**, ex regia cohorte, VIII, 6, 9.
- Antiphanes**, scriba equitum, VII, 1, 15. 17. 32. 35.
- Aornis** (al. **Aornus**), petra Indiae, VIII, 11, 2.
- Aphobetus** (al. **Aphoebet**) VI, 7, 15.
- Apollo** Tyrius IV, 3, 21. 22.
- Apollodorus** V, 1, 43.
- Apollonides** IV, 5, 15—17.
- Apollonius** IV, 8, 5.
- Arabia** IV, 3, 1. 7. odorum fertilitate nobilis V, 1, 11. Arabica vestis VII, 2, 17.
- Arabes** IV, 6, 30. Arabes, quibus Troglodytis cognomen est. IV, 7, 18. Arabum agrestes in Libano IV, 2, 24. Arabis cuiusdam audacia IV, 6, 15.
- Arabitae**, gens Gedrosiae, IX, 10, 5.
- Arabis** (al. **Arabis**), Gedrosiae flumen, IX, 10, 6.
- Arachosii**, gens Asiae Indis vicina, IV, 5, 5. IV, 12, 6. VII, 2, 26. IX, 7, 14. subacti ab Alexandro VII, 3, 4. in coloniam deducti IX, 10, 7.
- Aradus**, insula prope oram Phoenices contra Marathum sita, IV, 1, 5.
- Araxes**, amnis Persidis, IV, 5, 4. V, 4, 7. V, 5, 2. 3. V, 7, 9. Armeniae VII, 3, 19.
- Arbela**, urbs (vel, ut Curtius dicit, vicus) Assyriae, Darei clade nobilis, IV, 9, 9. 14. IV, 16, 9. V, 1, 2. 3. VI, 1, 21. IX, 2, 23. traduntur Alexandro V, 1, 10.
- Archelaus**, rex Macedoniae, VI, 11, 26.
- Archelaus**, praetor Alexandri, V, 2, 16.
- Archepolis** VI, 7, 15.
- Arctes**, dux hastatorum, IV, 15, 13. 18.
- Argyraspides** IV, 13, 27.
- Ariani** iidem, qui **Arii**, VII, 3, 1. Alias Ariani nominantur incolae Arianae, quo nomine Gedrosia, Drangiana, Arachosia, Parapamisadae, Aria, Parthiense, Carmania, provinciae Persicae, comprehendebantur.
- Ariarathes** (II.), rex Cappadociae, X, 10, 3.
- Aridaeus** v. **Arrhidaeus**.
- Arii**, gens Asiae, incolae Ariae, provinciae Persicae supra Drangianam sitae, VII, 3, 2. VII, 4, 32. 33.
- Arimaspi** (al. **Ariaspae**, **Agriaspae**) post Cyrum Euergetae appellati, gens Drangianae, VII, 3, 1.
- Arimazes** eiusque petra VII, 11, 1.
- Ariobarzanes**, praetor Darei, IV, 12, 7. defendit Susidas pylas V, 3, 17—V, 4, 33.
- Aristander** (Telmissensis), peritissimus vatum, IV, 2, 14. IV, 6, 12. IV, 13, 15. IV, 15, 27. V, 4, 2. VII, 7, 8—29.
- Aristogiton**, legatus Atheniensium ad Dareum, III, 13, 15.
- Aristomedes** Thessalus, praetor Darei, III, 9, 3.
- Aristomenes**, praetor Darei, IV, 1, 36.
- Ariston**, praefectus Paeonum equitum, IV, 9, 24.
- Aristonicus**, Methymnaeorum tyrannus, IV, 5, 19. necatur IV, 8, 11.



- Aristonus**, praetor Alexandri, IX, 5, 15. 18. sententia eius de successore Alexandri X, 6, 16.
- Armenia** VI, 3, 3. Mithreni data V, 1, 44. Armeniae montes V, 1, 13. VII, 3, 20. Armenia maior IV, 12, 12.
- Armenii** in exercitu Darei III, 2, 6. minores IV, 12, 10.
- Arrhidaeus** (al. **Aridaeus**) Philippo genitus X, 7, 2—7. post Alexandri mortem rex creatur X, 7, 7. 13. milites eum Philippum consulunt X, 7, 7. Hoc deinde nomine a Curtio appellatur X, 7, 10. 12. X, 8, 16. X, 9, 18. (X, 10, 1.)
- Arsaces** satrapes in Mediam mittitur VIII, 3, 17.
- Arsames**, Drangarum praefectus, VIII, 3, 17.
- Arsames**, Ciliciae praefectus, III, 4, 3.
- Artabazus**, princeps purpuratorum, Dareo fidissimus III, 10, 13. V, 9, 1. 12. 13. V, 10, 10. 11. V, 12, 7. 8. 18. hospes Philippi V, 9, 1. VI, 5, 2. occurrit Alexandro et comiter excipitur VI, 5, 1—6. geminato honore ab eo auctus VI, 5, 22. contra Satibarzanem missus VII, 3, 2. Bactrianis praefectus VII, 5, 1. VIII, 1, 10. 19.
- Artacoana** (al. **Artacacna**), urbs Ariae, provinciae Persicae, VI, 6, 33.
- Artaxerxes**. Sic Bessus se appellari iubet VI, 6, 13.
- Arvae**, oppidum Hyrcaniae aliunde non notum, VI, 4, 23.
- Asclepiodorus**, praetor Alexandri, VII, 10, 12.
- Asclepiodorus**, ex regia cohorte, VIII, 6, 9.
- Asia** III, 1, 13. III, 3, 5. VI, 2, 13. VII, 9, 17. IX, 6, 20. X, 1, 37.
- Aspastes**, satrapes Carmaniae, IX, 10, 21.
- Assacanus** Indus VIII, 10, 22.
- Atharriass** senior, chiliarcha, virtutis causa donatus V, 2, 5. VII, 1, 5. Philotam comprehendit VI, 8, 19—22. ad Halicarnassum egregie pugnat VIII, 1, 36.
- Athenae** III, 2, 10. X, 7, 2. 3.
- Athenienses** legatos mittunt ad Alexandrum III, 1, 9. IV, 8, 12. ad Dareum III, 13, 15. eorum victor Philippus III, 10, 7. VIII, 1, 33. infestus iis Alexander X, 2, 2. non recipiunt exules X, 2, 6. 7. Athenienses capti ad Granicum III, 1, 9.
- Athenagoras** IV, 5, 15—17.
- Atizyes**, Phrygiae satrapes, interficitur III, 11, 10.
- Attalus**, Philippi affinis, Cleopatrae avunculus, Alexandri inimicus gravissimus VI, 9, 17. VIII, 8, 7. iussu Alexandri per Parmenionem occiditur VII, 1, 3. VIII, 1, 42. VIII, 7, 4.
- Attalus**, Agrianorum praefectus, IV, 13, 31.
- Attalus**, dux phalangis, Alexandro aequalis VIII, 13, 21.
- Attica** terra X, 2, 1.
- Attinas**, praetor Alexandri, a Massagetis opprimitur VIII, 1, 3—5.
- Augaeus**, Augaea, urbe Macedoniae, oriundus, V, 2, 5.
- B.**
- Babylon** (vel **Babylonia**) IV, 9, 6. IV, 16, 7. V, 1, 7. 17. V, 6, 9. VIII, 3, 17. X, 1, 16. X, 6, 1. X, 8, 11. urbis descriptio V, 1, 24—35. Dareus ad Babylonem exercitum contrahit III, 2, 2. IV, 6, 2. IV, 9, 2.

- Babylonii** IV, 12, 10. corruptissimis moribus V, 1, 36—38. Babyloniorum fines V, 1, 15.
- Bacchus** (vel **Liber**) VIII, 2, 6. VIII, 5, 8. 11. VIII, 10, 17. IX, 2, 29. IX, 4, 21. ad Indos venit VIII, 10, 1. IX, 8, 5. eum aemulatus est Alexander IX, 10, 24. Bacchi termini III, 10, 5. termini in Scythia VII, 9, 15. triumphus III, 12, 18. ab eo condita Nysa VIII, 10, 11.
- Bactra**, provincia Persica et urbs, sita sub monte Parapamiso, III, 10, 5. IV, 5, 8. V, 8, 1. V, 9, 5. 8. V, 13, 2. 18. VI, 6, 22. VII, 4, 31. VII, 7, 4. VII, 8, 21. VII, 9, 20. VII, 10, 10. IX, 7, 1. 11. X, 10, 4.
- Bactriana** arx IX, 7, 2. regio V, 8, 4. VI, 6, 18. VIII, 2, 13. terra VII, 4, 26.
- Bactriani** III, 2, 9. IV, 9, 2. IV, 15, 18. V, 12, 6. 13. 19. IX, 8, 10. equites IV, 12, 6. V, 8, 4. VII, 4, 30. milites Alexandri IX, 2, 24. 33. mores IV, 6, 3. facies terribiles IV, 13, 5. regio Artabazo tradita VII, 5, 1. Amyntae VIII, 2, 14.
- Bactrus** amnis VII, 4, 31.
- Bagistanes** (al. **Bagysthenes**) Babylonius V, 13, 3.
- Bagoas** spado, interfectus a Dareo, quem regem fecerat, VI, 3, 12. VI, 4, 10.
- Bagoas**, spado alius, Alexandro dono datus VI, 5, 23. X, 1, 25. 36.
- Bagophanes** Persa V, 1, 20. 44.
- Balacrus**, praetor Alexandri, Philippi pater, IV, 5, 13. IV, 13, 28. VIII, 11, 22.
- Barcani**, gens Asiae Hyrcanis vicina, III, 2, 5.
- Barsine**, Alexandri pellex, X, 6, 11. 13. (Memnonis antea coniux III, 13, 14.)
- Barzaentes**, Drangarum satrapes, VI, 6, 36. VIII, 13, 3. 4.
- Bazaira** (al. **Bazaria**), regio Bactrianae, VIII, 1, 10.
- Beira** (al. **Bezira**, **Bazira**), urbs Indiae, VIII, 10, 22.
- Belitae**, gens ignota, IV, 12, 10.
- Belus** III, 3, 16. V, 1, 24.
- Berdes** Macedo ab Alexandro ad Scythas missus VIII, 1, 7. Acc. **Berdam** (al. **Penidam**) VII, 6, 12.
- Bessus**, Bactrianorum dux, IV, 6, 2. IV, 12, 6. IV, 15, 2. V, 8, 4. VI, 6, 19. 20. 21. VII, 4, 1 sqq. VII, 4, 20 sq. VII, 4, 40. VII, 5, 19 sq. VII, 5, 36 sq. VII, 6, 14. 15. perfidiae suspectus IV, 6, 4. Darei caedem agitat V, 9, 2. 8. 10. 11. 16. V, 10, 1. 12. V, 11, 2. 7. V, 12, 1. 6. 14. 19. eum comprehendit et interficit V, 13, 6. 9. 11. 13. 15. 18. fugiens Bactra petit V, 13, 18. Artaxerxes appellatur VI, 6, 13. ferox VII, 4, 19. ferox verbis VII, 4, 3. dolo captus Alexandri iussu Ecbatana ad supplicium ducitur VII, 10, 10.
- Betis** Gazam egregie defendit IV, 6, 7—29.
- Bion** transfuga IV, 13, 36.
- Bito**, Graecus seditiosus, IX, 7, 4—11. [VI, 3, 2.]
- Boeotia** III, 10, 7. IV, 4, 20.
- Bolon** (al. **Belon**), dux in exercitu Alexandri, VI, 11, 1.
- Borysthenes**, fluvius Sarmatiae Europaeae, in Pontum Euxinum influens, VI, 2, 13.
- Bosporus** (Cimmerius), fretum, quo palus Maeotis cum Ponto Euxino coniungitur, VI, 2, 13. VII, 6, 12. VIII, 1, 7.

- Boumelus** (al. **Bumodus**), amnis Assyriae, in Lycum influens, IV, 9, 10.
- Boxus** Margianus IX, 7, 4, 7, 8.
- Branchidae**, gens Mileto oriunda, oppidum in Sogdiana situm incolens, VII, 5, 28—35.
- Brocubelus** Persa, Mazaei filius, V, 13, 11.
- Bubacene**, regio ignota Asiae, VIII, 5, 2.
- Bubaces**, spado Darei, V, 11, 4, V, 12, 10.
- Bucephala** (vel **Bucephalia**), urbs Indiae, ab Alexandro condita IX, 3, 23.
- Bucephalas**, equus Alexandri, VI, 5, 18, IX, 3, 23.
- Byblos**, urbs Phoenices, IV, 1, 15.
- C.**
- Cadusii**, gens Asiae bellicosa, ad mare Caspium habitans, IV, 12, 12, IV, 14, 3, IV, 15, 12.
- Calas**, Paphlagoniae praefectus, III, 1, 24, IV, 5, 13.
- Calis** VI, 11, 36, 37.
- Callicrates** V, 2, 17.
- Callicratides**, legatus Lacedaemoniorum ad Dareum, III, 13, 15.
- Callisthenes** Olynthius VIII, 8, 19, VIII, 5, 20, VIII, 6, 24, 25, VIII, 7, 3, 8, 10, gravitas eius et prompta libertas Alexandro invisa VIII, 5, 13, contumaciae suspectus VIII, 6, 1, vinctus asservatur VIII, 6, 27, 29, tortus interit VIII, 8, 21.
- Cappadoces** IV, 1, 34, IV, 12, 12.
- Cappadocia** III, 1, 24, III, 4, 1, VI, 3, 3, VII, 3, 20, Eumeni cedit X, 10, 3.
- Caranus**, praetor Alexandri, VII, 3, 2, VII, 4, 32.
- Caria** VI, 3, 3, Cassandro data X, 10, 2.
- Carmania**, provincia regni Persici, ad sinum Persicum sita, IX, 10, 20.
- Carthago**, Tyriorum colonia, IV, 2, 10, 11, IV, 3, 20, IV, 4, 20, infensus ei Alexander X, 1, 17, Carthaginiensium legati IV, 2, 10, IV, 3, 19, IV, 4, 18.
- Carthasis** Scythae VII, 7, 1.
- Caspium mare** III, 2, 8, VI, 4, 16, 18, 19, VII, 3, 21, Caspium fretum VII, 3, 19.
- Cassander**, Antipatri filius, X, 10, 17, Cariae praeficitur X, 10, 2.
- Castabulum**, oppidum Ciliciae, III, 7, 5.
- Castor cum Polluce** VIII, 5, 8.
- Castra Alexandri**, Aegypti regio ignota, IV, 7, 2.
- Castra Cyri**, regio prope Ciliciam, III, 4, 1.
- Cataones**, gens Cappadociae, IV, 12, 11.
- Catenes** VII, 5, 21, 22, 41, 42, Bactrianos ad defectionem sollicitat VII, 6, 15, in proelio occiditur VIII, 5, 2.
- Caucasus mons** IV, 5, 5, V, 4, 5, VI, 5, 25, VII, 3, 19, VII, 4, 22, VIII, 9, 3.
- Caunii**, incolae Cauni, urbis Cariae, III, 7, 4.
- Cebalinus** VI, 7, 16 sqq.
- Cedrosia** (vel **Gedrosia**), provincia regni Persici, Indiae vicina, IX, 10, 18.
- Cedrosii** IX, 10, 5.
- Celaenae**, urbs Phrygiae, III, 1, 1.
- Cercasoros**, oppidum Aegypti, in sinistra Nili ripa situm, iuxta

- quod Nilus primum dividitur, IV, 7, 4. (cf. praefat. p. IX.)
- Cercetae**, gens Sarmatiae Asiae in ora Ponti, non, ut Curtius scribit, ad Caspium mare habitans (hodie Tscherkessen), VI, 4, 17.
- Chaeronea** VIII, 1, 23.
- Chaldaei**, vates, III, 3, 6, Alexandro Babylonem intranti occurrunt V, 1, 22, corpus Alexandri curant X, 10, 13.
- Chalybes**, gens Asiae, in ora Ponti, non, ut Curtius tradit, ad Caspium mare habitans, VI, 4, 17.
- Chares Atheniensis** IV, 5, 22.
- Charidemus Atheniensis** III, 2, 10, 19.
- Charus** (fort. **Chares**) VIII, 11, 10.
- Chius** insula praesidiis Persicis tenetur III, 1, 19, IV, 5, 14, 19, urbs IV, 1, 37, Chiorum legati ad Alexandrum IV, 8, 12.
- Choaspes**, amnis Susianae, delicatam vehit aquam V, 2, 9, amnis Indiae VIII, 10, 22.
- Choerilus**, poeta, VIII, 5, 8.
- Chorasmii**, gens Sogdianae, ad Oxum fluvium habitans, VII, 4, 6, praestitit Phrataphernes VIII, 1, 8.
- Chrysolanus** IV, 8, 11.
- Cidaris** regium capitis insigne III, 3, 19.
- Cilicia** III, 4, 1—4, 6, 7, III, 5, 1, 10, III, 7, 1, III, 8, 12, IV, 1, 39, IV, 5, 8, IV, 9, 3, IV, 14, 10, V, 1, 43, V, 7, 12, VI, 3, 3, VII, 3, 19, inundata cruore Persarum IX, 2, 23, Socrati tradita IV, 5, 9, Philotae destinatur X, 10, 2, Ciliciae montes IV, 14, 1, fauces V, 3, 22, IX, 2, 13, angusti Ciliciae calles IV, 9, 22, in Ciliciae angustis (angustis?) et inviis callibus IV, 13, 6, fauces et angustiae VI, 3, 16.
- Cilicium mare** III, 1, 12.
- Cleander**, praetor Alexandri, III, 1, 1, IV, 3, 11, VII, 2, 19, Parmenionem occidit VII, 2, 30, 32, X, 1, 1, eius furor X, 1, 5.
- Cleo Siculus** VIII, 5, 8, 10, 18, 19, 21.
- Cleochares** VIII, 13, 2.
- Cleomenes**, vectigalibus Aegypti praepositus, IV, 8, 5.
- Cleopha**, regina Indiae, VIII, 10, 22.
- Clitarchus**, rerum scriptor, IX, 5, 21, IX, 8, 15.
- Clitus**, praetor Alexandri, praefectus equitum IV, 13, 26, Artabazi provincia ei destinatur VIII, 1, 19, VIII, 2, 14, Alexandri iram excitat VIII, 1, 28—34, 41, 45, hasta ab eo transigitur VIII, 1, 50—52, VIII, 2, 12, VIII, 7, 4, VIII, 8, 7, 22, VIII, 12, 18.
- Cobares** magus, natione Medus, VII, 4, 8—19.
- Coelesyria** IV, 1, 4, IV, 5, 9.
- Coenus**, praetor Alexandri, III, 9, 7, IV, 13, 28, IV, 16, 32, V, 4, 20, 30, VI, 8, 17, VI, 9, 30, VI, 11, 10, 11, VIII, 1, 1, VIII, 10, 22, VIII, 12, 1, VIII, 14, 15, 17, exercitus causam agit IX, 3, 3 sqq, IX, 3, 16, morbo extinguitur IX, 3, 20.
- Coenus alius** X, 1, 43.
- Cohortanus** s. **Cohortandus** v. **Oxyartes**.
- Cophes**, Artabazi filius, VII, 11, 5, 22, 23, 26.
- Corycium** nemus prope Corycum, urbem Ciliciae, III, 4, 10.
- Cossaci**, gens montes incolens, quibus Susiana a Media dividitur, IV, 12, 10.



- Cous** insula III, 1, 19.  
**Craterus**, praetor Alexandri, III, 9, 8. IV, 3, 1, 11. IV, 13, 29, V, 4, 14, 15, 29, 34. V, 6, 11, VI, 4, 2, 23. VI, 6, 25, 33. VI, 8, 10, 17. VI, 11, 10, 11, 14, 18. VII, 6, 16. VII, 7, 9. VII, 9, 20, 22. VIII, 1, 6. VIII, 5, 2. VIII, 10, 4, 5. IX, 6, 6. IX, 8, 3. IX, 10, 19. X, 1, 9. regi carus et eo Philotae adversus VI, 8, 2. cum Antipatro in Europares administrare iussus X, 7, 9. ad interficiendum Antipatrum missus credebatur X, 10, 15.  
**Creta** IV, 1, 38. ad eam liberandam Amphoterns mittitur IV, 8, 15.  
**Cretenses** modo Macedonum, modo Lacedaemoniorum partes sequuntur IV, 1, 40. Cretenses sagittarii in exercitu Alexandri IV, 13, 31. III, 7, 15. III, 9, 9.  
**Critobulus**, medicus Alexandri, IX, 5, 25, 27.  
**Croesus** III, 4, 1.  
**Cydnus**, amnis Ciliciae, III, 4, 7, 8, 9. III, 5, 1.  
**Cymaeus**, oriundus Cyme, urbe Aeolidis, V, 5, 9.  
**Cypriorum** reges IV, 8, 14, X, 1, 19. rex Pnytagoras IV, 3, 11.  
**Cyprus** IV, 1, 27. classis inde advenit Alexandro IV, 3, 11.  
**Cyrenenses** legatos cum donis ad Alexandrum mittunt IV, 7, 9.  
**Cyropolis**, urbs Sogdianae, VII, 6, 16, 19.  
**Cyrus**, nobilissimus Persarum rex, IV, 12, 8. X, 1, 23. III, 4, 1. imperium primus in Persidem intulit IV, 14, 24. condidit Persagadum urbem V, 6, 10. exercitum eius iuvant Arimaspi VII, 3, 1, 3. decessit VII, 6, 11. eius sepulcrum aperit Alexander X, 1, 30.  
 qui eum maxime admiratus est VII, 6, 20. eius sedes VI, 3, 12. Cyri castra v. castra.

## D.

- Daedala**, regio Indiae, VIII, 10, 19.  
**Dahae**, gens Margianae, ad Margum fluvium colens, IV, 12, 6. VII, 4, 6. VII, 7, 32. VIII, 1, 6, 8. Spitamenem recipiunt VIII, 3, 1, 16. sub Alexandro militant VIII, 14, 5. IX, 2, 24.  
**Damascus**, urbs Syriae, III, 8, 12. III, 12, 27. III, 13, 2, 3. IV, 1, 4. IV, 44, 11.  
**Dareus** Codomannus per Bagoam in sedem Cyri admissus VI, 3, 12. mite ei ac tractabile ingenium, sed veritatis impatiens III, 2, 17. sanctus ac mitis III, 8, 5. natura simplex et mitis V, 10, 14. haud rudis Graecae linguae V, 11, 5. ad Babylonem exercitum contrahit III, 2, 2. eius somnium et pompa III, 3, 2 sqq. Ciliciam occupare festinat III, 7, 1. improspere apud Issum pugnat III, 9—11. fugit III, 11, 11. IV, 1, 1—3. eius mater et coniux captivae III, 11, 24. litterae ad Alexandrum superbe scriptae IV, 1, 7—9. aliae litterae, ut regi scriptae IV, 5, 1. duces copiarum Babyloniam convenire et omnia longin quarum gentium auxilia contrahi iubet IV, 6, 2. IV, 9, 2. mors uxoris IV, 10, 19. tertia de pace legatio IV, 11, 1. vincitur ad Arbela IV, 15, 16. fugit IV, 16, 8. V, 1, 3 sqq. Ecbatana, caput Mediae, pervenit V, 8, 1. Nabarzanes et Bessus comprehendere eum et vincere decernunt V, 9, 2. vincitur V, 12, 15—20. occiditur V, 13, 16.

- vaginam acinacis Persicam iussit mutari III, 3, 6. eius tabernaculum III, 11, 23. amiculum III, 12, 5. Bagoae spadoni assuetus erat VI, 5, 23.  
**Dareus**, Hystaspis filius, III, 10, 8. IV, 1, 10. V, 6, 1  
**Dataphernes** VII 5, 21, 22. vinctus a Dahis Alexandro deditur VIII, 3, 16.  
**Demetrius**, corporis custos (Alexandri), VI, 7, 15. VI, 11, 35, 36, 37.  
**Democrates** Atheniensis VI, 5, 9.  
**Demophon** vates IX, 4, 28.  
**Derbices**, gens Margianae, ad Oxum fluvium et mare Caspium habitans, III, 2, 7.  
**Didymeon**, templum et oraculum Apollinis prope Miletum, VII, 5, 28.  
**Dimnus**, coniurationis in Alexandrum particeps, comprehensus se ipse interficit VI, 7, 2—30, 34. VI, 9, 8, 16. VI, 10, 6, 9, 10, 20. VI, 11, 30.  
**Dioxenus** VI, 7, 15.  
**Dioxippus** Atheniensis, pugil nobilis, IX, 7, 16—26.  
**Drangae**, gens Asiae, supra Gedrosiam colens, VI, 6, 36. VIII, 3, 17.  
**Dripides**, Atheniensium ad Dareum legatus, III, 13, 5.  
**Dyardanes** fluvius, per ultima Indiae currens, VIII, 9, 9.
- E.
- Ecbatana**, caput Mediae, IV, 5, 8. V, 8, 1. V, 13, 1. VII, 10, 10.  
**Ecbolima** (al. Embolima), urbs Indiae, VIII, 12, 1.  
**Elaptonius** VIII, 6, 9.  
**Elei**, socii defectionis Lacedaemoniorum, VI, 1, 20.  
**Elpinicos** (al. Excipinos) iuvenis, aetatis flore conciliatus Alexandro, VII, 9, 19. (cf. praefat. p. XVII.)  
**Eneti** v. Heneti.  
**Epimenes** VIII, 6, 9, 20, 24.  
**Epirus** X, 1, 18.  
**Erigyus**, praetor Alexandri, VI, 4, 3, 24. inter claros duces VIII, 2, 40. ex amicis VI, 8, 17. adversus Satibarzanem missus VII, 3, 2. quem singulari certamine prosternit VII, 4, 34, 36. dissuadet Alexandro bellum Scythicum VII, 7, 9, 21, 22, 24. extinctus VIII, 2, 40.  
**Erix** (al. Eryx) quidam, Indus, VIII, 12, 1, 3.  
**Erythraeum** mare, cur ita appellatum, VIII, 9, 14.  
**Erythrus** (al. Erythras) rex VIII, 9, 14. X, 1, 13, 14.  
**Ethimanthus** (al. Erymanthus), Indiae fluvius, VIII, 9, 10.  
**Euboica** gens (Gortuarum), in Asia habitans, IV, 12, 11.  
**Euctemon** Cymaens V, 5, 9.  
**Eudaemon**, dux Thracum, X, 1, 21.  
**Euergetae** v. Arimaspi.  
**Eumenes** Cardianus, praetor et ἀρχιγαμματεὺς Alexandri, IX, 1, 19. post Alexandri mortem Cappadociae et Paphlagoniae praeficitur X, 10, 3.  
**Euphrates** amnis III, 1, 10. III, 3, 7. III, 7, 1. IV, 1, 3. IV, 8, 16. IV, 9, 6, 9, 12. IV, 11, 5, 13. V, 1, 12. VI, 2, 12. IX, 2, 13. IX, 10, 3. X, 1, 16. X, 5, 12, 18. ortus eius cursusque V, 1, 13—15. interfuit Babylonem V, 1, 28. altum limum vehit V, 1, 29. munimentum regni Persici IV, 5, 4. IV, 14, 10, 15.  
**Euripides** VIII, 1, 28.  
**Europa** V, 6, 1. V, 7, 8. VI, 2, 13, 14.

**Eurylochus** VIII, 6, 20, 23, 26.  
**Excipinos v. Elpinicos.**

**G.**

**Gabaza** (vel **Gazaba**), regio Sogdianae, VIII, 4, 1.  
**Gades**, colonia Tyri, IV, 4, 20, X, 1, 17.  
**Gamaxus v. Samaxus.**  
**Gangabas** Persae vocant humeris onera portantes III, 13, 7.  
**Gangaridae**, gens Indiae, ulteriorem ripam Gangis colens, IX, 2, 3.  
**Ganges**, fluvius Indiae maximus, VIII, 9, 5, 8, IX, 2, 2, IX, 4, 8, 17, 20.  
**Gaza**, urbs Palaestinae, IV, 5, 10, IV, 6, 7, IV, 7, 2.  
**Gedrosia v. Cedrosia.**  
**Getae**, gens Thraciae, X, 1, 44.  
**Gobares**, praefectus urbis Persagadam, V, 6, 10.  
**Gordium**, urbs Phrygiae, III, 1, 12.  
**Gordius**, Midas pater, III, 1, 14.  
**Gordyaei** (al. **Gorduani** vel **Corduani**), gens Armeniae, V, 1, 14.  
**Gordyaei montes**, in Armenia siti, IV, 10, 8.  
**Gorgatas** VII, 1, 38.  
**Gorgias** VII, 1, 38.  
**Gortuae**, gens olim Euboica, Persas quondam in Asiam secuta, non nota aliunde, IV, 12, 11.  
**Graecia** IV, 5, 11, V, 11, 6, VI, 2, 5, IX, 6, 20.  
**Graeci** sub Dareo militant III, 2, 9, III, 9, 2, III, 11, 18, IV, 1, 3, V, 8, 3, V, 12, 7, 18, eorum erga Dareum fides V, 8, 3, V, 10, 7, V, 11, 11, praecipua Darei spes III, 8, 1, capti ad Granicum III, 1, 9, captivi Graecorum IV, 8, 12, milites in exercitu Alexandri III, 10, 8, VI, 2, 17, Graeci

captivi a Persis variis suppliciiis affecti V, 5, 5. Graeci decernunt Alexandro coronam auream IV, 5, 11, eorum concilium VI, 1, 19, fabulosa carmina III, 1, 2, fabulae V, 1, 32, mores VIII, 3, 15, VIII, 5, 7, temporaria ingenia IV, 5, 11, mentiendi licentia VIII, 10, 12, Graeca lingua V, 11, 5, Graecus sermo V, 11, 7, Graecae urbes III, 1, 20, III, 13, 6, earum ad Dareum legati III, 13, 6.  
**Granicus**, amnis Mysiae, III, 1, 9, III, 10, 7, IV, 9, 22, IV, 14, 1, 10, VIII, 1, 20, IX, 2, 23.

**H.**

**Hages**, frater Pori, VIII, 14, 2.  
**Halicarnassus**, urbs Dorica Cariae, III, 7, 4, VIII, 1, 36, proelium apud Halicarnassum V, 2, 5.  
**Halys** amnis IV, 5, 1, Lydiam terminat IV, 11, 5.  
**Hammon** VI, 10, 28, eius sedes IV, 7, 16—21, nemus IV, 7, 22, effigies IV, 7, 23, oraculum IV, 7, 5, 24, VI, 9, 18, ad eum corpus suum ferri iubet Alexander X, 5, 4.  
**Hammonii** IV, 7, 20.  
**Harpalus**, satrapes Babyloniae post Mazaeni mortem et thesaurorum custodiae praefectus, IX, 3, 21, X, 2, 2, 3.  
**Haustanes** VIII, 5, 2.  
**Hecataeus** VII, 1, 38.  
**Hecatompilos**, urbs Parthienae, VI, 2, 15.  
**Hector**, Parmenionis filius, IV, 8, 7—9, VI, 9, 27.  
**Hegelochus**, praetor Alexandri, III, 1, 19, IV, 5, 14.  
**Hegelochus**, familiaris Parmenionis, VI, 11, 22, 27.  
**Hellanicus** Clitii soror, Alexan-

dri nutrix, VIII, 1, 21, eius duo filii pro Alexandri gloria occubere mortem VIII, 2, 8.  
**Hellanicus** virtutis causa donatus V, 2, 5.  
**Hellespontus** III, 1, 19, 20, III, 5, 7, III, 12, 18, IV, 1, 36, IV, 5, 1, 7, IV, 11, 5, IV, 14, 9, VI, 3, 3, IX, 2, 24, IX, 6, 20, X, 10, 3.  
**Hephaestion**, praetor Alexandri eique longe omnium amicorum carissimus, III, 12, 15, 16, 26, IV, 1, 16, 17, 18, IV, 5, 10, VI, 2, 9, VI, 8, 17, VI, 11, 10, 11, VII, 7, 9, VIII, 1, 1, 10, VIII, 2, 13, VIII, 10, 2, VIII, 12, 4, 6, 15, VIII, 14, 15, IX, 1, 35, IX, 10, 6, in matrimonium duxerat filiam Darei X, 5, 20.  
**Heracon** X, 1, 1.  
**Hercules** III, 12, 27, III, 10, 5, dicatus deus VIII, 5, 8, 11, 17, eum aequare studet Alexander IX, 2, 29, termini III, 10, 5, IX, 4, 21, species eius in somno oblata Alexandro IV, 2, 17, Hercules Tyrius IV, 8, 16, eum praecipue Tyrii colunt IV, 2, 3, 17, IV, 3, 22, crateram ei dicat Alexander IV, 8, 16, Hercules Indicus, cuius simulacrum apud Indos agmini peditum praefertur, VIII, 14, 11, in India fuit VIII, 10, 1, IX, 2, 29, IX, 4, 21, Aornis petra frustra ab eo obsessa VIII, 11, 2, Siborum maiores de exercitu eius erant IX, 4, 2, Macedonum reges ab Hercule genus ducunt IV, 2, 3, columnae Herculis X, 1, 17.  
**Hermolaus**, ex regia cohorte, VIII, 6, 7, 25, eius oratio VIII, 7, 1—15.  
**Hispaniae** X, 1, 18.  
**Horitae v. Oritae.**  
**Horratas** Macedo IX, 7, 17—22.  
**Hyarotis** (vel **Hydraotes**), amnis Indiae, in Acesinem influens, IX, 1, 13.  
**Hydarnes**, Darei praetor, IV, 5, 13.  
**Hydaspes**, fluvius Indiae, VIII, 12, 13, VIII, 13, 5, (8.) IX, 2, 15, Acesini committitur IX, 4, 1, 8, munimentum regni Persici IV, 5, 4.  
**Hypasis** (vel **Hyphasis, Hypania**), fluvius Indiae, in Acesinem influens, IX, 1, 35.  
**Hypsides** VII, 7, 36, 37.  
**Hyrcaeni**, gens bellicosa, egregii equites, III, 2, 6, III, 9, 5.  
**Hyrkania**, regio Asiae, ad mare Caspium supra Parthienam sita, IV, 5, 5, V, 13, 11, 18, VI, 4, 2, 3, 19, 25, VI, 5, 1, VIII, 3, 17, urbs Hyrcaniae (Zadracarta?) VI, 5, 22, finitima gens Amazonum VI, 5, 24.  
**Hyrcaenum** quidam mare Caspium appellant VI, 4, 18, VII, 3, 12.  
**Hystaspes** Persa VI, 2, 7.

**I.**

**Iberia** a Graecis vocatae sunt Hispaniae a flumine Ibero X, 1, 18.  
**Ilioneus**, Artabazi filius, III, 13, 13.  
**Illyricum** VI, 6, 35.  
**Illyrii** V, 1, 1, rapti vivere assueti III, 10, 9, eorum praeruptae petrae III, 10, 6, ab Alexandro subacti VI, 3, 2, IX, 6, 20, X, 2, 23, milites Alexandri III, 10, 9, IV, 13, 31.  
**Imbrus** insula IV, 5, 22.  
**Indi** III, 2, 9, III, 10, 5, VII, 4, 6, conveniunt ad Dareum IV, 9, 2, accolae rubri maris III, 2, 9, IV, 12, 9, Oceani IV, 5, 5, X,



- 10, 4. in potestate Darei V, 9, 5. maritimi IX, 10, 8. largus iis vini usus VIII, 9, 30.
- India** X, 10, 4. describitur VIII, 5, 3. 4. VIII, 9, 2 sqq. Indis quoque ignota IX, 3, 8. vis frigoris Indiae VII, 11, 8.
- Indicum mare** v. **Mare Indicum**.
- Indus** amnis VIII, 10, 2. VIII, 12, 4. IX, 4, 8. gelidior, quam ceteri amnes VIII, 9, 4. praecaltus, utrimque asperis ripis, VIII, 11, 7.
- Ioleus** (al. **Ioceus**, **Ioecus**, **Loceus**) VI, 7, 15. (cf. praefat. p. XIII.)
- Iollas**, filius Antipatri, X, 10, 14, 17.
- Iones** IV, 5, 7. VI, 3, 3.
- Ioniae Graecorum** coloniae IV, 1, 10.
- Iphicrates**, Atheniensium ad Dareum legatus, III, 13, 15.
- Issos**, urbs Ciliciae, III, 7, 6. 7. 8. III, 8, 14. IV, 1, 34.
- Ister** (s. **Danubius**) IV, 11, 13. VII, 7, 4.
- Isthmiorum ludicrum** IV, 5, 11.
- Italia** VIII, 1, 37. X, 1, 18.
- Iupiter**, Graeciae ultor, V, 5, 8. Iovis Hammonis oraculum IV, 7, 5. eius filium non dici tantum se, sed etiam credi vult Alexander VIII, 5, 5. eum propitiat IV, 13, 15. ara ei sacrata III, 12, 27. templum III, 1, 14. Iupiter Persarum III, 3, 11.
- L.**
- Lacedaemonii** (s. **Lacones** VI, 1, 11. VII, 4, 32.) deficient ab Alexandro, sed ab Antipatro vincuntur VI, 1, 1 sqq. veniam impetrant praeter auctores VI, 1, 20. eorum ad Dareum legati III, 13, 6. 15. VI, 5, 6. 7. 10. de-
- fectio VII, 4, 32. v. Spartani.
- Laomedon** Syriae praeficitur X, 10, 2.
- Leonidas** VII, 2, 35.
- Leonnatus**, praetor Alexandri, III, 12, 10. 12. VIII, 1, 46. VIII, 6, 22. VIII, 14, 15. IX, 5, 15. IX, 10, 2. 6. 7. 19. X, 7, 20. X, 8, 4. ex purpuratis Alexandri III, 12, 7. ex armigeris VI, 8, 17. stirpe regia genitus X, 7, 8. Phrygia minor Hellesponto adiuncta eius provincia X, 10, 3.
- Lesbus** insula III, 1, 19.
- Leucosyri**, gens Asiae, ad Pontum Euxinum habitans, (cf. **Cercetae**, **Chalybes**, **Mosyni**) VI, 4, 17.
- Libanus**, mons Phoenices, IV, 2, 18. X, 1, 19. in Libano Arabum agrestes Macedones adoriuntur IV, 2, 24.
- Liber Pater** v. **Bacchus**.
- Locrenses** equites in acie Alexandri IV, 13, 29.
- Lycania**, regio Asiae, supra Ciliciam sita, IV, 5, 13.
- Lycia**, regio Asiae minoris, inter Cariam et Pamphylia sita, V, 4, 40. VII, 10, 12. eius res compositae III, 1, 1. eam obtinet Antigonus X, 10, 2. Lycius civis V, 4, 11. dux itineris V, 7, 12.
- Lycus** amnis, qui et Marsyas appellatur, in Maeandrum influens, III, 1, 5.
- Lycus**, fluvius Assyriae, in Tigrim influens, IV, 9, 9. IV, 16, 8. 19. eam terminat Halys IV, 11, 5. ei praeest Antigonus IV, 1, 35. eam recuperare tentant praetores Darei IV, 1, 34. 35. provincia Menandri X, 10, 2.

- Lyncestae**, gens Illyrica, in Macedonia habitans, in exercitu Alexandri IV, 13, 28.
- Lyncestes** v. **Alexander Lyncestes** et **Amyntas Lyncestes**. [10.]
- Lyrnessus**, urbs Troadis, III, 4.
- Lysimachus**, praetor Alexandri, qui postea in Thracia regnavit, VIII, 1, 14. 46. X, 10, 4.
- M.**
- Macedonia** VI, 2, 15.
- Macedones** assueti regio imperio IV, 7, 31. toto orbe noti IV, 14, 4. Alexandro rege dignissimi IV, 16, 33. gens bello nobilissima VI, 1, 7. 8. eorum armis nulla gens par VII, 9, 17. VIII, 8, 16. in acie senes facti IX, 2, 10. patrii moris tenaces VIII, 5, 7. liberatores orbis III, 10, 4. 5. Macedonum acies III, 2, 13. III, 3, 27. tropaea VII, 7, 14. regum genus IV, 2, 3. genti ingenua erga reges suos veneratio III, 6, 17. fortitudo III, 10, 4. IX, 7, 23. nomen IV, 14, 17. barbaris avisum eorum nomen propter avaritiam ac libidinem praetorum X, 1, 4. lex de propinquis coniuratorum necandis VI, 11, 20. VIII, 6, 28. bella civilia X, 9, 1. Macedonicae phalangis vis III, 9, 2. Macedonicae vestes V, 2, 18.
- Macerianus** v. **Margianus**.
- Madates** Persa V, 3, 4. 12.
- Maedi**, gens Thracica, IX, 6, 20.
- Maeotia** (vel **Maeotis**) palus VI, 4, 18.
- Magi** III, 3, 9. V, 1, 22. magica ars, vanissimi cuiusque ludibrium, VII, 4, 8.
- Malienses** (*Μαλιεῖς*), gens Thessaliae, equites in exercitu Alexandri, IV, 13, 29.
- Malli**, gens Indiae, IX, 4, 15. IX, 8, 3.
- Mallos**, urbs Ciliciae, III, 7, 5.
- Manapis** (al. **Menapis**), satrapes Hyrcaniae, IV, 4, 25.
- Maracanda**, urbs Sogdianae, VII, 6, 10. 24. VII, 9, 20. VIII, 1, 7. 19. VIII, 2, 13.
- Marathos**, urbs Phoenices, IV, 1, 6.
- Mardonius** IV, 1, 11.
- Mardi** (al. **Amardi**), gens bellicosa, per plures Asiae regiones, ut Persidem, Hyrcaniam, Margianam, Armeniam, dispersa, III, 13, 2. 3. IV, 12, 17. multum a ceteris Persis cultu vitae abhorrens V, 6, 17. gens confinis Hyrcaniae, cultu vitae aspera et latrocinii assueta VI, 5, 11. VIII, 3, 17.
- Mare Caspium** III, 2, 8. VI, 4, 16. 18. 19. VII, 3, 21. Hyrcanium VI, 4, 18. VII, 3, 21. Cilicium III, 1, 12. Indicum VII, 3, 7. rubrum III, 2, 9. IV, 7, 18. IV, 12, 9. V, 4, 5. VI, 2, 12. VIII, 9, 14. X, 1, 13. X, 10, 4. Persicum V, 3, 2. Ponticum (i. e. Pontus Euxinus) III, 1, 12. VII, 3, 4. VII, 4, 27.
- Mareotis palus**, in Aegypto prope Alexandriam sita, IV, 7, 9. IV, 8, 1.
- Margania** (al. **Marginia**), urbs Sogdianae, VII, 10, 15.
- Margianus**, incola Margianae, provinciae Persicae supra Ariam sitae, IX, 7, 4. (Vulgo **Macerianus** scriptum est. cf. praefat. p. XX.)
- Marsyas** amnis III, 1, 2.
- Massagetae**, gens Scythica, prope Caspium mare colens, IV, 12, 6. IV, 15, 2. VIII, 1, 3. 6. 8.
- Mazaces**, praetor Darei, praefat. p. XX.)

- fectus urbis Memphis, IV, 1, 32. IV, 7, 4.
- Mazaeus**, praetor Darei, IV, 9, 7. 12. 14. IV, 10, 14. IV, 11, 20. IV, 12, 1. 4. 5. 15. 18. IV, 15, 5. IV, 16, 1. 4. 7. Babylonem sequē dedit Alexandro V, 1, 17. 20. transfuga satrapea Babyloniae donatur V, 1, 44. demortuus VIII, 3, 17.
- Mazagae** (al. **Massaga**), urbs Indiae, regia Assacani, VIII, 10, 22.
- Medi** III, 2, 4. III, 9, 5. IV, 12, 14. V, 4, 2. V, 7, 12. V, 8, 1. V, 13, 1. VI, 2, 11. VIII, 3, 17.
- Media** IV, 5, 5. V, 1, 9. 11. 12. IV, 14, 24. VI, 3, 3. VII, 8, 18. X, 10, 4. Mediae praest Parmenion VI, 8, 18. Media nulla opulentior regio VI, 9, 22.
- Medus**, fluvius Persidis, qui in Media oritur et in Araxen se effundit. Curtius contra tradit, Araxen multorum aquas torrentium evolere in Medum, V, 4, 7.
- Megalepolitani** VI, 1, 20.
- Meleager**, praetor Alexandri, III, 9, 7. IV, 13, 27. V, 4, 14. VII, 6, 19. 21. VIII, 12, 17. X, 6, 20. X, 7, 1. 7. 10. 14. 17. 19. X, 8, 1—7. 22. 23. X, 9, 7—10. 13. 17. 18. 20.
- Melon**, Darei interpres, V, 13, 7.
- Memaceni**, gens Asiae, prope Iaxarten fluvium, quem Curtius Tanaim nominat, colens, VII, 6, 17. 21.
- Memnon** Rhodius, nobilissimus dux, III, 13, 14. III, 4, 3. eius mors III, 1, 21. III, 2, 1.
- Memnon**, praetor Alexandri, Syriae praefectus, IV, 8, 11. (alius) supplementa e Thracia adducit IX, 3, 21.
- Memnon**, Tithoni filius, IV, 8, 3.
- Memphis**, urbs Aegypti, in sinistra Nili ripa sita, IV, 1, 30. IV, 7, 4. 5. IV, 8, 2. X, 10, 20.
- Menander**, praetor Alexandri, X, 10, 2.
- Menedemus**, praetor Alexandri, VII, 6, 24. VII, 7, 31. VII, 9, 21.
- Menes**, praetor Alexandri, V, 1, 43.
- Menidas**, praetor Alexandri, IV, 12, 4. IV, 15, 12. IV, 16, 32. VII, 10, 11.
- Mennis**, urbs Babyloniae, non nota aliunde, V, 1, 16.
- Menon**, Arachosii praetor datus, VII, 3, 5. morbo interiit IX, 10, 20.
- Mentor**, Thymodis pater, III, 3, 1. eius filiae III, 13, 14.
- Meros**, mons Indiae, VIII, 10, 12.
- Mesopotamia** IV, 9, 1. unde dicta V, 1, 15. fervidissimus in ea regione aestus X, 10, 10. eius campi III, 2, 3. III, 8, 2. IV, 9, 6. V, 1, 15. IX, 2, 13. praetores X, 1, 19.
- Methymnaei**, incolae Methymnae, urbis in insula Lesbo sitae, IV, 5, 19. IV, 8, 11.
- Metron**, nobilis iuvenis, super armamentarium positus, VI, 7, 22. VI, 9, 7. 9.
- Midas** III, 1, 12. pater Gordius III, 1, 14.
- Milesii** VII, 5, 29. 30. pecuniam ab iis exigit Pharnabazus IV, 1, 37.
- Miletus**, urbs Ionum, in Caria sita, IV, 5, 13. VII, 5, 28. 35. VIII, 2, 8.
- Minerva** III, 7, 3. III, 12, 27. IV, 13, 15. VIII, 2, 32. VIII, 11, 24.
- Mithracenes** Persa V, 13, 9.
- Mithrenes** Persa, Sardium pro-

- ditor, III, 12, 6. Armenia ei ab Alexandro data V, 1, 44. V, 8, 12.
- Mithres** (vel **Mithras**), deus veterum Persarum, a Sole diversus, IV, 13, 12. Postea tamen Sol ipse Mithras vocatus est.
- Mitylenaei** IV, 8, 13.
- Mitylene**, urbs Lesbi insulae, IV, 5, 22.
- Moeris**, rex Indicus, IX, 8, 28.
- Monimus**, Lacedaemoniorum ad Dareum legatus, III, 13, 15.
- Mosyni** (vel **Mosynoeci**), gens Ponti, in ora Ponti Euxini, non, ut Curtius narrat, ad Caspium mare habitans, VI, 4, 17.
- Mullinus**, scriba Alexandri regis, VIII, 11, 5. Nomen corruptum videtur.
- Musicani**, gens Indiae, IX, 8, 8. IX, 8, 16.
- Myndii**, incolae Myndi, urbis Doricae in Caria sitae, III, 7, 4.
- 9, 7. IV, 13, 27. V, 13, 19. subita morte correptus VI, 6, 18. VI, 9, 13. 27.
- Nicanor** VI, 7, 15.
- Nicanor**, nobilis iuvenis in exercitu Macedonum, VIII, 13, 13.
- Nicarchides** arci Persepolis ab Alexandro praeficitur V, 6, 11.
- Nicomachus** exoletus VI, 7, 2. 16. 25. VI, 8, 1. 12. VI, 10, 7. VI, 11, 37. 38.
- Nicostratus**, ex regia cohorte, VIII, 6, 9.
- Nilus** IV, 7, 3. eius claustra IV, 8, 4. crocodilos alit VIII, 9, 9.
- Ninus** III, 3, 16.
- Nora** (al. **Ora**), urbs Indiae, VIII, 11, 1.
- Numidia** X, 1, 17.
- Nymphae** III, 1, 4.
- Nysa**, urbs Indiae, a Libero patre condita, VIII, 10, 7.
- O.**
- Oceanus** IV, 14, 9. IX, 3, 14. IX, 9, 9. X, 5, 36.
- Ochus**, amnis Asiae, influens, ut alii tradunt, in mare Caspium, ut alii, in Oxum fluvium, VII, 10, 15.
- Ochus**, Darei filius, sex annos natus, (III, 11, 24. III, 12, 26.) IV, 11, 6. IV, 14, 22.
- Ochus**, Artaxerxes III., qui ante Dareum regnaverat, III, 13, 12. 13. VI, 2, 7. VI, 4, 25. VI, 5, 2. saevissimus regum X, 5, 23. eius filiae tres III, 13, 12. uxor III, 13, 13. neptis VI, 2, 7.
- Odrysae**, gens Thraciae, X, 1, 45.
- Olympias**, Alexandri mater, V, 2, 22. IX, 6, 26. eam immortalitati consecrare decrevit Alexander IX, 6, 26. X, 5, 30.
- Olynthius**, incola Olynthi, coloniae Graecae in Macedonia ad

## N.



- sinum Toronaeum sitae, VIII, 8, 19.
- Omphis** (ap. Diodor. Sic. **Mophis**), Taxilis filius, rex Indiae, permittente Alexandro nomen patris assumit VIII, 12, 4, 14.
- Onchae** (al. **Unchae**), oppidum Syriae, non aliunde notum, IV, 1, 3.
- Onesicritus**, summus classis Macedoniae in Oceanum missae gubernator (*ἀρχικυβερνήτης*) et vitae Alexandri scriptor, IX, 10, 3. X, 1, 10.
- Onomastorides**, Lacedaemoniorum ad Dareum legatus, III, 13, 15.
- Orestae**, gens Epirotica, Macedoniae adiecta, IV, 13, 28.
- Oritae** (al. **Horitae**), gens Gedrosiae, IX, 10, 6.
- Orsilos** Persa V, 13, 9.
- Orsines**, satrapes Persagadam, nobilitate ac divitiis inter omnes barbaros eminens X, 1, 22. genus ducebat a Cyro X, 1, 23. a septem Persis oriundus IV, 12, 8. eius supplicium X, 1, 29. 35. 37.
- Oxartes** VIII, 2, 25. 27. 30. 31.
- Oxathres**, Darei frater, III, 11, 8. III, 13, 13. VI, 2, 9. VII, 5, 40.
- Oxus**, amnis Asiae, qui in Parapamiso oritur et in mare Caspium influit, VII, 4, 5. VII, 4, 21. VII, 5, 13. turbidus semper et insalubris potui VII, 10, 13, 15.
- Oxyartes** (cuius nomen VIII, 4, 21. in codicibus male mutatum est in **Cohortandus**, ex quo Iunius et Modius fecerunt **Cohortanus**) Persa, praetor Bactrianorum, Roxanes pater, VIII, 4, 21. X, 3, 11. amplioris imperii donatus finibus IX, 8, 10.
- Oxydates** Persa VI, 2, 11. VIII, 3, 17.
- Oxydracae**, gens Indiae, IX, 4, 15. 24. 26.
- Ozines**, nobilis Persa, IX, 10, 19.

## P.

- Pacones**, gens Macedoniae, IV, 9, 24.
- Paconia** IV, 12, 22.
- Palaetyros** IV, 2, 4.
- Pamphylia**, regio Asiae minoris, mari adiacens, III, 1, 1. V, 3, 22. VI, 3, 3. Antigono datur X, 10, 2.
- Paphlagonia**, regio Asiae minoris, inter Bithyniam et Pontum ad Pontum Euxinum sita, III, 1, 22. eam capit Calas IV, 5, 13. cedit Eumeni X, 10, 3.
- Paraetacene**, regio Persidis, V, 13, 2.
- Parapamisadae** (vel **Paropamisadae**), gens Asiae, ad montem Parapamisum habitans, Indiae vicina, VII, 3, 6. IX, 8, 9.
- Parapamisus** (vel **Paropamisus**), mons Asiae, Indiae vicinus, in quo Oxus et Indus amnes oriuntur. Nominatur etiam Caucasus Indicus. VII, 4, 31.
- Parmenio**, praetor Alexandri, fidissimus purpuratorum IV, 6, 4. peritissimus inter duces artium belli IV, 13, 4. princeps amicorum VI, 11, 39. militiae domique clarus vir VII, 2, 33. omnium periculorum Alexandri particeps, Philippo ante omnes amicus et ipsi Alexandro fidissimus VII, 1, 3. — III, 4, 15. III, 6, 14. III, 7, 6. 8. III, 9, 8. 10. III, 11, 3. 13. III, 12, 27. III, 13, 2. 3. 4. 8. IV, 1, 4. IV, 5, 9. IV, 10, 17. IV, 11, 11. IV, 13, 7. 11. 20. 23. 27. 35. IV, 15,

6. 7. IV, 16, 1—4. 7. 10. V, 3, 16. V, 6, 11. VI, 8, 7. 11. 18. VI, 9, 4. 13. 27. VI, 10, 34. VI, 11, 20. 29. VII, 1, 27. VII, 2, 11. 13. 16. 20. 23—25. 30. VIII, 1, 33. 52. VIII, 7, 4. VIII, 8, 5. X, 1, 1. 6. Alexandri iussu indicta causa (VIII, 7, 5.) a Cleandro occiditur VII, 2, 27.
- Parthi v. Parthieni**.
- Parthiene**, provincia Persica, Hyrcaniae, infra quam sita erat, adiecta, V, 12, 18. VI, 2, 12. VI, 3, 3. VI, 4, 2. VI, 5, 32.
- Parthieni**, incolae Parthienes, IV, 12, 11. VI, 2, 12. IX, 10, 17. Discernuntur ab iis apud Curtium Parthi, regni Parthici ab Arsace conditi incolae. Parthienorum gens, incolentium terras, quas nunc Parthi Scythia profecti tenent IV, 12, 11. At eandem tamen utramque esse gentem Curtius ipse significat hisce: Parthienen, tunc ignobilem gentem, nunc caput omnium, qui post Euphraten et Tigrim amnes siti rubro mari terminantur VI, 2, 12. — Scythae, qui Parthos condidere VI, 2, 14. Alias urbes habuere Macedonum reges, quas nunc habent Parthi V, 7, 9. Caput Mediae urbs haec (Ecbatana) nunc tenent Parthi V, 8, 1.
- Pasargadae v. Persagadae**.
- Pasas** Thessalus X, 8, 15.
- Pasitigris**, Asiae fluvius. Oritur in montibus Uxiorum et Persico mari se insinuat V, 3, 1. 2. Alii tamen scriptores tradunt, extremam Tigridis cum Euphrate coniuncti partem Pasitigrim nominari.
- Patalia**, gens Indiae, IX, 8, 28. Ab aliis insula Pattalene com-  
CURT. RUF.
- memoratur, ad ostia Indi sita, et oppidum Pattala.
- Patron**, dux Graecorum militum Darei, V, 9, 15. V, 11, 1. 3. 4. 7. 8. 9. 12. V, 12, 4. 7.
- Pausanias**, Philippi regis interfecto, VII, 1, 6.
- Pausippus**, Lacedaemoniorum ad Dareum legatus, III, 13, 15.
- Peloponnenses** IV, 13, 29.
- Peloponnesii** III, 9, 8. VII, 4, 31.
- Peloponnesus** III, 1, 1. V, 1, 41. VI, 3, 2.
- Pelusium**, urbs Aegypti, ad orientale Nili ostium (Pelusiacum) sita, IV, 1, 30. IV, 7, 2. 3. Pelusium (i. e. Pelusiaceum) ostium IV, 1, 29.
- Perdiccas**, rex Macedonum, VI, 11, 26.
- Perdiccas** (s. **Perdicca**), unus e praestantissimis praetoribus Alexandri, cui hic moribundus detractum anulum digito tradidit X, 5, 4, atque ita significare visus est, eum optimum esse X, 6, 16. — III, 9, 7. IV, 3, 1. IV, 16, 32. VI, 8, 17. VII, 6, 19. 21. VIII, 1, 45. 48. VIII, 10, 2. VIII, 14, 5. 15. IX, 1, 19. X, 6, 4—9. 17—18. 20. X, 7, 7. 8. 16. 18—21. X, 8, 1—6. 11. 12. 22. 23. X, 9, 7—10. 18. 20. X, 10, 1. 4.
- Perilaus** X, 8, 15.
- Persae**: agminis eorum ordo III, 3, 9 sqq. feminis lanificium contumeliosum V, 2, 19. filii non consident in conspectu matris, nisi quum illa permisit V, 2, 22. imperium per ducentos triginta annos ad summum fastigium evectum IV, 14, 20. detondent comas in luctu X, 5, 17. capital Persis, in sella regis con-

- sedisse VIII, 4, 17. a septem Persis oriundus IV, 12, 8.
- Persagadae** (vel **Pasargadae**), vetus Persidis caput, non procul a Persepoli ad Cyrum fluvium situm, a Cyro rege conditum V, 6, 10. X, 1, 22.
- Persepolis**, caput Persidis et regni Persici, prope Araxen fluvium situm, V, 4, 33. V, 6, 1. IV, 5, 8. regia totius orientis V, 7, 8. eius divitiae V, 6, 2 sqq. diripitur a Macedonibus V, 6, 4 sqq. redit Alexander V, 6, 19. incendit eam V, 7, 5 sqq. arx V, 6, 11.
- Persicum mare** v. **Mare Persicum**.
- Persis**, provincia regni Persici, III, 11, 19. V, 1, 37. V, 2, 16. V, 3, 3. 16. 17. V, 6, 12. VI, 2, 3. opulenta IX, 10, 23. situs V, 4, 4. 5. reges IV, 10, 6. V, 6, 1. eam intrat Alexander V, 3, 17. Cyrus imperium primus in Persidem intulit IV, 14, 24.
- Peucestes** Macedo Aegyptio praeficitur IV, 8, 4.
- Peucestes** (εἰς τῶν ὑπασπιστῶν Diod. XVII, 99.) Alexandro periclitanti supervenit IX, 5, 14. 17. 18.
- Peucolaus**, praetor Alexandri, VII, 10, 10.
- Pharnabazus**, praetor Darei, III, 3, 1. III, 8, 1. IV, 1, 37. IV, 5, 15. 17. 19. 20. eius uxor et filius III, 13, 14.
- Pharos** insula. obiecta Alexandriae (cf. Caesar b. c. III, 112.), IV, 8, 1.
- Phasis**, fluvius Ponti, iuxta oppidum Phasin in Pontum Euxinum influens, VI, 5, 25.
- Phegeus**, rex Indicus, IX, 1, 36. IX, 2, 2.
- Philippus**, Alexandri pater, III, 7, 11. IV, 15, 8. VII, 1, 3. VIII, 1, 20. X, 2, 23. victor Atheniensium III, 10, 7. VIII, 1, 33. eius interfectores IV, 7, 27. IV, 1, 12. VII, 1, 6. Alexander eum ultus est X, 5, 30. eum dedignatur patrem VI, 11, 23. IV, 10, 3. in acie tutior quam in theatro fuit IX, 6, 25. eius hospes Artabazus V, 9, 1. VI, 5, 2. Manapis exul ad Philippum pervenit VI, 4, 25. Philippo genitus Ptolemaeus IX, 8, 22.
- Philippus** Acarnan, medicus Alexandri, III, 6, 1. 4. 9. 14. 17. IV, 6, 17. VI, 10, 34.
- Philippus Arrhidaeus** v. **Arrhidaeus**.
- Philippus Balacri** (filius), praetor Alexandri, IV, 13, 28.
- Philippus**, dux Thessalorum equitum, IV, 13, 29. VI, 6, 35.
- Philippus**, Lysimachi frater, VIII, 2, 35.
- Philippus**, satrapes partis Indiae (Arrian. VI, 2, 3. VI, 15, 2.), ex vulnere interit X, 1, 20. (Arrian. VI, 27, 2.)
- Philotas Augaeus** virtutis causa donatus V, 2, 5. v. **Augaeus**.
- Philotas**, Parmenionis filius, IV, 13, 26. V, 2, 15. V, 4, 20. 30. VI, 6, 19. praeparatas in caput regis insidias biduo tegit VI, 7, 18 sqq. ipse perfidiae suspectus accusatur et occiditur VI, 7, 27. — VI, 11, 40. VII, 1, 1. VIII, 7, 4. VIII, 8, 5.
- Philotas**, praetor Alexandri, regioni circa Tyrum iussus praesidere IV, 5, 9.
- Philotas**: Cilicia ei destinata X, 10, 2. [6, 9.
- Philotas**, ex regia cohorte, VIII,

- Phoenice** IV, 1, 15. IV, 2, 1. IV, 5, 10. VI, 3, 3. Laomedonti datur X, 10, 2.
- Phradates**, praefectus gentis Tapurorum, IV, 12, 9. VI, 4, 24. VI, 5, 21. VIII, 3, 17. occiditur X, 1, 39.
- Phrataphernes** satrapes Alexandro se dedit VI, 4, 23. Hyrcaniam et Mardos cum Tapuris Alexander ei tradit VIII, 3, 17. Parthienorum satrapes IX, 10, 17.
- Phrataphernes**, qui Chorasmiis praeerat, VIII, 1, 8.
- Phryges**, Alexandri milites, IV, 12, 11. homines rustici VI, 11, 4.
- Phrygia**, regio Asiae minoris, III, 1, 11. VI, 3, 3. pluribus vicis quam urbibus frequens III, 1, 11. Phrygiam maiorem Antigonus obtinet X, 10, 2. minorem Leonnatus X, 10, 3.
- Pinarus**, fluvius Ciliciae, prope Issum in sinum Issicum influens, III, 8, 16. 28. III, 12, 27.
- Pisidae**, gens Asiae minoris, VI, 3, 3.
- Pithon**, praetor Alexandri, IX, 8, 16. X, 7, 4. 8. X, 10, 4.
- Platon** Atheniensis V, 7, 12.
- Pnytagoras**, rex Cypriorum, IV, 3, 11.
- Poeni** (i. e. Carthaginienses) IV, 2, 11. IV, 3, 22.
- Polemon** claustra Nili tueri iubetur ab Alexandro IV, 8, 4.
- Polemon**, Andromenis filius, Amyntae et Simmiae frater, VII, 1, 10. VII, 2, 1.
- Pollux** VIII, 5, 8.
- Polydamas** acceptissimus Parmenioni, proximus lateri in acie stare solitus VII, 2, 11. IV, 15, 6. 7. iussu Alexandri Parmenionem occidit VII, 2, 11—27. 29.
- Polypercon**, praetor Alexandri, IV, 13, 7. dux peregrini militis IV, 13, 28. V, 4, 20. 30. VIII, 5, 2. 22. 24. VIII, 11, 1.
- Polystratus** Macedo V, 13, 24.
- Polytimetus**, amnis Sogdianae, VII, 10, 2.
- Ponticum mare** v. **Mare Ponticum**.
- Ponticae gentes** X, 10, 4.
- Porticanus**, rex Indicus, IX, 8, 11. 12.
- Porus**, rex Indiae, VIII, 12, 13. corpus rarae magnitudinis et animus par robori corporis VIII, 13, 7. VIII, 14, 13. pertinacia VIII, 14, 38. ad deditionem eum Alexander nominis sui fama frustra compellere conatur VIII, 13, 2. in ulteriore Hydaspis amnis ripa consedit VIII, 13, 5. 16. 19. 27. pugna commissa ab Alexandro superatur, sed benigne tractatur VIII, 14, 1—46. IX, 1, 7. 8. IX, 2, 5. Porus et Taxiles discordes, sed reconciliatur gratia IX, 3, 22. Pori litterae ad Alexandrum X, 1, 20.
- Praesti**, gens Indiae, IX, 8, 11.
- Prasii**, gens Indiae, ulteriorem ripam Gangis colens, IX, 2, 3.
- Prometheus** VII, 3, 22.
- Ptolemaeus**, Lagi filius, praetor Alexandri, qui postea in Aegypto regnavit IX, 5, 21. Philippo genitus esse credebatur IX, 8, 22. (in libro de rebus gestis Alexandri scripto) gloriae suae non est refragatus IX, 5, 21. retinet Alexandrum interficere volentem Clitum VIII, 1, 45. 48. — VIII, 6, 22. plurimas (in India) urbes, Alexander maximas capit VIII, 10, 21. VIII, 13, 18. 19. VIII, 14, 15. IX, 6, 15. vulneratur IX, 8, 22. 25. populatur Indos IX, 10, 6. 7. non vult successo-



- rem Alexandri eligi X, 6, 13. 16. X, 7, 16. satrapes Aegypti et Africae gentium X, 10, 1. 20.
- Pyramus**, fluvius Asiae minoris, prope Mallum in mare influens, III, 4, 7. III, 7, 5.
- R.**
- Rheomithres**, praetor Darei, III, 11, 10.
- Rhodii** urbem suam portusque dedunt Alexandro IV, 5, 9. queruntur de praesidio IV, 8, 12.
- Rhosaces** (al. **Rhoesaces**) satrapes: manum eius capiti Alexandri imminentem amputat Clitus VIII, 1, 20.
- Ridagnus** (al. **Ridagus**), amnis Parthiae, in quem Ziobettis cadit, VI, 4, 6.
- Romana** mansuetudo IV, 4, 21.
- Romanus** populus X, 9, 3.
- Roxane**, Oxyartis filia, uxor Alexandri, VIII, 4, 23. 25. praegnans X, 6, 9. 13. 21. X, 7, 8.
- Rubrum mare** v. **Mare rubrum**.
- S.**
- Sabarcae**, gens Indiae, IX, 8, 4.
- Sacae**, gens Scythica, Massagetis vicina (hodie Kirghis-Kosaken), V, 9, 5. VII, 4, 6. VII, 9, 17. 19.
- Sagi**, gens vel regio ignota Sogdiana, VIII, 4, 20.
- Samaritae**, incolae Samariae, regionis Palaestinae, IV, 8, 9.
- Samaxus** (al. **Gamaxus**), rex Indorum, VIII, 13, 4.
- Sambus**, rex Indicus, IX, 8, 13. 17.
- Samothracum** initia VIII, 1, 26.
- Sangarius**, fluvius Asiae minoris, in Pontum Euxinum influens, III, 1, 12.
- Sardes**, caput Lydiae, III, 12, 6. V, 1, 44.
- Sarmatae**, gens maxima Europae et Asiae, cuius non finitima, sed pars est Scytharum gens, VII, 7, 3.
- Sataces** (al. **Sabaces**), praetor Aegypti, III, 11, 10. IV, 1, 28.
- Satibarzanes**, satrapes Ariorum, VI, 6, 13. 20. 21. 22. 25. 34. VII, 3, 2. VII, 4, 33. 37.
- Satrapene**, regio ignota Asiae, V, 2, 1. Mutandum fortasse nomen in Sittacene, quae regio est Assyriae.
- Satropates**, equitatus Persarum praefectus, IV, 9, 7. 25.
- Saturno** pueri immolati IV, 3, 23.
- Scenitae**, Aethiopes, IV, 7, 19.
- Scythae**, gens haud procul Thracia sita, Sarmatarum non finitima, sed pars, VII, 7, 3. sedes eorum in Europa et in Asia VI, 2, 13. Asiatici super Bosphorum colunt, Europaei ad Borysphenem atque ad Tanaim attingunt VI, 2, 13. ab Europaeis Scythia Tanais Bactrianos dividit VII, 7, 2. Tanais accolae VI, 6, 13. ultra Tanaim colentes VII, 4, 6. 32. rex Scytharum, cuius ultra Tanaim imperium, VII, 7, 1. Tanais, amnis regionis, quam Scythae Europaei incolunt, VII, 6, 12. Scythae, qui super Bosphorum colunt, VII, 6, 12. VI, 2, 13. VIII, 1, 7. terribiles facies Scytharum IV, 13, 5. proceritas VII, 4, 6. sapientia VII, 8, 10. bellicosissima gens et rapto vivere assueta IV, 6, 3. invicti ante Alexandrum VII, 9, 17. 18. arcus Scythicus X, 1, 31. militant sub Dareo IV, 9, 2. IV, 14, 3. IV, 15, 12. 13. Alexander vetat eos transire Tanaim VII, 6, 12. bellum cum iis gesturus est, dissuadentibus amicis, VII, 6, 5 sqq. Scytharum legati ad eum veniunt

- VII, 8, 8. eorum oratio VII, 8, 12—30. Alexander Tanaim transit Scythasque fugat VII, 9, 2 sqq. Scythae Alexandri milites VIII, 14, 5. IX, 2, 24. 33. Scytharum solitudines VII, 8, 23.
- Scythae Abii** v. **Abii**.
- Scythiae** deserta VII, 3, 19.
- Semiramis** Babylonem condidit V, 1, 24. eius gesta IX, 6, 23. eam et Cyrum Alexander maxime admiratur VII, 6, 20.
- Seuthes** (III.), rex Odrysarum, X, 1, 45.
- Sibi**, gens Indiae, IX, 4, 2.
- Sibyrtius** Cedrosiae praepositus IX, 10, 20.
- Sicilia** VIII, 5, 8.
- Sidon**, urbs Phoenices, vetustate famaue conditorum inclita, IV, 1, 15. IV, 4, 15.
- Sidonii** IV, 1, 16. IV, 4, 15.
- Simmas**, Andromenis filius, VII, 1, 10.
- Sinopenses**, incolae Sinopes, coloniae Graecae in Cappadocia ad Pontum Euxinum sitae: eorum ad Dareum legati VI, 5, 6.
- Siphnus**, insula maris Aegaei, una ex Cycladibus, IV, 1, 37.
- Sisenes** (al. **Sisines**) Perses in exercitu Alexandri III, 7, 11—15.
- Sisocostus** VIII, 11, 24.
- Sisygambis**, mater Darei, III, 3, 22. captiva III, 11, 24. III, 12, 17. 24. non fudit victoriae suorum IV, 15, 10. 11. aspernatur munus Alexandri V, 2, 19. 20. mater ab eo appellatur V, 2, 20. 22. deprecatur eum pro necessario suo V, 3, 14. luget mortem Alexandri et inedia extinguitur X, 5, 19—24.
- Sitalces**, praetor Alexandri, X, 1, 1. [5, 9.]
- Socrates**, Ciliciae satrapes, IV, VII, 8, 8. eorum oratio VII, 8, 12—30. Alexander Tanaim transit Scythasque fugat VII, 9, 2 sqq. Scythae Alexandri milites VIII, 14, 5. IX, 2, 24. 33. Scytharum solitudines VII, 8, 23.
- Sogdiana**, provincia regni Persici, inter Oxum et Iaxarten amnes supra Bactrianam sita, VIII, 1, 35. maiore ex parte deserta VII, 10, 1.
- Sogdiani** III, 2, 9. IV, 5, 5. IV, 12, 7. VII, 4, 5. VII, 5, 1. VII, 8, 21. VII, 10, 4, 10. VIII, 1, 7. X, 10, 4. inter Macedones militant IX, 2, 24.
- Soli**, urbs Ciliciae, III, 7, 2.
- Sopithes** (al. **Sophites**) IX, 1, 24.
- Sopolis**, pater Hermolai, VIII, 7, 2.
- Sostratus**, ex regia cohorte, VIII, 6, 7. 8.
- Sparta** ab Alexandro perdomita VI, 3, 2. VI, 1, 16.
- Spartani** IV, 8, 15. VII, 4, 39.
- Spitamenes** inter omnes amicos praecipuo honore cultus a Besso VII, 5, 19. 22. 36 sq. VII, 6, 14. 24. VII, 7, 31. 33. 38. VII, 9, 20. VIII, 3, 1. 2. 8. 12. 16.
- Stamenes**, satrapes Babyloniae, VIII, 3, 17.
- Stasanor**, Drangarum praefectus, VIII, 3, 17.
- Statira**, filia Darei, IV, 5, 1.
- Strato**, rex Aradi, IV, 1, 6.
- Strato**, rex Sidonis, IV, 1, 16. 26.
- Stymphaei** (vel **Tymphaei**), gens Epirotica, milites in exercitu Alexandri IV, 13, 28. (cf. praefat. p. IX.)
- Styx** fons X, 10, 17.
- Sunium** X, 2, 1.
- Susa**, caput Susiana, provinciae Persicae, iuxta Babyloniam sita, inter ornamenta regni V, 1, 7. adit ea Alexander V, 2, 8 sqq. tradit Archelao V, 2, 16. finitima regio Uxiarum V, 3, 3. V, 6, 9.
- Susiani** (vel **Susii**), incolae Susiana, IV, 12, 6. V, 3, 3. 16.

- Susides pylae**, angustiae inter regionem Uxiorum et Persidem sitae, V, 3, 17.
- Symmachus** VIII, 13, 13.
- Syracusae** IV, 3, 22.
- Syri** IV, 1, 5. IV, 12, 12.
- Syria**, provincia Persica, supra Arabiam sita, III, 8, 12. III, 12, 27. IV, 2, 1. IV, 8, 9. IV, 14, 1. V, 1, 35. V, 13, 11. VI, 3, 3. VII, 8, 8. VII, 10, 12. X, 1, 17. X, 1, 1.
- Syria**, quam Coelen vocant, v. **Coelesyria**.
- Syrtica** gens h. e. gens Syrticam, regionem maritimam Africae septentrionalis, inter utramque Syrtim sitam, incolens, IV, 7, 19.
- Sysimithres** Sogdianus VIII, 2, 19. 27. 28. 32. VIII, 4, 19. 20.
- T.**
- Tabrae**, oppidum Paraetacenes, V, 13, 2.
- Tanais** a Curtio errore a Graecis auctoribus profecto nominatur Iaxartes, fluvius Asiae, Sogdianam a Scythis nomadibus dividens et in mare Caspium influens. Europam et Asiam interfuit VI, 2, 14. VII, 7, 1. 2. 4. IV, 5, 5. VII, 4, 6. VII, 5, 36. VII, 6, 12. 13. 25. VII, 8, 22. 30.
- Tapuri** (al. **Tapyri**), gens Asiae, inter Derbices et Hyrcanos ad mare Caspium colens, VI, 4, 24. 25. VIII, 3, 17. equites in exercitu Darei militant III, 2, 6.
- Tarsos**, urbs Ciliciae, III, 4, 14.
- Tauron** praefectus V, 3, 6. 10. VIII, 14, 15. [VII, 3, 20.
- Taurus**, mons Asiae minoris,
- Taxiles** pater et filius, reges Indiae, VIII, 12, 14. VIII, 13, 5. VIII, 14, 35. 41. IX, 3, 22. X, 1, 20. cf. **Omphis**.
- Tenedos** insula IV, 5, 14.
- Terioltes**, satrapes Parapamisadarum, IX, 8, 9.
- Thais** V, 7, 3.
- Thalestris**, Amazonum regina, VI, 5, 25.
- Theaetetus** Atheniensis V, 5, 17.
- Thebae** Boeotiae, colonia Tyri, IV, 4, 20. earum excidium VIII, 1, 33. [4, 10.
- Thebe**, oppidum Troadis, III,
- Themiscyra**, regio Ponti, VI, 5, 24.
- Theodotus** virtutis causa donatus V, 2, 5.
- Thermodon**, fluvius Ponti, VI, 5, 24.
- Thersippus** legatus Alexandri IV, 1, 15.
- Thessali** equites III, 2, 16. III, 9, 8. III, 11, 13. 14. IV, 13, 29. IV, 16, 5. VI, 6, 35.
- Thimbro**, interfector Harpali, X, 2, 3.
- Thracia** V, 1, 1. VI, 2, 13. VI, 3, 2. VII, 7, 3. IX, 3, 21. IX, 6, 20. X, 1, 45. X, 10, 4. Thraciae saxa III, 10, 6.
- Thracas** rapti vivere assueti III, 10, 9. milites Alexandri leviter armati III, 4, 13. III, 9, 9. IV, 13, 31. V, 1, 41. V, 3, 3. VIII, 14, 24. dux Thracum Eudaemon X, 1, 21.
- Thymodes**, Mentor's filius, III, 3, 1. III, 8, 1. III, 9, 2.
- Tigris**, nobilis fluvius Asiae, ex Armeniae montibus profluit et in sinum Persicum (in rubrum mare, ut Curtius tradit,) se effundit V, 1, 12—15. IV, 9, 6. 7. 8. 14. IV, 10, 8. IV, 14, 15. IV, 16, 7. VI, 2, 12. IX, 2, 13. inter munimenta regni IV, 5, 4. IV, 14, 10. Persica lingua Tigrin sagittam appellant IV, 9, 16.

- Timaeus** Alexandrum defendens cedit IX, 5, 15. 16.
- Timagenes**, rerum scriptor, IX, 5, 21.
- Tiridates** (al. **Tyridates**), custos pecuniae regiae (Darei) Persepoli asservatae, V, 5, 2. V, 6, 11. VIII, 6, 26.
- Tithonus** IV, 8, 3.
- Trapezus**, urbs Ponti Cappadociae, ad Pontum Euxinum sita, X, 10, 3.
- Triballi**, gens Thracica, in Moesia habitans, ab Alexandro subacta VII, 3, 2. IX, 6, 20.
- Tripolis** Phoenices IV, 1, 27.
- Troglodytae**, gens Africae, IV, 7, 18.
- Typhonis** specus III, 4, 10.
- Tyridates** v. **Tiridates**.
- Tyriotes** spado IV, 10, 25 sqq.
- Tyrus**, urbs Phoenices, magnitudine et claritate ante omnes urbes Syriae Phoenicesque memorabilis IV, 2, 2. a continenti quattuor stadiorum fretum dividit IV, 2, 7. condita ab Agenore IV, 4, 19. coloniae eius paene orbe toto diffusae IV, 4, 20. oppugnatur ab Alexandro et septimo mense capitur IV, 2, 1—IV, 4, 19.
- Tyrii** Carthaginem condiderunt IV, 2, 10. haec gens litteras prima aut docuit aut didicit IV, 4, 19.
- U.**
- Unchae** v. **Onchae**.
- Uxii**, gens Susianae, Persarum finibus vicina, V, 3, 16. eorum regio V, 3, 3. montes V, 3, 1.
- V.**
- Veneti**, gens Italiae superioris, ab Henetis trahere originem creduntur III, 1, 22.
- Vergiliarum** (Pleiadum) sidus V, 6, 12.
- X.**
- Xenippa**, regio Sogdianae, Scythiae confinis, VIII, 2, 14.
- Xenophilus** V, 2, 16.
- Xerxes**, rex Persarum, III, 2, 2. III, 10, 8. IV, 1, 11. V, 6, 1. V, 7, 11. VII, 5, 28. X, 6, 14.
- Z.**
- Zariaspes**, nobilis Persa, IX, 10, 19.
- Ziobetis**, fluvius Parthiae, VI, 4, 4—7.
- Zoilus**, praetor Alexandri, VI, 6, 35.
- Zopyrio**, Thraciae praepositus, X, 1, 44.